

17959

續修

東阿縣志

二十六年徵集之書

王占一敬書

民國二十三年十二

月濟南午夜書店印



續修東阿縣志民國東阿縣志總序

吾邑兩志之修一而二二而一者也溯自辛未設局勤編摩者十數旬既而午夜開雕成卷裘者千餘部發凡起例已義蘊之畢宣繼往開來復命名之各當惟闕全書冠冕遺憾尙留屢承遠道咨詢芻言謹獻竊惟前修後繼革故鼎新百年來水賸山殘旁搜匪易兩紀中風馳電掣未艾方興甫值專制運終人念高曾規矩適逢大同義起世開自治軌涂以後律前轅南殊乖夫轍北生今泥古鑿圓詎合乎柄方政教既殊體裁斯別殆陸士衡所云合則兩傷離則雙美者歟然而君輕民貴共和已肇先聲閭式墓封舊德尤光令典當世代推移之際殷父師洪範再陳正龍蛇啓蟄之年唐盧公英風踵起偪前車其未遠接來軫之方適應運生才古今人未始不相及合羣進化先後轍何遽不相通也夫尼聖說夏殷之禮致企於文獻足徵從周遠愚賤之譏深佩乎車書同制故編詩書則典誓風雅審義類之牽連作春秋則中國外夷慎權衡於筆削厥後思來述往史公論次遺文因之斷代成書班氏特開先例惟經史確定乎義法斯邑志早

續修東阿縣志

序

一

濟南芙蓉街午夜書店印

具夫準繩然推極則於武功世異對山時代考通論於文史誰拓章氏規模茲者在局諸公本斲輪之老手運絜矩之匠心遵素聞以審兩端折衆論而衷豈是其續前志也仍彈古調恐廣陵散自此銷沈其修民志也別具新裁俾一行傳於今再廣其間有損有益亦創亦因釐然悉當乎人心卓爾無愧於大雅尤異者儒先配享補填從祀之年崇飾大成首載修文之記譬諸羣峯環列水經特記嶮山方之弱歲縮符車駕常載白首異世同揆信主善以爲師提要鉤元允持論之獨大宜乎評邀月旦謂纂言弗戾於先民從茲里樹風聲期閭邑同由乎大道繼自今經權互用士食古而能通奇正相資俗維新而不詭鑿拔尤於既往南郭生絕迹濫竽驗居上於後來西都賓悔言陋洛斯則當道者崇文之教而任事者染翰之功已僕也素業承家穀城繫籍追趨祖武未繩五善於周咨闡發前光先覩一門之信史愧疇昔磋商邑乘謬馳却聘之箋幸今茲設帳稷門親把校書之袂題辭敦命既并衆口爲一談短引粗成忝弁羣言而居首未敢是丹非素冀免剽說貽譏云爾



民國乙亥三月邑舉人高紹和序

續修東阿縣志

序

一一

濟南芙蓉街午夜書店印



續修東阿縣志序

東阿縣之有志也創修於前明于文定公孟中丞公網羅宏博抉擇精詳洵志乘之楷模爲國人所矜式康熙年間劉公沛先鄭公廷瑾兩次續修厥後嵩陽李公發凡起例又重修至道光己丑燦然大備蔚爲鉅帙迄今物換星移失修者殆百年矣庚午之秋黍蒞茲邑兵燹甫過諸事叢脞幸賴邑人士匡所不逮漸次甯謐迺取舊志伏而讀之時復巡歷鄉區周覽勝蹟訪肅侯之故里展盧公之祠宇左瞻少岱右眄吾山治本穀城地屬桃邱介虛危星野之分鍾河嶽靈秀之氣其間風俗淳樸輿情篤厚士樂紘誦農勤耕織黃石公芳躅高邈陳思王藻采綺合餘韻遺澤猶有存者中更滄桑之變易隱憂典籍之散佚風塵擾擾星霜歷歷哀集無暇謏陋畏譏爰提請聯席決議續設志局聘

聊攝新太夫子總司纂修延闔邑碩學者宿分任襄纂或專採訪或掌校刻殫精畢慮遠詔旁搜凡戶口之繁滋人文之蔚起河道之遷徙兵防之建置以及職官貢舉學校

續修東阿縣志

序

一

濟南芙蓉街午夜書店印

坊表稱引於傳記參證於案牘鈎稽於稗官野史椎搨於蘇碣苔碑丁兩代絕續之交萃全縣沿革之略有徵者覈諸實錄無考者付諸闕疑循築燼於既往俟補綴於將來於以竟李公未竟之緒而上承于孟兩先達徵文考獻之意發潛闡幽協衷共濟昕夕罔勸勞瘁弗辭四閱月審定成編俾得以先規爲快喜見龍門之著深媿驥尾之附授諸劄劂光我篋篋謹敍緣起用誌忻慕至於共和肇造黨國柄政羣羣興革諸大端特創爲民元新志以紀其盛雅不與舊志同凡例也

中華民國二十年歲次辛未孟冬城陽周竹生識於東阿縣政府



續修東阿縣志目錄

卷首

序

姓氏

圖

凡例

卷之一

天文志 星野

卷之二

山水志 黃河考 汶水考

卷之三

兵事志

續修東阿縣志

目錄

卷之四

古蹟志 邱墓 金石

卷之五

田賦志 戶口 地畝 存留 稅課  
人丁 貢賦 耗羨 鹽法

卷之六

學校志 聖賢封號 儒先姓氏 從祀年月

卷之七

祠祀志 大祀廟制 禮儀祭器

卷之八

官師志 知縣 縣丞 主簿 典史 教諭 訓導  
營汛 雜職

卷之九

官蹟志



卷之十

選舉志 徵辟 封贈 進士 武進士 舉人 武舉 勞績 捐納 五貢 屯官 例貢

卷之十一

人物志上 鄉賢 孝友 文學 武功 政績 卓行

卷之十二

人物志下 忠義 僑寓 列女

卷之十三

藝文志上 著述 制誥 奏疏 稟 告示 書 銘 記

卷之十四

藝文志下 序 跋 傳 墓表 贊 歌 詩

卷之十五

祥異志

續修東阿縣志

目錄

一一

濟南芙蓉街午夜書店印

卷之十六

雜記 方伎 叢談



續修東阿縣志職員姓名

總裁

山東省政府民政廳廳長

山東省政府教育廳廳長

監修

署理東阿縣縣長

襄贊

東阿黨務特派員

東阿黨務特派員

東阿縣法院院長

東阿縣法院檢察官

縣政府第一科科長

李樹春 清苑縣人

何思源 荷澤縣人

周竹生 莒縣人

林悅慕 棲霞縣人

劉心澄 魚台縣人

陳鍾奇 宿松縣人

孫秉鈞 聊城縣人

張紹堪 高密縣人

續修東阿縣志

銜名

一

濟南芙蓉街午夜書店印

縣政府第二科科長

總纂

光緒戊子科優貢

分纂

光緒甲午科舉人

光緒庚子辛丑併科舉人

優廩膳生

京師法律學堂畢業副貢生

東阿建設局長

東阿教育局長

東阿財政局長

馬際虞 紹興縣人

靳維熙 聊城縣人

張允符 邑人

鄭天章 邑人

劉象鼎 邑人

郭慶福 邑人

黃世恩 邑人

姜虞廷 邑人

許崇乾 邑人

校對



優廩膳生

繕寫

省立第二中學畢業  
師範講習所畢業

第一區採訪員

東阿縣民衆教育館館長

泰安省立師範畢業

山東陸軍第七旅軍事學校畢業

山東公立農業專門畢業

山東大學畢業

山東省立第二師範畢業

山東省立第三師範畢業

續修東阿縣志

銜名

山東省立第三師範畢業

區區長

前區區長

前區區長

前區區長

前教育局長

優廩生

庠生

庠生

濟南師範畢業

山東省立第三師範學校畢業

第二區採訪員

劉象鼎 邑人

秦毓身 邑人

崔慎五 邑人

王占一 邑人

魏占魁 邑人

許崇巽 邑人

任玉桂 邑人

楊立達 邑人

王在璣 邑人

楊廣燦 邑人

李傳武 邑人

謝駿臣 邑人

閻逢壯 邑人

劉潤樸 邑人

姜正範 邑人

劉蔚堂 邑人

盧蘭坡 邑人

閻殿辰 邑人

許逢登 邑人

楊希聖 邑人

咸恩澤 邑人



續修東阿縣志

銜名

三

濟南芙蓉街午夜書店印

區	前	前	前	庠	泰
區	區	區	區	安	安
長	長	長	長	中	中
長	長	長	長	學	學
長	長	長	長	畢	畢
業	業	業	業	業	業

第三區探訪員

區	前	前	庠	庠
區	區	區	區	區
長	長	長	長	長
長	長	長	長	長
生	生	生	生	生

王東生	李學程	李中田	火鳳誥	龐子敬	吳以善
邑	邑	邑	邑	邑	邑
人	人	人	人	人	人

中學畢業

劉衍愷

人

第四區探訪員

區	前	歲	庠	賈	侯	太
區	區	貢	鄉	莊	官	學
長	長	生	生	長	長	長
長	長	生	生	長	長	長
業	業	業	業	業	業	業

黃子幹	秦本正	楊芝圃	刁憲章	楊子賢	周茂柱	孫書田
邑	邑	邑	邑	邑	邑	邑
人	人	人	人	人	人	人

人



續修東阿縣志凡例

- 一邑志爲道光九年李前縣令彙三舊志爲一家言而重修者體裁精當考覈詳明迄今垂爲信史此次定名續修續李志也先民是程竊比之意如此
- 一天文星野率多附會前志博引繁徵亦未折衷一是茲據苦羊志及新通志圖說合採之以俟識者
- 一方域子目有八近數十年來無大變遷移易謹如其舊不再複錄
- 一山水自黃河穿運而運道壞變遷爲多因專列河防一門詳紀其事
- 一兵事前志不載近自咸豐初年髮捻幅匪相繼擾亂城郭爲墟鄉民抗義捐驅者達千有餘人誠未有之浩劫也特紀之以見天災人禍之酷
- 一古蹟前志已載近數十年間闕焉即金石亦無新發現者茲復訪得三四種並前志未詳考者重輯之以餉嗜古之士
- 一建置如城池衙署橋梁數十年無大工作有新建築者擬於修民志時詳載之

續修東阿縣志

凡例

一

濟南芙蓉街午夜書店印

- 一田賦戶口歲有增減款項數目一遵遞年賦役全書詳載如例
- 一學校前志於聖賢封號儒先姓氏俱未登載殊抱遺憾茲據他本謹將姓名籍貫及從祀年月備爲詳載以符定制

一祠祀俱如前志惟光緒三十二年十二月升

至聖先師孔子爲大祀廟制崇隆禮儀明備特略誌之以光盛典

- 一官師姓名籍貫年月均按次遞增有官績者分別立傳惟縣丞典史營汛檔案無稽用付闕如

- 一選舉文武進士舉人暨五貢等職均依次載列有搜採不及而遺佚者只得從略
- 一人物近數十年來賢才蔚起不乏傳人均如前志分別立傳其有庸行克謹抗義捐軀者亦彙紀之以勵流俗

- 一列女經採訪冊報及自錄送者爲數至繁人數既多先後有無重複及遺漏者雖細加鈎稽仍或不免恕之



一藝文前志搜探頗富此次徵求未廣其著述詔敕奏疏序傳各以類從惟擬以孔廟碑記列前賦詩列後餘如前志

一祥異之事世所恆有仍如前志類載若干條以昭勸戒

一雜記所載多異聞瑣事而無義類之可附者茲彙載若干首仍前志例也

一此次續修邑志爲期不過四月時既迫促書籍卷宗又鮮所依據疏略謬陋均無可辭識者諒之


續修東阿縣志

凡例

一一

濟南芙蓉街午夜書店印





續修東阿縣志卷之一

天文志

星野

二十六年徵集之書

舊志于文定公序曰世之論國域者往往以百里之墟上合星躔予甚惑焉夫以一州之中而有國一國之中而有邑其於星躔之度數大小固懸殊也又引春秋傳曰在列國謂之分野在九州謂之星土僧一行曰星之與土其精氣相屬而不係於方隅其說爲近前志師其意而釋星野博引繁稱非同泛而無執而牽合附會不免互有異同若兩漢天文志地理志之所載列唐宋天文志地理志之所引徵有明天文志謂東阿陽穀平陰三縣皆須女虛危分者究其宿度之或贏或絀推步之或增或減要亦莫衷一是惟苦羊山志曰東阿居危宿之次入危九度與十度之交與新通志輿圖所稱星分元枵之次者合參之其說有足徵焉因並載之以俟觀者續星野

續修東阿縣志

卷之一 天文

一

濟南芙蓉街午夜書店印

東阿居危宿之次入危九度與十度之交按唐宋天文志地里圖經齊分元枵之次元枵所屬自女宿二度起女宿入元枵十度半又虛宿占十度入危宿危宿入枵十度止共得二十九度半東阿在齊西南盡境故當入九度與十度之交

苦羊志

東阿星分元枵之次直危宿 緯度北極出地三十六度一十七分三十秒距舊京師即今北平卯酉綫南三度三十七分三十秒 經度距舊京師子午中綫偏西三分廣五十五里縱九十里

新通志



續修東阿縣志卷之二

河防志

黃河考

舊志紀黃河名曰故道蓋道先紀年以前黃河正溜在南雖時而北決旋復堵塞故阿境常無黃水之害咸豐以後蘭陽決口黃流入東自濮范注張秋穿運由大清河入海而東阿之河患亟矣從前黃一北決而旋復歸南者因穿運阻漕不得不大力挽回以暢漕渠之蘭陽決口當髮捻猖獗軍務倥偬之時未暇議堵黃河遂爲山東大患阿邑亦永墜沈災焉今日治水既當以防黃爲急務此次續志自應以河道爲正宗况運道既廢濟瀆又並於黃即小鹽大清二河亦與黃合流入海無所考見矣然則就咸豐以後之河道言之必統計通漕之時與廢運以後其間河流變遷與夫一切治河之策博採而備錄之使負治河之責者得取前人成法以弭後日水患茲特詳稽案牘自黃河入東以來凡見諸 諭旨奏議及紳民

續修東阿縣志

卷之二 河防

濟南芙蓉街午夜書店印

稟請者臚紀於左作黃河考

咸豐五年六月河南蘭陽汎銅瓦廂三堡河決水由直隸東明長垣開州山東濮州范縣至張秋匯流穿運歸大清河入海銅瓦廂者明景泰四年所開之渠以引黃入衛者也先是原武連年水患戶部主事鍾成奏請疏浚始塞沙灣決口更作九堰八閘以利水勢復於開封荊隆口銅瓦廂開渠二十里引河東北入運宏治八年都御史劉大夏築黃陵岡又築長堤於荊隆口東西各二百餘里黃陵岡東西亦二百餘里入運諸決口同時並塞故河不北行大抵黃河古道既湮其入海之程約分南北北趨於匡濮南趨於曹單逮徐淮淤墊河循舊道北匯大清河復入於濟是謂今之河道此全河形勢之一大變也是年八月山東巡撫崇恩奏查蘭陽漫口雖分注三省而東省受害獨重水由曹濮歸大清河入海經歷五府二十餘州縣漫口一日不堵則民田廬舍一日不能涸復臣於黃流初溢之時亦慮及軍需浩繁大工實難猝辦亟宜於本境別籌分洩之路稍紓目前之患等因疏上



諭張亮基抵東後汝再與之熟籌不可預存成見又

諭河督李鈞現因軍務未竣籌餉維艱蘭陽大工不得不暫議緩行口門以下各廳堤埽以及東境張秋鎮穿運處所補堤挑河各工若查係必不可緩者着設法籌款次第辦理不可因大工緩堵之議稍涉大意

七年六月齊河縣知縣蔣士潢以齊河境內除大清河之外尚有溫聰趙牛倪倫三河自南而北毗處其間爲夏秋洩水之所而大清河起於魚山西隔張秋鎮運河四十餘里一片平漫自上年蘭陽河溢黃水灌注曹郡之水散漫無歸平陰長清之十二連窪灌入溫聰趙牛倪倫三河加以魚山以東大清河河北岸夏家口黃家溝于莊三處漫口之水均各出槽魚山北流之水直達齊禹長清地勢尤爲平曠請於張秋至魚山一帶築長堤四十餘里自是數年張秋以東自魚山至利津海口地方官勸民築埝逐年補救民地可耕漸能復業

同治二年巡撫閣敬銘奏黃水漲發曹州府屬之荷澤定陶等處田廬人畜半入巨浸

### 續修東阿縣志

卷之二 河防

一一

濟南芙蓉街午夜書店印

以致金鄉東阿東平等處田禾亦多浸灌已飭多撥民夫擇要堵築並令僱備船筏救渡災黎妥爲安撫十二月署河督譚廷襄奏自蘭陽決口經行數十州縣張秋以上地勢平衍本無收束張秋以下循順歸槽又苦於狹不能容水大仍復旁溢沿河州縣或欲培築堤埝或欲疏濬支河然即使勉力修防而狹不能容民工又未必堅固仍恐難免潰決欲求下游之永奠必須開支渠以減漲水而後工有可施因查附近大清河有徒駭馬頰二河皆禹時行水故道將此二河設法疏濬再將各處決口逐一堵合則大清河下游可無患矣至於張秋以上若能相地築堤束水自是一勞永逸之法第自蘭陽口門下達東阿魚山計長四百餘里工繁費巨當此官民交困力量實有不及爲今之計似應先將開濬兩州之金隄趕緊堵築擇要先修逐漸布置此大清河上游之當先經畫者也得 旨所奏統籌黃河現形地勢擬請濬支渠以減漲水培土埝以衛民田自是實在情形著趁此冬春水小將可以施工之處分投興辦以資保衛

十年八月黃水異漲河決鄆城侯家林水由沮河民埝漫入南旺湖又由汶上嘉祥濟



甯之趙王牛頭等河直趨東南入南陽湖水勢散漫巡撫丁寶楨奏黃水自衝決趙王河頻年溜勢日趨東南北岸向北奔注本年正月會勘張秋築堤因沮河爲運河屏蔽請將沮河頭八里河七里鋪王家垓等處築做埽壩圈堰以保運道八月秋汛盛漲竟於七里鋪以南之侯家林衝成分溜決口漫水下流溢入湖河關係運道必須急堵而上下游民埵不足以資捍禦應就東岸相度地勢改築官堤分汛修守始免疏虞次年正月興工二月合龍

十一年趙王河東岸張家支門決口南半入濟北半入沮九月喬松年奏黃河泛濫運河淤墊擬先堵黃河旁決之霍家橋及其餘各缺口使水勢專注張秋一處並於兩岸置堤自中間有關運道之處施工上下游暫行緩辦北自開濮交界之舊堤起接築至解家山止南自張家支門起接築至馬山頭止兩堤合計一百七十八里爲束黃蓄清之計其張秋以北運河即借黃濟運若有流弊再用引衛濟運之策 諭丁寶楨文彬詳議具奏不得固執已見丁寶楨以築堤束黃恐濟運仍無把握論復准徐故道以維

### 續修東阿縣志

卷之二 河防

三

濟南芙蓉街午夜書店印

大局請 敕下在廷諸臣從長計議恭候施行疏下廷臣會議

十二年命直隸總督李鴻章妥籌辦法尋覆奏准徐故道勢難挽復且於漕運無甚裨益臣查大清河原寬不過十餘丈今自東阿魚山下至利津河道已刷寬半里餘冬春水涸尙深二三丈奔騰迅疾水行地中此時治河之法不外古人因水所在增立堤防一語查北岸張秋以上至開州境二百餘里有古金堤可恃爲固張秋以下抵利津海口八百餘里岸高水深應由山東撫臣隨時飭將原有民堰保護加培南岸自安山下抵利津多傍泰山之麓誠爲天然屏障請 飭河臣就近察勘量築堤埵與東省曹州之堤銜接俾資周防而期順軌得 旨所奏頗爲詳盡河流趨重山東自應增立堤防著丁寶楨酌量形勢將張秋利津一帶民埵加培堅固丁寶楨尋奏張秋以西上游水面太寬年來溜勢在南惟有於近水築堤冀汎水仍注安山一帶藉以濟運兼保全完善民地

是年秋直隸東明石莊戶決口黃河南趨東阿境內不受水害者二三年至光緒元年



三月濇澤賈莊大工合龍石莊戶口門斷流河溜仍歸舊道下注張秋阿邑民田廬舍受災如故矣

光緒六年河決孫家馬頭正溜趨十里堡張秋運河南壩頭外八里廟沙灣一帶淤爲平地漕船無路入運東撫檄運同張上達會同東昌府知府程繩武籌辦復於史家橋下游之陶城鋪另開新運挑河十二里抵阿城鎮與舊運河通七年正月經始四月竣事

十一年東撫陳士杰飭築大堤

一名遙堤一名金堤

東阿境內自孟家堤口下至郭家口縣巨八

十餘里於陶城鋪運河大堤穿插之處建石閘以時啓閉是年掛劍臺東南一帶已有臨黃民堰伏秋兩汎水漲民堰先潰灌至掛劍臺東新堤水到即開迤東苦山于家莊新築大堤連決數口阿邑北境灌淹殆盡近堤民舍多遷移堤上

十二年春各處決口一律堵合歷年以來加培高厚條河兩岸栽植柳樹人工既修堤防亦漸即鞏固焉

## 續修東阿縣志

卷之二 河防

### 四

濟南芙蓉街午夜書店印

至於境內民埝自陶城鋪南張家莊以上數里外即入壽張境五里白洋馬頰河雙合等村所築之埝係與地勢毗連之壽張陽穀東平四縣合辦當時四邑紳民懇請南紳嚴義士助款協修自陶城鋪護運格堤接築上至孫家口莊臨黃官堤止長約三十餘里陶城鋪以北民埝自運河東岸起下至滑口止約長七十餘里此段雖間有開決然自添築石工後得保無虞者十餘年有成效矣若上段則梁集一帶偶有失守尙可堵築惟上濮游開濮等處每一潰決水勢建瓴而下灌淹范壽陽阿各境盡爲澤國水無出路仍從張莊之北挾民埝以洩入黃河然出路不暢來源甚猛災區民房倒塌無遺勢使然也

十三年八月河南鄭州十堡石橋河決溜趨東南自豫而皖山東黃水斷流東撫張曜奏請乘時規復南河故道格於部議不行次年鄭工合龍黃河復歸東境吾邑又爲澤國矣

十四年河臣張上達議築格堤以護運河從新河壩頭起至五里營莊東與大堤接是



後來灘之內水道益窄上游一經失事而其中數百村莊民田廬舍冲刷殆盡人民流離幾無雞犬之聲初猶於秋後水涸時挑深張莊口門以洩積水而種宿麥冀幸來歲之生活孰料浩劫難盡又有屯水接運之事

二十年東昌府知府洪用舟兼管北運河工因漕船回空黃運不接夾灘以內民田積水嚴禁宣洩留待漕船回南時從張秋城南抉大隄放水入舊運河由阿城灌入陶城舖新河以濟漕運之急查河臣挖河歲費帑金數萬而蒙蔽塘塞不肯濬深乃霸佔民田屯水接運使億萬災黎秋麥兩空於是一帶村莊閭無人煙鴻雁哀飛誰爲勞來而安集之哉

二十一年十月末旬東昌府洪用舟抉堤放水接運水勢過大冲壞護堤埽頭氾濫堤北一帶麥苗淹沒無算適逢東撫李秉衡巡河驗災案臨該地附近紳民呼籲載道李撫責令洪用舟出資賠補淹沒麥苗以懲前愆而邑人鄭學安復稟懇李撫請用五空橋廢開舊石就抉堤放水處所建修涵洞具閘板以備啓閉李撫批准來春動工三月

### 續修東阿縣志

卷之二 河防

### 五

濟南芙蓉街午夜書店印

竣事是後接運無險民田亦有裨益可謂用力少而成功多矣

二十四年黃水漲發異常浩大阿境下段王家坡民埝決口不數日香山大隄漫溢邑北田廬俱敝波及聊在在一片汪洋至冬春水涸民埝大堤次第堵合又於民埝堵口之處添築石護沿俾抗急溜自後下段石埝永無失事是役也邑紳刁玉堂之力居多焉是年陶城舖以上至掛劍臺大堤亦幾致潰決官民搶護僅而未漫是後復加培高厚徧砌磚石上游來水可保無虞若民埝則屢堵屢潰不能防禦固由地連數境合築長埝勢難齊整抑埝基長則險工多一處失守全局皆潰之故耳

二十七年漕河既廢前時屯水濟運之害可除阿邑各村公議堵築張莊口門補修臨黃民埝

三十三年夏直隸孟居莊決口水勢下注范壽平阿一帶復從張莊漫埝入黃隔年未能堵塞刷成河勢吾阿地居下游水患倍烈因值庚子之亂未暇治河至宣統二年孟居莊決口始行堵閉



宣統元年十二月邑人高紹和鄭天章約同壽張賈朝聘東平王玉蘊及范縣濮州受災之人聯名具請願書由東省諮議局通過撫院孫寶琦咨直督陳夔龍催堵孟居莊決口至二年四月直工合龍紹和等復具書諮議局請堵張莊口門以防倒漾修築梁家集險工石護沿以遏頂衝疏濬張秋至臨清舊運河開原有放水涵洞洩連窪雨水以通商舶而顧民田五月孫寶琦飭河工中游提調龔積柄會同東阿縣知縣成楨北岸中游河防營營官徐正誠省議員邑人張允符及具書人高紹和等並諭催東阿各村首事官民協堵張莊口門斫伐附堤柳枝以備椿料勒期動工一方災民出夫搶堤踴躍爭先竭子來之誠慰拯溺之願不及兩旬堵工合龍所謂說以使民忘其勞者歟詎知天定勝人劫數未盡大雨淋漓連窪下注新築埝工根基未固水勢陡發沖決數丈然猶廂盤壩頭擬俟水消復堵加培高厚而上游臨黃連決數口五六日間水與北大堤平格堤坍塌幾致不守而民埝更不可爲矣

### 汶河考

## 續修東阿縣志

卷之二 河防

六

濟南芙蓉街午夜書店印

阿邑水道黃河之外尙有狼溪汶水二河狼溪視前志所載未有變遷不復贅惟汶水尾閘與濟水合流入阿邑西南隅北行三十里始入黃河查舊志載汶水變遷皆因運道今運道既廢此水關係在農民則爲大患在商業止有小補旁搜泰安東平各志汶水發源及其經過並歷敘本境近數十年來實在情形彙輯於篇用備興利除弊者之採擇焉

汶水稱名不一大汶其經流也發源於萊蕪縣之原山其餘尙有五汶曰石汶曰牟汶曰瀛汶曰北汶曰柴汶石汶源出泰山東北天井灣南流經故縣西至岳河入大汶下流合牟汶牟汶水出萊蕪境湖眼蓮花等泉曲折入於瀛汶由此而入北汶柴汶發源不一下流皆會肥城沙河至道溝

舊志謂至安民亭入於濟者即此

入東平境抵戴村壩折而北行與大

清河會其徑流屈而西南至汶上縣南旺湖分流入於運河此汶水合運之一派也其由戴村壩以北之一支則逕東平城至朱家屯入東阿境北行三十里至龐家口入於黃河

此前之大即清河也

此三十里間東岸附近有屯村舖棘城舊縣寨子尹村等村西岸有陰



柳班鳩店堂子王什萬臘山西汪茂王子路等村西岸距山脈俱不遠黃河上游又在  
其西每年伏秋大汛黃水漲發山泉奔湊汶河之水異常浩大西岸民田盡爲澤國周  
圍四十餘里俗謂坡海屯水旣久遂產魚類及菱角秋禾屢被淹沒飢民恆取以爲食  
及汎過水落而入黃河口門淤高洩水不淨窪下之田種麥恆至愆期附近災民亦嘗  
接山築堰然每至潰決又或挑濬口門而次年復淤數十年來迄無善策惟船戶及漁  
業尙可餬口而常爲農夫者困矣



續修東阿縣志卷之三

兵事錄

先王耀德不觀兵格頑舞羽解慍揮絃尙矣阿以彈丸小邑接鄒魯賢聖之區相尙儒雅沐國家太平之化不識戰爭然值萬國蠱起羣雄虎視所以執干戈而衛社稷者更自別有在焉行軍滅竈孫子洗適衛之羞進履授書留侯雪亡韓之恥阿鄆之間穀山之下得無有聞風興起者乎而邑雖蕞爾東南負山西北據河又自古必爭之地也志兵事

春秋

齊襄公二十一年鄭瞞伐齊齊王子成父獲其弟榮瞞埋其首於周首之北門註周首齊邑濟北穀城縣

東北有周首亭

僖公二十有六年春王正月齊人侵我西鄙公追齊師至鄆弗及註曰濟北穀城縣西有地名鄆下東漢郡國志

謂之傷下聚

續修東阿縣志

卷之三 兵事

一

濟南芙蓉街午夜書店印

二十六年冬公以楚師代齊取穀置桓公子雍於穀易牙奉之以爲魯援

戰國

趙成侯九年趙與齊戰阿下又宋康公攻阿屠單父

周赧王三十一年樂毅伐齊令左軍循河屯阿鄆之間以迎魏師

秦二世元年秦將章邯破齊王田儵儵弟榮收餘衆走保東阿邯追圍之武信君項梁聞田榮之急乃引兵擊破章邯兵東阿下章邯走而西

漢

漢五年高帝追項王至固陵韓彭不會乃用張良計劃睢陽以北至穀城與彭越見項羽本傳

羽本傳

光武時龐萌反自號東平王圍桃城急帝輕兵夜馳破桃邱寇即今桃城鋪也見苦羊志

黃巾起縣丞王度反應之燒倉庫縣令踰城走吏民負老幼東奔渠邱山程昱設計擊

破東阿得全見程昱傳



獻帝興平元年曹操爲兗州刺史南攻陶謙留荀彧程昱守鄆城會陳宮張邈叛操迎呂布入濮陽兗州郡縣皆應呂布惟鄆范東阿不動詳程昱傳

### 東晉

孝武太元十一年初燕太子洗馬溫詳來奔以爲濟北太守屯東阿燕主垂范陽王德高陽王隆攻之詳遣其弟攀守河南岸子楷守碭璈以拒之燕主垂觀兵河上高陽王隆曰溫詳之徒皆白面書生烏合爲羣徒長河以自固若大軍濟河必望旗震駭不待戰也垂從之遣其將蘭汗平幼於碭璈西四十里濟河隆以大衆鎮於北岸攀楷果走趨東阿平幼追擊大破之詳走彭城其衆三萬餘戶皆降於燕垂以太原王楷爲兗州刺史使鎮東阿

穆帝升平三年晉泰山太守司馬攸將水陸一萬擊燕入自石門屯於濟河燕主垂庸王評帥步騎五萬與攸戰於東阿攸兵大敗

### 南北朝

## 續修東阿縣志

卷之三 兵事

二

濟南芙蓉街午夜書店印

南宋高祖永初三年北魏分道入寇使其將周畿叔孫建南渡河軍於碭璈宋兗州刺史徐琰棄尹卯南走於是泰山高平金鄉等郡皆入於魏尹卯見方域志  
元嘉八年檀道濟與後魏戰於碭璈山置有關城城南有三土堆即唱籌量沙處也  
景平元年魏攻青州檀道濟救之分遣王仲德向尹卯未至而返魏將刁雍遂留鎮尹卯招集譙梁彭沛民五千餘家置二十七城以領之

### 唐

憲宗元和十三年魏博節度使田宏正請自黎陽渡河會義成節度使李光源討李師道以裴度義宏正將全師自楊劉渡河距鄆州四十里築壘賊中大震

昭宗乾甯元年二月朱全忠自將擊朱瑄軍於魚山瑄與朱瑾合兵攻之兗鄆兵大敗死者萬餘

乾甯三年四月李克用攻魏博朱全忠使其將葛從周救之克用敗走從周自洹水濟河屯於楊劉渡



後梁

太神乾化元年二月晉王李克用攻魏州上以戶部尙書李天雄爲節度副使命杜廷隱將兵千人衛之自楊劉濟河間道夜入魏州

貞明元年魏博軍亂降晉晉王入魏州梁遣天平節度使牛存節將兵屯楊劉備晉

貞明三年十二月晉王伐梁敗於朝城視河冰已堅引騎稍渡梁甲士三千戍楊劉緣河數十里列柵相望晉王急攻皆陷之進圍楊劉城使步兵斬其鹿角負葦填塹四面進攻即日拔之梁主方如洛陽郊祀聞楊劉失守惶駭失圖遂罷郊祀奔還大梁

貞明四年二月梁河陽節度使謝彥章將兵數萬攻楊劉城晉王自魏州輕騎詣河上彥章築壘自固決河水瀰浸數里以限晉兵晉兵不得進六月晉王自魏州勞兵於楊劉自泛舟測河量其深淺晉王謂諸將曰彥章非有戰意欲阻水以老我師當涉水攻之引親軍先涉諸軍隨之搴甲橫鎗結陣而進梁兵大敗死傷不可勝紀河水爲之赤彥章僅以身免

續修東阿縣志

卷之三 兵事

三

濟南芙蓉街午夜書店印

後唐

莊宗同光二年遣李嗣源將精兵五千襲取鄆州比至楊劉日已暮陰雨道阻將士皆不欲進高行周曰此天贊我也彼必無備夜渡河至城下鄆人不知遂克鄆州梁主聞之大懼以王彥章爲北面招討使彥章浮河東下以十萬之衆進攻楊劉百道俱進晝夜不息連巨艦九艘橫至河津以絕援兵城垂陷者數四鎮使李周悉力拒之彥章不能克退屯城南爲連營以守之楊劉告急於帝請日行百里以赴之帝引兵救之曰李周在內何憂日行六十里不廢田獵六月至楊劉與梁人晝夜苦戰彥章解楊劉圍以去

明

天啓二年之夏白蓮妖賊徐鴻儒招集亡命數千人倡亂東南五月十二日鄆城失陷將以焚劫張秋扼截運道至十月十三日鴻儒始就擒餘黨悉散

崇禎辛巳仲冬十六日之夜梁山寇李青山列其衆分攻壽張鄆城等處東平張秋同



日失守青山初一屠狗兒先是有王七者逼於三年之旱哨聚作劫青山附之鼠竊後遂陷東平張秋掠漕粟數萬壽鄆幾不守幸裨將傅食戰於梁山之野賊衆披靡青山僅以身免閱月而獲之沂費間獻俘於闕下

清

先是明崇禎中壽張縣有丁維岳者號丁明吾充本縣步弓手有膽氣以平李青山功加以官銜授之劄符及闖逆犯順遂自稱副總府建大纛列棨戟戰士盈門國朝初定函夏經營四方維岳雖跋扈一隅未敢動也而署壽張道任某將以申奏索維岳金維岳憤憾且畏捕因結連湖賊周魁軒以叛隨破壽張攻張秋適有兗州府知府陳公某以查皇木過張秋與工部分司梁公署捕河通判事兗州府儒學教授蔡公協謀率民兵平之

乾隆三十九年壽張人王倫作亂蔓延張秋鎮一帶知縣周士玉於城南北水口築壩積水爲守禦計縣境得以無虞

### 續修東阿縣志

卷之三 兵事

四

濟南芙蓉街午夜書店印

咸豐四年二月髮逆李開方撲張秋鎮知縣何傳興帶練勇五百餘人拒守於大髻青峯兩山之間禦賊東進賊衝突三晝夜無隙可乘折回西竄因率衆追出張秋鎮而縣境以安

咸豐十有一年二月初四日皖省捻逆任柱由東平州之戴家廟地方搶渡運河闌入縣境城南諸村無不竄擾民團迎擊堵禦竭力捐軀死傷相繼且其時西賊又起盤踞張秋阿城七級等處數月之久連日分股擾害縣西關山等處與近河龐家口一帶尤其肆意出入之地團勇協力防禦節次與賊接仗統計陣亡勇丁凡三百六名

莘縣人王全重以教門聚衆勾引數千人將謀作亂分紅巾黃巾教門三項頭色旣而紅巾黃巾併爲一家手執大旗各股各分色樣以趙倫成爲僞黃巾總元帥王興安爲僞副元帥又以高占玉劉萬芬劉丕監劉丕茂傅秉春分領其事每千餘人爲一隊到處勒索酒飯馬匹裹脅壯丁鄉民不敢與爭任聽搜羅搶掠竄擾陽穀壽張等處縣境震動知縣吳樹聲飭令村民辦團防備於是秦奎東爲銅城村團長沈立安爲賈莊村



團長張文衡爲曹官村團長張海陽爲青冷口村團長張廣韶爲南劉官村團長婁鳳舞爲南婁村團長劉文爲苦山村團長房魁英爲魚山村團長即以諸團歸魁英節制邑西南諸村團長則有周光碧繆會文田錫之劉家貞馬伯棟等三月十三日賊匪竄入陽穀境之阿城鎮迤西地方房魁英率諸團數千人次於阿城鎮之海會寺以次子嘉謨從時賊匪擾亂運河西團勇屯扎運河東鵝蚌相持未敢先發嘉謨素驍勇率百餘人赴之小挫而還魁英欲斬之嘉謨大言曰勁敵當前奈何誅壯士恐吾鄉之不得安枕也魁英大怒曰豎子失吾軍機尙敢如此驕橫哉因拔劍逐之嘉謨逃入僧寺中時海會寺監院僧雅堂遠近知名見魁英提劍至力爲排解嘉謨得以無事不數日嘉謨又以單騎瞰賊壘賊以數十衆出與之戰佯北嘉謨馳之不覺闖入大營賊衆圍之數重因獲之擁以見僞元帥趙倫成倫成望見大喜曰真壯士哉下階握手與語曰汝其勉之異日當爲吾樊噲嘉謨不爲動於是倫成意不懌拂衣登堂呼衆擁嘉謨至階下命之跪嘉謨不少屈屹然立倫成大怒使杖之杖數百嘉謨夷然於是拘留之使僞

### 續修東阿縣志

卷之三 兵事

### 五

濟南芙蓉街午夜書店印

西路總兵于三牢虎監之牢虎素知嘉謨名甚慕之潛以酒食相款凡數日嘉謨因受杖猶不起牢虎負以出送至三十里外嘉謨始得脫當是時團屯阿城鎮猶未發圍陽穀境之胡家樓甚急來請救諸團長皆曰胡家樓去此不滿三十里若以銳師加之一戰以解其圍則運河不防而無敢踰也房魁英曰吾衆新合未經一戰倘戰而不勝則銳氣挫而守亦難固不如稍待之以乘其疲衆固請行於是使諸團長以二千人赴之二十六日戰於胡家樓之東坡始合戰少利賊退却半里許團勇進逼之適有大股從西北方來直搗我軍後軍心大危周光碧見勢不支以所部團勇迎擊之賊股小却因捍衆圍東歸以與援軍會胡家樓圍竟不解明日諸團長與魁英議方欲再出聞捻逆復至縣境闌入河南河東於是諸團長爲臨河扼守以靜家門計轉旆而東而紅巾賊遂得以蔓延七級進踞阿城鎮夏五月賊分數股前襲縣境劉家集地方因以佔據設立賊館二處知縣吳令札諭房魁英使禦之魁英使嘉謨行於是嘉謨糾合衆團數千人於六月初一日前往兜勦該匪聚衆抗拒團勇開放鎗炮斃賊三十餘人受傷者不



計其數匪勢不支紛紛逃竄團勇乘勢追至劉家集將賊館平毀殺餘匪數名初六日賊復大至僞黃旂總元帥趙倫成與僞副元帥王興安挾其謀士胡萬睿率馬步萬餘人從七級渡河遶苦山兩山之後直逼魚山而來將以入虎穴而得虎子也房魁英集諸團禦之以嘉謨爲前鋒戰於梨園莊三官廟前嘉謨大呼陷陣縱橫馳驟奈賊陣有如鐵壁堅持不移魁英見之色然而駭誓於衆曰今賊如此大舉幾如岳軍難撼將以覆我巢穴汝輩不力戰吾鄉區無噍類矣衆皆感泣奮激而前無不以一當百血戰二時自午至申又以火器轟之而捍賊猶銜枚接上隊隊不絕適賊陣後遶出轎車一乘有黃纛前導魁英望見示於衆曰此黃旂元帥趙倫成也急擊之無失而鉛丸已盡遂以銅錢置炮中備藥轟之車中人應響立斃於是賊陣大潰嘉謨率衆追之掩殺十餘里至苦山而止獲其馬匹鎗炮無算諸團解而歸是役也戰既捷諸團長置酒相賀曰今而知西匪之不復東至矣乃月之十八日西匪別股撲縣城西北之南劉官村抵張家坊團長張廣韶文生張玉芹相與謀曰近來賊頗善戰吾輩無輕舉宜檄魚山團合

### 續修東阿縣志

卷之三 兵事

### 六

濟南芙蓉街午夜書店印

擊之團勇奮臂曰寇無多聚而殲旃易事也何必以功與人因赴之戰於莊之東北坡曲家莊前始合團陣小却廣韶見勢危躍馬直前身先作率玉芹繼之於是團勇旅進戰二時許賊匪大敗廣韶等縱馬追之適有團隊自西方颯風驟至疑爲賊之接應即收隊轉轡而南賊反而乘之廣韶玉芹皆死焉月之二十一日其他股又犯張秋一路周光碧率衆堵防因而不得東下自莘匪猖亂蹂躪壽陽二境者幾遍而縣城晏然曾不得以一矢相加遺雖限於黃河一帶之流亦微諸團之力不及此也秋七月巡撫譚飭副都統西以馬隊進參將常以步隊進協同諸團斬高占玉劉萬芬劉丕監劉丕茂傅秉春生擒僞黃旂總元帥趙倫成僞副元帥王興安事平諸團長生者皆有獎賞死者皆有優卹而于三牢虎亦得不死

西匪竄擾張秋等處勢甚猖獗西團潰散知縣吳令會同署張秋通判沈飭炭市村團長馬伯棟等督率勇丁進勦馬伯棟奮不顧身屢挫兇鋒連日接仗斬賊多名張秋一帶賴以少安



八月初四日南捻裝作民團由濮州關外過河約有萬餘人馬三千匹分作四旂白旂董道平綠旂趙守明藍旂李殿臣花旗楊八計將分旗竄擾於是縣尊吳飭各團防備閭境戒嚴

九月十四日鄆鉅會匪分竄壽陽界所十六日夜半向東南竄去從縣境之田家堤口窟窿石直撲張秋鎮又集大小船艘數十計揚帆直向張秋之南壩頭以作聲援賊勢頗盛縣境團長六品軍功黃建業文生呂相林武生鹿永泉等率團勇數千人趨張秋堵勦賊出合戰團勇戰不利因大潰散隊北逸鎮東北二里許有葦坑計數畝團勇逃竄其中賊乘勢掩殺死者九十三名建業相林永泉皆與焉賊遂踞張秋鎮將該鎮未築完圍牆缺口盡行安放樹株棗刺意在久踞巡撫譚飭令署總兵郝上庠等督兵進勦九月二十四日該總兵率同守備李鵬霄等分兵扼要害選勇爬城該匪開炮抗拒勇奮力直前滾滾復上登陣立將守城賊殲斃復經通判沈沆等督同團練把總周鳴鶴等合力擊奪獲火炮鳥鎗刀矛旗幟多件生擒賊匪二十九名次日賊匪出城抵拒

### 續修東阿縣志

卷之三 兵事

七

濟南芙蓉街午夜書店印

我軍四面攻擊轟斃多名落水斃者不計其數遂復張秋鎮

同治元年王心安兵變約四五千人抵黃河沿河龐家口等莊婦女老弱相率臨於河干五月十二日變兵大至紛紛投河河水幾擁次日從大清河東渡而南村莊財物席捲一空所過廬舍半爲灰燼兵燹之苦蓋爲近今所僅見云

宋景師堂邑小屯人善拳技賣藝爲生成豐季年嘯聚爲羣盜招集數千人搶掠隣境勢窮降於僧忠親王後復叛官軍擊却之九月率衆數百人由舊城村渡河而東遠城南竄後不知其所終

同治二年三月二十八日捻逆楊彭齡由曹屬率衆東下依陽穀東偏越運河竄擾縣境之西兩三和雙廟等村直抵銅城驛大肆搶掠而去四月十五日賊復至兩次居民遇害者近千人曹匪以大股赴關山時山寨新築苦無鎗炮居民多以灌園爲業於是搜園莊輓轆凡百餘取輓頭置之堞間賊望之疑爲炮不敢逼近既而終不一發賊疑其僞於是排隊蟻附爲仰攻計寨中有打牲土槍十餘枝穿之輓轆頭中以擊之連斃



數人賊遂遁去

同治六年夏五月粵寇賴汶洸糾合捻逆自楚豫竄東境知縣周毓南奉檄督團協防運河駐東平境之戴家廟十一日夜賊衆搶渡河牆失守周君率團勇千人迎擊天明至三里莊賊蟻附周君猝中洋銃以死團長庠生劉鴻賓監生張大爲等勇丁張獻周君家丁費麟等同沒於陣後皆奉 旨優卹

光緒十有三年嵩武軍駐防張秋鎮分哨赴十里堡挑挖運河役頗勞而糧餉又有不給於是有怨望意相約以叛夏四月十六日夜間挖河軍自焚營壘喊聲大作馳歸張秋將邀全軍俱叛駐防軍負約堅閉營門不出於是互相攻擊炮響震天居民大駭比至黎明張秋軍屹不動叛軍無所爲計遂依金堤西南遁去及營弁馳追之則鳥散獸逸而莫知所之云

光緒三十有二年冬十月曹屬匪陳姓綽號土地爺糾合黨與千餘計分數股盤踞東平之司里山山去縣治之境僅數里許西注茂王豆山諸村爲其出入往來之地或隱

### 續修東阿縣志

卷之三 兵事

八

濟南芙蓉街午夜書店印

夜捉人錮之暗室迫其以金自贖或白晝率衆赴村莊爲將劫掠攻擊狀懾恐以出其貨攫金殆數萬計縱橫一方莫敢誰何居民大駭牛酒之獻道路間絡繹不絕冀有以餒之以緩其吞噬之毒其別股又踰鹽河東下經縣治舊縣村直入東平北界至大羊莊大肆搶掠焚燒民房無算因折而西北屯聚於縣治之密頭洪範村間其去縣城者十里許城門爲之不啓凡數日始委蛇西去以與司里合股知縣林令請於上憲發長備軍分屯駐防羣匪乃漸次遠颺云



續修東阿縣志卷之四

古蹟志

阿爲古之名邑勝地名流餘風未歇年湮代遠遺跡猶存誠以地以人重未可湮沒也前志所載若柯邑小穀之城讀書掛劍之臺管仲龐涓之井倉頡子路之居高柴孟姜之墓尙書賓客之坊彰矣舊志無金石一門道光九年志廣事搜輯得十有餘種然亦祇博徵其名而未詳載其實也及今佚而不存者又復數種此次續修於前志所未詳者補之於採訪而新得者細加釐正有原文者錄之庶幾守殘補闕未始非好古者一得之助也續古蹟

邱墓

國朝

湖廣總督追贈尙書諡文忠周天爵墓

在清河鄉孟家垓西偏

續修東阿縣志

卷之四 古蹟

一 濟南芙蓉街午夜書店印

戶部主事河南候補知府王善澤墓

在姚家寨鄉小街子莊外

度支部左丞陳宗燧墓

在青苔鄉青苔鋪莊前

金石

唐天寶造像石塔

舊名鎮城塔原在縣署東大街壽聖寺內後改爲城守汛署復售作民宅此塔遂於民國八年移置縣署東花廳下有蓮花盆座今不存現方石座上有正德癸酉秋八月吉旦僧會道恩同濟南商人宋泰建二十一字

按石塔龕內正中一佛坐像左右二佛俱立像

龕門外左右各一佛俱立像

龕門外上方中一佛坐像左一佛騎象右一佛跨虎略上正佛兩旁又各一佛俱作



側臥像

再上層前面中一佛坐像左右各一佛立像 左題口口徐日慶供養佈 右題何口口供養佛時 略外左右又各一佛跪像

左面三佛俱立像略外左右各一佛立像作捧扶狀 左題李天德供養佛時 右題口口供養佛時

右面三佛俱立像偏右一佛立像作捧扶狀

後面三佛俱立像

又龕下層前後左右四面各三佛俱坐像前面有字三行一行有比丘尼四恩五字 餘不辨左面有殷承光造佛一鋪七字

龕後刻佛頂尊勝陀羅尼經咒端楷秀潤字尙完好

龕左刻維大唐天寶五載歲次丙戌十二月朔戊申二十六日癸酉比丘尼修善敬造石塔一所上爲天皇天后下爲師僧父母往生法界下缺

續修東阿縣志

卷之四 古蹟

二

濟南芙蓉街午夜書店印

唐阿彌陀佛經幢

原石不知在何處有云在少岱山觀音大士閣前者今移縣署東花廳與石塔對峙焉

按經幢六面第一面佛居極巔重臺跌坐下刻佛說阿彌陀經每面五行前十三四行漫漶不可讀中十二三行八九完好未三四行殘缺大半字極謹嚴峻整用筆在裴柳之間惜剝落太甚年月亦無考

唐吳道子畫觀音大士石像

石在少岱山碧霞宮西偏白衣閣內北壁上係明邑人秦泰令長子時由署內衙神廟掘井得之任滿載以俱歸奉於家祠康熙年間知縣張楷始移於此構小閣以奉之詳見前志雜綴

濟州穀城黃石公祠記

篆額 碑陽

黃石公祠記

篆書 記文載前志藝文







一座獻上

黃石仙公本廟充供養弟中道妹三娘男嗣宗鐵生女大娘六娘十娘姪嗣服嗣隆小  
黑兒牙兒迫娘以保闔門清吉子孫昌盛宋大觀元年正月十五日謹上 匠人樂白  
在祠正殿前與長方石香爐前後峙上蓮花瓣式下六棱石作三足每足作字二行  
大小不等共九十七字前志未載全文茲補錄之

黃石公廟之碑 篆額

黃石公廟之碑銘 并序 碑銘載藝文志

朝奉郎行各司諫直史館知鄆州軍州兼管內河堤事騎都尉賜緋袋姚鉉撰文

前進士沛國朱九德書并題額

大宋咸平五年四月十四日已卯建 張斌董守新刻石碑陰題名  
大名少尹黃震威卿大理評事耿恪君承  
考試東平大名等路進士還敬謁

### 續修東阿縣志

卷之四 古蹟

四

濟南芙蓉街午夜書店印

靈祠泰和壬戌十月二十三日格題

須城簿穆舜賓 東阿尉李士寅奉

使命祈禱雨澤 皇祐四年三月二十二日題

丙戌年十月二十九日題

東平監郡舒舜臣董寇龐日宣

口口轉運侍御史張慰題

已卯年八月二十九日周按鄂

壬申年七月四日哀子李東之與

縣令張球尉劉日新同謁

晦日鄒永年天錫遊

政和癸巳仲春三月

右碑在廟大門內東偏西向碑額六字篆書碑身除篆額六字外高五尺廣二尺四



寸標題及碑文共十九行每行三十六字隸書字徑六七分碑陰題名共十三行字體真草不一年月亦前後失次似非一時所題茲並載之

天平觀碑記 詹維高撰 記載入藝文志

洞玄弘化敷教大師法師前贛州路道判廣信龍虎山晚褐 大元皇慶元年

按此碑記由採訪冊抄稿送局字體行款俱未載明茲姑錄碑記入藝文餘俟考尼僧口口道增墓塔記

在黃石廟東二里塔高丈許共五級有圓如礎者有八棱者有蓮花盆式者最下一石有四六句記文一四言偈十六句爲明嘉靖癸亥孟夏吉日巡按直隸監察御史博平豐臺丘中學撰記偈俱載藝文



續修東阿縣志卷之五

田賦志

田賦之制由來舊矣而煩苛之政寓焉我

朝深仁厚澤休養斯民薄賦輕徭紓其供億懲有明數百年弊政誠如前志所云以丁歸地無力役之征以地計租無不經之目者也復以前明之賦出於田者俱以一條鞭之法行之意美法良推行盡利此次續修仍按前志於戶口人丁之數則遞增於地畝漕糧則按光緒年間檔案分條提敘於所徵銀成數暨貢賦耗羨徵解存留之確數詳載之以備參考其鹽法稅課取諸商賈者亦以類書焉若驛遞馬政舖舍兵防光緒季年俱經裁撤不復贅載續田賦

戶口

戶四萬五千四百九十八  
口二十七萬九百三十九

續修東阿縣志

卷之五 田賦

一

濟南芙蓉街午夜書店印

謹按戶口歲有增益每年仲春查報憲司彙奏此係宣統元年冊報之數查戶部則例直省人丁以康熙五十年丁冊之數定爲常額續生人丁永不加賦

人丁

完賦人丁一萬三千一百二十六

查省志所載東阿人丁光緒三十二年實數係八萬九千一百四十九附註以備查考

地畝

查舊志所載地畝共分十二種一不分等則一例徵糧地二荒田地三額外荒田地四查報陞科民糧地五馬場租地六運河灘籽粒地七鹽河葦蒲灘地八鹽河灘籽粒地九賃基房地十學田地十一租蕨地十二藉田地其藉田地例不徵銀租蕨地舊經全荒亦不徵銀二種與貢賦無涉茲不復贅其餘十種以道光九年舊志成熟地分條提敘再查明光緒年間豁除若干畝現下實存若干畝並各地徵銀成數備



列於左以俟後之留心田賦者考焉

不分等則一例徵糧地 舊志成熟七千八百八十頃八十七畝八釐四毫 除光緒六七

黃河堤佔地畝奉文除地二百八十四頃八十二畝八分三釐 又光緒七年奉文挑挖運河佔過五頃八十五畝九分一釐四毫 又光緒十年原修大堤奉文除地十三頃七十九畝八分七釐

實在成熟地七千五百七十六頃三十八畝四分七釐 每畝徵正供雜辦並九釐卅衣等銀二分八釐七毫四忽三纖八沙

三廬一渺五漢徵米七合九勺四抄三撮七圭七粟九顯徵麥四抄一撮二圭六粟一顯

荒田地 舊志成熟二百三十五頃九十畝八分三釐四毫 除光緒六年坊場地畝奉文除地六頃九十六畝二分一釐

又光緒十年奉文原修大堤佔過除地一分七釐 實在成熟地二百二十八頃九十四畝四分五釐四毫 每畝徵銀三分

分三

額外荒田地 舊志成熟二百五十二頃三十二畝一釐六毫 每畝徵銀三分

查報陞科民糧地 五頃八畝七釐五毫三絲 每畝徵銀三分

以上二條光緒年間無更動

馬場租地 二頃六十六畝三分一釐 除光緒六年坊場地畝奉文除地二十一畝四分 實在成熟地二頃四十

### 續修東阿縣志

卷之五 田賦

一一

濟南芙蓉街午夜書店印

四畝九分一釐 每畝徵銀四分九絲一忽三微八纖

運河灘籽粒地 舊志成熟三頃六十二畝七分一釐一毫六絲五忽八微 光緒六年沿河坊場並十

年大堤原佔奉文除地三頃四十一畝八分七釐 實在成熟地二十一畝八分四釐一毫六絲五忽八微 每畝徵銀五分

鹽河葦蒲灘地 舊志成熟六頃三十二畝五分 每畝徵銀五分 此條光緒年間無更動

鹽河灘籽粒地 舊志成熟三頃三十二畝五分五釐二毫 除光緒六年坊場地奉文除地一頃四十六畝五分四釐

實在籽粒地一頃八十六畝一釐二毫 每畝全熟徵銀四分

賃基房地 共五等頭等三十八間 每間徵銀二錢 二等四十間半 每間徵銀一錢五分 三等九十三間半

每間徵銀一錢 四等六十四間 每間徵銀五分 五等四十一間 每間徵銀三分

按五等賃基房坐落炭市村運河兩岸堤上賃開店舖房屋嗣後運道已廢店房亦毀而所徵之銀猶列諸貢賦額中故於舊志雖無變更仍備載賃基每間應徵各銀數以符貢賦定額

學田地 共三等一等一畝六分五釐 每畝徵租銀二錢 二等五十七畝八分五釐 每畝徵租銀一錢 三



等三十一畝光緒六年除坍場地十五畝實在三等地一十五畝一分六釐每畝徵租銀八分四等一十六畝一釐除坍場三畝實在四等地一十二畝一釐每畝徵租銀五分

### 貢賦

查舊志所載貢賦共十一種一種爲人丁額賦其餘十種即前所列徵銀各地也自道光九年以後成熟地畝有減無增其應徵之銀亦有減無增茲據光緒年間豁除地糧外實在畝數及各項應徵銀數分條提敘於左以備查考

- 一人丁額賦銀 一千三百十二兩六錢
- 二一例徵糧銀 二萬一千八百七兩六錢六分七釐四絲四忽三微七纖
- 三荒地地徵銀 六百八十六兩八錢三分六毫二絲
- 四額外荒田銀 七百五十六兩九錢六分八絲
- 五陞科民糧銀 十五兩二錢四分二釐
- 六馬場租地銀 九兩八錢二分七毫三絲六忽

## 續修東阿縣志

卷之五 田賦

三

濟南芙蓉街午夜書店印

- 七運河灘徵銀 一兩九分二釐八絲二忽九微
- 八鹽河葦灘銀 三十一兩六錢二分五釐
- 九鹽河籽粒銀 七兩四錢四分四毫八絲
- 十賃基房徵銀 二十七兩四錢五分五釐
- 十一學田地銀 七兩九錢七分八釐四毫

右人丁地畝共徵銀二萬四千六百六十四兩七錢一分四毫四絲三忽二微七纖  
麥三十一石二斗六升九勺一抄三撮四圭五粟六顆二粒 在敬陳東省徵收夏麥之弊等事案內奉文自雍正八年爲始內本色麥石改徵米石米六千一十八石五斗九合三勺一抄六撮三粟二顆七粒外

一本色阿膠於康熙八年奉文依照時價徵解減去銀一錢

一爲請議歸併漕截等事案內以康熙十一年爲始在於漕糧項下每正米百石加潤耗銀五兩米五石共加銀一百九十六兩七錢一分六釐六絲四忽米一百九



十六石七斗一升六合六抄四撮

一爲祿折額數無幾等事案內於康熙二十六年奉文起運本色麥米改折銀兩統歸地丁併徵分解今查本縣本色麥內應除本色起運麥一十六石九斗九升七合八勺五抄三撮七圭一粟八顆五粒每石折銀一兩一錢該折銀一十八兩六錢九分七釐六毫三絲九忽九纖三塵五渺本色米內應除起運本色米一百六石四斗八升三合三勺五撮二圭五粟九顆每石折銀八錢該折銀八十五兩一錢八分六釐六毫四絲四忽二微七沙二塵

一爲欽遵悉心等事案內奉文自康熙四十二年爲始班匠攤入地畝項下徵收二十四兩七錢五分

以上除增減相抵外實增銀三百二十五兩二錢五分三毫四絲七忽二微九纖七沙五塵五渺

一爲敬陳管見事案內奉文通省應徵丁銀自雍正四年爲始攤入地銀內徵收查

### 續修東阿縣志

卷之五 田賦

四

濟南芙蓉街午夜書店印

本縣應攤人丁銀二千六百七十一兩七錢七分三釐一毫八絲三忽一微三纖三沙一渺九漠八溟內除歷佔地畝奉文豁免人丁銀一分九釐一毫七絲九忽九纖又乾隆十二年挑挖小鹽河佔地奉文豁免人丁銀四錢五分五釐五毫七絲六忽二微六纖又光緒六七十等年新修大堤並沿河坍塌堤佔等三案內奉文豁免人丁銀一百八兩一錢六分八釐六毫三絲六忽一纖實應攤徵人丁銀二千五百六十三兩一錢二分九釐七毫九絲一忽七微七纖三沙一渺九漠八溟較之額徵丁銀一千三百十二兩六錢實加增人丁銀一千二百五十五兩五錢二分九釐七毫九絲一忽七微七纖三沙一渺九漠八溟

連前共實徵銀二萬六千二百四十四兩四錢九分四釐五毫八絲二忽三微三纖五塵六渺九漠八溟麥改米十四石二斗六升三合五抄九撮七圭三粟七顆七絲米六千一百八石七斗四升二合七抄四撮七圭七粟三顆七粒

起運項下 布政司專轄



起運地丁銀一萬六千九百二十三兩八錢六釐除光緒六十七等年奉文實在起運地

丁銀一萬六千九兩七錢四分七釐又本色項下供用庫芝蔴三十四石四分七釐脚價銀二錢

七分六釐 供用庫黃蠟二百二十三觔每觔微銀一錢五分五釐共微銀三十四兩五錢六分五釐脚

價銀一兩七錢八分 京庫地畝棉花絨三十四觔十兩二錢三釐七毫每觔微銀七分共微銀二兩四

錢二分五釐 鋪墊銀三錢四分七釐脚價銀一分九釐 阿膠二觔八兩每觔微銀一錢六分共折微

銀四錢包裹紙價銀一錢一分八釐 狐狸皮十六張八分六釐八毫五絲三忽一微九纖每張價銀四

錢三分共微銀七兩二錢五分四釐脚價銀五分八釐 牛角弓面一

副八分二釐四毫五絲五忽五微六纖共微銀一兩二錢七分七釐

右起運項下共銀一萬六千九百二十三兩七錢一分三釐每年祭祀 關帝廟銀三十

兩 文昌廟銀二十兩買馬糧簽銀三百五十八兩五錢一分於起運銀內坐支

廩生廩糧米八十石開除米三石九實在廩糧米七十六石九斗八合八勺奉文留作兵

米之用係支給東昌 營兵之項

起運折色脚價銀二十三兩九錢四分一釐

歷科舉人車價銀一兩二錢六分四釐

漕糧督漕道 專轄

### 續修東阿縣志

卷之五 田賦

五

濟南芙蓉街午夜書店印

兌運借運本色正耗米五千一百十五石五斗四升六合三勺除光緒六十七等年三案奉

石六斗四升 四合九勺實在本色正耗米四千九百十七石九斗一合四勺文豁免正耗米一百九十七

輕費銀三百二十七兩三錢九分五釐除光緒六十七等年奉文實在銀三百十四兩七

錢四分六釐

蓆草銀三十四兩六錢九分四釐除光緒六十七等年三案奉文實在銀三十三兩三錢五

分三釐

盤費銀二百十九兩一錢二分除光緒六十七等年三案奉文實在銀二百一十兩六錢五

分四釐

潤耗銀二百四兩六錢二分二釐除光緒六十七等年奉文實在銀一百九十六兩七錢

一分六釐

潤耗米二百四石六斗二升一合九勺除光緒六十七等年奉文實在米一百九十六

石七斗一升六合一勺



右漕糧項下共銀七百五十五兩四錢六分九釐共米五千一百十四石六斗一升七合五勺

倉糧 督糧道專轄

德州倉本色正耗米八百八十七石四斗七升六合二勺 除光緒六七十等年豁免米三十四石二斗八升八合八勺 實在米八百五十三石一斗八升七合四勺

蓆草銀七兩七錢四釐 除光緒六七十等年豁免銀二錢九分八釐 實在銀七兩四錢六釐

腳價銀九十九兩三錢四分四釐 除光緒六七十等年豁免銀三兩八錢三分八釐 實在銀九十五兩五錢六釐

盤費銀四十八兩六錢五分九釐 除光緒六七十等年豁免銀一兩八錢八分 實在銀四十六兩七錢七分九釐

右倉糧項下共銀一百四十九兩六錢九分一釐

學租錢糧 報解學院仍造報布政司核銷

學田租銀九兩三錢二分八釐 除光緒六年坍塌奉文豁免銀一兩三錢五分 實在銀七兩九錢七分八釐

續修東阿縣志

卷之五 田賦

六

濟南芙蓉街午夜書店印

河道錢糧 運河道專轄

河道夫食銀二千二百七十九兩二錢一分四釐 除光緒六七十等年奉文豁免銀八十六兩七錢七分四釐 實在銀二千一百九十二兩四錢四分 內撈淺舖夫停役銀六百七十九兩六錢一分 夏鎮河夫停役銀七

兩夫見役協濟東平州安山開新河口開汶上縣寺前舖開共夫四十五名工食銀四百九兩一分四釐 撈淺舖夫見役本縣地方五十八名半工食銀五百九十九兩七錢九分八釐 開夫撈淺舖夫椿草銀

一百七十四兩 籽粒地銀一百六十二兩八錢 存留項下 八分三釐 貨基銀二十七兩四錢五分五釐

官俸役食銀一千三百九十二兩八錢六分九釐麥改米十五石五斗一升九合四勺

開除麥改米一石二斗五升六合三勺 實在麥改米十四石二斗六升三合一勺米七十石八斗八升六勺

開除米三石三斗 實在米六十七石五斗四升二合一勺 內本縣知縣一員俸銀二十九兩二錢五分九釐 門子二名工食銀十一兩

二錢一分 皂隸十三名工食銀七十二兩八錢六分五釐 件作三名工食銀二十六兩八錢一分五釐 馬快八名工食銀一百二十五兩五錢七分五釐民壯三十五名工食銀二百八十八兩

二名工食銀八十九兩六錢八分 轎傘扇夫七名工食銀三十九兩二錢三分五釐 庫子四名工食銀二十二兩四錢二分 斗級四名工食銀二十二兩四錢二分 縣丞一員俸銀四兩 門子一名工食銀五兩六錢五分 皂隸四名工食銀五兩六錢五分 典史

一員俸銀三十一兩五錢二分 門子一名工食銀五兩六錢五分 皂隸四名工食銀五兩六錢五分 典史二名工食銀三十七兩二錢 膳夫二名工食銀十三兩七錢七分八釐 教諭一員共俸銀八十四兩八錢八

二分 馬夫一名工食銀五兩六錢五分 儒學訓導一員又復設教諭一員共俸銀八十四兩八錢八分 工食銀三十七兩二錢 膳夫二名工食銀十三兩七錢七分八釐



分 遞舖司兵五十六名工食銀三百七十七兩一錢五分二釐 孤貧三十名口歲支月糧冬  
衣花布銀二十一兩六錢 麥改米十五石五斗一升九合四勺 米七十石分斗八升六勺

藉田地收穫穀三石內除致祭各壇廟動用穀一石五斗五升實剩穀一石四斗五升存儲縣倉俟奉文解司

### 附耗羨

額征地丁正銀二萬六千二百四十四兩四錢九分五釐內除河灘籽粒地銀六十七兩六錢一分二釐學租銀七兩九錢八釐例不加耗實徵一四耗銀三千六百六十三兩八分七釐分解司道

按唐宋時凡輸將銀米正額之外皆量為納耗元明以來有耗鈔羨銀是也從前地方官自行收用自雍正年間歸公額定各官養廉公用以及起解錢糧解脚等費俱從此取給餘銀解貯 藩庫按年造冊報部核銷與正項錢糧并重

### 稅課

稅課向無定額今載現年造報各項數目以見歷年大概當稅宣統三年共徵稅銀一百兩

課程宣統三年共徵銀一百九十四兩四錢六分

田房契稅儘徵儘解

## 續修東阿縣志

卷之五 田賦

七

濟南芙蓉街午夜書店印

### 鹽法

本縣額引四千六百八十四道 共徵課銀一千二百四十七兩九錢五分五釐

道光五年例價每觔制錢二十一文

咸豐中年增三文每觔制錢二十四文

光緒季年鹽觔奉文加價每觔加制錢二文續加制錢四文



續修東阿縣志卷之六

學校志

前志載

聖廟學制廟學基址甚詳暨崇聖名宦鄉賢祠所祀各賢達之名位亦備載無遺而獨於

正殿兩廡所祀賢聖儒先各神牌位次闕而不書蓋查省府州縣之志例間亦有不載者然非禮也茲從陵縣聊城學校志內敬將

正殿之四配十二哲兩廡之先賢先儒姓名位次暨

崇聖祠供奉 先聖五代神位與夫配享各名位一一載列觀是編者庶尊師重道之意有以感發而興起焉惟於光緒二十七年停武科並童試三十一年停科舉及歲科試並教諭訓導兩學官亦先後裁撤而廟學蕩然矣續志學校

先師廟供奉各神位次

續修東阿縣志

卷之六 學校

一

濟南芙蓉街午夜書店印

大成殿正位南向

至聖先師孔子

殿中東位西面四配

復聖顏子 諱回字子淵魯人

述聖子思子 諱伋字子思孔子孫

殿中西位東面

宗聖曾子 諱參字子輿魯人

亞聖孟子 諱軻字子與一字子車戰國時鄒人

殿內東旁西面

先賢閔子損 字子騫魯人

先賢冉子雍 字仲弓伯牛之宗族

先賢端木子賜 字子貢衛人



先賢仲子由 字子路一字季路卞人

先賢卜子商 字子夏衛人

先賢有子若 字子若一字子有魯人

殿內西旁東面

先賢冉子耕 字伯牛魯人

先賢宰子予 字子我魯人

先賢冉子求 字子有仲弓之宗族

先賢言子偃 字子游吳人

先賢顓孫子師 字子張陳人宋時升十哲

先賢朱子熹 字元晦一字仲晦婺源人宋淳祐元年從祀康熙五十一年升附十哲之次

東廡從祀先賢 同治二年六月禮部奏准

公孫僑 鄭人咸豐七年從祀

續修東阿縣志

卷之六 學校

一一

濟南芙蓉街午夜書店印

林放 字子邱魯人明嘉靖九年改祀於鄉雍正二年復祀

原憲 字子思魯人後隱於衛

南宮适 字子容一名縉又名南宮閱魯人監敬叔懿子弟

商瞿 字子木魯人

漆雕開 字子開魯人家語云字子若蔡人

司馬耕 字子牛宋人

梁鱣 字叔魯齊人

冉孺 字子魯家語云字子魚魯人

伯虔 字子哲家語云字子楷魯人

冉季 字子產一字子達魯人

漆雕徒父 字子有家語云漆雕從字子文

漆雕哆 字子歛魯人



公西赤 字子華魯人

任不齊 字子選楚人

公良孺 字子正家語作公良儒陳人

公肩定 字子中魯人一曰衛人肩作堅中作仲

鄒單 字子家魯人

罕父黑 字子索家語罕作宰字黑魯人

榮旂 字子祺一作子祈魯人

左人郢 字行家語云左郢字子行魯人

鄭國 字子徒家語云薛邦字子從一作子徒魯人

原亢 字藉家語云原桃字子藉魯人

廉潔 字庸衛人家語云廉絜字子曹

叔仲會 字子期一作仲叔會魯人

### 續修東阿縣志

卷之六 學校

三

濟南芙蓉街午夜書店印

公西與如 字子上家語云公西與魯人

邾巽 字子斂家語作選字子飲

陳亢 字子亢一字子禽陳人

琴張 家語云琴牢字子開一字子張衛人

步叔乘 字子車齊人

秦非 字子之魯人

顏喴 字子聲魯人

顏何 字冉一字稱魯人明嘉靖九年罷祀雍正二年復祀

縣亶 字子象或疑同鄒單是一人明嘉靖九年罷祀雍正二年復祀

牧皮 力牧之後雍正二年進從祀

樂正克 周人孟子弟子雍正二年進從祀

萬章 齊人孟子弟子雍正二年進從祀



周敦頤 字茂叔號濂溪宋道州人

程顥 字伯淳號明道先生宋河南人

邵雍 字堯夫諡康節宋河南人

周程邵三人舊稱先儒明崇禎十五年俱改稱先賢升祔孔孟弟子後

東廡從祀先儒

公羊高 齊人傳春秋

伏勝 漢濟南人傳尚書世稱伏生

毛亨 魯人同治二年從祀

孔安國 字子國孔子十一世孫漢時人傳古文尚書

后蒼 字近君漢東海郟人傳曲臺禮

鄭玄 字康成漢北海高密人明嘉靖中罷祀雍正二年復祀

趙岐 字邵卿漢京兆長陵人光緒三十四年從祀

### 續修東阿縣志

卷之六 學校

四

濟南芙蓉街午夜書店印

范甯 字武子晉人居丹陽明嘉靖中罷祀雍正二年復祀

陸贄 字敬輿唐嘉興人諡宣道光六年增祀

范仲淹 字希文宋吳縣人諡文正

歐陽修 字永叔宋廬陵人諡文忠

司馬光 字君實宋夏縣涑水鄉人諡文正

謝良佐 宋進士道光二十九年從祀

羅從彥 字仲素宋南劍州人學者稱豫章先生

李綱 咸豐元年從祀

張栻 字敬夫宋綿竹人世稱南軒先生

陸九淵 字子靜宋金溪人世稱象山先生

陳淳 字安卿宋漳州龍溪人世稱北溪先生雍正二二年進從祀

真德秀 字景元宋浦城人世稱西山先生



何基 字子恭 宋金華人 雍正二年進從祀

游酢 光緒十八年從祀

文天祥 字文山 宋廬陵人 道光二十五年從祀

趙復 字仁甫 元安德人 雍正二年進從祀

金履祥 字吉父 元蘭溪人 雍正二年進從祀

陳澧 字可久 元江西都昌人 注禮記 雍正二年進從祀

劉因 字夢吉 元保定容城人 光緒三十四年從祀

方孝孺 明海甯人 同治二年從祀

薛瑄 字德溫 明河津人 謚文清

胡居仁 字叔心 號敬齋 明餘干人 萬曆十二年從祀

羅欽順 字允升 明泰和人 雍正二年增祀

呂柟 號涇野 明高陵人 同治二年從祀

### 續修東阿縣志

卷之六 學校

五

濟南芙蓉街午夜書店印

劉宗周 字起東 明山陰人 道光二年從祀

孫奇逢 字鍾元 直隸容城人 道光八年從祀

張履祥 字考夫 桐鄉人 同治十年從祀

黃宗羲 字太沖 浙江餘姚人 光緒三十四年從祀

陸隴其 字稼書 浙江平湖人 謚清獻 雍正二年從祀

張伯行 字孝先 河南儀封人 光緒二年從祀

王夫之 字而農 號薑齋 湖南衡陽人 光緒三十四年從祀

#### 西廡從祀先賢

蘧瑗 字伯玉 衛人 明嘉靖九年改祀於鄉 雍正二年復祀

澹臺滅明 字子羽 魯武城人

宓不齊 字子賤 魯人

公冶長 字子長 齊人家語云魯人



公哲哀

字季次齊人哲或哲哀或作克家語作季沈

高柴

字子羔又作子皋齊人

樊須

字子遲魯人

商澤

字子季家語云子秀魯人

巫馬施

字子旗家語云巫馬期字子期陳人

顏辛

字子柳魯人

曹卹

字子循蔡人

公孫龍

字子石家語作公學龍

秦商

字子丕魯人家語字不慈

顏高

字子驕家語作顏剋魯人剋一作剋

壤駟赤

字子徒家語云壤駟赤字子從秦人

石作蜀

字子明家語作石之蜀秦之成紀人

續修東阿縣志

卷之六 學校

六

濟南芙蓉街午夜書店印

公夏首

字乘家語云公夏守字子乘魯人

后處

字子里家語作石處字里之魯人

奚容蒧

字子哲家語作奚蒧字子偕魯人

顏祖

字襄家語作顏襄字子襄魯人

句井疆

字子疆衛人

秦祖

字子南秦人

縣成

字子祺家語字子橫魯人

公祖句茲

字子之家語作公祖茲

燕伋

字思家語云燕級字子思秦人

樂欬

字子聲家語作樂欣魯人

狄黑

字哲衛人家語字哲之

孔忠

字子蔑家語作孔弗孔子兄孟皮之子



公西葳 字子向魯人家語字子尙

顏之僕 字子叔魯人

施之常 字子恆魯人家語作子常

申 棖 申黨或作申棠字子周魯人家語申績又作績

左邱明 魯人史記云中都人

秦 冉 字子開魯人明嘉靖二年罷祀雍正二年復祀

公明儀 魯武城人咸豐三年從祀

公都子 齊人孟子弟子雍正二年進從祀

公孫丑 齊人雍正二年進從祀

張 載 字子厚宋大梁人世稱橫渠先生

程 頤 字正叔宋河南人世稱伊川先生

張程二人舊稱先儒明崇禎十五年改稱先賢升祔

### 續修東阿縣志

卷之六 學校

七

濟南芙蓉街午夜書店印

### 孔孟弟子之後

#### 先儒

穀梁赤 魯人傳春秋

高堂生 漢博士魯人傳儀禮

董仲舒 漢廣川人世稱董子治春秋

毛 萇 趙人漢博士傳詩經

許 慎 漢汝南召陵人光緒元年從祀

杜子春 漢河南緱氏人通周官

劉 德 漢人光緒三年從祀

諸葛亮 字孔明後漢瑯琊陽都人雍正二年進從祀

王 通 字仲淹隋龍門人設教河汾謚文中子

韓 愈 字退之封昌黎伯謚文唐南陽人



胡瑗 字翼之宋海陵人世稱安定先生

韓琦 字稚圭宋相州人咸豐二年從祀

楊時 字中立宋將樂人號龜山先生

尹燉 字彥明一字德充宋洛人雍正二年進從祀

胡安國 字康侯宋崇安人諡文定

李侗 字愿中宋劍浦人明萬曆四十一年從祀

呂祖謙 字伯恭宋東萊人徙居婺世稱東萊先生

袁燮 字和叔宋鄞縣人同治七年從祀

黃幹 字直卿號勉齋宋閩縣人雍正二年進從祀

蔡沈 字仲默宋建陽人世稱九峯先生

呂大臨 字與叔宋藍田人光緒二十一年從祀

魏了翁 字華父宋邛州蒲江人諡文靖雍正二年進從祀

續修東阿縣志

卷之六 學校

八

濟南芙蓉街午夜書店印

王柏 字會之宋婺州金華人諡文憲雍正二年進從祀

輔廣 宋人光緒三年從祀

陸秀夫 字君實宋鎮江人咸豐九年從祀

許衡 字仲平元河南人世稱魯齋先生

吳澄 字幼清號草廬元崇仁人明罷祀乾隆二年復祀

許謙 字益之元金華人世稱白雲先生雍正二年從祀

曹端 字正夫明澠池人咸豐十年從祀

陳獻清 字公甫明新會人世稱白沙先生

蔡章 字介夫明晉江人雍正二年進從祀

呂坤 字新吾明甯陵人道光六年從祀

王守仁 字伯安明餘姚人諡文成萬曆十二年從祀

黃道周 字幼平明漳浦人道光五年增祀



湯斌 字潛庵睢州人諡文正道光三年增祀

陸世儀 字道威江蘇太倉州人同治十三年從祀

顧炎武 字亭林江南崑山人光緒三十四年從祀

崇聖祠舊名啓聖祠雍正元年改今名正殿內中

肇聖王木金父左

裕聖王祈父右

詒聖王防叔次左

昌聖王伯夏次右

啓聖王叔梁紇皆南向

殿內配享東旁西向

先賢孔氏孟皮 咸豐七年配享

先賢顏氏 諱無繇字路復聖顏子父家語作顏繇字季路

### 續修東阿縣志

卷之六 學校

九

濟南芙蓉街午夜書店印

先賢孔氏 諱鯉字伯魚述聖子思子父

殿內西旁東向

先賢曾氏 諱蒧字皙宗聖曾子父家語作點字子皙

先賢孟孫氏 諱激字公宜亞聖孟子父

東廡從祀

先儒周輔成 周敦頤父

先儒程珦 字伯溫程灑程頤父

先儒蔡元定 字季通蔡洸父

西廡從祀

先儒張迪 張載父雍正二年從祀

先儒朱松 字喬年朱熹父

書院



穀城書院在西城道光二十六年知縣汪南金建並置田光緒十五年知縣胡建樞與邑人王善澤籌捐生息延師課士二十九年改爲高等小學堂

續修東阿縣志

卷之六 學校

一〇

濟南芙蓉街午夜書店印



續修東阿縣志卷之七

祠祀

前志所載

壇廟各祀凡載在祀典者百餘年來所有祭法祭儀均按春秋二仲奉行惟於光緒二十三年升

至聖先師孔子爲大祀有禮部頒發章程茲特恭錄於左

大祀廟制典禮

大成殿七間通覆黃瓦階一成東西南三出陞出入由右側門以示尊崇  
神牌舊制朱地金書今制金地青書

祭器

爵舊制用銅今制用玉

鬯舊制用銅今制耳緣飾玉

續修東阿縣志

卷之七 祠祀

一

濟南芙蓉街午夜書店印

登舊制用銅今制用黃色瓷

簠簋及豆舊制用銅今制用木髹漆塗金飾玉

籩篚舊以竹絲髹漆紅色今制改用黃色

祭品舊制十籩十豆今制加二籩二豆爲十二籩十二豆

樂舞舊制專用文舞今制改用武舞

釋奠舊制承祭官入門升階進

殿由左今制由右並自親王以下承祭不飲酒受胙

欽頒大祀丁祭文飭各直省府廳州縣學一體遵行並隆祀於先師之

前代

崇聖祠祭品加牛一籩二豆二以示寵異

禮部頒發章程



續修東阿縣志卷之八

官師志

國家設官分職以爲民極一邑有縣令焉有丞尉焉有學師焉誠以政教所關期於各適其職無廢事而藉以有所建樹而已唐馬總作鄆州刺史廳壁記以爲所紀者不惟備遷授書名氏將以垂勸戒也沈維基曰志乘之記職官即千百年一題名記也循是而官有箴師有程異績循聲著於當時垂及後世而其濫廁其間沒沒無所聞者要亦不少概見前志之修至今不及百年縣丞營弁姓名無稽紀載已失傳矣况遠而千百年乎此官師志所由作也願蒞茲土者勉思其所以致此者焉續官師

知縣

劉慶凱 直隸鹽山進士 道光九年任

臧理同 江蘇宿遷人 道光十一年任

續修東阿縣志

卷之八 官師

陳梅皋 河南河內舉人 道光十二年任

管裕疇 江蘇陽湖人 道光十三年任

黃維翰 湖南善化拔貢 道光十四年任

張薇垣 浙江仁和舉人 道光十七年任

胡璠 四川邛州舉人 道光十八年任

馬有絨 湖北大冶舉人 道光十八年任

葉烜 浙江上虞人 道光二十一年任

李人驥 雲南 舉人 道光二十二年任

屠道彰 湖北孝感舉人 道光二十五年任

汪南金 江蘇甘泉舉人 道光二十六年任

張樸 直隸定州舉人 道光二十七年任

張夢祺 安徽 進士 道光三十年任



李鐘泰	雲南	進士	咸豐元年任
何傳興	河南封邱	進士	咸豐三年任 <small>有傳</small>
多仁	蒙古正紅旗	進士	咸豐四年任
蔣士潢	順天宛平	人	咸豐八年任
吳樹聲	雲南保山	舉人	咸豐十年任 <small>有傳</small>
盛鴻鈞	江蘇吳縣	人	同治元年任
周毓南	浙江海甯	人	同治五年任 <small>有傳</small>
聶慎典	甘肅	拔貢	同治六年任
劉桂芳	直隸天津	舉人	同治八年任
陳壽昌	浙江山陰	人	同治十三年任
呂式枚	直隸大城	進士	光緒二年任
沈葆瓊	浙江海甯	人	光緒四年任

續修東阿縣志

卷之八 官師

一一

濟南芙蓉街午夜書店印

蘇杰	安徽太平	人	光緒八年任
張養德	直隸天津	舉人	光緒十年任
趙昉熙	四川宜賓	舉人	光緒十年任
呂耀鼎	江蘇陽湖	人	光緒十二年任
胡建樞	安徽鳳陽	舉人	光緒十四年任 <small>有傳</small>
王澂	江西	拔貢	光緒十七年任
周衍恩	河南祥符	進士	光緒十九年任
張士卿	河南		光緒二十一年
李誠保	江南上元	副貢	光緒二十二年
李光華	河南濬縣	廩貢	光緒二十三年
董燕	浙江秀水	人	光緒二十八年
季桂芬	江蘇武進	人	光緒二十九年任



祝 鋈 江蘇元和人 光緒三十年任

張汝鈞 安徽祁門附貢 光緒三十一年任

何金齡 貴州荔波舉人 光緒三十一年任

林叢桂 福建閩縣舉人 光緒三十二年任

孫方堡 安徽壽州人 光緒三十三年任

盛津頤 江蘇武進人 光緒三十四年任

吳保和 江蘇陽湖舉人 光緒三十四年任

成 楨 宣統元年任

李鍾濬 宣統二年任

宋世男 宣統三年十二月二十九到任民國二年十一月御事

縣丞裁缺失考

城守營裁缺失考

### 續修東阿縣志

卷之八 官師

三

濟南芙蓉街午夜書店印

### 典史

管裕疇 道光十四年任

胡 順 道光十七年任

胡雲祥 道光十七年任

章體仁 道光二十七年任

戴光宗 道光二十七年任

呂賢壩 道光二十七年任

汪以甯 道光三十年任

張 銑 咸豐二年任

張臨淦 咸豐九年任

虞 佑 同治四年任

章 鐔 同治十一年任



榮熙

同治十二年任

王用綬

同治十二年任

程國賓

光緒十一年任

王熙釗

光緒十七年任

周燾

光緒二十一年正月任

章甫

光緒二十一年三月任

張繩祖

光緒二十二年四月任

桂森

光緒二十六年任

卜爾昌

光緒二十七年四月任

黃鍾祺

光緒二十七年四月任

劉延禧

光緒二十八年任

顧行

光緒三十二年任

續修東阿縣志

卷之八 官師

四

濟南芙蓉街午夜書店印

張宗良

宣統三年二月任

王寶賢 奉天黑山縣人

宣統三年九月任

教諭

高承紫

道光年任

劉遵僑

道光年任

路藻

道光年任

烏荷芳

咸豐年任

張箕

咸豐年任

徐振鈞

咸豐年任

韓榮思

咸豐年任

祝雲

咸豐年任

朱麟紱

咸豐年任



王殿卿

同治年任

徐炳堃

同治年任

張鴻謨

光緒年任

劉炤瀛

光緒年任

呂式韓

光緒年任

臧良基

光緒年任

趙明遠

光緒二十年正月任

劉玉珣

光緒二十年五月至三十二年十一月奉文裁缺回籍

訓導

李清渭

道光年任

孟傳汝

道光年任

莊楫

道光年任

續修東阿縣志

卷之八 官師

五

濟南芙蓉街午夜書店印

楊炳太

道光年任

吳任

同治年任

李鳳霄

同治年任

張毓蘭

同治年任

呂調元

同治年任

張玉榮

光緒年任

張恂厚

光緒年任

劉彤光

光緒年任

莊畏

莒州舉人

光緒年任

安寶蓉

光緒二十一年到任民國元年奉文裁缺



續修東阿縣志卷之九

官績志

治績者政令風教之所繫也勤政愛民間閭戴德橫經課士庠序觀型下至丞尉苟膺一命之榮必期於物有濟然讀司馬溫公諫院題名記曰某也忠某也許某也直某也曲則清濁制治之源又爲口碑之載輿論之孚所關爲匪淺矣阿邑近數十年來賢侯踵至循吏偕來德惠所施有頌甘棠遺愛者有留去思豐碑者有報國捐軀建立專祠者善政流風猶存斯世烏可不表而出之哉續官績

元

嚴實字叔武長清人志氣豪放不治生產喜結交施予落魄里社間元兵入掠金東平行臺調民爲兵以實爲衆所服命爲百戶以功授長清令被譖爲行臺所疑挈家避青崖木華黎兵至實挈所部彰德大名磁洛恩博滑濬等州戶三十萬來歸承制拜金紫光祿大夫行尙書省事進攻曹濮單三州皆下之東平守將和立剛棄城而遁實入居

續修東阿縣志

卷之九 官績

濟南芙蓉街午夜書店印

之京東州縣皆爲實有授東平路行軍萬戶加至尙書左丞木華黎之弟帶孫取曹濮楚邱定陶所至皆欲屠戮實皆力救得免兵出襄鄧實恐河南被屠戮必多乃載金緡往贖之且約束諸將毋敢妄有殺掠免者數十萬人會大饑民北徙者多餓死又法藏匿逃者保社皆坐逃亡無所託殭尸蔽野實命作糜粥盛置道上全活者衆實部曲有逃歸益都者數十人益都破皆獲之以爲必殺實置不問其寬厚長者類若此卒年五十九遠近悲悼野哭巷祭旬月不已中統二年追封魯國公諡曰武惠

嚴實花臺已載舊志今考其故事實本長清人爲長清令後使守東平東阿爲所屬地嘗與忠和真人范尊師聯轡至嶮山之陰雁泉之側代尊師謀一修真地名曰天平觀又於迤西東流泉側築一精舍雜植花卉松竹極一時之盛名曰花臺茲恐古蹟湮沒特補錄其始末以備考焉

國朝

李賢書字鳴鹿河南嵩陽縣人道光四年以進士任東阿性仁厚行廉慎洞達治理有



古儒吏風下車以來凡有繫民生有關政體者罔不因舊增新而修舉之如承修張秋鎮通源橋積水閘橋重建倉頡墓捐修監獄圍牆固一時之盛舉也至若改修邑志南鐸山頭車道所佔民田捐廉各償其值道之狹者闢之險者易之陡深者高爽之從此文報餉稍之遞運貢差星使之馳驅以及南北行商過客永無窘步憂而今猶皆便之抑於邑西城將軍廟內創建養正齋義塾倡捐俸銀若干兩以資館穀後之令茲土者皆依舊每歲官捐修脯延師課讀至今猶如其初焉且慮縣志殘缺爰捐俸金延原任鄒平令吳怡並集諸文學士商與商確而編輯之俾後之留心邑乘者皆得所依據此尤非碌碌者所可同日而語矣至於邑之古蹟形勝多所題詠猶屬餘事今即其在任始末稿有可考者節錄之他不敢妄舉病諛也

謹按李賢書爲令百廢俱舉尤善於鼓勵風化里中耆德節婦皆親書匾額以旌其門至今存者尙多又於署內修草亭公事以暇靜息其間又修鳴琴樓取鳴琴而治之意當日太平景象宛然可睹矣

## 續修東阿縣志

卷之九 官績

一一

濟南芙蓉街午夜書店印

何傳興河南封邱人進士咸豐三年署東阿縣地當湖路衝衢兵差絡繹僱車支應不以累民越歲粵寇撲張秋鎮距城六十里城不足守乃督練勇於青警大峯兩山之間以禦賊賊遂折回西竄虞其由水路伺濟南爰收集隘口船隻俾無偷渡省會以安當逆氛四擾時鄉民避城人多糧缺其強橫者藉口均糧往往滋事因捐廉周濟並嚴禁凶暴聞土匪有乘間焚劫潛圖內應者擒其渠餘匪悉遁而於防剿之時猶晨坐堂皇視事無稍弛並親課書院以示鎮靜以勞卒祀名宦

見省志

吳樹聲雲南保山人咸豐十年任時歲饑髮捻縱橫河南北邑當孔道兵弁絡繹支應煩碎樹聲竭力籌備無絲毫累於民泊辛酉春捻匪膺至奉飭諭辦鄉團扼城固守復自督魚山銅城二團擊匪凡半載城獲無恙未幾解嚴樹聲遂薄賦輕徭與民休息振興文教培植士類阿民既慶甦生閭閻亦漸充裕蒸蒸吏治其日上矣計在任五年善政不可枚舉鄉民沐其德化爲立去思碑云

周毓南號鄴仙浙江海甯人咸豐壬子挑取膾錄同治五年知東阿縣六年捻匪東竄



奉檄帶團千人赴東平境之戴家廟協防河岸匪由戴廟搶渡遂督團力戰身受十餘創殉於戴家廟北之三里莊事關優恤准建專祠

胡建樞字星舫安徽鳳陽舉人光緒十二年任廉介自持洞達治體實心任事不務虛名下車以後訪問地方利弊不事嚴迫如道家常人亦得盡所言而無隱治民教養兼施興利除弊無苛政有訟者審詞度理民無隱情發伏摘奸若有神助尤惡訟棍有唆詞架訟者立予懲治以故土劣斂跡嗣奉令創修民埝以遏水患阿邑縣亘數十里承辦者勒派按畝出夫居民不堪其苦建樞籌商辦法改派爲僱民得無害繼而連年水災居民蕩析建樞搶險堵口賑災卹貧拯溺濟飢全活無算阿邑舊有穀城書院無膏火經費如同虛設建樞情殷愛士首先捐廉俸銀二百兩以爲倡按月開課試卷親加評點優給膏獎士論翕然洎籌常年經費乃請於大府按畝抽捐每畝輸納京錢二十文復勸諭酒池暨各殷實商戶量力捐助以期於成未幾調署鄆城去此事遂寢迨次年回任復招集衆紳重申前議應輸各款源源湊集發當生息乃延聘名師廣招生徒

### 續修東阿縣志

卷之九 官績

三

濟南芙蓉街午夜書店印

束脩膏火既優且渥風教大行光緒甲午科一邑中式者四人吁盛矣調署商河祖帳東門外紳商士庶攀援不得有泣者持香花送者達十里外途爲之塞以善養人阿民至今樂道之後遷擢沂州府知府仕至山東巡撫



續修東阿縣志卷之十

選舉志

徵辟與選舉異途而同歸要皆士之自奮功名者由此其選也阿邑賢才輩出歷代俱有傳人志乘於康熙五十六年泊道光九年兩次增修數百年來科第之蟬聯相繼人才之鵲起而興固已彙而紀之有光史冊矣此次續修又閱百年而近其間擢巍科膺顯仕後先接踵者又不乏人用是廣徵博採按其科分前後別其出身用途逮及封贈蔭襲恩賜例仕勞績捐納雜職亦備載無遺焉是即激勸之典所由寓也續選舉

徵辟

光緒七年

王清傑

孝廉方正官至廣東德慶州知府有傳

陳如愚

孝廉方正有傳

續修東阿縣志

卷之一〇 選舉

濟南芙蓉街午夜書店印

劉步瀛

孝廉方正官至趙州知州有傳

宣統元年

周文田

孝廉方正

盧蘭坡

孝廉方正

劉象鼎

孝廉方正

進士

丙子科

光緒二年

王善澤

官至河南候補知府有傳

庚辰科

光緒六年

陳宗媯

官至戶部左丞有傳

壬辰科

光緒十八年

周雲

官至湖北漢黃德道



舉人

丁酉科 道光十七年

周光岳

己亥科 道光十九年

張緒孟 有傳

壬寅科 道光二十二年

師金華 官至觀城縣訓導

己未科 咸豐九年

周學曾 官至費縣教諭有傳

壬戌科 同治元年

劉景伊 官至恩縣教諭有傳

甲子科 同治三年

續修東阿縣志

卷之一〇 選舉

一一

濟南芙蓉街午夜書店印

王善澤 見進士

丙子科 光緒二年

魏實甫 官至江蘇試用知縣

己卯科 光緒五年

陳宗燾 見進士

乙酉科 光緒十一年

房燕臣 官至觀城縣教諭棟選知縣有傳

戊子科 光緒十四年

周文燦

甲午科 光緒二十年

許庭蘭 官至萊州府學教授

陳如愚 有傳



閻殿芝 有傳

張允符

壬寅科 光緒二十八年補行庚子辛丑恩正併科

鄭天章

癸卯科 光緒二十九年

高紹和

武進士

壬戌恩科 同治元年

張學顏 官至膠州營副將

癸亥恩科 同治二年

馬信德 官至兗州都司有傳

丙戌科 光緒十二年

### 續修東阿縣志

卷之一〇 選舉

三

濟南芙蓉街午夜書店印

姜鴻瑛 官至廣東潮州都司有傳

武舉

壬辰科 道光十二年

姜鳳仁

甲午科 道光十四年

房魁英 官至千總有傳

牛長清

趙炳章 官至守備有傳

乙未科 道光十五年

魏兆麟

丁酉科 道光

張鳴岐



己亥科 道光十九年

趙廷勳

庚子科 道光二十年

常殿麟

黃心恭

甲辰科 道光二十四年

張榜

王安榮 揀選一等即補東昌營千總

壬子科 咸豐二年

王安清 揀選一等候補千總

乙卯科 咸豐五年

王安乾

續修東阿縣志

卷之一〇 選舉

四

濟南芙蓉街午夜書店印

己未科 咸豐九年

房嘉謨 都司街有傳

張學顏 詳見進士

壬戌科 同治元年

馬信德 詳見進士

庚午科 同治九年

曲雲程 揀選一等候補守備

孫貽藩

乙亥科 光緒元年

劉茂甲

己卯科 光緒五年

劉兆魁



乙酉科 光緒十一年

姜鴻瑛 詳見進士

戊子科 光緒十四年

魏培章

趙永慶

己丑科 光緒十五年

張殿甲 官至文登營都司

辛卯科 光緒十七年

劉金棟

曲代璋 官至萊州掖縣北海汛把總

癸巳科 光緒十九年

貝同倫

續修東阿縣志

卷之一 選舉

五

濟南芙蓉街午夜書店印

甲午科 光緒二十年

劉相臣

孫殿元

五貢

道光年

于建亨 恩貢候選教諭

劉宗華 恩貢官至壽光縣訓導有傳

張序賓 恩貢候選訓導

于揆 拔貢七品小京官

魏懋珣 拔貢

馬照 歲貢膠州訓導

張璉 歲貢



秦文東 歲貢候選訓導

陳廉 歲貢

王鍾華 歲貢

秦禹東 歲貢候選訓導

王少元 歲貢官至青州訓導

魏毓璞 歲貢官至即墨訓導

蘇佩雲 歲貢

時允若 歲貢候選訓導

咸豐年

賈兆麟 恩貢

秦鳳池 恩貢

閻應辰 恩貢

續修東阿縣志

卷之一〇 選舉

六

濟南芙蓉街午夜書店印

王善澤 拔貢詳見進士

秦毓俊 歲貢

秦逸堂 歲貢

劉方乾 歲貢有傳

王鈞 歲貢有傳

秦維翰 歲貢有傳

吳曉林 歲貢官至壽張縣訓導

豐慎五 歲貢官至樂安縣訓導

同治年

張鴻賓 恩貢

王子芳 恩貢

楊承耀 拔貢官至陽穀縣教諭有傳



張全東 歲貢有傳

劉廷援 歲貢有傳

陳延燾 歲貢候選訓導有傳

張繼才 歲貢有傳

馬克純 歲貢

房甲山 歲貢有傳

王竹亭 歲貢

周立東 歲貢候選訓導有傳

王兆安 歲貢有傳

遲 鐸 歲貢

郭純素 歲貢

遲季楨 歲貢

續修東阿縣志

卷之一〇 選舉

七

濟南芙蓉街午夜書店印

光緒年

張瑞周 恩貢候選教諭有傳

張夢輔 恩貢

陳瑞亭 恩貢

刁蘭坡 恩貢

周學章 恩貢有傳

房燕臣 拔貢詳見舉人

左化原 拔貢

張岱陽 歲貢有傳

時惇嵐 歲貢候選訓導有傳

閻以燦 歲貢候選訓導有傳

楊金臺 歲貢



王鳳舞 歲貢有傳

陳耀亭 歲貢

范毓岐 歲貢

魏懋愷 歲貢

楊振翰 歲貢

張廷泰 歲貢任 縣訓導

佟兆璨 歲貢候選訓導

師廷荔 歲貢

劉樹典 歲貢

宋化鳳 歲貢官至范縣訓導有傳

張東慶 歲貢有傳

宋毓梓 歲貢候選訓導

續修東阿縣志

卷之一〇 選舉

八

濟南芙蓉街午夜書店印

董毓和 歲貢候選訓導

楊芝田 歲貢

李輯五 歲貢候選訓導

陳守中 歲貢有傳

楊靜齋 歲貢候選訓導

師重九 歲貢有傳

龐鳳翔 歲貢候選訓導

姜漢章 歲貢有傳

賈希韶 歲貢

王子著 歲貢

楊芝圃 歲貢

宣統年



魏慎言 恩貢

王承訓 拔貢河南候補知縣有傳

張仙臣 拔貢

王毓菖 歲貢候選訓導

王子敬 歲貢有傳

郭中孚 歲貢

張毓藻 歲貢

龐守先 歲貢

例貢

顏彤一 增貢候選訓導

張繼宗 廩貢候補教諭

孫萬鳳 廩貢有傳

### 續修東阿縣志

卷之一〇 選舉

九

濟南芙蓉街午夜書店印

胡懋樂 附貢候選訓導

宮化成 附貢候選訓導

郭東瀛 附貢有傳

辛景雲 附貢候選訓導

朱子廉 附貢

張成普 附貢

邵經鎔 附貢候選訓導

周勵軒 附貢候選訓導

封贈

秦興本 以孫武林貴贈武略騎尉

秦道洽 以子武林貴封武略騎尉

秦道坦 以姪武林貴封武德佐騎尉



王丕承

以子善澤貴誥封奉直大夫晉封朝議大夫

王文炳

以孫善澤貴封奉直大夫晉封朝議大夫

王承基

以姪善澤貴封朝議大夫

陳繼曾

以曾孫宗媯貴封資政大夫

陳大武

以孫宗媯貴封資政大夫

陳大文

以姪孫宗媯貴封資政大夫

陳太清

以姪宗媯貴封資政大夫

陳立清

以子宗媯貴封資政大夫

陳大成

以出繼子孫宗媯貴封資政大夫

陳協中

以姪鼎貴封中憲大夫

張玉田

以子崐祖貴封登仕佐郎

馬殿璽

以孫信德貴贈昭武郡尉

續修東阿縣志

卷之一〇 選舉

一〇

濟南芙蓉街午夜書店印

馬希文

以子信德貴封武翼都尉

馬宗援

以弟信德貴贈昭武郡尉

于碩美

以子獻貴贈修職郎

賈明坤

以子獻廷貴贈武德騎尉

蔭襲

陳文麟

以祖戶部左丞宗媯蔭知縣

賈獻廷

以父明坤陣亡蔭雲騎尉

張允甲

以父世襲雲騎尉

王杞齡

以祖父殉難世襲雲騎尉

姜淑興

以父殉難世襲雲騎尉

譚廣居

以父殉難世襲雲騎尉

恩賜



姜乙森 道光乙酉副榜

魏廷選 同治癸酉副榜

于代宗 同治二年翰林

孫元成 同治二年翰林

大賓

閻應辰 恩貢

陳延燠 歲貢

閻應垣 附貢

魏凌雲 增生

刁澤濬 監生

刁承濬

周鳴岐

續修東阿縣志

卷之一〇 選舉

一一

濟南芙蓉街午夜書店印

周鳳翔 監生

宋希堯 監生

陳允中 附貢

陳如心 附貢

曲瑞璋 監生

勞績

周光碧 衢州營守備恩賞都司歷署沂州營都司登州水師營遊擊保升總兵銜參將

劉鴻恩 以辦團功賞給都司銜候補衛守備

陳興寅 因勦匪有功恩賜世襲雲騎尉

劉景嵩 以領團禦賊有功賜忠顯校尉

秦恆一 辦理鄉團把守黃河出力賞給藍翎六品頂戴

秦玉誠 以勦匪守河有功賞給六品頂戴



賀春光 以禦匪功賜六品銜並雲騎尉世職

王鳳來 以勦髮捻功賞賜雲騎尉世職

劉秉恭 以勦匪功賜六品軍功

于廣辰 守城防河有功賞藍翎以守備儘先補用

顏承緒 以辦團防汛功保獎五品職銜

閻逢相 以防河功賞給六品頂戴

范西園 堵築黃河決口搶險出力獎給六品功牌

劉允哲 因辦團練及河防有功賞給六品職銜

賀春和 督修河堤以功賞六品頂戴

張清泰 邑庠生以辦河工有功賞給六品頂戴

秦震秀 因監修河堤有功蒙賞六品職銜

秦光焯 邑庠生修築黃河堤埝有功獎給六品銜

續修東阿縣志

卷之一〇 選舉

一一一

濟南芙蓉街午夜書店印

馬信典 武庠生戊子以堵築黃河決口賞給藍翎

王其盛 因承辦堤埝有功賞給九品功牌

王承文 邑庠生因河工搶險出力蒙賞六品頂戴

捐職

鄭天揚 賞戴花翎五營統領留守甘肅新疆儘先補用游擊

周光斗 知府銜補用同知直隸州江蘇句容縣知縣

周光淮 鹽運司銜特用道江蘇候補知府

周銘鶴 雙溝千總卽補守備

周景棠 河南蘭陽縣知縣

俄方楷 候補巡檢

秦保祥 候選州同

師庭蘭 陽山知縣儋州知府



張崑祖 南京留守千戶所吏目

龐尋尙 山西磁州主簿

陳鼎甲 度支部主事員外朗銜

王毓臨 候補巡檢

王毓泰 候補縣丞

周葆年 湖北江夏黃岡縣知縣

魏貞淦 河南典史

高玉珩 直隸典史

屯官

黃玉清 東阿屯屯官

黃振海 東阿屯屯官

黃特達 邑庠生東阿屯屯官

### 續修東阿縣志

卷之一〇 選舉

一三二

濟南芙蓉街午夜書店印

黃德先 東阿屯屯官

黃傳禮 東阿屯屯官

楊師曾 獨山屯督糧廳

魏尙宸 獨山屯糧政廳

曹守先 奎文閣典籍

曲連臣 聖廟百戶廳

補遺

殷景儀 萊州營守備管帶武防馬步隊練軍

蘇景林 由軍功保獎千總以守備用加都司銜

馬振清 撫標左營千總

于長海 高唐千總

于家山 由軍功保升千總



王興詩 以辦團保獎千總

王興功 以辦團保獎千總

井其文 曹州鎮千總

張清泉 福山把總候補守備

王永昌 以辦團獎五品銜

史鳳懷 以河防功獎五品銜

宮德啓 以軍功獎雲騎尉

閻德聚 以河防功獎六品

鄧相臣 以河防保府經歷

王思勤 以護堤功獎六品

賈汝珠 以河防功獎五品

李玉魁 以河防功候補守備

續修東阿縣志

卷之一〇 選舉

一四

濟南芙蓉街午夜書店印

李小村 以河防功獎六品

周龍化 例貢生以辦團功保獎五品職銜

王藻華 以奎文爾典籍鄉飲大賓守城有功獎五品

李金策 以監生鄉飲大賓辦團有功獎五品



東阿縣志


署 何思源



40140,247

42

2p=12





續修

東阿縣志

二十六年徵集之書

王占一敬書

民國二十三年十二月  
濟南午夜書店印



續修東阿縣志卷之十一

人物志上

二十六年徵集之書

阿邑人才之盛也自春秋戰國歷漢晉唐宋元明逮及有清其間爲大儒爲名臣爲五倫之完人爲一鄉之善士名垂正史炳耀汗青者代有其人矣夫人之傳與不傳非盡關其人之際遇也要視其人之樹立何如耳前志於歷代人物已悉依世次立傳茲復踵而續之於鄉賢文學武功政績卓行孝友忠義僑寓列女各門類分別載列體例一準前民是非公諸輿論述而不作覽者其審之續人物

鄉賢

周天爵字敬修東阿縣人嘉慶十六年進士初知懷遠縣俗故刁悍鹽梟土棍滋事天爵下車訪知擒其渠重懲之餘許自新盜風遂息邑濱淮常被水災天爵捐廉並勸富戶修塘築壩以收水利開稻田萬餘頃民至今賴焉調阜陽以猛濟寬言官劾以非刑斃命交江督嚴查覆奏有愛民如子疾惡如仇之語宣宗硃批此等不避嫌怨之員最

續修東阿縣志

卷之一 人物上

濟南芙蓉街午夜書店印

爲難得著送部引見旋署宿州知州入覲

上溫語垂詢尋升廬州府知府甫七月即升鳳廬道抵任後以手書諭降轄境著名鹽梟郝啓昌并安插其黨淮海肅清升江西按察使調安徽旋擢陝藩未抵任署漕運總督糧船水手向多械鬪滋事乘勢劫掠設法嚴捕其害遂除催運至臨清河水太淺用混江龍揆挑法秋九月即已抵通上大悅實授漕督已亥年署湖廣總督清理江而盜賊搜查襄陽教匪調河南巡撫擢閩浙總督復調湖廣劾大冶縣孔廣義廣義反噬天爵奏請

欽差查辦旋革職遣戍行至河南靖逆將軍奕山請飭赴粵辦理防務丁母憂乞假百日假滿赴粵已有和議二十二年敵犯江浙賞四品頂戴赴清江防堵時江浙和議已成旋署漕督時值河決命兼督河工不逾月而決口塞流請回籍終制允之家居八年文宗御極召入都是冬粵匪駭獮簡署廣西巡撫咸豐元年正月抵桂林二月即帶兵馳赴軍前與賊相持提督向榮應援賊退踞東鄉墟天爵擬逼入羅淥洞爲聚殲計而



欽差大臣賽尙阿促戰遂致挫衄賊勢益張天爵憤鬱血幾危四月奉命暫署欽差大臣旋飭回京而詢勦賊情形賜紫禁城騎馬值豐縣河決命赴工查勘三年粵匪陷武昌飭赴小孤山防堵旋署皖撫時金陵已陷淮北盜賊蠡起天爵駐廬州渡江北沿河西追復奉諭扼守徐州是時年已七十九盡瘁馳驅患脾瀉仍力疾籌辦防勦九月卒於軍遺書入上震悼照尙書例賜卹予諡文忠賜祭葬 國史有傳

### 文學

劉秉鈞字任亭岱程鄉人也秉性醇謹持躬端方幼愛讀書不辭攻苦二十一歲入府庠以家貧不能延師爲開蒙館以冀教學相長之益四方生徒多賴成立乾隆辛亥歲歲貢定陶縣訓導

牛克忠字蘊玉阿邑西南岱程鄉人性情豁達個儻不羈器宇卓卓具遠大丰規二十五歲更名東嶽入邑庠繼食廩餼乾隆三十六年子然獨出自西域歸來已周遊十八載矣聞除廩餼名遂慨然曰取之若拾芥耳庸何傷已酉更名岷嶽復入邑庠年已六

## 續修東阿縣志

卷之一 人物上

二

濟南芙蓉街午夜書店印

十四歲矣自是磊磊落落或與鄉隣排難解紛或與同志談古今優游以終天年而農桑不問也

于萬俊字邁千世居邑南紙坊文定公裔孫天資穎異丰采峻整博綜羣籍經術湛深嘉慶庚子歲貢候選教諭主講洪範書院該塾學田無幾膏火不裕萬俊捐數年束金當買學田二十餘畝以拓膏火之資從此士氣丕振人文蔚起其急公好羣出於天性閭村感其行誼立碑於洪範池西邑舉人周學會爲之傳壽七十五卒

姜柏字松友歲貢生邑之姜溝人也性孝友兄弟五人柏居長愛諸弟甚篤處鄉里排難解紛恂恂如也務以德化人終身不以一字入公門鄉里化之當柏之世閭村無一致訟者睦姻任卹藹然有仁里風衆人熙熙如登春臺而不知其感於柏者深也其爲文清刻透露名雋異常邑名士王鈞等皆出其門咸豐初嵩陽李萃野以名進士宰斯邑甚器之柏嘗以事入城遇李公急避之公望見招以至握手與語移時人皆知公之重柏也而不知公非重柏正公之所以善其治也公宰阿凡數年邑人蒸蒸向善文人



學士皆務於實行而不以名譽相誇非公之重柏者有以磨礪至此哉公行鄉飲禮舉柏爲大賓嗟乎士君子伏處草野無治人之權而一言一動皆足訓俗型方不改書生面目若柏者可以風矣

劉方乾字健堂歲貢生天資英敏博學能文歷次縣令開課觀風試輒冠軍平生著作甚富但散佚者多惟於舊志藝文中見其舉貞孝呈文一則典瞻雅切悱惻纏綿置之詞林未能軒輊時命不偶終老諸生惜哉

王鈺邑西姬家莊人歲貢生天懷澹定品學端方不預外事設帳授徒所成就者衆道光九年與修邑乘校讎之力居多

劉宗華字卓堂慶華弟弱冠知名與兄同補博士弟子員旋食廩餼天資明敏嗜學善悟肄習帖括文字而外兼肆力於經史詩詞歌賦靡不擅長顧屢躋棘闈鸚鵡薦數次未獲一售遂慨然棄儒而學醫廣搜古今醫書貫通脉理深得古人不傳之祕凡所診治罔不應手奏效遇有貧者恆設藥以濟之不取分文由是婦孺知名求診者絡繹於門

### 續修東阿縣志

卷之一 人物上

三

濟南芙蓉街午夜書店印

晚歲由恩貢就教職比選壽光縣教諭則已歿矣著有屏山堂詩稿藏於家

張瑞周字幹卿恩貢生候選教諭城北張家集人性簡默寡言笑器量深沈學問淵博教子課徒以砥節礪行爲先晚年博覽羣書手不釋卷有古人耄而好學之遺風焉壽八十五歲無疾而卒

秦維翰字景召咸豐乙卯恩貢生賦性剛介品端學粹尤善書法其用筆以歐柳爲宗至今見其字者重若珍寶同治四年卒壽七十一歲

于建亨文定公後裔咸豐元年歲貢候選教諭性穎敏博學洽聞凡經史子集無不涉獵淹貫弱冠爲邑諸生文名噪乎秦郡鄉闈屢薦未售士論惜之嘗主講洪範書院捐館穀數百金修葺書室俱載在碑記亨天性坦易胸無城府持躬樸素操履端方卒於

同治元年壽八十三

吳曉林字亮甫世居白塔莊明進士汝甯府知府吳廷木之八世裔也咸豐戊午歲貢同治三年訓練鄉團以靖匪亂以軍功保舉選壽張縣訓導在任十一年每延諸生講



論詩書無不心悅誠服年老致仕八十三歲卒

張繼宗字卓五廩貢生候選教諭其學深純醉飽六經諸子百家無所不通家居設教循循善誘故四方學士遊門牆者不可勝述嘗在東昌設帳有傅斯擇者家貧無力求學繼宗招之入塾不取修資時以筆墨紙張與之不數年斯擇中咸豐壬子舉人聯捷進士仕至杭州知府德不忘報敬送沐座春風匾額以表揚之年七十五卒

房甲山字一峯歲貢生邑之魚山人也幼而好學性孝友事繼母無異所生有弟四人皆繼母出甲山愛之甚篤以是人慕其賢里黨間咸矜式之年十七補弟子員旋以優等食廩甲山學以經史爲宗而於天文歷數地理繪圖諸書靡弗究心中年以後友教四方講論之暇日以著述爲事年八十一卒著有天文析疑日月躔度星宿列張各若干卷俱有圖又有地球辨說地輿考郡邑地理沿革歷代世系歷代年表春秋年表孔子年表經籍考名人考博物詳釋騷人筆談詩話集覽世事雜錄醫方雜錄魚山志地輿臥遊圖駒隙日記等書甲山教授生徒力戒流俗浮薄之習而以聖賢之道相切劘

## 續修東阿縣志

卷之一 人物上

### 四

濟南芙蓉街午夜書店印

遊其門者持已接人循循然悉有規矩奈學豐遇齋終身未博一第士論惜焉

閻以燦字銘新世居邑東北臧家廟莊爲人勤儉孝友見義必爲一生尤嗜學十四五時即志在讀書六經二十四史外尤潛心於朱子大全年二十四入泮次年試冠軍食廩餼焉厥後友教四方嘗本聖賢立品之義啓迪學人以燦伯父應辰無子以燦承其祧飲食起居色養兼至致伯父忘其無子並忘以燦之爲猶子矣年四十八考准歲貢就職以訓導候選以燦胞弟二人當本生父在時欲二弟以彭棄儒業理生產以燦委曲婉諭復令二弟讀從遊外所費用皆以已所得束金給之曰吾知有弟不知有財骨肉之親豈以析箸遠哉三弟以暉年少不好學從父讀書白塔一日決意輟儒業以燦婉言勸之至於再三不從乃向以暉跪曰老兄豈誤弟哉以暉由是感悟復讀書數年迫於親老始理家務以燦爲學以主敬爲本書籍必整而飭几席必正而潔曰人禽之界即判於是每逢朔旦設經神位焚香具衣冠拜與子姪輩結經社每年溫經若干卷在經神前祝明以昭不欺之意每日與生徒講論之暇就已心所獨得者註四書一章



名曰四書自記自上論語起註至下論六言章而卒惜未成書學者憾焉

李書亭字文軒廩貢生以髮匪亂守城并黃河堵口功保授萊州府學訓導歷署昌邑即墨教諭平度膠州學正旋升萊州府學教授光緒戊子以倭寇守城奏升廣東新興縣知縣因年老力辭仍居原任光緒庚寅卒於任所壽七十七歲在任三十年東萊負笈就學者皆一時知名士

吳敬安字承堂弱冠補弟子員爲人制行節儉姿性穎敏嘗從文忠周公遊故學有本原而尤精算術手鈔星經圖說及算術甚夥所著述皆關經世大略惜兵燹之餘所遺無幾故不復列其名惟一見能錄一書尙存猶足窺見一斑自文忠公初任懷遠至署理漕督十四五年間敬安悉從在署每遇大疑爲文忠公卜吉凶決從違靡弗奇中敬安嘗自卜當遭水厄終身兢兢於臨涉雖幸無恙然卒後逾河而葬忽遇風波竟墜櫂水中浮樞以渡其數理之精類如此

陳延燠字象離世居蘇家橋莊爲人天資卓越學問淵深弱冠入膠庠食廩餼壯歲考

## 續修東阿縣志

卷之一 人物上

### 五

濟南芙蓉街午夜書店印

明經選訓導嚴氣正性矩步方行有古先達風教授鄉里負笈者遠近畢至舉貢廩附多出其門品高望重鄉人望之莫不敬畏公舉鄉飲大賓並送學海壽山區額至老手不釋卷好學不輟年幾九十無疾而終

劉桂林字馥齋城西南子路莊人格守父翰屏家訓年二十八邑庠篤信好學不求聞達值家世凋敝之餘以舌耕自給翰屏中年逝世祖母朱氏年逾八旬乏人孝養桂林仰承父志敬奉彌篤迨朱氏歿母某氏亦在老年桂林服事益謹孺慕終身計自設帳授徒奄有法程訓蒙以朱子小學爲本衣冠動履必莊必敬賦性素稱骨鯁不能詭隨於人遇有貧者解囊助之無吝色又精醫術求診者接踵於門雖祁寒溽暑弗憚煩也一生孝行無虧學術純正行誼卓絕有關於世道人心者蓋如此子廷援

廷援字瀛仙邑廩生同治壬戌歲貢天資仁厚賦性孝友學本家傳嘗讀論語至孝弟章必自反曰吾不能也則刻意加勉以爲不如此不可以爲人也綜其一生行誼事親以孝持己以敬接人以誠教人必以研經耽道爲主醫病復以活人濟世爲心是皆稟



承庭訓而罔敢失墜者也著時藝存稿二卷詩賦存稿二卷網珊集四卷藏於家  
殷允符字揆一增貢生舊城少司馬學之後裔累世書香丰姿俊彩穎敏超羣長於詩  
賦文詞士人以奇才稱之然不以文章爲重尙品節敦信義矩步方行不輕言笑不苟  
取予教子弟以樸誠處鄉里以和睦德行所感雖頑夫俗子莫不尊而敬之因世風澆  
漓高自位置與二三同志講道論義故及門諸子多砥節礪名之士嗚呼人情汶汶世  
途茫茫若允符者可以風矣

張全東字震軒同治庚戌歲貢性豪放書法遒勁尤攻丹青揮毫立就陰陽分明所最  
著者竹蘭至今藏其尺幅者珍若珊瑚拱璧焉

周學曾字省三城南周家河莊人咸豐己未舉人昌邑縣教諭歷署鄒縣德平教諭需  
化訓導改授費縣教諭秉鐸五邑時時以養育人材爲心說經講藝娓娓不倦東撫丁  
文誠公創修河隄檄派學會爲中游監修委員工竣後奏保揀選知縣加五品銜年六  
十五歲卒於霑化學署

## 續修東阿縣志

卷之一 人物上

## 六

濟南芙蓉街午夜書店印

王善澤字蘭居別號穀山居士世居東阿城北小街子幼稟庭訓嗜學善悟十七歲入  
邑庠旋食餼咸豐辛酉拔貢朝考一等以知縣用呈請改就教職選臨邑縣學訓導同  
治甲子科舉人秋闈放榜善澤隨父丕承入闈書傍適以第六名膺初唱丕承喜極手  
頭即以善澤代父書榜事爲監臨閣敬銘正副主考暨各房官所知羣起致賀稱爲闈  
中佳話王五橋司馬因作喬柯毓秀圖以寵之旋以卓異升青州府學教授光緒丙子  
恩科成進士籤分戶部江南司主事當在臨邑時與濱州李正齋父子同應鄉試闈場  
甫畢李父子病歿殮費無出善澤爲營喪具厚賻以歸又有新進武生某家貧無力具  
費儀及規費善澤代交棚規而免其費未幾某登武科進士相見感謝至於泣下及觀  
政戶部京寓與泰安同年友某比舍居值某病卒殯殮之費悉爲措置其篤於友誼類  
如此任職三年丁外艱繼丁內艱在籍歷主陽穀平陰東平泰安之俗籠沂州之瑯琊  
各書院講席復以本邑穀城書院向無底款經費無出乃倡義捐集巨資發當生息由  
是延師課士文教大興學者賴焉嗣因河工搶險經山東巡撫張勤果公保升河南知



府到省奉委辦理稅局卒於差次善澤澹泊自持不慕榮利孝友出於天性而處世接人有粹然藹然之致居恆以文章經史自娛書法顏魯公兼喜畫蘭竹得其零縑寸楮者珍如拱璧所作序傳碑銘文字無專稿而即其藏本彙錄之亦足稱著作宏富云

王鳳舞字瑞庭茂王村人也天資穎異賦性剛直少年入泮食餼十餘年旋出歲貢課讀本莊義塾四十八年得霑化雨以成名者指不勝屈自甘淡泊熱心公益嚴氣正性鄉里共欽同治年間南賊倡亂土匪蜂起人多盲從惟本村無一人敢萌異志於是號招鄉民結團成隊抵禦賊匪一鄉之中幸賴以安焉

魏廷選庠生邑西南魏家河莊人淡泊自甘儉樸自持篤志力學博文強記設館授徒從學者衆然因才施教更自奮勵同治癸酉鄉試恩賜副榜壽九十二猶手不釋經把卷吟詠是冬病卒若廷選者可謂耄而好學矣

陳心廣字德潤邑增生直溝頭莊人家徒四壁以硯田爲業設帳授徒啓迪訓誨各有成就故學者樂從之遊居家端肅教子嚴正二子稟承庭訓世皆稱名生平行清履潔

### 續修東阿縣志

卷之一 人物上

七

濟南芙蓉街午夜書店印

無私無我吟風弄月自尋孔顏樂趣絕不以貧困累心得於詩書者深也卒年八十四著有盡性立命集

王彥彬字雅卿邑廩生品誼端方仁厚孝友嗜書史善言善行輒錄座右爲修身助自黃水歲經清河淤寒秋麥失收彥彬約衆繪圖牒呈上憲疏濬決排水洩麥收鄉人德之科歲試輒優等設帳三十餘年多所成就子佑甫紳甫亦前後入泮所謂身世交淑耶年六十一歲卒

宋化鳳字鳴歧邑貢生直溝頭莊人任范縣訓導爲人容貌整潔賦性剛正不與流俗爲伍以勤勞率家人家人無敢怠荒者

王子魯字景參廩貢生候選訓導東兩村王家寨人終身廉介取與不苟讀書課徒外無餘事講解經義獨出冠時六十七歲卒

丁尙賢字哲甫天資聰穎學問淹博十七補博士弟子員光緒元年歲貢候鋪教諭五年部選鄒縣以疾未赴任在家教授遊其門者多雋秀之士天性純篤與人至誠鄉黨



稱爲長者卒於光緒二十二年壽九十三

陳耀廷字景奎光緒庚寅歲貢邑東南白雁泉人性聰慧讀書不事章句研精殫思必窮究其義蘊主講雁泉書院獎勵後進啓迪有方與諸生講解經義孳孳無倦容故遊其門者多資薰陶而成名焉卒於宣統元年壽八十四

王子玉字溫如稟性高潔立品端方獨行君子也幼失怙母氏以紡績佐讀早歲入泮有聲庠序開門授徒從游者衆所成就者亦甚夥平生坦直爲懷鄉黨高廉讓之風宗族宏推解之誼鄉人莫不嘖嘖稱之至交友大節肝胆義氣誠信不欺故聞其風者僉曰其事親也孝其行已也恭其交友也忠其待人也厚於是議所以表揚之者因諡曰貞義先生

陳如愚字柳溪歲貢生延燠之長子也由優廩生舉光緒乙亥孝廉方正考取訓導光緒甲午科舉人天才卓越穎敏異常經史子集過目不忘大家文集歷科制藝搜覽無遺爲文不涉時趣每拈一藝振筆直書不假留慮推陳出新超忽靈異令人拍案叫奇

### 續修東阿縣志

卷之一 人物上

八

濟南芙蓉街午夜書店印

晚年理學深邃所著遺稿字雕句琢如良金美玉精鍊絕倫與人論說或天文或地理或古今人物事蹟原原本本條分縷析腹笥充物如窺大海莫測涯際而且關心民瘼建功闢里除匪患以靖民害創義壩以禦水災漕米定價遠近感德若如愚者尤爲名教師表黎庶藩屏矣

陳守中字子權光緒庚子歲貢直溝頭人父心廣增生弟守介庠生家寒素以讀書爲業然性溫和量寬宏貧富不介於懷有無不係於念好談諧不拘束迹似放曠情實鯁直博聞強記穎敏異常教授平肥陽穀阿邑間弟子濟濟稱盛循循善誘名下士多出其門時穀城書院因經費不足未能延聘主講遂邀集邑紳王善澤等等籌捐經費聘請山長補助諸生膏伙俾閭邑士子得漸磨其中由此文風漸盛守中之力居多老年修養有導引術身體豐腴類富家翁年六十餘面猶童子髭鬚疏長飄飄出塵人以爲有靖節逸致

閻殿芝字階生光緒甲午科舉人歲貢生閻以燦之次子也性穎悟庭訓綦嚴六七歲



時即本聖賢立品之義作爲詩歌日誦之命從學曹寺芝不欲往父怒曰吾任其不肖不如無子聞之懼由是不敢狎恩越數年稍有知識在學在家莫不以聖賢之言啓迪之以故潛心讀書二十一歲縣試掄案元中舉後友教西龍山從游者日衆每令門下士就切實處用功作對聯云靜觀惟有近思錄熟讀不忘小學書學中無少長無不讀小學近思錄者各有日記本凡心過身過口過必書爲作日記序錄另以鼓勵之由是成就多人終身不敢背師訓後因母年老不忍遠離永不赴京會試爲便定省設帳於家母卒後倍極悲痛治喪遵文公家禮不飲酒不食肉不內寢不會賓客服闋乃復初光緒末年縣學堂堂長職缺明府成植再三聘請乃就堂長之職入堂後即立條規以約束之又作六箴錄另懸掛各門首令士子觸目驚心管理謹嚴學堂數十人成就範圍時孝廉高紹和充教員功課之暇每以爲學立品之義談論忘倦兩人交相砥礪皆以培養人才爲己任旋以故歸家門人請教者衆於是又設帳於家因外感遺疾日以亟及不能自起猶每日服衣冠令人扶持而坐言曰一息尙存此志不容稍懈卒年五十八

### 續修東阿縣志

卷之一 人物上

九

濟南芙蓉街午夜書店印

歲

王承訓字紹伊又號紹彝居東關磨市街由優廩生考取宣統己酉拔貢庚戌朝考二等以知縣用籤分河南其人坦易和平溫潤中仍復嚴厲品方望重雅俗共欽文章富麗學問淵博爲一方冠書摩柳公畫仿芥子無不各臻佳妙迄今片書隻畫有幸得者莫不珍而藏之祕不示人重書畫正以愛其人也且賦性剛直遇事敢言正議莊論凜然可畏無事燕居則欣欣然而和悅矣故人多稱其談諧而不知其剛果其後投票公舉爲山東省議會議員每有會議輒推爲本會臨時主席肇大疑決大事曲中肯要列席者罔弗鼓掌稱善奈天年不永未六十而卒

孫萬鳳字苞九孫家莊人廩貢生學問深純鄉試三次房薦未中途就教職歷任蒲臺蒙陰禹城鉅野各縣教職晚年回籍養親並教孫緒翥讀書入泮著有中庸一過草藏於家

劉春元字震生歲貢生家貧力學晝則負薪夜則誦讀志行狷潔胡邑令建樞聞其名



延聘西席適族人有所訟者邑令詢以曲直則曰事由公斷再三不對其謹慎如此顏振南字午亭例貢生天性純正少而好學嚴課子弟夙夜匪懈其堂姪承學入泮甚有賴焉鄰里鄉黨有志於學者無不誘掖獎勵以成全之當時咸稱誨人不倦云

楊慎徽字克典邑西馬家村人幼穎慧喜讀書弱冠入邑庠屢試秋闈不第遂絕意進取設帳鄉里造就生徒成名者多間有家貧無力求學者慎徽則獨東脩供飲食必竭力成全之嗣增貢生候選訓導年八十卒其門人張懷芝等立教思碑於莊南子二靜庭邑庠生靜齋歲貢生候選教諭俱有文名

姜漢章字倬卿爲人鯁介篤行好學穎敏過人弱冠補博士弟子員旋食餼屢試不第以歲貢教授生徒多所成就平生敦品立行與物無爭儒林儀型後學羨慕著有鄉土志傳於世

楊承耀字照庭生有異秉聰穎過倫以同治癸酉科拔貢歷任夏津高苑陽穀等縣教諭解組後設帳鄉里以經義陶冶生徒多所成就壽七十一卒於家其門人立教思碑

### 續修東阿縣志

卷之一 人物上

一〇

濟南芙蓉街午夜書店印

於古阿東通衢

房燕臣字梅卿邑西魚山人也光緒乙酉科舉人任觀城縣教諭博極羣書一覽無遺賦歸後設帳授徒桃李滿門後因魚山患水遷居郎家村呂營莊遂家焉卒年六十有五其門人立教思碑於莊之西

張東慶字篤其城北耿家集人岱陽公之子也十八歲入邑庠光緒庚寅歲貢爲人貞介好學精深經術課徒有方弟子多知名士晚年兼涉方書求醫者頗多奇效其行實見孝思碑

劉炳昭字文甫邑廩生少貧力學爲文精刻課試每列優等當時之名師傾儒咸譽其文學養兼優而秋闈屢薦不售識者惜之

馬金銘字子東邑庠生東雨村後王路營人學問純粹品行端方設教二十餘載門徒從之者衆多所成就年五十三歲其卒門人爲立教思碑於莊之西

武功



房魁英字俊任邑之魚山人也性沈毅有智略胆氣過人道光甲午武舉丁酉任運糧千總次子嘉謨字丕文賦性驍勇善武藝弓馬嫻熟咸豐己未武舉十一年春西匪南賊交逼縣境時魁英家居知縣吳樹聲面諭籌辦團練衆鄉舉爲團長吳令即命魁英節制各團適逢皖省捻逆自東平入冠縣境戒嚴鄉民扼守河口吳令巡防遇魁英與語魁英曰百姓望君有如慈父母方今亂世君以單騎臨河干脫有意外之變邑中人將呱呱焉而爲嬰兒之失恃矣君自輕易其如民望何吳令頷之即命嘉謨爲前驅抵河岸忽有狂民與吳公有宿嫌直犯公駕嘉謨以身當之僅乃得免翼公歸魁英聞變徒步荷戈出遇公於郊外烏咽流涕悲不自勝亦若不知其所以致此者嗟乎士大夫生當叔世值王室之板蕩見乘輿之播遷其能爲稽侍中之血沾帝衣段秀實之用笏擊賊者落落千秋曾有幾人而魁英越在草莽其愛戴吳令者如此得無以忠孝節義有出於性天者乎而於羣匪擾亂規爲區畫戰守各得其宜使河東百萬生靈秋毫無犯則捍禦之功不容沒也嘉謨勇敢每遇敵躍馬衝陣辟易千人在邑境立戰功者屢

### 續修東阿縣志

卷之二 人物上

一一

濟南芙蓉街午夜書店印

矣而毅而范而朝城而臨清又且轉戰數百里當是時設有如宗太尉之遇秉義郎者吾知狄武襄之事業程知節之功名不足道矣乃上憲奏保著以守備用賞加都司銜而半生潦倒老死牖下豈李廣數奇此其中固有不可知者歟抑太史公之所謂學道謙遜者彼固未之前聞歟嘉謨子二監生垂玳武生垂玳以耕讀業於家詳見兵事錄劉文字煥章性好客喜交遊饒有智略狀貌奇偉咸豐元年南賊犯境文辦理團練帶隊防衛四年正月賊黨數萬擾東阿文率勇拒之二月僞丞相黃生才等分道北犯巡撫張亮基檄文統帶團勇軍前助剿逮十一年經旗穆顯榮等由陽穀至張秋奔運東文又與周光碧協力禦之賊膽寒西竄阿境獲安事平授梁山都司文笑曰吾老矣無能報効軍國也辭不赴任

馬信德字雲驥同治壬戌恩科武舉癸亥科進士投効豫軍轉戰宋衛陳蔡之郊迭奏膚功賞戴花翎加游擊銜署理沂州營都司實授安東營都司調署兗州右營都司寬嚴並濟所至有聲區聯旗傘迄今存在年五十七歲卒於官



譚會讓字遜齋例貢生幼業儒以才敏著聞及長被村衆舉爲村長辦理事務廉明公正罔不佩服咸豐十一年春紅巾賊起侵掠鄉之西偏數十村公舉爲團長會讓督團練數與賊戰鄰莊賴以保全光緒三年以壽終

楊淑亮字采卿武生玉振其叔父也咸豐年洪楊亂玉振奉命練團及同治元年紅匪自西南來齊團抵禦淑亮年少而體力過人又好義勇爲毅然以平賊自任及至賊勢大團力不支淑亮與玉振并團丁數人被圍遂奮力揮刀殺賊數名賊懼而逃一方藉以安堵後繼玉振辦團不辭辛苦壽至六十六歲而卒

遲清鏢邑庠生遲家橋人同治元年捻匪犯境盡傾家貲倡練鄉團調度有方屢戰皆捷地方賴以乂安鄉里德之事平上其功獎以訓導儘先補用

牛長清字安寰邑西南岱程鄉人也道光甲午科武舉考授守備因親病不赴任咸豐年間南匪北竄突至戴廟長清躬冒矢石督團防禦自邑以北咸被保障

殷允鐸舊城莊人幼業讀壯年濟衆爲心咸豐辛酉紅匪冠阿聊之間會僧親王南征

### 續修東阿縣志

卷之一 人物上

一一一

濟南芙蓉街午夜書店印

經阿賜與令旗羽書加六品銜任提調官調遣聊在阿所駐兵隊及鄉辦團勇助濟魚山團執有僧王印照任勞數年武舉房嘉謨等住其宅與其勞苦阿聊民衆賴以保全年八十一卒

田錫之字東侯白洋村田家隄口人歲貢生候選訓導鄉試屢薦未售課徒鄉里及門者多知名士咸豐十一年三月莘縣紅匪突至蹂躪鄉里錫之約同壽張下五里團長貢生孫華堂陽穀北十七團長增貢生陳錫朋集團丁千餘人諸日訓練以圖抵禦及五月間賊踞張秋錫之身督團丁在張秋城西要地攻擊賊聞風驚潰分兩路而逃竄向西北逃者四五百人遣團丁往北追遂向南逃渡河者六七百人親率團丁在城南河北殺賊數十人因隔水天晚未敢急進次日黎明率團丁過河在河岸殺賊十餘名投河死者十餘名獲賊元帥張某獲抬槍十餘杆馬二十餘匹撤團過河沿堤十餘里晝夜把守地方賴以乂安至今談其事者皆稱爲一方保障云

姜鴻瑛字玉軒世居翟劉村姜家莊光緒乙酉武舉丙戌進士殿試三甲藍翎侍衛廣



東潮州府平鎮營都司在任數月卒於官年三十九歲鴻瑛在京効力九年退休時輒學習書法帖摩柳公權玄秘塔得其神髓間與文人學士交亦頗通經史雖由武科顯而輕裘緩帶有儒將風壯年凋謝未得大用時人情之

曹玉魁字慶菴以髮匪亂由梁山營步兵挑選補充健勇屢建大功光緒三年歸山東撫標任東平把總丙戌以堵黃河決口功保授千總旋升濮州守備在任二十餘年以親老告歸終養光緒甲午年卒壽五十九歲

張應瑞字獻園郭家溝人家世儒業父誥邑庠生應瑞幼讀書頗通大義及長好騎射入武庠同治四年髮匪北竄汶上東平諸邑俱遭屠掠當是時阿邑各鄉辦團設防應瑞慷慨誓衆聯合各團禦賊於大嶮華蓋諸山據險扼隘身先士卒賊匪仰攻猛烈進而復却者數次團丁李棟死之而賊終潰退境賴以安事聞以功賞守備子如昕邑廩生有文名著遊大嶮山記載入藝文志

沈立安字宅仁銅城人於咸豐五年爲副團長當時紅匪犯境屢著戰功卒殲匪首六

## 續修東阿縣志

卷之一 人物上

一三二

濟南芙蓉街午夜書店印

年匪首裴四作亂立安帶團駐紮周家店巡將匪首裴四擊獲送案蒙賞五品銜

孟興甲字冠英邑武生成豐十一年紅巾賊起擾亂地方興甲以村長兼團長與房魁英帶團堵禦黃河渡口盡心竭力地方賴以稍安年五十八歲卒

秦奎東邑庠生銅城人咸豐五年爲鄉團團長時運河西一帶紅巾匪作亂奉令帶團駐紮阿城鎮連次戰勝卒殲匪首以後紅匪餘衆意圖報復來至縣西邊境王官廟又帶鄉團堵截紅匪喪膽西奔六年裴四倡亂又拿獲送案同治五年捻匪作亂奉令把守黃河有功保舉直隸州州判賞戴藍翎

魏懋崇字俊德城西王家莊人也少嗜讀不慕名利咸豐初年捻匪入境擾亂西兩關山等村懋崇創辦義勝團盡心操練嚴爲防備賊畏避而不敢近閭村賴以安全其所作勸團練文學者稱之至其生平治家處世急公好義尤多可風者故歿後族姪實甫題其墓云

刁翰閣原名玉堂候選從九大店鄉人性剛直有勇略咸豐年間紅巾倡亂捻匪肆擾



邑侯委帶鄉團與賊對壘屢立戰功一方胥獲安全且排難解紛息事甯人凡有義舉無不盡心竭力以勸其成鄉人至今猶稱頌不置

張毓梅字雪山邑庠生化成之子也時值紅巾作亂化成練團遇賊中矢而死毓梅以爲不共戴天之讎痛恨流涕跪乞各鄉長願帶團衆捍禦叛逆竟三戰三捷賊勢瓦解曾蒙世襲守備并立石以旌父功

### 政蹟

魏毓讓字鳴謙賦性穎異甫成童入邑庠旋食餼乾隆癸卯舉人湖南遠縣知縣下車即以勸農造士爲已任行之數月境無游惰庭無冤獄猶復廉潔自持嘗書一聯於堂柱云也曾十年讀書未忘了本來面目即此一行作吏要想到後世兒孫觀此可想其節概矣

高清淑字驥凡一字湘帆道光乙酉拔貢歷官河南偃師汜水等縣當清淑初到河南時候補人員每日徧謁長官圖差缺清淑獨肆力於書法不以奔走伺候廢習字功久

## 續修東阿縣志

卷之一 人物上

### 一四

濟南芙蓉街午夜書店印

之署偃師再署桐柏皆有聲最後實授汜水汜水古虎牢舊號巖邑清淑綏民以靜課士惟勤人安其業時有上委到境頗貪婪清淑惡之適同僚以鍾馗畫索題遂援筆書曰張大口仲長手爾看爾形好我看爾形醜仗劍未必能除邪徒使正人望風走其人聞之不悅而去因嗜酒病發未周歲卒於任橐無餘貲城紳同年某助之具棺厝古寺中初清淑與周文忠公天爵共筆硯候補汴省時常以札翰往來清淑與時天爵已擢至布政使因赴任過境撫其柩哭之爲鳩貲還葬焉生平著述皆散亡所藏古帖數十種多善本架皮圖書集成等書粵賊至張秋皆燬於火存者惟手著制藝數十篇隸字數幅而已子一嘉穀

劉步瀛字仙洲由附生舉光緒乙亥孝廉方正朝考一等簽分直隸署趙州知州丁母憂回籍服闋改選廣東羅定州州判公餘必宅心墳典一刻不懈而尤善書法筆致圓潤風骨獨秀惜歷任三載卒於任所年四十四歲

劉昭琳字松岩光緒年間由供事考職分發湖北巡檢歷任棗陽光化巡檢陞保康縣



知縣所至皆有惠政撮其大者興學校重農桑尊禮賢士振作工商故萬民拜獻旗繖頌德焉

邵鳳翔字儀亭以廩貢任招遠縣教諭博學洽聞廉介有爲蒞任數月髮匪北犯攻城甚急鳳翔偕知縣劉嘉淦率丁勇登城扼守不暇寢食者七晝夜賊退城得保全以功晉光祿寺署正銜旋丁外艱歸復遭內憂負土築墳哀傷成疾卒年四十五歲鄉里惜之

陳宗媯字麓賓世居城西北青苔鋪村由廩生中光緒己卯科舉人庚辰聯捷進士籤分戶部主事補福建司主事升山西司員外郎廣東司郎中京察一等經戶部尚書翁同龢奏保品端學正心細才長記名以道府用光緒二十六年兩宮西狩長安調赴行在辦事二十七年隨扈回京經河南巡撫于蔭霖專摺保薦才堪大用召見奉旨以四五品京堂候補因在行在辦事勤勞加二品銜旋丁憂回籍戶部尚書張百熙專電調京奏派調查南省財政赴上海開辦國家銀行三十二年補授度支部左承經大學士

### 續修東阿縣志

卷之一 人物上

一五

濟南芙蓉街午夜書店印

張之洞奏保人才奉旨交軍機處存記歷充監修德宗景皇帝陵工大清銀行監理官宗媯性情耿介器識宏通居官廉介自持凡人餽送冰炭敬等概不收受凡辦理工程俱有節省銀大家朋分宗媯一塵不染辦銀行不受花紅車馬費光緒末年外侮頻至朝廷講求富強而王公親貴反多賄賂公行以致國事日壞宗媯嘗謂不患國之不富不强患人之不廉不恥其耿介類如此清廉之聲朝野皆知旋奉旨赴東洋調查財政值國體變更遂挂冠歸里不問時事在家讀書課孫以自娛卒年七十

### 卓行

沈源明處士也家鉅富而性慈善食飢衣寒築路修橋事難紀極萬曆丙申於銅城北郭市地建法林規模宏大金碧煥爛外爲林苑三十畝植柏棗四百株更綴以竹石花卉四時景物任人游息其旁更施義地一區以葬死而無兆者費千金皆已出遐邇稱之于文定額其寺門曰福果禪林并爲之紀

龐國英字龍光幼好學十八歲入邑庠後屢舉優行時值明季天下大亂國家遂絕意



舉子業然猶潛心經史有強寇突入書舍國英端坐不爲動叱曰泰山可移吾身不可移賊驚嘆去雖當奔播之餘未嘗輟讀遭父喪水漿不入口者三日長兄某亦相繼病故母楊氏因哀慟失音國英委曲體察三越月無瞬息或懈母所欲雖不言國英已先意承之厥後嫂欲析箸國英不得已乃擇田宅美者讓之而自取其劣者及三兄嫂歿遺女無依且病目國英撫養如已女及笄爲之擇婿並給田三十畝嫁之嘗授徒西龍山課讀之暇默抄五經而以自意註釋之年遠散失者多存者惟周易上下經而已壽九十無病而逝

張浴心字子雪康熙年歲貢幼時聰敏家且豪富時有同姓惡霸名士蘭者覬覦財產時乘烈風怒號之際縱火燒浴心家人均被焚惟浴心方七齡不知擊舉空中飛落在塘坊馬莊外祖家幸得外祖護養多方教育及十八文理通順一試入泮遂回家復祖業控惡霸以復世讎乃天道好還理應無爽惡霸全家共生瘴病兇斃十之八九僅遺一孤浴心終此寬大待人未便追究迨以歲貢考准教職分發曹州候缺在家每遇窮

### 續修東阿縣志

卷之二 人物上

一六

濟南芙蓉街午夜書店印

獨多施賑濟行旅通衢屢設義漿時人多呼爲張善人云

龐鐸字金達好善樂施尤能預息訟端里人有爭鬪者鐸每具酒饌和解之一日貿易安民山有臨清賈人遺金一封鐸拾之廁中而不知其爲賈人金也貼招白衆無應者後至滑口埠頭始聞遺金人因是被訟矣鐸乃急赴臨清還金以白其事而訟遂息又在濼口遇賣子以葬其母者鐸爲之出資贖之晚年家頗殷實施已田數畝爲義塚卒後令聞益彰教諭王文錦表其門

周鳴環字佩玖世居周家河當嘉慶二十二年該莊東圩門外爲東南嶺峪洪範諸水所經每屆山水暴發行人多阻鳴環獨輸貲財創修濟衆橋日夜焦勞愁思所積一夜鬚髮盡白經年工竣意始愜然其急公好義多如此生平事親至孝自守甚廉忠正誠實聲名藉藉遠近稱爲長者子六季名崇英字華堂少年失怙雖孝養有志而音容已渺徒撫杯棬而滋痛矣幸萱堂無恙竭力承歡甘旨必供兄弟無尤至老不衰况復監修宗祠四時致祭創設譜碑千秋永享以和平處鄉黨以慈祥睦宗族眞乃是父是子



矣鄉里稱之立石以表其德焉

閻廷槐字位三監生鄉飲大賓世居臧家廟縣令李萃野欽其行誼給予匾額監修永濟大橋捐貲甚鉅時值陰雨連縣鄰右斷炊廷槐聞之開園門柴薪任人取攜須臾晨烟四起瀰漫山坡又鄰莊有盜賣廟樹者訟諸官及廷槐聞知償其值不取其樹兩造悅服訟乃解其慷慨好義多類此八十三歲卒

閻廷璉字華商邑增生世居白塔莊兄弟三人廷璉居長友愛篤至家計數十口內外無間言終其身不析箸尤急公好義有大事賴以裁定者居多李縣令賢書重其品望給予匾額

劉萬鰲字翰元例貢生衙前村人也性嚴正量淵深輕財好義樂善不倦遇有修築莫不踴躍爭先故重修城隍廟續修文昌閣並文廟大殿靈惠祠南北壇永濟大橋等要工不辭勞瘁首先出資皆以身率均載在碑記至今父老傳頌論者有餘慕焉

閻應辰字星浦恩貢生鄉飲大賓勤儉嚴正本於性生家號素封不染奢靡與人相接

## 續修東阿縣志

卷之一 人物上

一七

濟南芙蓉街午夜書店印

正言莊論人見之者無不畏服管理村事認真不稍遷就壽七十五歲

劉明冬與妻張氏性情和藹義命自安有子年十二因創蘿卜被比鄰俞姓兒誤傷殞命時張氏年已四十餘無復生子之望明冬弟明夏欲訟鄰兒償命明冬夫婦皆不肯曰死傷命也何以訟爲未幾張氏行年四十八歲舉一子五十歲又舉一子聰敏和順家道亦漸致富明冬六十六歲卒張氏八十歲卒咸以爲忠恕之報云

高青雲字心衢附貢生候選訓導先世居東平雙塔雕鵝嶺後遷張秋遂爲東阿人祖夢熊父克舉俱太學生青雲出嗣胞伯太學生克讓弟清淑清誨守本支青雲好義以播遷來譜牒燬棄爲憾遂商同族伯祖青城訓導元介創修譜牒手制序文道光九年邑侯李賢書修縣志青雲爲西南路採訪員張秋文廟歲久剝蝕倡義重修其他興築凡有關公益勒碑鐫名大率青雲居首所與游皆篤行士如壽張喻書林同邑吳承堂其著也弟清淑需次河南時青雲常出貲以助不給後復親履汜水署中以勤於治民儉以自奉爲勗偶過庖下見敗菘委地愀然曰是不予窮餓者而若此狼藉耶余不慣



居官解遂歸清淑卒賣良田百餘畝營葬償債迨清誨暨長子嘉誥猶子嘉穀殉節家益落青雲五子食指多僅餘田二頃憫兩弟身後孤寡煢煢將田產三分之一人服厚德晚年閉門授徒以壽考終著有傳家紀聞怡情集藏於家娶翟氏子嘉言嘉行嘉儀嘉範嘉相

房建業字存興邑西魚山人性穎悟好讀書事親孝鄉里以德行稱弱冠爲諸生旋食餼惜才大數奇省試薦而不售以歲貢終生平好排解息訟親族鄉里若有爭執竭力勸導雖千萬言不以爲繁有他鄉爭訟過其門者建業觀其詞色有異留供酒食勸以回歸鄉里傳頌者曰氣燄千丈高見君一言不知消歸何所治家以勤儉爲本課子讀書甚嚴有三子長燕賓字客卿大學生督理家務次燕林字翰卿邑庠生三燕臣字梅卿光緒乙酉科舉人子孫蕃衍稱極盛焉年八十一而卒

鄭學安字敏齋邑西南五里村鄭三里莊人幼聰慧年十七失怙因而廢學然性嗜讀農務稍暇則手不釋卷尤好觀史時值黃河北徙蕩析民居復以髮捻犯境沿村焚掠

## 續修東阿縣志

卷之一 人物上

一八

濟南芙蓉街午夜書店印

鄉民益乏所止棲學安顛越之餘未嘗輟耕讀業迨世變稍甯鄉人知其賢也公舉爲本村村正顧地當孔道徭役繁興科斂在所不免學安起而力任其難爲之節浮費請減遠差與共休息之嗣以運道淤淺漕船濡滯當事者飭築格堤以護漕渠承辦委員故向村莊近處插標以爲堤址鄉人患之學安憤而赴省稟請復勘承辦者用是倉猝開工將以示要挾也未幾近村堤工遽爾遠徙斯舉也當事者忌之而頌德歌功者不知幾千百家矣越數年復有創修臨黃民埵之舉繼而有借五里白洋等村窪田蓄水濟運之命鄉人惴惴鮮所適從學安查勘地勢力持公議俾壽陽平阿四縣綿亘之長隄尅期蒞事復於決隄放水處建置閘座以資宣洩由是運道能通而民田無害泊辦保甲以十一村團務俾綜理之措置裕如邑令製匾以榮之而閘閘戴德焉綜厥行誼宅心純正處世和平熏德者善良聞風者悅慕山斗巍巍之望非溢美也卒後沐德澤者相與礱石建碑以誌懿行諡曰貞惠先生

劉俊卿字秀亭宗華子出繼慶華爲嗣幼嫻弓馬得入武庠急公義好施予有祖風焉



天性肫篤事嗣父母竭誠敬養而於本生父母亦委曲盡禮雖家庭異居晨昏定省日不錯罨美衣甘食必分供無絲毫私遇親有疾奉侍湯藥必誠必敬弗敢遠離即隆冬盛暑依依左右不麾之不敢去也歲值咸豐辛酉髮匪犯境居戶紛紛潛逃城不爲守俊卿獨糾集街民率之登陴日夜嚴備望見匪踪即燃大炮以禦之匪力攻不克遂東竄去事平由縣上其功蒙獎五品頂戴以千總用惜積勞成疾致患背瘍而卒

陳立清字卓山邑西北清苔鋪莊人於光緒二十四年六月河水澎湃出漕決堤各莊人民皆築埝當水侵時立清忽見埝有決口自思曰是水若入吾莊休矣能使一人死不使數百人亡一人死能救數百人生庶幾死而無愧奈手無寸鐵不能以土塞之乃以身塞於決口然堤始決勢洶湧人力不敵竟被水冲於埝下水遂侵入立清急起又塞之如是者三加以極呼方有人至大險始除所以閤莊安然皆以立清爲重生父母焉繼又因禾苗淹沒民有飢色故出銀三十兩以賑濟之閤莊感其德不忍忘其恩同贈匾額敬誌不朽云

## 續修東阿縣志

卷之一 人物上

一九

濟南芙蓉街午夜書店印

姜際桐字鳳樓國學生大姜莊人好善樂施急公好義咸豐七年歲大稜流亡載道際桐發倉賑濟鄉鄰賴以生活者十居六七遇有地方公事皆以際桐爲領袖際桐持已以正接人以誠排難解紛鄉里化之而爭端以息爲坊爲表迄今述其行誼猶津津樂道之云

賀元松字化龍有介節好施與義之所在毅然任之同治二年紅匪猖獗閤莊築圍爲禦賊計佔壓地基人不樂從元松以已地易之不惟不形諸口且不介於心鄉人感之爲之立石

劉文瑤字貢揚武庠生幼而岐嶷長而敦厚事親孝事兄恭抑且奉已以儉治家以勤睦鄉鄰以義接朋友以誠當咸豐辛酉之春髮捻將犯境文瑤預爲砦於子陵山爲避亂計集鄉鄰男丁女婦共居之繼而賊匪厲至文瑤號召勇壯據險抵禦匪力不支遂解嚴去斯役也閤里獲安皆文瑤力也嗣而奉諭防河兼督土功築隄文瑤晝夜罔懈事竣蒙賞給六品職銜文瑤處之泊如也蓋有德而不自以爲德有功而不自以爲功



鄉人欽其品望也以此

閻應律字正五太學生世居臧家廟狀貌魁梧有英氣遇事辨可否務求理之所安見過必規不假以辭色而接人和藹可親居鄉以整理風俗爲己責時賭風甚熾鄉人固於習應律不避嫌怨嚴立條約請有司出示戒禁犯者無親疏少長必依法懲治而後已勸人樹木輪流防守應律經營之力居多以故茂樹成林里無隙地人德之公事多所裁決一鄉依重焉一旦讀朱子小學恨見之晚爲學益力敦尙行實族中子弟多受其誨於寒士憐而周之冀其成立治家立家規二十餘條以爲家法內外嚴肅各從其事始祖以下墓祭久廢十月朔親率族人行禮歲以爲常遇忌日必祭面有戚容如居喪然逢朔望必詣先人之前焚香拜跪以致敬應律孝出天性年十九失怙奉母至謹未嘗稍拂其意侍疾衣不解帶者累月及居喪不飲酒食肉哀毀過甚世俗治喪慣用鼓吹應律謂凶而從吉於義奚安獨違俗不恤人言其剛正類如此五十七歲卒

閻應華字鎮西邑庠生少貧乏多疾病流離轉徙艱辛備嘗然猶刻苦自勵身體稍健

### 續修東阿縣志

卷之一 人物上

一一〇

濟南芙蓉街午夜書店印

即堅志讀書後從遊者日衆訓迪有方門下士相繼入庠咸服其德教復習岐黃業精於診視治無不驗贈匾鳴謝者數家爲人性情和平與人無忤料事明達議論多中四鄉共仰公舉爲村首理村事數年排難解紛村中爭訟漸息謐靜無事七十七歲卒閻以彭字信軒邑庠生少從兄以燦學刻苦自勵夜深不解帶冬月鷄鳴而起腹筒漸充即游泮水入泮後兩赴鄉試不第知富貴有命遂棄舉子業而隨意披覽其切於身心者尤嗜之無厭性方正寡言笑步履凝重衣服整潔在外不濫交見鄉里惡人每望然去之友教二十餘載無一毫私財嘗作聯云骨肉之間半點無存私見文章以外一字不入公門年五十四歲卒

張文蔚字協彪太學生賦性慷慨每值年終恆出麥數石以爲貧者過節之需時或糴麥按戶分給之遇有時疫復備丸製香附丸以資施捨光緒初年黃水盛漲漂一棺木底板將脫內有骸骨文蔚爲之換板掩埋於己之田地中辦理鄉間公事墊借公款不索償不取息村衆至今傳說不置



高士倬字卓人祖青雲父嘉行性好義嗜學有祖風弱冠避難遇賊脅從弗爲屈賊怒以刃截其頂創甚墜河中遇救獲甦後以襄辦團務出力保六品銜初師外舅陽穀貢生楊嘉照楊歿家式微遺寡媳女孫各二煢煢無依士倬先後迎至家以養以嫁生計拮据弗恤也歷城舉人武震落拓走張秋士倬款留之與共朝夕討論文藝踰年春試時爲集貨促赴京是科成進士授知縣後陞任觀察每晤張秋人必首詢士倬起居或勸往謁卒不應光緒四年春患饑疫士倬晨起見碾房臥病丐二老者氣僅屬少者抱之哭詢之自言連二家河東老者其父也夜分人昇來士倬弗深究急飲食之是夕老者死爲具藁席瘞北郊義地已連二病大作延醫調治月餘方愈爲製衣攜之適市買香餌食之人不知爲乞兒也兩月後僱人齎送還家嗣因黃流肆虐家益窘然教子讀書不稍懈卒年七十八歲子二長紹時次紹和

蘇允哲字濬齋太學生世居蘇家橋莊爲人質直恢豁好解紛排難鄉鄰有爭必使兩和一鄉依重焉故有忠厚長者之稱該莊南有溝夏日水發人多病涉允哲年逾七旬

### 續修東阿縣志

卷之一 人物上

一一一

濟南芙蓉街午夜書店印

仔肩修築嬰鏢老翁猶健步勸募卒底於成性明達億則多中故家計日豐壽八十五歲

辛景雲字縵卿道坦三子天姿聰敏自總角時即有成人之目父母鍾愛之奮志讀書早歲入邑庠有文譽方期聯步青雲以顯親者博親歡無何父患癱症展轉牀褥動輒需人景雲依依左右奉侍湯藥晨昏無間俄父卒喪葬盡禮不尙虛文不數年母氏相繼逝長兄景溪次兄景清亦先後歿景雲遭家不造因輟學廢讀而專理家政徇鄉人之請地方公益事亦與聞焉內而求田問舍外而恤孤賑貧公正廉明人甚德之至若醫學之精則以父母久病自愧不諳藥性無能力起沈疴故奮而肄此要亦活人濟世之一端云

龐鐘字聲遠太學生莊臨兩河行人病涉乃出資買船設立義渡復購買田地作爲碼頭以濟往來行人遠近便之族黨有困難者尤多賙卹焉

周占元武生性真摯治家無私曾出內助私產六畝充作公用息伯仲之肩家雖獨理



奉身惟儉重罔極之恩用雖不足養親必豐長兄一子早亡次兄一子受室數月亦以病歿占元哭之慟曰天何絕吾兩兄之甚也待姪婦曲盡恩禮光緒十四年卒  
張繼才字錦堂歲貢生同治二年秋有逃荒者陳連吉病於紅廟莊廟內繼才聞之爲延醫調治並代還藥資給予錢文後陳連吉送再造大德匾額以表其門但繼才家貧讀書皆賴其堂叔世鏞供給之

張萬祿邑西南蔡家窩人也賦性豪爽好義輕財捐巨資修廟宇施地基成學校善人之稱嘖嘖人口且剛明正直足以服人凡鄉中不平之事賴萬祿一言而決光緒三十四年壽阿東三縣紳民公送公正可風匾額以表其懿行而萬祿平生對於訟賭尤深痛絕今歿二十餘年鄉中訟獄不興賭風絕迹猶是萬祿之遺澤也

周良翰字樹屏邑庠生性忼爽教人循循不倦先器識而後文藝處鄉黨以勸善規過排難解紛爲急務鄰有鬪者良翰至一言立止其有貧困不給則捐貲助之暇時聚族結社立功過格以資鼓勵有呂氏鄉約遺意由是薰德善良民風不變當髮匪肆擾之

### 續修東阿縣志

卷之一 人物上

一一一

濟南芙蓉街午夜書店印

時良翰糾衆設防築圩濬濠緊急之際晝夜運籌不辭勞瘁以故寇氛雖熾而近鄉獲全卒後鄉人不忍沒其功德積貲勒碑以示感云

劉德修字蘊誠庠生幼失怙事母至孝自奉以儉周急無吝善醫痘疹人來求者徒步以往風雨不辭河北匪亂逃難者蟻聚街巷飢渴堪憫德修多備湯飯食之壽八十四歲卒

張鳳鳴字中五少年好學才頗穎異弱冠游庠兩膺鶚薦未登一第遂設帳以課徒焉且天性孝友兄弟和睦鄰里族黨無不稱慕每逢凶荒出米糧以恤貧困里有爭端善爲排解遇有公務一塵不染村中父老至今猶言念念不忘云

張緒孟字嶧生世澤子也少穎悟有器局讀書輒過目不忘九歲能文嘗讀野寺中適有丐婦欲以百金賣女緒孟聞之出囊金十五兩相贈母女使勿相離道光己亥科舉人髮捻之亂遇匪於途叩其里居姓氏亟稱善人且云吾等感德至厚今應畢力以報萬一於是送緒孟至家嚴肅北行而去同莊感戴嘖嘖不絕年四十設館授徒不取束



脩負笈請業者門庭濟濟性嚴格無嗜好終身以不繼先人爲憾壽六十七以微疾終  
焦溪字雲谷祖居東雨村王家寨莊讀書不求甚解但觀其大義教人不泥字句務勗  
以力行鄉鄰貧窮無託者不能葬則助以喪貲不能嫁則贈以妝奩其排難解紛之事  
不可枚舉鄉黨村里重嘉焉卒年八十六歲

秦敦和太學生庠生秦恆一之子也性孝好施繼母雷氏常抱病三年臥床不起問寢  
侍膳奉藥諸事必躬親之從無役及妻子假手婢僕母病愈見形消骨立嘆曰人有親  
生子能如是者誰也又見有鄉人楊兆林年及四旬貧不能娶招致爲傭除按年給與  
工資外囊出京帑爲之儲蓄生息十餘年爲購良田十餘畝與覓妻室甫生子女而楊  
某以老病死其嗣續不絕者實敦和扶植之力也

李景祐字天申少壯業讀孝友宜家無迂於世嗣以鄉里公推爲馬頰河村首事廉明  
卓著宣統間縣立議事會景祐曾充議員辦公認真爲當時所推重

王希閔字閻如例貢生篋箕王莊人賦性仁愛樂善好施親友族黨咸稱爲端人善士

### 續修東阿縣志

卷之一 人物上

一一三

濟南芙蓉街午夜書店印

借貸於已無吝色推施於人無德容曾與外祖家表兄牛方河買地八畝餘與姑母家  
表兄牛萬英買地三畝餘以養其家族姪婦解氏年七十餘貧不能自存令入己家養  
十數年而卒此特舉其一二其他善事不可勝述矣

崔文教字振鐸家道殷實光緒十四年春歲逢饑饉文教開素積之粟僱工炊爨每日  
施放日數百人親里族人均蒙其澤迄今三世家道興隆積德者昌若文教者其庶幾  
矣

張振清字鏡亭世澤堂弟也武庠生大名鎮標下南樂把總後任村正在鄉閭勸善規  
過排難解紛賑急恤貧民衆感贊公送匾額以表揚之特以賦性梗直遇不平事輒憤  
怒竟得風寒疾年八十卒

張連桂字清遠太學生性忠直好施予重然諾平居謙以自牧臨事則百折不回人有  
紛難盡力排解光緒十年黃水氾濫奉諭築隄有功蒙獎九品恩職後三年清河淤墊  
地成澤國連桂毅然奮起請款挑挖委掌簿籍分毫無私鄉鄰思慕不忘遂以品立行



修勒石子鴻序邑庠生恪守家範急公好義饒有父風鄉人至今稱之

劉鎮南字丙衡候選衛千總少有大志每欲以武功顯弱冠入武庠赴省鄉試未終場適丁父艱歸而爲家政所累遂絕意進取甘旨奉母督兩弟讀書俱入庠食廩餼比出而問地方公益事和鄰里息爭訟賑貧窮恤孤獨練團集勇作一方保障視公事如已事未嘗有一毫私鄉人德之因歷述其善行以誌不忘云

薛長元字揆一性狷潔嘗晨游河邊拾一皮包檢視內有紙幣一百二十吊知係人遺失遂坐以待至飯後有一人倉皇沿河邊尋至長元問之伊云家住班鳩店莊姓喬名立坤因作商行路倉促將票包遺失內有錢一百二十吊長元即將原物歸還喬某謝曰吾家數口指商生活非此全家性命休矣長元復邀喬至家與之酒食並囑以後須要謹慎云

張茂華字伯實青泉鄉人律身謹嚴持家勤儉以義方教子居恆早起晏眠終身操作無惰容族姓氏微多飢寒待給升斗舉火者不下五七家其表率一鄉也與父言慈與

### 續修東阿縣志

卷之一 人物上

一一四

濟南芙蓉街午夜書店印

子言孝遇紛難挺身以往如持利刃破竹節迎刃而解無或梗接人無疾言遽色然嚴禁撻誦戲後生浮蕩改行率德無敢犯者村瀕黃河值天吳肆虐必汲汲爲窮檐賑濟計呼籲官府如重擔在身奔走喘汗罔敢止息至盡程釋負然後已其他行誼類如此故村人服其教受其惠爲立懿行碑以誌不忘云

范毓岐字夷亭城北范家集人光緒四年歲貢和雅深沈行敦古處誼篤天親而嚴正之性一鄉素孚咸敬憚之莫敢侮爲人老成持重細行必檢司馬溫公曰吾一生無他過人惟事無不可對人言毓岐其人也遇有官事煩重毓岐樹德於鄉躬爲領袖而事無弗濟讀書學有根柢設教因材循循善誘故一時多成名之士

曲雲程字凌霄曲莊人庚午科武舉揀選一等候補守備雲程家居教人騎射門下士得科名入仕籍者不可勝計長子代璋光緒辛卯武舉掖縣北海汛把總次子奉璋入武庠補外委雲程兼充村長三十餘年君子懷德小人畏威頗著聲望閭村贈匾以誌表揚年七十歲卒



師重九字華峯歲貢生少失怙事母以孝聞才學兼優品概端嚴設帳課徒日以居敬窮理爲諄諄同治年間捻匪北犯重九率衆堅守村寨一村賴以無恙富歲公議積穀以爲凶年濟貧之用衆皆各出重九獨以身先之貧乏賴以生活者無算

謝景申字鎮南邑附生性嚴峻好扶植善類里中豪強凶酒者見而斂迹故村中事無鉅細多所裁決罔不帖服尤好培養人才邑穀城書院久缺講席光緒丙子戶部主事王善澤欲振興文風約同景申上書胡邑侯建樞邀集士紳籌畫經費敦請山長開課校士贊助之力羣推王謝蓋二人勞績居多也子功嚴以醫名

張棟字廷選衙前村人性仁厚好施與里中貧乏者求無不應尤慷慨好義城內大石橋於光緒年間山水暴發兩邊欄杆盡爲塌陷汲水門及門下石橙亦冲毀殆盡邑人士見工程浩大無敢過問者廷選先捐貲七百餘千以爲之倡閱三月而工竣又倡修南壇橋衝風冒雨不憚煩勞行人便之其後繼修永濟橋及東南門頂魁星樓皆其姪孫玉華監修亦可謂不辭勞瘁者矣

### 續修東阿縣志

卷之一 人物上

一一五

濟南芙蓉街午夜書店印

周隆泗字嶧源太學生性簡重不輕言笑持心平恕品行端方雖貧乏不輕假貸尤和易坦直里中潔修士樂與之游聆其訓者多所成立光緒壬辰年卒五十七歲

殷培塾字序堂例貢生邑西北後殷莊人少業儒失怙席先人厚貲勤儉治家廣置田產五百餘畝不驕不吝以故宗族鄉黨多被其惠四方有貧不能娶不能葬者輒貲助之不索償至於恤孤濟貧賑困扶阨善行不勝枚舉是以宗族感之登諸家乘四方銜恩贈送匾額惜享年不永壽五十歲卒

韓興魁字善元邑之密頭莊人也幼貧事親以孝聞長善治生嫻弓馬藝後開門受徒傍及鄰邑彬彬濟濟稱極盛焉性和厚喜施予凡鄰里戚族之貧者均被其惠族人嘗有自鬻其田者興魁念其無以爲生爲之贖回者數次卒全其田時人慕其德公送施德莫忘匾額年七十七卒子三建全建廣建章均入武庠

王有册字典齋庠生事親至孝遭母喪殮葬一遵禮制哀毀骨立大祥前朝暮不斷哭聲然爲人明果遇事敢爲土匪王某肆行搶劫四方患之有册聞軍隊過境隻身赴城



聲明領官自爲鄉導捕之有土豪徐某在莊西黃河創立渡口踐踏兩岸田地有冊與之理較不服訟之官徐某理屈事遂寢卒於宣統二年

劉敷教字布五太學生少承先業家道殷實而自奉儉約待人務存寬厚於鰥寡孤獨尤加意周恤故鄉鄰中之飢寒者或婚葬無力者必竭力拯救之每歲賴以舉火者恆數十家若遇重大公義傾資相助無吝色好善樂施有足風焉

周茂爵字魁五性英爽負大志奉身惟儉養親獨豐表兄邢文藻友人姜常倫俱貧不能給茂爵時常周其窘急天津清縣友人潘世忠病郵信七百里求茂爵醫治時茂爵方喪子接信就道兼程而行其生平任恤類如此

趙衍韶字宗夔鄉飲耆賓世居北關村性簡默寡言笑好讀書手不釋卷於古人格言見之必錄於冊事父母孝養備至嘗值父病湯藥必親嘗衣不解帶者數月家庭中子弟衆多雖不讀書者亦循循雅飭蓋觀感有自也閒暇與里中父老談論娓娓以整理風化爲急務宣統辛亥年卒時八十二歲

### 續修東阿縣志

卷之一 人物上

一六

濟南芙蓉街午夜書店印

張不忠字蓋臣例貢生邑西南柏木山人賦性忠厚與人無爭生平無惡言怒色對親友貧困加意體恤凡鄉間因財物糾葛者暗行墊錢了事不求人知至足不履公門口不道人非更足令人景慕故於宣統三年平阿兩縣紳民公爲立碑以表其懿行

郭東瀛字仙洲原名丕海附貢生世居城北石佛屯莊爲人品行端方學問深醇秋闈屢薦不售遂絕意進取居家則以孝友爲先務處世則以寬厚和平爲主旨光緒庚辰冬祖母邱氏年近九旬目忽失明異常躁急東瀛朝夕侍側食爲執箸眠爲解衣疴癢抑搔之出入扶掖之久之邱性漸坦若自忘其失明者然自是宗族稱孝人無間言嘗爲鄰村張某稱貸後張貧力不能償債主持券追益急張窘甚向東瀛言吾將鬻子女以償終不負公東瀛曰何至是越日取貸券示張焚之曰吾代爾償矣無以此區區者致骨肉分離也重義輕財足見一斑晚年家居靜養不問世事而村中遇有大故猶取決焉鄉鄰有訟爭者恆婉言以勸解之務使雙方悅服永息爭端而後已息事甯人大率類此子三長慶福次慶祿三慶祥慶祿慶祥俱業儒慶福字錫五優廩生京師法律



學堂畢業副貢出身歷任山東江西各省法官時東瀛就養官解每舉清慎勤三字爲戒慶福居法官十餘年無稍隕越者得庭訓力也東瀛年七十七歲卒於家

侯玉瑾字蘊輝性溫厚汪汪有大度尤好義舉公爾忘私凡修築鉅工胥倚賴之常倡植柳數百株美蔭婆娑休息者稱便焉凡有益人者無不竭力而爲是以遠近稱頌之

盧作棟字柱臣廣敬長子出爲廣恭嗣奉事高堂承顏養志外祖家貧二妹亦奇窘不支作棟並爲周恤自將貿易贏餘買地十五畝許祖家耕收繼買地八畝許閭妹家耕收復與田妹京錢五百串以作不時之需其他賙貧卹匱賴以全活者尤多人焉

### 孝友

王文廣字藝林邑西王莊人事親以孝聞母病危百藥無效文廣焚香夜禱願以身代持刀割股取血和湯呈飲即愈壽至九十三歲無疾而逝文廣亦壽至八十三而卒

## 續修東阿縣志

卷之一 人物上

一一七

濟南芙蓉街午夜書店印

張毓藻歲貢生母早卒父性嚴厲繼母虐侍之毓藻委曲承順慰悅親心以孝名於時四方向善之士併其及門弟子公同以純孝性成四字製匾以表揚之

陳殿遴邑廩生賦性樸誠恭以待人莊以持已事親曲盡孝道生則冬溫夏清病則飲藥先嘗死則哀慟動人凡棺殮殯葬罔不中禮躬自負土廬墓三年時蒙邑令汪旌表之

遲方程邑增生節孝王氏子也同治三年歲考取優等頂補榜發聞匪訊念母情切場未竣星夜旋里翌日學院問及兩學以實對例降三等學院嘉其孝降一等末後贈以書略云數年攻苦一旦得志愜然置之而不顧是乃所謂真孝子是乃所謂真學問也賀岱太學生未生而父卒稍長遇忌日輒慟哭因服緘終身不飲酒食肉遐邇稱孝與高青雲友善博學有日記至老弗輟鎮中鉅細事必書於冊人呼爲張秋志道光九年邑侯李賢書修縣志爲分纂員

孟毓登字庸甫喬家樓人增貢生三歲失怙受母賈氏懿訓自幼孝順長就外傳讀書



刻苦自厲事祖母委曲得其歡心故祖母于氏壽九十餘歲未嘗以無子悲道光八年李縣令賢書欽其孝行爲送匾額以榮之

孫萬鵬字程九邑庠生南馮村孫家莊人性醇篤敦孝友壯歲失恃哀毀骨立事父與繼母均以孝稱愛異母弟與同母弟無異父歿析產以佳者讓諸弟繼母卒喪葬之誠一如本生與鄉人處常以孝友相勸勉有過即面折人亦不怒年八十五歲無疾而逝王建東字震笙邑庠生北盧村人天性孝友事繼母鄭氏至孝色養不匱鄉鄰皆以孝稱之設教附近各村誨人不倦壽五十七歲而卒

龐毓岱字韻華武庠生孝敬性成祖父年老病目喪明後眼仍奇疼百方調治不愈有異人言欲止疼非用萬靈血不可毓岱破出臂血一杯進飲之而眼疼遂愈毓岱晚年樂觀先正家訓每晚教一子一孫以修身齊家處鄉之道朔望則諭諸婦孫女以三從四德之旨然獎勵之辭多督責之辭少按時順導終身無間是以後人遵教內外肅然壽七十三歲卒

### 續修東阿縣志

卷之一 人物上

二一八

濟南芙蓉街午夜書店印

劉慶華字雲章萬鰲子邑增生幼承家學克敦孝友與弟同學共讀潛玩經史縱談古今無不欣然合志式好無尤常棣之詩可徵也書摩歐趙爲世所重道光九年邑令李賢書重修縣志延聘紳耆勸贊其事慶華隨萬鰲預於是選盡心擘畫觀厥成焉其居家也儉約自守豐腴養親婉容愉色深得歡心色養無不兼至有時親疾甚危慶華虔誠默禱願以身代親疾翌日果瘳孝行所感於斯可見乃數奇不偶屢薦未售偶染時疫賈志以歿年三十四歲士論惜之

王泮芹字言采邑增生爲人品學優異事繼母如生母族黨稱孝又見義勇爲輕利急公之事不可枚舉子皆遊庠訓徒名士多出其門皆泮芹訓誨之力也

鄭天統字子卿學安長子邑廩生幼稟庭訓砥節礪行一以先正典型爲法不慕榮利不驚虛名剛健篤實肫肫然一躬行君子也當其周旋家庭雙親在堂甘旨之供奉養無缺而先意承志必求所以如曾子之善養者以博親歡而後情乃慰心乃安母氏張素多疾天統服事尤謹疴瘵敬抑搔之醫藥必親嘗之時依依左右作孺子慕雖盛暑



祁寒亦不改其常度宗族稱孝有足多焉繼而敦睦鄉里敬老慈幼安民和衆鄉鄰有爭鬪者則仿古人息訟之法判其是非曲直使之兩相和解而後已以故里有仁風梗頑者胥化焉至辦地方公益事則嚴覈款項出入不使有所妄費凡所用途公布之彊恕而行邦家無怨矣在昔司馬溫公淡泊明志仁義束躬遇事不激而浩浩然具有剛方嚴毅之氣天統素傾慕於溫公鄉人議論因以剛毅成其志云

郭連泰字鎮東少孤母年邁病重晝夜扶持衣不解帶者數月胞兄連岐堂兄連年皆娶妻早亡二嫂各守苦節連泰皆爲之請旌立石以褒揚之遇族姓戚友不能娘嫁與孤寡不能自存者皆竭力周濟之務使各得其所而後已歿後鄉人猶稱道弗衰云  
史五美字政治邑庠生至性過人家雖窮約奉事父母順志顏甘旨無缺鄉鄰稱孝者無間且哀鰥寡憫孤獨輕財好施務期濟人未嘗有德色故鄉人德之

焦學鸞醇紹閔性醇樸無諾不苟事父兄以孝友聞篤宗睦族克勤克儉識卓而量宏能忍人所不能忍事無巨細動必謹慎鄉里紛難之事多所排解當公忘私鄉人至今

### 續修東阿縣志

卷之一 人物上

一一九


濟南芙蓉街午夜書店印

稱之

楊承光字觀文拔貢承耀之兄也醇實樸厚持身端方侍親承歡孝思不匱與弟承耀同居白首怡怡終無間言治家嚴肅鄉里矜式焉

張玉標割股療治母病以孝稱







續修東阿縣志卷之十二

人物志下

忠義

高濤誨字獻可太學生道光乙酉東閣薦卷未售遂不復試讀書藝花卉閉門自娛咸豐間粵賊過張秋家人勸之行弗許賊至見家藏牌繖等物曰此官家也遂闖入內庭清誨端坐不屈與長子嘉誥猶子嘉毅同時殉節繼娶祝氏亦被創絕氣賊去復甦能述其慘狀云次子嘉諭精岐黃

魏懋福陶城舖人質直好義當咸豐十一年九月紅巾賊蟠踞安平鎮四出焚掠懋福糾集鄉民族衆會戰於戊巳山北里許賊衆我寡弗克抵禦退至鎮東北五里營力竭而死同時殉難者有族人光訓光傑

譚培隆字存厚勇敢素著於咸豐十一年春紅巾賊侵掠地而培隆隨團出戰勇往直前與賊交鋒數次至四月初八日陣亡經團長譚會讓等呈報縣尊轉詳撫院奏請賞

續修東阿縣志

卷之十二 人物下

一

濟南芙蓉街午夜書店印

給雲騎尉世職子廣居承襲

劉秉緒字善繼山嘴莊人賦性英敏南匪北侵堵擊陣亡咸豐十一年入忠義祠

王春桂字秋馨世居王家沙窩賦性剛直見義必爲當咸豐十一年西賊入境民甚苦之各處成團莫之能禦至六月六日賊衆直達梨園春桂率衆團爭先死焉然身自死而終獲全勝西賊喪膽不敢復犯縣尊保舉七品銜名列忠義祠

劉繼嵩字峻崖於咸豐十一年九月二十日戰擒匪於張秋鎮死之年方一十有九列入義勇祠

張毓芹字采臣邑庠生爲人質直好義果敢有爲咸豐十一年紅巾賊起擾亂西鄙毓芹隨團出征進赴阿城鎮抵禦賊遂西竄旋賊又復東來進至林馬莊毓芹同房魁英房嘉謨等在三官廟前結陣以待戰二小時賊勢不支毓芹隨團追逐斬獲無算追至苦山而止五月十二日賊復犯曲家莊毓芹隨團前赴抵禦戰未幾賊馬隊襲後遂遇害同遇害者有武生張廣韶張毓嶺經團長房魁英等呈報縣長經撫院奏請恩賜雲



騎尉且世襲焉

李獻可棘城鄉棘城莊人咸豐十年賊匪突過運河在戴家廟交戰殞命蒙恩賜子雲騎尉世職

賈明坤於咸豐十一年四月間因髮賊竄擾縣境率團堵遏力竭陣亡蒙恩准照四品官以下陣亡例給予雲騎尉世職世襲罔替獻廷係嫡長子蒙撫提部院丁驗准襲發曹州鎮梁山營標學習獻廷身長玉立丰采異人好讀書能文章因襲世職棄文就武騎射步射百發百中然其天性嗜讀在營每有暇時猶時時以觀書作文爲樂大吏重其學委署本縣營汛未幾故於任所

趙炳章字虎臣世居高村莊道光甲午科武舉候選守備英姿魁梧膂力過人民咸豐十一年捻匪之亂辦理團務數殲賊渠後因積勞病故一方惜之

譚興元邑庠生北陳村人也同治元年該村附近紅匪擾害居民四逃興元帶領團勇前往抵禦竟爲匪獲興元賦性剛正不爲匪屈竟遇害時人惜之

### 續修東阿縣志

卷之二 人物下

二

濟南芙蓉街午夜書店印

雷太岳雷莊人自幼好善樂施熱心公益同治二年紅匪作亂爲保衛一鄉人士生命奮勇禦匪寡不敵衆三月二十八日被匪殺害卒年三十八歲

劉振江劉道人堂莊人性機警有膽略曾充墩兵宵小憚之避其途後從左宗棠征髮捻以軍功賞四品頂戴花翎同治二年三月二十八日紅巾之亂率鄉勇力戰陣亡鄉黨惜之

咸豐五年縣令周毓南督團在戴廟與捻作戰河牆不守縣令死焉團長庠生劉鴻賓勇壯費麟祝禧安卓五同時陣亡又團長八人團丁百十有七人均遇難嗣光緒八年縣令沈葆瓊爲周前令建立專祠始併歷年殉難士民共一千三百七十八人臚列姓名書之木牌爲配祀焉後將祠改作他用木牌銷毀姓名無考

又咸豐十一年在姜家樓與捻匪接仗陣亡姓氏列後

曹 錦 曹玉珍 單思明 單思忠 單宗文 周隆功 曲 榮 曲殿英  
曲殿東 袁 榮 據楊廣燦採訪册



僑寓

趙雲山甘肅涼州人同治九年在甯夏以軍功賞四品頂戴花翎准以守備選用光緒年間來阿寓賈鄉北關莊遂家焉性慷慨率真善排解尤能與居人接洽後遂舉爲村長遇事有爲絕無曲阿鄉人悅服惜身後蕭條世嗣亦絕



列女

崔氏張毓嵩之妻允符母也四德咸備孝道克敦定省服事未嘗稍失舅姑意有甥殷培安幼失怙恃貧無依舅姑憐之氏上體親心收養之愛如己出稍長業農成人後擇配爲之有室居恆待遇甥婦一如子婦後甥孫衆多又賜田十餘畝置宅一區使自爨焉允符妻殷氏入張門稟姑家訓凡剪刀烹飪之事靡弗嫻習以及晨昏定省視聽無形皆深得舅姑歡心兼之友于弟妹和睦如婢時雖惡聲相加遠色衝犯而氏仍婉婉遜順無幾微不豫之容見於顏面泊姑歿舅老氏事之尤篤雖子孫滿堂服勞有貸然氏於奉養各節事必躬親即寅夜遇風雨舅未寢弗敢先寢數十年如一日至舅歿而後已崔長子允符光緒甲午領鄉薦次允昇以農業起家幾於素封殷長子慶霖濟甯河海工程學堂畢業次慶樹保定軍官八期畢業官至二十軍副官處處長三慶浦業讀孫男七人崔卒於光緒二十五年壽五十六歲殷現六十八歲

崔氏崔懷亮之女劉綸閣之妻于歸數年生男女各一夫亡後氏貞節自誓課子誦讀

續修東阿縣志

卷之二 人物下

四

濟南芙蓉街午夜書店印

每庭訓之曰吾家累世書香奚忍令汝衰而弗振也汝須勵志務期有成後其子名昭遊庠詎非巾幗中能守義知禮者乎 以上賢淑

陳氏尙文寨陳玘亭女年十五父母偕亡依兄嫂爲生無何兄嫂亦相繼歿遺子連平甫數歲處女躬親撫養冀其成立有與貞女論婚者輒指姪曰母族血胤不絕者止此一塊肉誰肯捨之而去甘爲陳氏作綱紀主可耳矢志不嫁撫姪成立年七十二卒於母家

劉氏豆山莊魏茂林之妻城南大棘城劉世昌之女年十七卜吉未娶夫病歿訃音至氏一慟幾絕改裝衣素往弔夫家心悽聲慘遂依姑不復返矢志不二事翁姑克盡婦道飲食必侍動作必先翁姑病延醫求神竭誠盡志翁姑歿喪葬盡哀盡禮所遺夫弟撫養成立宛同生母總婦一生舉止端方嘖笑嚴重不觀戲劇不衣紅紫幽閒貞靜有大家風年六十四卒蒙旌奇節純孝

周氏周洛水之女幼字賀玉恆爲室年十八未嫁夫亡氏聞訃請命父母臨喪祭奠既



至夫家拜翁姑執婦禮甚恭毀容矢志守貞靡他事親至孝定省無缺卒年三十光緒二十年請旌

張氏常家坡常岱峯之妻大柳樹張莊張大綸之女夫年十六未娶病故氏矢志守節廿往夫家奉親當時翁姑與祖姑在堂氏竭盡孝道親煎湯藥必先嘗後進每逢姑與祖姑有病氏必虔誠禱告願以身代病者多愈後過姪德發爲嗣義方訓誨家業漸興鄉鄰欽其懿行仰其節操於光緒癸卯請旌

遲氏豐履和之妻訂婚未娶而履和病故遲聞夫歿泣血柴立哀毀成疾屢思自盡以殉輒被家人救免歷年餘病愈乃乘間潛行以歸鄴門哀求舅姑願終身稱未亡人舅姑憐而許之遂安焉孝事雙親恪守婦道鄰里鄉黨輒爲稱道如是者數十年公同保舉蒙學政汪以奇節千古旌之

張氏張俊籲之女秦昭奎未婚妻同治十年夫故即日殯葬棺至半途轉覺甚重不能前進衆方驚異適有信到知氏聞訃自縊遂停柩待氏柩至并行合葬宜乎親族共爲

### 續修東阿縣志

卷之二 人物下

### 五

濟南芙蓉街午夜書店印

譽揚國家榮施旌表是年奉旨恩准建坊入祠

焦氏范臣聘爲室范臣未婚而死氏聞訃逕往夫家哭泣棺前以頭觸棺而殉萬曆二十六年山東布政司盧表其貞烈爲之立碑以上貞女

白家鋪莊有古孝婦碑中間大書割股奉母孝婦白門王氏後註康熙庚子年秋立節婦齊氏子路劉鴻霖之妻同治丙寅年髮逆北竄氏隨合家避亂至莊北爲賊掠去氏夫爲賊所逼投河而歿家人避亂回家不見齊氏知被賊掠祕之不言異日莊後井中一人髮繫縷端下至水際出之乃齊氏也不知死於何日一莊痛惜當時宜有旌表今無可考

雷氏庠生雷廷楠之女庠生秦恆一之繼室十七歲于歸服事舅姑先意承志主持內政有條不紊室有前子敦和年甫數歲愛若己出撫養周到敦和爲人長厚多從母教得來氏卒年八十四歲人皆謂賢德所致云

李氏李光榮之女盧學儉之繼室性賢淑敬夫如賓待前房子婦無疾言遠色夫病則



湯藥必親嘗夫亡則水漿不入口舉家窺其有盡節之意苦勸少食且密防之逮夫葬期閉戶盥洗服毒以殉年二十九歲

王氏龐毓潔妻二十五歲夫亡遺二女及子復義俱幼氏貞節自守撫子女成立復義娶楊氏爲妻楊氏二十八歲復義貿易歿於他鄉王氏病且死楊氏日夜哭泣擇夫姪秉寅爲嗣遂不食而死以上烈婦

白氏徐明之妻也徐明爲捕誣斃於獄白氏痛夫冤死徧訴上郡苦不得直遂攜子行乞至京控諸部往返申駁志不稍屈經年而冤獄始雪咸豐十年山東巡撫飭縣爲立碑匾以旌表之後撫子德成卒以成家歷三十九年而卒

郭氏郭景伊之女殷振遠之妻于歸後因母家貧寒嘗以紡績之蓄餽父母父歿代備衣裳棺木母歿亦然祖母病數年姑亦同時病凡煎藥餌供甘旨祖先姑後必先嘗乃進數年無倦容六十七歲卒光緒二十年旌表純孝

張氏魏尙權之妻夫歿數月殉節光緒二十三年旌表四區採訪

### 續修東阿縣志

卷之二 人物下

## 六

濟南芙蓉街午夜書店印

張氏譚方型之妻十九歲于歸二十三夫亡玉潔水清孝思不匱嘉慶六年旌表三區採訪

王氏張文祿之妻十九歲于歸越年夫故柏舟自矢善事翁姑道光九年旌表四區採訪

張氏王文顯之妻十九歲于歸夫早故矢志靡他苦節自勵道光九年旌表一區採訪

陳氏譚九思之妻十八歲于歸二十歲夫故柏舟自矢孝事翁姑道光九年旌表三區採訪

採訪

張氏周尙信之妻婦龐氏張氏子際泰之妻姑年二十六歲夫故守節五十四年婦年二十歲夫故守節四十九年道光二十年旌表後張氏之孫洛書官同知爲綽楔於門建碑於墓三區採訪

劉氏楊嶸之妻夫亡守節道光二十年旌表一區採訪

曹氏劉淑齊之妻十八歲于歸二十九歲夫故矢志守節四十餘年七十八歲壽終道光二十一年旌表一區採訪



馮氏賀元魁之妻二十歲于歸二十五歲夫故孝事翁姑守志三十餘年道光二十一年旌表 一區採訪

王氏賀世安之繼室十七歲于歸二十歲夫故矢志靡他孝事翁姑守志四十餘年卒年六十二歲道光二十一年旌表 一區採訪

王氏舊城殷炳燮之妻十九歲于歸二十三歲夫亡矢志守節事姑以孝聞翁染痼疾數年不離床褥王氏奉事無惰容疾篤夜焚香禱天祈以身代六十七歲卒道光二十六年旌表 一區採訪

侯氏丁永舒之妻十八歲于歸二十五歲夫亡上事翁姑下撫繼子飲冰茹蘗迄五十年始終如一道光二十九年旌表 一區採訪

張氏武夢林之妻十七歲于歸越三月夫亡氏哀號哭泣欲以身殉賴家人勸乃止矢志靡他以夫弟之長子爲嗣撫恤備至俾之成立六十二歲卒道光二十九年旌表 四區採訪

### 續修東阿縣志

卷之二 人物下

七

濟南芙蓉街午夜書店印

侯氏石磐安之妻十九歲于歸二十一歲夫故立志守節四十餘年道光二十九年旌表 一區採訪

陶琳字伯玉生有九男不幸八子相繼逝而八節著焉一太學生景唐妻趙明光女二景堯妻姜道周女三繹唐妻佟克位女四慕唐妻王詮女五繼唐妻陳大章女六盛唐妻周天祥女七信唐妻于柱女八印唐妻熊克儉女之數人者幽閒成性貞潔爲懷故其苦節獨冠古今而百代共仰道光三十一年旌表一門八節 一區採訪

王氏宋文炳之妻十九歲于歸二十歲夫亡矢志守節撫嗣子永安成立卒年七十八歲道光二十九年旌表 一區採訪

趙氏鹿永性之妻二十歲于歸二十四歲而寡柏舟自矢善事翁姑六十四歲卒咸豐元年旌表 四區採訪

卓氏張作霖之妻二十歲于歸五載夫故矢志守節善事翁姑七十四歲卒咸豐二年旌表 四區採訪



于氏孫緯光之妻十九歲于歸二十三歲夫亡遺二子恩勤撫恤俾之成立卒年六十八歲咸豐二年旌表 四區採訪

周氏宋允清之妻十九歲于歸二十六歲夫亡守志四十五年卒年七十一歲咸豐四年旌表 一區採訪

李氏趙化遠之妻年二十二歲守節盡孝咸豐七年旌表壽七十有三卒 三區採訪

賀氏鄭求康之妻二十七歲夫亡撫幼予矢志貞節咸豐七年旌表 四區採訪

宋氏郭利之妻十九歲于歸越年夫故矢志守節終身不渝咸豐八年旌表 四區採訪

朱氏丁文星之妻十九歲于歸二十三歲夫故矢志靡他終身不渝咸豐八年旌表 一區採訪

區採訪

李氏楊大信之繼妻二十歲于歸六閱月夫亡撫前子若已出事翁姑以孝聞茹苦含辛數十年如一日咸豐十年旌表 四區採訪

董氏雷培膏之妻二十歲于歸年餘夫故無子以姪爲嗣撫育成立事翁姑以孝聞守

### 續修東阿縣志

卷之二 人物下

八

濟南芙蓉街午夜書店印

節三十餘年咸豐十年旌表 四區採訪

楊氏李廉之妻十七于歸十九夫故矢志靡他事老母以孝聞守節四十年如一日縣

長李賢書親書一生茹藥旌表其門 一區採訪

孫氏張明德之妻十九于歸二十二歲夫故矢志靡他守節三十餘年咸豐戊午年旌表 一區採訪

郭氏崔光月之妻十八歲于歸二十六歲夫故矢志守節終身不渝同治五年旌表 四區採訪

區採訪

張氏雷好德之妻二十歲而寡子太嶽甫週歲氏奉老撫孤矢志靡他同治六年旌表

四區採訪

趙氏王甫齡之妻十九歲于歸三載夫故上事翁姑下育幼子堅守苦節數十年如一

日八十歲卒同治八年旌表 四區採訪

蘇氏殷允立之繼室于歸五閱月而夫故泣血瀕死十餘日水漿不入口家人諭以翁



姑在堂無子若再無媳何以生存氏憮然曰吾亦子也由是婦盡子職晨昏無間堅守苦節六十三年同治九年旌表 一區採訪

秦氏王興魯之妻十八于歸二十夫故立志守節撫孤成立同治十年旌表 四區採訪

劉氏史興家之妻于歸二年而寡慟絕數次轉念翁姑衰老篤志守貞上事翁姑下撫

嗣子文英成立茹苦含辛二十餘年卒同治十年旌表 三區採訪

焦氏于正林之妻二十七歲夫亡守志四十七年同治十一年旌表 二區採訪

路氏庠生于椿林妻二十六歲守志苦節五十年同治十一年旌表 二區採訪

焦氏于瑞林之妻二十歲守志苦節五十三年同治十一年旌表 二區採訪

周氏周崇起之女陶永傑之妻十七歲于歸越二年夫故矢志守節終身不渝同治十一年旌表 一區採訪

姜氏姜才之女侯掄元之妻十九歲于歸越九年夫故善事翁姑慈愛姪孫矢志守節五十七年八十五歲卒同治十一年旌表

### 續修東阿縣志

卷之二 人物下

九

濟南芙蓉街午夜書店印

王氏王文魁之女薛克文之妻十九于歸二十夫故守志節節上事翁姑下撫弱姪孝

慈兼盡茹荼含藥凡四十餘年同治十一年旌表 二區採訪

楊氏于惠林之妻二十五歲夫亡守志三十五年同治十一年旌表 二區採訪

房氏增生曹祥之妻二十二歲夫亡遺一子守先篤志守貞奉翁姑盡婦道撫孤子有

義方歷節五十八年卒同治十一年旌表 三區採訪

劉氏林士壯之妻十九于歸二十四夫故守志五十四年同治十一年旌表 一區採訪

解氏楊兆山之妻二十八歲夫亡矢志堅貞孝親育孤備極艱苦同治十一年旌表 二區採訪

區採訪

閻氏閻玉之女唐茂之妻十八歲于歸越八年夫故善事翁姑教誨子女皆有義方守

節五十二年七十八歲卒同治十一年旌表 一區採訪

陳氏王思江之妻節孝兼全同治十一年旌表 四區採訪

黃氏楊文麒妻二十二歲夫亡孝事翁姑撫育孤子守廉成立爲娶閻氏生五子而守



廉又亡閩上繼姑志下撫五子峻峯岫峯嵩峯清峯一峯成立一門之中稱爲雙節黃  
歷節四十四年卒閩歷節六十六歲卒同治十二年旌

房氏劉廷珍之妻二十八歲夫亡孝事舅姑教育子女矢志堅貞同治十二年旌表二

區採訪

邢氏邢瑞之女張世信之妻十八歲于歸二十六歲夫故上事翁姑下撫子女苦守冰  
霜五十餘歲同治十二年旌表八十三歲卒四區採訪

劉氏黃燮之妻二十一歲夫亡守節四十一年同治十二年旌表四區採訪

劉氏劉文煥之女張殿成之妻十九歲于歸三年夫故乏嗣過夫兄殿武之次子安祥  
成桃氏矢堅貞撫嗣成立守節五十七載享壽七十九歲同治十二年旌表三區採訪

周氏范廷秀之妻二十八歲夫故矢志守貞終身弗渝同治十二年旌表七十八歲終

一區採訪

張氏王永祥之妻十七歲于歸二十三歲夫故矢志守貞事親以孝聞八十九歲卒同

### 續修東阿縣志

卷之二 人物下

一〇

濟南芙蓉街午夜書店印

治十二年旌表四區採訪

閩氏廩生閩清遠之女適楊守廉爲妻三十歲夫亡柏舟矢志上奉翁姑下撫子女成  
立九十六歲卒同治十二年旌表三區採訪

常氏常貴甲之女殷永椿之妻于歸後旬月夫故守節四十餘年同治十二年旌表一

區採訪

王氏許中魁之妻同治十二年旌表四區採訪

王氏鹿敬齋之妻十九歲于歸二十一歲夫故事翁姑至孝撫嗣子如已出守節三十  
餘年卒同治十二年旌表四區採訪

雷氏王繼商之妻二十歲于歸越四載夫故矢志守貞善事翁姑撫姪玉興如已子七  
十五歲卒同治十二年旌表四區採訪

王氏柳傳家之妻十七歲于歸生一女甫八月而夫亡以附貢生春芳爲嗣氏上事孀  
姑下撫嗣子守節三十餘年同治十二年旌表四區採訪



徐氏范毓傑之妻二十二歲夫故撫嗣子汝明成立卒年七十七歲同治十二年旌表  
四區採訪

楊氏杜希忠之妻夫故後矢志守節數十年弗渝同治十二年旌表 四區採訪

祁氏崔文孝之妻姚氏崔懷璞之妻姑婦二人相繼而孀養老撫幼苦節自守同治十三年旌表榮褒雙節 三區採訪

杜氏柳興亭之妻十七歲于歸越三載夫亡事翁姑以孝聞撫嗣子傳孟成立守節五十七年卒同治十三年旌表 四區採訪

吳氏鄧翰垣之妻十八歲于歸越二年夫故堅志守節五十餘年同治十三年旌表 四區採訪

殷氏黃玉山之妻二十四歲夫亡矢志靡他事翁姑以孝聞撫幼子成立同治十三年旌表 四區採訪

陶氏唐肯堂之妻十九于歸二十二夫亡矢志堅貞終身弗渝同治庚午旌表

### 續修東阿縣志

卷之二 人物下

一一一

濟南芙蓉街午夜書店印

黃氏楊元亮之妻二十二歲夫亡光緒元年請旌 四區採訪

趙氏殷允光之妻于歸數年夫歿誓以身殉既又念家貧親老奉養無寄盡節而亡不如孝親全節自是對翁姑則破涕爲笑撫孤則向隅自悲守志四十餘年光緒元年旌表 一區採訪

殷氏楊榜之妻二十六歲夫故光緒元年請旌 四區採訪

劉氏王文煥之妻年二十八歲夫故夫弟文潤二十病故娶妻周氏年二十二歲與嫂劉氏勵志守節之死靡他奉養翁姑順志承意翁姑既歿喪祭必誠一門之內雙節雙孝允堪風世均光緒元年蒙恩旌表 二區採訪

解氏范汝嘉之妻年十九夫故矢志靡他撫嗣子興魁爲嗣延師課讀至於成立卒年六十八歲光緒元年題旌 四區採訪

邱氏范汝芳之妻年二十歲夫卒矢志守節無子以夫弟子興詩爲嗣撫養教誨如同已出卒年六十六歲光緒二年題旌 四區採訪



張氏張士元之妻十九歲于歸越三年夫亡矢志靡他事舅姑以孝聞年五十八歲卒  
光緒二年旌 四區採訪

趙氏崔懷義之妻二十歲于歸二十四歲夫亡矢志貞潔之死靡他光緒二年旌表 三  
區採訪

史氏賈立誠之妻二十歲于歸越年夫故氏冰霜矢志事翁姑以孝聞光緒二年旌 四  
區採訪

毛氏黃欽之妻十九歲于歸二十七歲而寡撫幼子成立堅貞自矢終身弗渝光緒三  
年請旌 一區採訪

劉氏姜夫賢之妻張氏姜現文之妻節孝兼全均於光緒三年旌表 一區採訪

蔣氏蔣金標之女房雲岫之妻十七歲于歸二十四歲夫亡遺一子一女氏上事翁姑  
下撫子女孝慈兼盡艱苦備嘗飲冰茹蘗三十餘年而卒光緒三年旌表

徐氏孫汝龍之妻光緒三年旌表 四區採訪

### 續修東阿縣志

卷之二 人物下

一一一

濟南芙蓉街午夜書店印

王氏張福祿之妻光緒三年旌表 四區採訪

周氏丁擇賢之妻十八于歸二十五夫故守節三十餘年光緒四年旌表 一區採訪

李氏王桂馨之妻十七歲于歸二十歲夫故上事翁姑克盡孝道下無子女志堅冰霜  
光緒五年旌 一區採訪

劉氏劉允讓之妻二十一歲而寡守節五十餘年七十三歲卒光緒五年旌表

姜氏姜萬有之女孫得勤之妻十九歲于歸二十一歲夫故孝事翁姑撫育幼子歷四  
十餘年如一日光緒六年請旌 一區採訪

王氏俄養德之妻二十九歲夫故立志守節五十餘年光緒六年請旌 四區採訪

李氏焦棟之妻二十八歲夫亡二子繼殤氏苦志守節撫幼孫成立光緒七年旌表 二  
區採訪

劉氏郭聰妻十九歲于歸二十歲夫故守節三十餘年光緒七年旌表 四區採訪

殷氏賀得普之妻十七歲于歸十九歲夫故矢志守節六十年如一日光緒九年旌表



一區採訪

張氏魏懋沢之妻十九歲于歸越三載夫故以猶子承嗣守志三十餘年光緒九年旌  
二區採訪

范氏范佃之女賀得謙之妻十九歲于歸二十四歲夫故孝事翁姑撫孤成立七十六  
歲卒光緒九年請旌 一區採訪

邢氏黃尙謹之妻夫亡守節以終光緒九年旌表 四區採訪

龐氏魏懋德之妻于歸數月夫歿誓以身殉經家人勸諭始不死事翁姑以孝聞撫嗣  
子如已出守志三十餘年卒光緒十年旌表 一區採訪

徐氏王中言之妻十九歲于歸二十八夫故守節三十餘年光緒十年旌表 四區採訪

武氏武祿元之女秦光魯之繼室二十于歸二年夫故上事翁姑以孝聞下育前子如  
已出茹苦含辛者數十年魏氏魏茂肅之女秦光煦之繼室二十于歸八年夫故與孀  
妣武氏共矢柏舟同侍萱堂養老送終備盡婦職撫孤夢秀成立光緒十年旌表 四區

續修東阿縣志

卷之二 人物下

一二三

濟南芙蓉街午夜書店印

採訪

王氏王常泰女曹文亮之妻二十三歲夫故慟絕數次救之復生事翁姑以孝聞撫猶  
子守學成立歷苦節六十餘年八十二歲卒光緒十一年旌表 三區採訪

李氏遲珠之妻二十二歲夫亡矢志堅貞之死靡他苦節三十餘年光緒十一年旌表

四區採訪

李氏于光校之妻二十二歲夫歿守節不渝事繼姑以孝聞卒年七十二歲光緒十  
一年旌 四區採訪

王氏王常泰之女曹文學之妻十九歲守志光緒十一年旌表 三區採訪

郭氏殷永塾之妻于歸後四載夫歿子幼翁盲無人奉養氏矢志不渝上事翁姑下撫

幼子孝慈兼至苦節三十八年而卒光緒十二年請旌建石 一區採訪

趙氏師廷梓之妻光緒十二年旌表 四區採訪

張氏楊朝棟之妻十七歲于歸二十歲夫故矢志守貞事翁姑以孝聞卒年五十八歲



光緒十二年旌表 一區採訪

劉氏郭連年之妻光緒十二年旌表 四區採訪

劉氏郭連岐之妻光緒十二年旌表 四區採訪

劉氏張作楷之妻光緒十二年旌表 四區採訪

王氏張作篤之妻光緒十二年旌表 四區採訪

張氏張宗陶之妻守節不渝光緒十二年旌表 四區採訪

宮氏張善政之妻十九歲于歸越三年夫放生有一子翁姑皆歿孤苦無依氏堅貞自操撫養訓誨至於成立光緒十三年旌表 一區採訪

井氏王文公之妻二十歲于歸二十二歲夫故八十七歲壽終守志六十餘年光緒十三年旌表 一區採訪

周氏李文方之妻十七歲于歸十八歲夫故七十六歲壽終守節五十八年光緒十三年旌表 一區採訪

### 續修東阿縣志

卷之二 人物下

一四

濟南芙蓉街午夜書店印

房氏房榮照之女趙宗孟之妻十七歲于歸越六年夫亡奉養翁姑敬謹不忘守節三十餘年五十九歲卒光緒十三年旌表 一區採訪

宮氏宮文遠之女張永樂之妻年二十二歲于歸越五年夫亡孝順翁姑晨昏不忘守節四十五年七十二歲卒光緒十三年旌表 一區採訪

胡氏胡祥豐之女安慶瑞之妻二十一歲于歸越五年夫亡赴戴家廟禦匪死於王事氏矢志自守上事萱幃下撫夫弟茹苦含辛歷四十餘年以夫弟之子爲嗣卒年六十六歲光緒十三年旌表 一區採訪

孫氏孫廷義之妻十七歲于歸二十五夫故無子矢志守節不數年夫弟廷禮亦故氏既悲夫亡又痛弟喪終號泣二目失明撫姪光祿爲嗣卒年七十五歲光緒十三年旌

二區採訪

辛氏孟傳鏞之妻二十五歲夫亡矢志守節三十餘年光緒十三年旌表 一區採訪

張氏張道一之女孟傳錚之妻十五歲于歸逾年夫故志秉堅貞奉養翁姑以孝聞年



六十一歲卒光緒十二年旌表 一區採訪

郭氏蘇芹修之妻年二十五歲而寡貞節自守孝順翁姑光緒十三年旌表 一區採訪

房氏房榮照之女康會亭之妻年十七于歸越四年夫亡氏孝事翁姑志秉堅貞守節

四十六年六十七歲卒光緒十三年旌表 一區採訪

趙氏崔森之妻二十八歲夫亡茹苦含辛守節四十餘年光緒十四年旌表 四區採訪

董氏庠生董振聲之女羅文裴之妻十八歲于歸三十二歲夫亡以姪江林爲嗣矢志

守節卒年六十八歲光緒十四年請旌 三區採訪

龐氏魏茂德之妻二十二歲而寡堅志守節以猶子培明爲嗣歷苦節五十餘年卒光

緒十五年旌表 三區採訪

殷氏殷維登之女劉茂東之妻十九于歸越四年生一女值紅巾賊亂舉家渡河夫墜  
水死尸卒未獲氏情急意欲投繯轉念雙親在堂遂矢志守貞孝事翁姑以猶子廷瑞  
爲嗣歷苦節二十八年光緒十五年旌表 三區採訪

### 續修東阿縣志

卷之二 人物下

一五

濟南芙蓉街午夜書店印

姜氏姜士襄女適殷清一爲妻子歸年餘而寡篤志守貞上事翁姑以孝聞下撫嗣子

維端成立歷苦節六十一年壽八十二歲終光緒十五年旌表 三區採訪

張氏于成蘭之妻十九歲夫卒矢志守節事親盡孝撫孤成立年七十三歲光緒十五

年旌表 四區採訪

劉氏劉聖林女殷程萬之妻于歸三年而寡柏舟矢志上事翁姑以孝聞下撫嗣子景

忠成立茹苦含辛五十八年卒光緒十五年旌表 三區採訪

楊氏王錫範之妻十九歲于歸二十四歲夫亡堅貞矢志孝事翁姑守節三十餘年光

緒十五年旌表 四區採訪

胡氏安卓五之妻十九歲于歸二十三歲夫死王事氏將捐軀以殉復念姑老弟幼懼

室家之飄飄遂心身俱瘁上事孀姑下撫幼弟矢志守貞苦節五十餘年以弟之子爲

嗣七十四歲卒光緒十六年旌表 一區採訪

李氏鄧興鎔之妻十五歲于歸數月夫故矢志守節四十餘年光緒十六年旌表 四區



採訪

楊氏周隆燃之妻十七歲于歸三週夫亡生一女夫有二弟俱幼親戚聞之每爲泣下氏則謹出入寡言笑勤紡績克盡孝道嗣男茂玲亦守庭訓光緒十七年旌表 三區採訪

崔氏劉文華之繼室十七歲于歸未逾月文華櫻重疾氏煎藥捧湯晝夜罔懈無何文華卒氏誓以身殉繼而以前室遺孤子三女一遵夫遺囑撫育故未死嗣是持家教子女長爲配名門仲子且入庠食餼矣氏茹苦含辛終身全節鄉人稱之年五十七歲卒光緒十六年旌 一區採訪

王氏蘇傳訓之妻十九歲于歸二十五歲夫故立志守節三十餘年光緒十七年請旌 四區採訪

周氏馬存善之妻二十一歲夫亡矢志貞節孝事祖母三十餘年始終不渝光緒十七年旌 四區採訪

### 續修東阿縣志

卷之二 人物下

一六

濟南芙蓉街午夜書店印

李氏趙鏡之妻二十一歲于歸二十六歲夫故上事舅姑下撫幼子孝慈兼盡茹苦含辛不渝初志光緒十七年旌表 三區採訪

田氏仇鎧之妻二十一歲夫亡奉姑撫孤孝慈無間矢志五十六年卒光緒十八年旌表 四區採訪

徐氏王文清之妻二十二歲夫故志欲殉節以孀姑在堂竭力侍奉及姑卒喪葬盡禮以夫堂弟子承蒞承蒞爲嗣撫養教誨如同已出廷師教讀克承母志卒年七十四歲光緒十八年旌 四區採訪

陳氏楊全仁妻子歸後數年夫卒守志光緒十八年請旌 一區採訪

秦氏馬輔清之妻二十四歲夫故矢志守節事翁姑以孝聞撫嗣子承甲成立卒年六十八歲光緒十八年旌表 一區採訪

谷氏侯永勝之妻十八歲于歸二十八歲夫故矢志守貞事翁姑以孝聞撫孤子廷芳成立守節五十餘年八十一歲卒光緒十八年旌 一區採訪



張氏秦照寰之繼室二十歲于歸二十五歲夫亡前室遺一子氏撫之成立守節四十餘年七十四歲卒光緒十八年請旌 一區採訪

張氏張毓寬之妻十九歲于歸二十二歲夫故守貞節孝敬翁姑守志五十餘年七十四歲卒光緒十八年請旌 一區採訪

俄氏王見廷之妻十九歲于歸年餘而寡矢志守節善事翁姑卒年六十五歲光緒十九年旌表 四區採訪

劉氏崔景漢之妻二十四歲夫亡矢志守貞三十餘年奉翁姑以孝聞光緒十九年請旌 四區採訪

楊氏楊世順女劉清溪之繼室二十四歲而寡遺一子名修之前房之子名益之氏立志守貞上孝翁姑夙夜匪懈下撫二子成立歷苦節四十九年壽七十二歲而卒光緒十九年旌表 三區採訪

宋氏黃炳仁之妻十七于歸十九夫亡守節三十餘年光緒十九年旌表 一區採訪

### 續修東阿縣志

卷之二 人物下

一七

濟南芙蓉街午夜書店印

任氏周隆光之妻十九于歸越八年夫亡矢志守節備歷艱苦教子勤稼訓孫讀書守節三十餘年光緒十九年請旌 一區採訪

李氏李德之女張金華之妻十七歲于歸二十三歲夫亡孝事翁姑撫幼子懷昌成立卒年八十二歲次孫耀修之妻郭氏郭福之女十九歲于歸二十一歲夫歿茹荼飲藥孝事翁姑撫繼子宗乙成立光緒十九年請旌勒之石曰閭世同貞 一區採訪

李氏楊聖元之妻十九歲夫亡堅貞自矢孝順翁姑守節三十餘年光緒二十年旌表 年九十一歲卒 一區採訪

高氏李登雲之妻十六歲于歸三年夫亡矢志守節事舅姑撫嗣子恩義兼盡茹苦含辛五十餘年人無間言光緒十九年旌

秦氏武庠生苗崇德之繼室二十二歲于歸年餘夫故前子尚幼撫如已出守節五十餘載而卒光緒十九年旌表 四區採訪

王氏張允柱之妻光緒十九年旌 四區採訪



張氏徐聖才之妻十九歲于歸二十四歲夫故矢志守節孝事翁姑撫育嗣子成立光緒二十年旌表

蘇氏李文龍之妻同治十二年旌表 一區採訪

王氏盧朗齋之妻十八于歸周歲夫歿氏矢志守貞數十年如一日光緒二十年旌表

三區採訪

王氏盧日哲之妻十八歲于歸甫周歲夫歿遺襁褓子繼程氏念高堂垂老需人奉養未可以死節殉於是孝事雙親撫幼子繼程成立茹蘖含冰三十餘年光緒二十年請旌 一區採訪

劉氏劉國安之妻十九夫亡矢志守節五十七歲卒光緒二十年旌 四區採訪

馬氏鄭國柱之妻二十五歲夫卒孝翁姑撫幼子苦節五十餘年光緒二十年請旌 四

區採訪

李氏李繼修女適葛元勳爲妻于歸五年而寡子女俱無翁先去世氏上事孀姑先意

### 續修東阿縣志

卷之二 人物下

一八

濟南芙蓉街午夜書店印

承志下撫嗣子興善愛如己出歷苦節五十年卒光緒二十年旌表 三區採訪

田氏魏培檀之妻十九歲于歸越八年夫亡事姑維謹守節三十餘年光緒二十年旌

二區採訪

王氏解作梁之妻十八于歸二十二夫亡矢志靡他事親以孝撫孤成立七十二歲卒

光緒二十年旌 二區採訪

仇氏鄭廷棟之妻二十一歲于歸二載夫故堅守苦節三十餘年光緒二十年旌表 四

區採訪

王氏李華芬之妻二十六歲夫亡事翁姑以孝聞撫幼子承弼成立含辛茹苦五十餘年八十九歲卒光緒二十年旌表 一區採訪

岳氏李復明之妻十九歲于歸年餘夫故守節三十餘年光緒二十年旌表 四區採訪

錢氏楊承時之妻二十六歲夫亡矢志守節孝事翁姑撫孤成立九十三歲卒光緒二十年旌 二區採訪



張氏徐聖才之妻十九歲于歸二十四歲夫故矢志守節事翁姑無間晨昏撫嗣子情深教養光緒二十年旌表 一區採訪

崔氏崔昇之女適曲占甲爲妻二十六歲夫亡子女俱無翁先去世氏上事孀姑下撫嗣子鳳崗孝慈兼盡歷苦節四十九年卒光緒二十年旌表 三區採訪

李氏李楊平之妻于歸三月夫亡少年孤寡苦節終身光緒二十年請旌 三區採訪

周氏張清安之妻二十一歲夫亡氏立志守節五十餘年卒光緒二十年旌表 四區採訪

孟氏孟廣溥之女賀占林之妻二十二歲夫亡遺子女各一氏矢志守節孝事翁姑慈撫子女卒年七十四歲光緒二十年旌表 二區採訪

史氏張燦亭之妻矢志守節光緒二十年旌 四區採訪

王氏許毓秀之妻光緒二十年旌表 二區採訪

譚氏譚清安之女閻振恭之妻年二十一歲夫歿柏舟自矢上事翁姑下撫遺孤歷五十六載而卒光緒二十一年旌表 一區採訪

### 續修東阿縣志

卷之二 人物下

一九

濟南芙蓉街午夜書店印

龐氏王毓榮之妻十六于歸二十四夫亡苦守冰霜孝義兼全光緒二十一年旌表 一區採訪

區採訪

丁氏趙文泰之妻二十五歲夫亡遺一子學謙甫週歲苦志守貞孝事翁姑撫孤子成立茹苦含辛十三餘年光緒二十一年旌表 三區採訪

黃氏于廣慶之妻也十七歲于歸二十歲夫故氏上事曾祖父母與舅姑下育孤子兆魁教養兼至飲冰茹藥數十年不渝壽八十一歲卒光緒二十一年旌表 一區採訪

房氏曹德教妻二十九歲夫亡遺二子名可安可平柏舟矢志之死靡他上事翁姑下撫孤子養生送死皆其獨任苦節歷四十年卒光緒二十年旌表 三區採訪

王氏趙鳳謙之妻十七歲于歸二十八歲而寡子連江尙幼後連江娶韓氏二十二歲而寡姑媳相依矢志堅貞光緒二十一年旌 四區採訪

李氏仇淑達之妻二十四歲夫亡子汝信妻吳氏二十一歲而寡姑媳矢志苦勵冰霜光緒二十一年同旌 四區採訪



盧氏王玉瑞之妻十九于歸二十夫故矢志靡他事翁姑以孝聞守節三十餘年光緒二十一年請旌 二區採訪

周氏周緒孔之女適趙學誥爲妻二十四歲而寡上事翁姑先意承志下撫嗣子無異已出茹苦含辛始終不渝年四十五卒光緒二十一年旌表 三區採訪

房氏姜夫德之繼室十九歲于歸越五載夫故時翁姑在堂氏事之得其歡心以猶子現廷爲嗣撫育成人守節三十餘年光緒二十一年旌表 一區採訪

張氏劉慎修之妻十七歲于歸二十一歲夫故守節三十餘年光緒二十一年旌表 一區採訪

區採訪

王氏王春和之女周茂海之妻二十一歲于歸二十五歲夫亡矢志守貞孝事翁姑撫嗣子慶珂成立七十八歲卒光緒二十一年旌表 三區採訪

殷氏殷允秋之女趙學謹之妻二十一歲夫亡節操自勵孝事翁姑撫嗣子中孚成立茹藥飲冰歷四十七年卒光緒二十一年旌表 三區採訪

### 續修東阿縣志

卷之二 人物下

一一〇

濟南芙蓉街午夜書店印

魏氏周立端之妻二十歲于歸越六載夫因禦難陣亡氏事翁姑至孝撫嗣子茂竹如已出守節五十餘年八十五歲卒光緒二十一年旌表 四區採訪

牛氏孫廷禮之妻十七歲于歸三十歲而寡矢志堅貞事翁姑以孝稱撫幼子六人成立七十六歲卒光緒二十一年旌表 二區採訪

姜氏劉繼皋之妻二十歲而寡矢志守節始終不渝撫遺子茂禮成立爲娶妻刁氏茂禮又遇難而亡刁時年二十有一上繼姑志之死靡他一門之中稱雙節焉光緒二十一年旌表 三區採訪

張氏張繼冉之女二十四歲適王孝節爲繼室七閱月夫亡柏舟矢志執婦道甚恭未幾翁姑去世氏盡哀盡禮喪葬祭祀一無或缺撫嗣子曰瑚成立歷苦節四十二年卒

光緒二十二年旌表 三區採訪

胡氏李殿試之妻二十三歲而寡矢志靡他孝事翁姑撫幼子成立守節五十餘年壽八十二歲卒光緒二十三年旌表 二區採訪



盧氏田茂盛之妻二十一歲夫亡氏上事孀姑下撫幼弟茹苦含辛歷苦節四十餘年卒年六十一歲光緒二十三年旌表 一區採訪

趙氏魏培濟之妻十九于歸逾歲夫亡事翁姑撫幼子守志三十餘年光緒二十三年旌表 三區採訪

龐氏李治平之妻二十三歲而寡撫姪一山爲嗣貞節純孝藉藉宗黨壽八十六歲光緒二十四年旌表 三區採訪

祁氏祁保福之女適王曰生爲妻越七年而寡堅守苦節終身不渝撫遺子廷掄成立爲娶劉氏生一子名繼魯而廷掄又亡劉氏時年二十三上繼姑志下撫孤子茹苦含辛三十年如一日一門之中雙節稱焉光緒二十四年旌表 三區採訪

賈氏張桂清之妻十八于歸越年夫故氏誓以身殉賴妯娌時時營護得不死厥後事舅姑則就養無方教嗣子則義方有訓守志四十餘年人無間言光緒二十四年旌表 四區採訪

### 續修東阿縣志

卷之二二 人物下

一一一

濟南芙蓉街午夜書店印

孫氏孫保利之女劉文庭之妻二十五夫亡志堅守貞上事孀姑下撫幼子金榜成立歷苦節六十餘年光緒二十四年旌表 三區採訪

郭氏郭殿林之女適曲茂峨爲妻十九歲夫亡矢志守貞上事翁姑下撫孤女後數年姑歿遺一子甫週歲名茂範翁一委諸婦婦恩勤撫育愛養備至茂範長有家室夫婦待嫂如待母焉氏歷苦節六十九年八十八歲卒光緒二十四年旌表 三區採訪

曲氏馬殿璽之妻十九歲于歸越七年夫故上事祖翁與翁姑悉以孝聞下撫幼子成立守節五十餘年同治庚午旌表光緒二十四年以孫信德貴贈封恭人卒年七十三歲 一區採訪

魏氏單思明之妻二十八歲夫在姜樓戰紅巾賊陣亡遺一子學成氏矢志守貞孝翁姑撫孤子茹苦含辛歷四十年卒光緒二十四年旌表 三區採訪

徐氏崔景堂之妻二十九歲夫故事姑以孝聞苦守貞節三十餘年光緒二十四年旌表 四區採訪



孫氏孫廷棟之女秦金銳之妻二十一于歸六載夫故堅守苦節孝事翁姑遺子傅州娶蕭氏爲妻越七載傅州亦故蕭氏矢志靡他孝事孀姑撫育二子昭棠昭棣成立兩世流芳鄰閭咸稱光緒二十四年旌表 四區採訪

張氏庠生張光辰之女龐行儉之繼室十九歲夫亡矢志守貞撫嗣子如己出守節五十餘年七十六歲卒光緒二十四年旌表 二區採訪

蘇氏楊清江之妻十九歲于歸二十三歲夫亡撫育孤子俾之成立堅守苦節四十餘年如一日八十六歲卒光緒二十五年旌表 一區採訪

張氏庠生魏光觀之妻二十一歲于歸越三載夫亡氏矢志守節三十餘年光緒二十五年旌表 三區採訪

劉氏盧德修之妻十八歲于歸二十八夫亡貞潔自守歷四十載光緒二十六年旌表 三區採訪

姚氏俄建中之妻二十四歲夫故孝事孀姑撫子尙平成立守節三十餘年光緒二十

### 續修東阿縣志

卷之二 人物下

一一一

濟南芙蓉街午夜書店印

六年請旌 四區採訪

康氏史脉長之妻十六歲于歸越四載夫故事翁姑以孝聞卒年六十六歲光緒二十九年旌表 一區採訪

劉氏殷維鵬之妻于歸數年夫亡無子矢志守節始終弗渝孝養翁姑極盡其誠光緒二十二年旌表 一區採訪

王氏周隆訓之妻二十三歲夫卒撫嗣子茂芳茂芷爲己子卒年四十八歲光緒二十七年請旌 四區採訪

姜氏庠生黃鏞之妻十九于歸二十三夫故矢志守節三十年如一日光緒二十七年旌表 一區採訪

王氏崔懷成之妻十七歲于歸十九歲夫故矢志靡他善事翁姑守志五十餘年七十六歲卒光緒二十七年旌表 三區採訪

王氏刁芳坡之妻二十歲夫亡守苦節三十餘年卒光緒二十七年請旌 四區採訪



馬氏馬衍檀之女顏振離之妻十九歲于歸二十一歲夫亡孝事翁姑矢志靡他守節三十餘年光緒二十七年旌表 二區採訪

王氏王春陽之女楊連璧之妻十九歲于歸數年夫歿矢志守節二十餘年光緒二十七年旌表 一區採訪

王氏宋從美之妻于歸甫經年而夫歿矢志靡他撫嗣孫廣居成立守節四十餘年光緒二十七年旌表 二區採訪

于氏楊春廸之妻十九歲于歸二十三歲夫亡矢志靡他孝事孀姑守節四十餘年光緒二十九年旌表 一區採訪

汝氏汝振玉之女傅德起之妻十七于歸二十一夫亡遺一子矢志守節上事老翁下撫弱子歷辛苦四十餘年光緒二十九年請旌 一區採訪

史氏王希祿之妻二十五歲夫亡矢志守節始終不渝子有恩妻劉氏二十四歲夫亦亡家計蕭條姑婦相依爲命史氏光緒三十年旌劉氏亦以苦節稱焉 二區採訪

### 續修東阿縣志

卷之二 人物下

一二三

濟南芙蓉街午夜書店印

張氏劉瑞保之妻十九歲于歸越三載夫故矢志靡他事親克孝撫孤成人光緒三十年旌表 一區採訪

姜氏蘇傳德之妻三十歲夫亡遺二子長尙連次尙友氏上事翁姑下撫幼子茹苦含辛三十餘年光緒三十年旌表 四區採訪

翟氏刁光範之妻二十四歲夫亡無子潔以守身孝以事親七十一歲卒以姪憲章承桃光緒三十年旌表 四區採訪

張氏周隆瀛之妻十七歲于歸十九夫故矢志靡他三十年如一日光緒三十年旌表 一區採訪

徐氏張連璧之妻二十七歲夫亡矢志守節四十餘年光緒三十年旌表 四區採訪

邢氏劉清泉之妻于歸數載夫故矢志柏舟終身弗渝越數年子連興亦亡其妻閻氏堅貞矢志三十年如一日鄉黨稱雙節焉光緒三十年旌表 四區採訪

孟氏孟毓桂之女適曲夫平爲妻二十八歲夫亡立志守貞事翁姑以孝聞撫二子連



庚連省成立歷苦節四十五年卒光緒三十年旌表 三區採訪

曹氏譚丙章之妻夫早歿矢志守節三十餘年光緒三十年旌表 三區採訪

鄭氏劉文彬之妻光緒三十年旌表 一區採訪

張氏邢廣甲之妻二十五歲而寡生二子同臣同倫氏立志守貞事翁姑盡孝撫二子成立苦節歷五十八年卒光緒三十年旌表 三區採訪

黃氏馬從龍之妻于歸數載夫亡柏舟矢志之死靡他歷三十餘年卒光緒三十年旌表 一區採訪

傅氏傅秉秀之女秦汝禎之妻十八歲于歸三年夫故孝事翁姑撫嗣子玉泉成立堅守苦節三十餘年光緒三十年旌表 四區採訪

姜氏周逢明之妻十九歲于歸二十一夫亡矢志靡他貞心苦節三十餘年如一日光緒三十一年旌表 一區採訪

康氏李其言之妻二十一歲于歸夫早故矢志守節撫子成人事翁姑以孝稱光緒三

### 續修東阿縣志

卷之二二 人物下

一一四

濟南芙蓉街午夜書店印

十一年請旌 一區採訪

王氏王永箱之妻十九歲于歸二十四歲夫故矢志靡他上事翁姑下撫孤子孝慈兼全享年七十餘歲卒光緒三十一年旌表 一區採訪

周氏張連發之妻夫早故氏矢志靡他苦節純孝光緒三十一年旌表 一區採訪

郭氏趙毓順之妻于歸數載夫故苦節自守始終如一光緒三十一年旌表 一區採訪

黃氏龐效義之妻二十一歲夫亡矢志守節善事翁姑撫育嗣子成立茹苦含辛四十餘年六十三歲卒光緒三十一年請旌 二區採訪

郭氏劉庭槐之妻十九歲于歸二十三歲夫亡守節三十餘年光緒三十一年旌表 四區採訪

吳氏刁芹坡之妻二十一歲夫故守節立志三十餘年而終光緒三十一年請旌 四區採訪

馬氏黃振蒙之妻十九歲于歸二十四歲夫亡矢志堅貞上奉翁姑下撫幼子孝慈兼



盡守節三十餘年光緒三十一年旌表 四區採訪

王氏王萬清之妻二十九歲夫亡矢志守節撫育幼子成立備歷艱辛八十三歲卒光緒三十一年旌表 四區採訪

盧氏牛天澤之妻二十四年夫故擇夫胞姪廷啓爲嗣守節六十餘年年九十四歲卒光緒三十二年旌表 二區採訪

徐氏朱森林之妻二十一而寡孝事翁姑慈撫嗣子六十八歲卒光緒三十二年旌表 二區採訪

秦氏秦連科之女董玉清之妻十八歲于歸越七年夫故孝事翁姑撫幼子成立守節三十餘年光緒三十二年旌表 四區採訪

秦氏秦金鉞之女孟傳璧之妻十七歲于歸甫六日夫亡姑孀喪明既孤且貧氏養葬盡禮光緒三十二年旌表 四區採訪

雷氏雷培裔之女李向榮之妻十九歲于歸越二年夫故守志五十餘年光緒三十二

### 續修東阿縣志

卷之二 人物下

一二五

濟南芙蓉街午夜書店印

年旌表 四區採訪

黃氏黃玉清之女王建業之妻十七歲于歸十九歲夫亡矢志靡他孝事翁姑五十八歲卒光緒三十二年請旌 四區採訪

邵氏魏培西之妻十九歲于歸越二年夫故苦節至孝歷五十年光緒三十二年旌表  
董氏閻應棟之妻二十二歲于歸越年而寡奉養翁姑撫育嗣子茹苦含辛三十餘年

光緒三十二年旌表 一區採訪

徐氏張維璜之妻十七歲于歸二十一夫故事翁姑以孝聞遺一子中邦撫恤倍至俾之成立氏卒年七十三歲光緒三十三年旌表 四區採訪

張氏曹不安之妻二十九歲夫亡矢志守貞孝事翁姑夙夜匪懈撫嗣子景倉成立歷苦節五十五年卒光緒三十三年旌表 三區採訪

張氏張殿英之女劉繼庚之妻十九歲于歸二十三歲夫亡以夫姪廣甲爲嗣矢志靡他苦守冰霜上事翁姑以孝聞七十三歲卒光緒三十三年旌表 一區採訪



于氏于延芝之女史連科之妻于歸數年夫亡氏雅不欲獨活既而思之曰二老春秋已高諸孤懷抱未離若以身殉是重傷舅姑心也吾以夫之事舅姑者事舅姑是舅姑無子而有子也以夫之教子女者教子女是子女無父而有父也以身殉孰若以身代於是矢志自守孝慈兼盡佳婦也而佳兒併焉其後家道日昌子亦成立僉謂史氏家有婦矣光緒三十三年旌表 一區採訪

楊氏杜彩華之妻光緒三十三年旌表 四區採訪

黃氏黃日蘭之女趙子愷之妻十九歲于歸越五載夫亡生男四歲女二歲氏之死靡他上事舅姑下撫子女飲冰茹苦者數十年如一日光緒三十四年旌表 三區採訪

李氏鄭永沂之妻三十歲夫故守節五十餘年八十四歲卒光緒三十四年旌表 四區採訪

姜氏張鴻珍之妻二十四歲于歸事舅姑以孝聞同治九年夫客死外鄉氏即矢志守節冰燭自勵光緒三十四年請旌 一區採訪

### 續修東阿縣志

卷之二 人物下

一一六

濟南芙蓉街午夜書店印

尹氏李鴻清之妻年二十七歲夫亡無子守節不渝壽八十四歲以堂姪志勤爲嗣志勤妻楊氏年二十一歲夫亡遺子丙宜矢志守節現年九十一歲丙宜妻王氏年二十四歲夫亡無子矢志靡他現年六十九歲楊氏又以夫堂兄子丙訓爲次子以丙訓子道東爲王氏之子尹氏著烈於前楊王兩氏媲美於後三世貞節世所罕有光緒三十四年題旌 三世並榮四字以勒諸石 四區採訪

刁氏張正行之妻二十三歲于歸閱八月夫故上事翁姑下撫幼子孝慈兼盡飲冰茹藥四十年如一日卒年六十八歲光緒三十四年旌表 四區採訪

侯氏張善學之妻二十一歲于歸越六載夫故孝事雙親撫嗣子毓楠成立茹苦含辛四十餘年卒光緒三十四年旌表 四區採訪

王氏陳福常之妻十七歲于歸十九歲夫故矢志靡他事翁姑盡孝撫幼子尙樸盡慈光緒三十四年旌表 一區採訪

劉氏劉成之女適周隆水爲妻十九歲夫亡矢志靡他孝事翁姑茹苦含辛守節五十



餘年八十三歲卒光緒三十四年旌表 三區採訪

劉氏鄆毓才之妻光緒三十四旌表 四區採訪

侯氏侯廣居之女趙化著之妻十九歲于歸越五載夫故事親盡孝教子蘭芳蘭居有方守志五十六年宣統元年旌表 四區採訪

秦氏秦連科之女鄧玉清之妻十九歲于歸三十夫卒事姑撫孤堅不易志歷三十餘年而卒宣統元年 四區採訪

于氏周士楠之妻十九于歸二十三夫故上事翁姑下撫幼子成名矢志堅貞人無間言宣統元年請旌 一區採訪

焦氏顏承紀之妻二十三歲于歸三十歲夫姑翁姑在堂氏以婦道而兼子職養生送死直以一身任之守節三十餘年宣統元年旌表 二區採訪

馬氏秦書勤之妻十七歲于歸越八載夫故遺子玉成甫六歲撫育成立年八十而卒宣統元年旌表 四區採訪

### 續修東阿縣志

卷之二 人物下

一一七

濟南芙蓉街午夜書店印

李氏楊士楨之妻二十一歲于歸三載夫故矢志靡他事翁姑以孝撫幼子以慈宣統元年旌表 一區採訪

題氏張芳疇之妻十七于歸十九歲夫故孝事翁姑撫幼子慶常成立守節三十餘年卒年五十一歲宣統元年旌表 四區採訪

井氏楊廷藩之妻二十歲于歸期月而孀柏舟自矢孝事翁姑宣統元年旌表 四區採訪

周氏溫光瑞之妻十九于歸二十六夫故遺子五歲氏矢志靡他上孝下慈含辛茹冰五十餘載迨子稍長命名際清孝謹嚴肅頗能克家娶媳李氏甚嫻婦道二十受醮越一年生子又三年而際清亦歿李氏孝事霜姑撫養弱子出作入苦險阻備嘗歷三十餘年一門賢孝兩世貞節鄉閭中之卓卓者也周於光緒二十一年旌表入祠李於宣統元年旌表 一區採訪

辛氏徐殿英之妻十七歲于歸二十七而孀矢志靡他孝慈兼盡宣統二年旌表 一區



採訪

李氏李江之女賀萬鳳之妻十七歲于歸二十歲夫故志矢柏舟孝敬翁姑撫養幼子守志五十二年宣統二年旌表 一區採訪

譚氏趙永貞之妻于歸數年夫亡侍奉翁姑撫養幼子守節五十年而卒宣統二年旌表 一區採訪

劉氏劉玉華之女馬濟昌之妻十八歲于歸二十四歲夫亡以姪廣明爲嗣氏奉事翁姑撫育嗣子宣統二年旌表七十二歲卒 一區採訪

張氏蘇中臣之妻年二十二于歸生一子一女二十七歲而寡篤志守節數十年如一日壽臻耄耋康強無恙孫二人曾孫七人業儒服田各安其業氏猶及見之宣統二年旌表 二區採訪

范氏秦維亨之妻十九歲于歸越四年夫故堅守苦節四十餘年事姑以孝聞八十七歲卒宣統二年旌表 四區採訪

### 續修東阿縣志

卷之二 人物下

一一八

濟南芙蓉街午夜書店印

康氏王道遠之妻十八歲于歸二十六歲夫故翁姑亦相繼去世氏含辛茹苦矢志守節上事祖母以孝聞宣統二年請旌 一區採訪

張氏盧曰武之妻年二十于歸七載夫故宣統二年旌表 三區採訪

張氏張協一之妻過門後夫即早故子春樸亦卒氏矢志堅貞年七旬擇賢立嗣以承宗祧年七十八歲卒宣統二年旌表 一區採訪

王氏趙士林之妻于歸五年夫故孝順翁姑守節五十五年七十八歲卒宣統二年請旌 一區採訪

萬氏李松林之妻于歸六年夫故撫養幼子成人守節六十一年八十二歲卒宣統二年旌表 一區採訪

房氏張汝舟之妻二十四歲夫亡三越月生子文蔚氏孝親育孤備極艱苦夫胞姊胞叔及氏兄俱窮無所依養生送死惟氏是賴夫之從堂兄弟貧乏不足者隨時補助壽九十五歲卒宣統二年旌表 二區採訪



劉氏劉伯卿之女廩生王毓芝之繼室二十于歸越年夫亡撫養前室二子成立夫弟一  
一女愛如己出含辛茹苦歷四十年如一日宣統三年旌表 四區探訪

閻氏閻淑秀之女姜克羣之妻十七歲于歸十九歲夫故柏舟矢志之死靡他守節四  
十餘年宣統三年旌表 一區探訪

陳氏張長馨之妻十九歲于歸二十九歲夫故矢志靡他教子義方宣統三年旌表 一區探訪

區探訪

張氏丁福奎之妻二十歲于歸三十歲夫故矢志冰霜撫養孤子恪守婦道宣統三年  
旌表 一區探訪

李氏張士楣之妻十八歲于歸二十三歲夫故矢志冰霜克守婦道宣統三年旌表 一區探訪

區探訪

汝氏崔伯正之妻二十一歲而寡遺一子立涓夫弟伯顯之妻高氏二十三歲而寡遺  
一子立濱伯隆之妻曲氏二十九歲而寡無子過立炳爲嗣皆堅志守節事翁姑以孝

### 續修東阿縣志

卷之二 人物下

一一九

濟南芙蓉街午夜書店印

聞撫孤成立汝年七十三歲卒高年六十九歲卒曲年七十歲卒宣統三年旌表著三  
節於一門 三區探訪

傅氏劉清山之妻十五歲于歸二十一歲夫亡遺子永坤矢志守節之死靡他宣統三  
年旌表 三區探訪

劉氏黃有妻年十九歲于歸二十六夫亡守志四十餘年六十七歲卒宣統三年旌表  
二區探訪

李氏楊鳳嶠之妻十九歲于歸二十歲夫故遺女一苦志守節過猶子清廣爲嗣宣統  
三年旌表 三區探訪

王氏王德昭之女謝振平之妻十九于歸年餘夫歿上有翁姑下無子女氏矢志自守  
孝養備至茹冰含藥歷五十年宣統三年旌表 二區探訪

尹氏周承謨之妻二十一歲于歸數月而孀堅矢柏舟之誓克勵冰霜之操守節五十  
年年七十三歲卒宣統三十年旌表 二區探訪



陳氏周隆順之妻三十歲夫亡子幼氏矢志守節歷四十五年卒宣統三年旌表四區探訪

周氏庠生刁蘭堂之妻二十五歲夫故矢志堅貞以夫弟梅堂之子爲嗣撫之如同己出宣統三年請旌四區探訪

張氏貢生張岱陽之女二十歲適秦玉璽爲妻越六載夫故柏舟自矢孝事翁姑以胞姪名儒爲嗣七十七歲卒宣統三年旌表四區探訪

趙氏崔立泗之妻于歸九月而寡剪髮自誓之死靡他撫嗣子繼程成立卒年五十九歲宣統三年旌表三區探訪

李氏任永恪之妻十七歲于歸二十三歲夫故守節五十一年七十四歲卒宣統三年旌表一區探訪

趙氏殷培濟之妻十九歲于歸逾年夫亡事翁姑以孝撫嗣子以慈守節三十餘年宣統三年旌表四區探訪

### 續修東阿縣志

卷之二 人物下

二二〇

濟南芙蓉街午夜書店印

郭氏閻廷瑄之妻宣統三年旌四區探訪

劉氏高洪珠之妻宣統二年旌表四區探訪

張氏李希岳之妻二十五歲而寡事雙親以孝撫嗣子以慈堅守苦節六十餘年八十九歲卒旌表二區探訪

于氏楊克常之妻二十二歲而寡潔以守身孝以事姑含辛茹苦六十餘年卒年八十有四學憲旌四區探訪

田氏杜英華之妻二十五歲夫亡上事祖翁下撫幼弟堅守苦節五十餘年卒年八十二歲旌表建坊四區探訪

井氏井克興之女王文公之妻二十歲于歸越三年夫故事翁姑以孝聞青年守節白首完貞八十一歲卒一區探訪

紀氏張春蓮之妻二十九歲夫亡矢志守貞五十年如一日八十二歲卒四區探訪

張氏庠生魏觀光之妻于歸未久夫歿矢志守節終身弗渝旌表入祠四區探訪



于氏壽張廩生田滋之女孟興雷之妻二十歲夫故矢志守貞撫幼子玉秀成立苦茹含辛五十餘年壽八十二歲卒 四區採訪

田氏趙毓俊之妻十八歲于歸二十七歲夫故奉事翁姑備致懇勸訓子讀書必擇名師其子德緒名列成均鄉人以貞節可風公爲立石表揚享年七十九歲 一區採訪

張氏王喜春之妻十八歲于歸十九歲夫故以姪岱新爲嗣矢志守節五十餘年七十歲卒 一區採訪

郭氏劉慎孝之妻二十三歲于歸九越月夫亡氏因翁姑在堂不忍永棄即以夫弟慎安之子爲嗣奉老撫幼孝慈兼盡守節五十四年七十八歲卒撫院旌表 一區採訪

張氏楊永義之妻二十四歲夫亡矢志堅貞終身弗渝守節五十餘年七十八歲卒 四區採訪

劉氏劉兆乘之妻二十三歲夫亡夫弟兆亮之妻湯氏十八歲而寡娣姒二人均能孝事翁姑撫育幼弟含辛茹苦數十年如一日劉氏壽五十三歲卒湯氏壽七十七歲卒

### 續修東阿縣志

卷之二 人物下

三二一

濟南芙蓉街午夜書店印

#### 二區採訪

賈氏庠生孟興庚之妻二十一歲而寡苦節自守五十餘年上事翁姑以孝下撫孤子以慈七十三歲卒 一區採訪

黃氏趙汝梅之妻十九歲于歲二十五歲夫故事翁姑以孝聞撫嗣子如己出苦節五十餘年七十六歲卒 一區採訪

喬氏秦子涓之妻二十八歲夫故矢志守貞事孀姑以孝聞教子孫有義方長子丕義在北京大學畢業其孫承恩承德等亦皆專門大學畢業勵志上進前程正未可量鄉鄰稱之享年七十五歲 一區採訪

于氏劉明目之妻十七歲于歸二十一歲夫故哀泣不已幾欲偕亡諸姑伯姊解勸責以仰事俯畜之重遂飲泣請命於姑以堂兄明欽之次子爲嗣殉夫之念姑絕終氏之世孝慈兼至鄉里共仰公請旌以彰懿德七十五歲卒 一區採訪

王氏王希成之女任玉璉之妻十九歲于歸越十年夫亡氏慟不欲生嗣念翁姑年老



惇獨無依已死則翁姑無由生存遂忍悲茹苦代夫事親俾親心忘其子守節五十年七十四歲卒 一區採訪

秦氏范召森之妻二十四歲而寡矢志守貞五十年如一日苦節至孝鄉里稱之七十四歲卒 一區採訪

侯氏閻應璜之妻二十一歲而寡撫子成立事翁姑以孝聞守苦節四十餘年七十二歲卒 一區採訪

丁氏丁立行之次女傅玉華之妻十八歲于歸未逾年夫故柏舟矢志義方教子守節五十餘年鄉里稱之壽七十三歲卒 一區採訪

蘇氏閻應南側室十七歲于歸十八歲夫亡矢志守節事嫡妻如姑嫡妻歿備喪葬皆由一人卒年七十二歲 一區採訪

徐氏遲大忠之妻二十二歲而寡嗣男河之繼室王氏二十五歲而寡孫鳳儀之妻宋氏二十三歲而寡姑媳焚焚三世冰霜徐年六十五歲王年七十二歲宋年五十八歲

### 續修東阿縣志

卷之二 人物下

三二二

濟南芙蓉街午夜書店印

卒四區採訪

強氏劉慶哲之妻二十三歲而寡上事翁姑下撫幼子堅守苦節四十餘年壽七十一歲卒 一區採訪

宋氏宋清涓之女黃炳仁之妻十九歲于歸一年夫故矢志堅貞終身不渝守節五十餘年七十一卒 一區採訪

高氏于虎倫之妻十八歲于歸十九歲夫故堅貞事親以孝待下以慈守節五十餘年卒年七十一歲 一區採訪

魏氏楊效先之妻二十歲夫亡守節盡孝六十九歲歿學憲旌 四區採訪

劉氏黃孟清之妻年二十一歲夫故奉翁姑以孝稱撫幼子以慈著艱苦備嘗三十載如一日卒年六十七歲至今鄉間猶賞嘆不已 三區採訪

常氏常貴龍之女高嘉行之妻年二十九歲夫故守節撫孤五十載如一日卒年七十六歲 二區採訪



王氏師尙忠之妻于歸數載夫亡矢志守節歷四十餘年如一日六十七歲卒四區探訪

孔氏趙煥章之妻三十歲夫亡矢志靡他孝事翁姑六十一歲卒一區探訪

劉氏姬登瀛之妻十七歲于歸越三年夫故無子以夫兄容江之子爲嗣事姑以孝聞守節四十餘年卒年六十一歲四區探訪

喬氏楊文德之妻十七歲于歸十九歲夫故矢志靡他上事翁姑下撫幼子飲冰茹蘗歷三十餘年鄉里請旌立石以表揚之五十七歲卒一區探訪

左氏趙縉之妻二十六歲夫亡孝事孀姑終無怠節凜冰霜三十年如一日五十六歲卒三區探訪

劉氏劉明目之女子占鰲之妻十六歲于歸二十歲夫亡撫嗣子廣盛成立堅守苦節三十餘年卒年五十六歲一區探訪

王氏王思敬之女遲峴之妻十六歲于歸二十九歲夫亡姑早故惟翁一人氏恪盡婦

### 續修東阿縣志

卷之二 人物下

三三三

濟南芙蓉街午夜書店印

道宗族稱其孝子方程在襁褓稍長課之讀荻教綦嚴遂以成名歷五十年卒四區探訪

沈氏張繼思之妻二十二歲夫亡矢志守節事翁姑以孝聞以姪克俊爲子歷五十一年卒四區探訪

黃氏黃振鐸之女孫元貞之妻十九歲于歸越三載夫亡氏事翁姑撫幼子鳳池成立金石之貞閭里欽佩五十一歲卒四區探訪

孫氏彭尙廉之妻二十四歲夫故孝事翁姑撫幼子成立年五十歲卒二區探訪

苑氏朱正基之妻二十四歲夫亡子甫八月氏事翁姑撫遺孤堅貞矢志歷五十年卒四區探訪

石氏井占禮之妻十七歲于歸二十歲而寡矢志守節歷五十年鄉里稱之一區二區

張氏范召沛之妻二十九歲而寡冰霜矢志奉侍老姑撫育幼子歷四十七年卒一區探訪



張氏遲方有之妻二十六歲夫亡以姪衍和爲嗣子矢志守節歷四十六年而卒四區探訪

王氏張公陞之妻二十八歲夫亡奉姑撫孤孝慈兼盡歷四十四年卒四區探訪

劉氏張克勤之妻二十七歲而寡矢志守節歷四十二年而卒四區探訪

楊氏何傅恭之妻年二十九歲夫故矢志靡他誓以柏舟自比日侍翁姑及叔翁之側朝夕奉養絕無怠容迨諸翁姑相繼逝世衣衾棺木則已先時籌備喪葬盡禮祭掃因缺更立族姪爲嗣承宗祧焉歷四十二年卒三區探訪

賀氏遲岳之妻二十歲于歸逾年夫故以族姪鳳廷爲嗣矢志守節四十年而卒四區探訪

韓氏郭廷鏡之妻二十六歲而寡堅貞矢志教子成名歷三十九年卒四區探訪

于氏張慶祥之妻二十五歲夫亡上事翁姑下撫遺孤孝慈兼盡矢志守節三十六年卒四區探訪

### 續修東阿縣志

卷之二 人物下

二三四

濟南芙蓉街午夜書店印

賈氏遲正家之妻十九歲于歸二十五歲夫亡遺子保娶沈氏爲妻二十二歲而寡姑媳婦居矢志守貞賈歷四十七年沈歷三十三年卒四區探訪

劉氏袁太松之妻于歸甫數年適紅巾賊率衆犯境太松隨鄉團抵禦臨陣殞命氏矢志靡他上奉姑母下育幼女歷三十年如一日鄉人稱之一區探訪

崔氏岳殿忠之妻十七歲于歸三十四歲夫卒無依懷遺腹子德著寄居母弟家因避宅謬說又權移莊外瓜田幕下分晚氏於飄流艱辛之際益堅撫孤守節之志後教孫峻峯等四人曾孫樹棠等五人成名歷五十年苦節年八十三歲卒

以下錄省志

王 芹妻賀氏

王可元妻師氏

于 瑤妻殷氏

戴元魁妻王氏

唐 標妻閻氏

劉長奉妻王氏

孟繼文妻劉氏

姜琴鳴妻高氏

殷維平妻賈氏

郭萬興妻楊氏

夏大容妻馬氏

殷克哲妻趙氏



柳興亭妻杜氏  
柳傳家妻王氏  
姜克信妻張氏  
孫文奉妻孟氏  
成玉興妻賀氏  
陳大端妻王氏  
劉泮玉妻尹氏  
范罄宜妻王氏  
任懷林妻劉氏  
李懷成妻侯氏  
薛克文妻王氏  
張永安妻周氏

柳傳吉妻劉氏  
姜夫賢妻劉氏  
劉法思妻仇氏  
劉文楷妻孟氏  
劉進來妻張氏  
于希鱗妻雷氏  
魏尙儒妻張氏  
田興智妻李氏  
周希善妻張氏  
劉德盛妻周氏  
郭平妻呂氏  
非百福妻劉氏

柳傳慶妻王氏  
王希德妻馬氏  
劉公擢妻房氏  
劉廷信妻蔣氏  
陳殿崇妻魏氏  
于萬斯妻殷氏  
于延藻妻部氏  
魏茂清妻李氏  
王景文妻姜氏  
王永祥妻張氏  
劉連岳妻郭氏  
汝振泉妻郭氏

續修東阿縣志

卷之二 人物下

三三五

濟南芙蓉街午夜書店印

曾繼魁妻鄭氏  
宋佳林妻鄭氏  
徐殿華妻蕭氏  
徐景福妻周氏  
曾傳中妻徐氏  
井珊妻李氏  
蕭鳳山妻宋氏  
俄養德妻王氏  
姜福忠妻黃氏  
劉懋常妻趙氏  
屈廷梁妻王氏  
汪漢妻劉氏

遲夢舜妻王氏  
刁景林妻劉氏  
張樹妻王氏  
刁澤曾氏劉氏  
遲夢堯妻王氏  
井興詩妻張氏  
徐德妻董氏  
王衍忠妻趙氏  
李普妻周氏  
王希舜妻遲氏  
焦棟妻李氏  
崔毓麟妻吳氏

王衍乾妻賈氏  
韓興業妻曹氏  
楊克榮妻宋氏  
姜學山妻王氏  
非常貞妻蘇氏  
井讓妻孫氏  
姜福貴妻張氏  
王衍祿妻范氏  
秦承業妻劉氏  
楊廷捷妻孟氏  
李文合妻劉氏  
姜孝妻劉氏



楊文林妻黃氏  
董汝澤妻王氏  
雷好德妻張氏  
王德全妻耿氏  
趙國松妻郎氏  
王得文妻畢氏  
王振江妻秦氏  
邢鳳山妻周氏  
楊秉夷妻張氏  
杜桂獻妻王氏  
馬百欽妻于氏  
張化廷妻楊氏

譚民安妻張氏  
雷好信妻韓氏  
卓克明妻劉氏  
于東多妻許氏  
于念奎妻王氏  
蘇文興妻王氏  
杜希泰妻楊氏  
張瑩華妻李氏  
欒 琮妻解氏  
張福祿妻王氏  
范汝嘉妻解氏  
朱學浩妻張氏

馬長清妻劉氏  
趙國強妻孫氏  
孫道成妻秦氏  
孫芳亭妻馬氏  
金尙溫妻井氏  
張 奉妻賈氏  
朱洽南妻謝氏  
周 吉妻侯氏  
劉樹業妻魏氏  
朱德慶妻麻氏  
朱學貞妻王氏  
張化鵬妻夏氏

續修東阿縣志

卷之二 人物下

濟南芙蓉街午夜書店印

張繼蘭妻邢氏  
宋魁英妻陳氏  
楊允亮妻黃氏  
金宗聖妻王氏  
馬興瑞妻李氏  
馬衍璞妻盧氏  
王克恭妻董氏  
秦孟秋妻門氏  
譚民安妻張氏  
秦茂藉妻吳氏  
尹維鵬妻劉氏  
張慶芳妻郭氏

許中魁妻王氏  
李 江妻趙氏  
趙衍榮妻陳氏  
宋玉文妻吳氏  
于慶獻妻宋氏  
李方坤妻張氏  
魏茂心妻蘇氏  
康會亭妻房氏  
吳心達妻趙氏  
李文芳妻周氏  
張東懷妻畢氏  
仇汝信妻吳氏

羅文芾妻董氏  
侯中魁妻郎氏  
于念桂妻侯氏  
王錫麟妻張氏  
王文海妻秦氏  
趙宗孟妻房氏  
雷元浩妻刁氏  
周明德妻秦氏  
郭道德妻王氏  
馬存善妻周氏  
侯中端妻沈氏  
仇 鋒妻賈氏



張德祥妻杜氏  
張恩化妻王氏  
魏培乾妻王氏  
李子節妻史氏  
牛明堂妻王氏  
周尙盛妻邢氏  
雷廷旃妻張氏  
王傳福妻高氏  
秦保台妻蕭氏  
劉茂有妻殷氏  
王玉奇妻史氏  
丁有一妻李氏

于傳安妻賈氏  
陳大會妻王氏  
魏茂璽妻范氏  
葛元勳妻李氏  
張金華妻李氏  
張建廣妻許氏  
秦金秀妻孫氏  
李復明妻岳氏  
織茂材妻卓氏  
閻振泰妻譚氏  
王懷義妻張氏  
秦世昭妻劉氏

劉廣符妻李氏  
崔景漢妻劉氏  
張耀宗妻郭氏  
史萬靈妻袁氏  
王希商妻尉氏  
秦傳曾妻遲氏  
周崇明妻姜氏  
顏民坦妻李氏  
殷維琢妻吳氏  
孟傳儉妻趙氏  
王玉良妻劉氏  
蔡連祿妻楊氏

續修東阿縣志

卷之二 人物下

三七

濟南芙蓉街午夜書店印

姜雲峯妻劉氏  
于東漢妻歷氏  
王希路妻史氏  
崔森妻趙氏  
王玉秀妻周氏  
趙連江妻韓氏  
崔景周妻楊氏  
劉宗舜妻張氏  
殷立元妻賈氏  
王進來妻張氏  
劉運興妻閻氏  
汝際盛妻崔氏

姜逢堯妻楊氏  
馮子巖妻孫氏  
周士南妻子氏  
王允泰妻秦氏  
姜湘廷妻鄭氏  
曲兆鳳妻陶氏  
張玉柱妻吳氏  
殷景璉妻楊氏  
田之桂妻賈氏  
楊朝桂妻丁氏  
宮得平妻周氏  
劉桂芳妻趙氏

韓鳳瑞妻李氏  
房辛山妻王氏  
馬夢坤妻趙氏  
王允安妻孫氏  
趙鳳讓妻王氏  
周立端妻魏氏  
吳際安妻張氏  
趙文太妻丁氏  
任祥祉妻張氏  
董以聖妻楊氏  
于春林妻路氏  
王興旺妻周氏



劉森林妻卓氏  
楊守廉妻閻氏  
楊兆山妻解氏  
任希文妻張氏  
王恩江妻陳氏

李永城妻王氏  
黃玉山妻殷氏  
郭學韶妻秦氏  
劉大泰妻董氏  
陳西漢妻師氏

劉繼華妻郭氏  
楊廷煥妻王氏  
劉光欽妻張氏  
張維漢妻金氏

續修東阿縣志

卷之二 人物下

三八

濟南芙蓉街午夜書店印



東阿縣志

署 何思源



140.247

42

部三三





續修

東阿縣志

二十六年徵集之書

王占一敬書

民國二十三年十二

月濟南午夜書店印



續修東阿縣志卷之十三

藝文志上

二十六年徵集之書

舊志于文定公序曰史之志藝文載其目乘之志藝文載其篇詳略之體異也道光九年李志師其意而纂藝文上自晏子春秋孫子兵法黃石公之素書三略陳思王之詩集文編下逮有明範東之奏議吾西之遺稿推而劍術兵略史摘筆塵罔不備選無遺洎乎本朝而性命指歸經濟大略出焉巨製鴻編裒然成帙是殆所謂載其目並載其篇者也迄今八九十年來若周文忠公之奏議書牘各有專集王蘭居太守陳釐濱左丞之詩文傳誌不少流傳茲復詳加搜輯益以採訪冊所錄送者彙而載之雖云斷簡殘編乎其有關於政令風教者匪淺鮮矣續藝文著述

元

李謙授時曆議 謙字益之鄆之東阿人歷官翰林承旨是編見錢大昕元史藝文志

續修東阿縣志

卷之一三 藝文上

濟南芙蓉街午夜書店印

清朝

周文忠公奏議 卷 書牘二卷 張寅序 應寶時序 文忠諱天爵字敬修道光辛

未進士仕至湖廣總督

房甲山孔子年表 甲山字一峯歲貢生

制誥

皇元制封啓聖王暨堯郟沂鄒公碑 元至順二年

翰林侍講學士通奉大夫知制誥同修國史知經筵事張起巖撰

通奉大夫福建道宣慰使都元帥安僧篆額

承事郎東阿縣尹兼管本縣諸軍奧魯勸農事完顏秉文書丹

文宗聖明元孝皇帝續承大統綏輯方夏御 奎章閣總覽萬機究觀人文以化天下稽古禮文之事有廢缺者舉而行之惟恐其後故天曆至順典章文物輪奐昭著無愧往古其於崇尚 先聖先師尤極其至初縱遣詞臣恭奉香幣致祠闕里已又 制詔





所司修完林廟風動四方謂聖人之生有開必先以王爵加封上及其親謂聖人之道有統有緒以上公顯號推及其徒此皆古先哲王講明表章之所未至者制書既下曲阜 廷議謂宜載頒郡縣俾多方多士有以知

聖元隆文崇道之懿事下有司東阿縣尹完顏秉文謀諸同僚監縣答蘭簿徐仁禮等伐石就礪將刻於縣學福建宣慰使都元帥安僧實我 朝元勳國王諡忠武木華里之裔孫適奉親家居爲輿致其石始終倡率是役作來以書委起巖紀其事懶悃再三不置起巖承乏詞垣紀功述績職也敢以所知所聞爲口昔在國初武遏亂略宜於文教未遑矣

太宗英文皇帝已建學立師於燕遣官郡國選試儒士優復其家

世祖聖德神功文武皇帝爰自潛藩延聘故老訪求至言踐阼以來推行前聖之道興學崇教化民成俗登用口賢于時人材輩出卒能混一區宇以復隆古之治

武宗仁惠宣孝皇帝加號 大成奎文增資休有烈光

### 續修東阿縣志

卷之一三 藝文上

一一

濟南芙蓉街午夜書店印

仁宗聖文欽孝皇帝開設科舉右文興化措世治平

文宗皇帝繼志述事思孔子之聖復揆厥所生王以啓聖沿其流派施及顏曾思孟其崇孔氏之道允謂大備矣而前代於孔子之父蓋嘗以上公列國封之固未若此之稱情也於顏曾思孟亦以上公列國封之至於顏之克已復禮曾之獨得其宗子思之述其業孟子之爲命世亞聖表而出之以復聖宗聖述聖亞聖之懿稱儷堯鄒沂鄒之列爵形諸 綸言垂示萬世蓋前代帝王有未發者焉其或未之思歟抑彌文緝典天固待夫 明口以口口

聖皇之盛也耶阿見於經著且久地固魯境禮義習應未遠而去聖人之居若此其近也其聞見漸染土俗風氣宜有異於他邑矣况邑之先正奮庸於前名赫赫在世固來者之矜式也秀民子弟盍觀感於此乎豪傑之士希古聖哲企其齊而亦慨然有思乎是則區區所望於來學庶有以對揚

聖元隆文崇道之懿也是爲記



上天眷命

皇帝聖旨闕里有家系出神明之胄尼山請禱天啓聖人之生朕聿觀人文敷求往哲惟孔氏之有作集羣聖之大成原道統則堯授舜傳之周文王論世家則契至湯下逮正考甫其明德也遠矣故生知者出焉有開必先克昌厥後如太極之生天地如鉅海之有本源雲仍既襲於上公之封考妣宜視夫素王之爵於戲君子之道考而不謬建而不悖於以敦典而敘倫宗廟之禮愛其所親敬其所尊於以報功而崇德尙篤其慶以相斯文齊國公叔梁紇可加封啓聖王魯國太夫人顏氏可加封啓聖王夫人主者施行

上天眷命

皇帝聖旨朕惟得孔氏之門入聖人之域顏子一人而已觀其不遷怒不貳過以成復禮之功無伐善無施勞益著爲仁之效蓋將不日而化矣惜乎天不假之年也朕緬懷哲人留心聖學將大新於風教故特侈於褒嘉於戲用之則行舍之則藏雖潛德一時

續修東阿縣志

卷之一三 藝文上

三

濟南芙蓉街午夜書店印

之不顯吾見其進未見其止願聖言百世而彌彰尙服寵光丕隆文治可加封堯國復聖公主者施行

上天眷命

皇帝聖旨朕惟孔子之道曾氏獨得其宗蓋本於誠身而然也觀其始於三省之功卒聞一貫之妙是以友於顏淵而無愧授之思孟而不溷者歟朕仰慕休風景行先哲爰因舊爵崇以新稱於戲聖神繼天立極以來道統之傳遠矣國家化民成俗之效大學之書具焉其相予之修齊茲式彰於褒顯可加封郕國宗聖公主者施行

上天眷命

皇帝聖旨曾子得聖人之傳而子思克承厥統稽夫中庸之一書實開正學於千載朕自臨御以來每以嘉惠斯文爲念萬幾之暇覽觀載籍至於致中和而天地位萬物育雅留意焉夫爵秩之崇旣隆於口配景行之懿可後於褒加於戲有仲尼作於前孰儷世家之盛得孟子振其後益昌斯道之傳渥命其承茂隆不緒可加封沂國述聖公主



者施行

上天眷命

皇帝聖旨孟子百世之師也方戰國之縱橫異端之充塞不有君子孰任斯文觀夫七編之書惓惓乎致君澤民之心凜凜乎拔本塞源之論黜霸功而行王道距諛行而放淫辭所謂有功聖門追配神禹者矣朕若稽聖學祇服格言乃著新稱以彰隆典於戲頌詩書而尚友緬懷鄒魯之風非仁義則不陳期底唐虞之治英風千載蔚有耿光可加封鄒國亞聖公主者施行

奏疏

請許張居正奔喪疏

邑人于慎行

竊見元輔張居正近有父喪居正以父子至情再三懇請皇上以社稷大計委曲勉留至於札諭頻煩屈以下逮一時大小臣工莫不動容歎誦况於居正能不感激願即奉諭旨則有不得盡之情欲力請終喪則有不忍去之義所以徘徊顧戀莫能爲心以致

續修東阿縣志

卷之一三 藝文上

四

濟南芙蓉街午夜書店印

外論紛紜不能爲亮而臺諫諸臣惟知相保公爲諂阿莫敢明言可否以定去留臣之私心竊所不能以爲居正之在今日其不可去者有二而不可留者有四請得而歷陳之居正受先帝顧託荷皇上倚任數年以來成就聖學匡贊萬幾中外甯謐法紀恢張語其功勳誠爲卓越况今聖齡雖茂績學方始難使顧命元臣頃刻違遠是在國家計之不可使去者一也居正以豪傑之才遭明良之運信任之專恩禮之渥乃可顧烏鳥之私而忘社稷之計是在居正自處其不可求去者二也然臣獨以爲聖人所以扶植乾坤主宰民物者不過以綱常倫理故社稷之關係在一時綱常之關係在萬世託言爲臣奉公矢節乃其爲子實不得養生送死則何以自盡乎是以禮教言之其不可即留者一也居正之父生受極品之封歿被非常之禮至乃綸音愍卹傳播寰區書之史策榮垂不朽雖竭人子所欲光顯其親者豈復有加於此而乃以一奔喪守制爲孝道之盡否者蓋父母之情本乎天性只求其不忍之念不在有可致之祥居正辭親而仕垂二十年雖位極人臣而父子未常一面至於死生之際永訣終天望思含淚不能瞑



目即使匍匐而去終制三年尙不能以送死之心補生離之憾而今安處京華委蛇政府不得洒一椽之漿掩一杯之土言而至是行路酸辛彼獨何心能不椎裂且期功之喪尙當輟業况苦塊之地如不欲生而令出入密勿參預萬幾有何心情可施謀畫是以情理論之其不可即留者二也君之於臣榮其身不若體其心重其位不若全其節居正束髮登朝砥礪敏勉以至今日遭逢聖主展盡謀猷固欲仰繼伊周俯視丙魏一旦以主恩眷戀不得終喪遠而四方久而萬世安能家置一喙白其心曲則是終身成之而不足一日壞之而有餘天之生才代不數得人之樹立固亦甚難言至於斯可爲永歎是以名節論之其不可即留者三也朝廷以爵位慶賞奔走介冑之士而以忠孝廉節作養縉紳之儒故武臣即五等之封皆不守制而文臣自一命以上咸得終養誠以綱常倫理寄之士大夫之身以爲社稷之衛不可一日無也而况位冠百僚身爲矩範若使先虧禮典何以表率人流且凡在衣冠之列誰無父子之恩使皆奪於浮榮尙復何所顧惜必至士風大壞禮教凌夷其爲世道之憂夫豈一詞可盡是以俗化論之

### 續修東阿縣志

卷之一三 藝文上

### 五

濟南芙蓉街午夜書店印

其不可即留者四也查得宣德四年輔臣楊榮以父喪去位宣宗皇帝允其奔喪遣中使護歸已而奪情起復成化二年輔臣李賢以父喪去位憲宗皇帝亦允其奔喪令中使促之上道凡五月而返此二臣故事也二臣事業炳炳在人耳目本朝輔弼實罕其儔止以起復一節至今士大夫談之尙有遺議然二臣之在當日止於不得守制而居正之在今日至於不得奔喪則其心之難白尤有甚於二臣而其情之難處更有苦於二臣者矣連日聞有見居正者言及去留詞淚俱下所以屢書陳情諒非矯節至乃預請歸葬尤非得已然人子至情給假不若奔喪爲要先王典禮則辭俸不若守制爲切使墨衰而侍左右苦塊而圖政機雖設爲權宜委曲遷就終是人情不順天理不安恐非所以增聖政之光而昭示萬世也昔吳起戰國權謀之士耳以不奔母喪爲曾子所絕然其後仕魏相楚能致富強至今稱爲才臣名將陳湯漢之茂才也以不奔父喪爲司隸所奏然其後以一介之使斬郅支單于立功名於萬里之外向使此兩人者與子皋少連比功而挈才則相去遠矣然終不能以其絕世之功而減其忘親之罪則才節



之不相掩亦明矣况今禮教修明之日與唐虞三代比隆而居正方以社稷伊周自許又豈一才一藝之士所可同日而論哉臣自入詞林荷蒙作養又拔臣於衆人之中俾參講席居正於臣號爲知己欲其保位固亦人情况臣忝荷聖恩得承帷幄積日計勞可叨尺寸何爲傷知己之心而冒不測之罪但區區一念之愚誠以少生孔孟之鄉頗聞忠孝之語今遇綱常倫理所關不能自己伏乞皇上再加裁度於難處之中示兩全之道則明良合德之風比隆邃古而永有辭於天下矣

查江陵奪情事在萬歷五年當是時文定公爲講官方踰年而不許奔喪已有明詔以後進儒臣拂權相之意啓幼主之聰揆之事勢亦已難矣况吳中趙賢二公之疏先公入奏已奉嚴旨予杖削籍少有瞻徇誰復冒不測之罪再蹈覆轍而于公見義勇爲持禮教情理名節俗化四大端偕王錫趙舉張位習教張柱一李春長六館職抗疏繼進氣不稍餒洵不負責難陳善綸音褒嘉之知遇矣雖疏入不報於事無濟然能使綱常倫理經天緯地之大義浩然常存所謂功不在一時而在萬世者于公一疏

### 續修東阿縣志

卷之一三 藝文上

### 六

濟南芙蓉街午夜書店印

足以當之惜舊志漏探未載此疏今茲搜遺得之於于氏家藏文定公年譜中補載邑乘以垂世而公之凜凜生氣亦與之悠久無疆矣

### 遺疏

皇上矜臣之疾薄臣之辜溫旨入閣辦事君命難違國事多艱一念犬馬愚忠敢忍死須臾爲君父陳之惟願皇上益勵初心永懷長慮上凜天威之可畏下軫人窮之已極宮府壅闕堦堦沸羹日發中外章奏以運轉化機遞啓播棄諸臣以獎勸忠直下考選之旨毋塞言路收征權之令毋傷邦本推試御下不以細察爲能節用愛人當以四海爲富常使皇圖天保聖政日新臣雖魂遊地下竊附尸諫矣

遺疏者大臣臨終屬稿進諫之詞也輔弼元老誼同休戚身命有盡忠愛無窮於彌留之際申匡救之力其有益君國視庭對造膝爲尤大况公里居十七年蒲輪未安華簣遽易所謂諸言事臣吾當以死諍闕宦探權吾當以赤誠回照者不得借箸於前席皆將收效於尸諫矣彼朝夕近君言聽計從一病不起循例入奏於國事相關



之輕重視公疏豈可以鈞石計哉

稟

稟安徽撫憲鄧道光癸巳五月

邑人周天爵

敬稟者接奉賜函訓誨諄諄不以天爵之下愚冥頑而垂教益切苦口之劑可以救死天爵安得不感激泣下而汗流浹背乎夫受教而飾非文過則真小人之歸且比較強梁凶頑者並不如矣若直無論虛實而默然承受施之於常人則可恐非所以事大賢君子之道也伏念天爵自廬起程帶有押行李差役二名一許珊係壯役一吳山係皂役許珊到鳳隨回吳山執挈陳瑞一批於前月初七日跟到臨淮查驗馬號見通號只有垂倒之馬三匹壯馬三匹不覺動氣將棚頭喂養行差及管號之家人當場唱打而天爵向來出門帶人甚少該棚頭等伏地輾轉行杖之人隨勢打去間有偏斜計七人共打至一百廿記次日着吳山執批赴山東不意關上已去之家奴挾人短長竟傳播若此且鳳陽郡如聞有別製刑杖之說其匠役皆可數也試問製者誰手刑製何如天

### 續修東阿縣志

卷之一三 藝文上

七

濟南美蓉街午夜書店印

爵感君恩重而視功名輕於此事雖參劾問罪亦所甘心若因馬號當功令森嚴之際而號如此若經人再奏天爵承憲扎丁甯嚴切將何以對上憲此事氣怒幾至中風而人怨之入於骨髓造此謠言亦可歎也天爵形單影隻家貧親老何苦爲此招怨之官幸武場餘馬甚多不數日各棚充盈公事完而天爵之病愈甚矣至張鳴車以七八十歲老頑曹璠之子病不能跪且外間以爲打結者其曲直顛倒耶抑其底蘊未盡吐露耶乃天爵恨璠拖死其夫控其妻拖死其叔與母告其子因重責縱其人雖死亦必償冤魂於地下而人言不以稽延日月累及無辜爲過而以重責有罪之人爲迂亦天爵所不解也至都主簿張張氏是誠天爵之大罪夫又何辭若云天爵晝夜親臨從前數任常有此事即廬州任內亦有此事惟到鳳則病合家半染時症實未出門又次子實讀書大兒因前風波數喚而後至至亦不久遂歸人之父子因避謗不能聚處而人猶議之不已仕宦中他人猶可天爵觸處皆荊棘矣惟近房一姪命其訪挈陳瑞此乃屬實天爵素性嫉惡而惡類目不忍睹耳不忍聞之事日觸於前又見懦弱良民埋冤縮



首不知背後落幾行血淚若謂天爵一字虛誣天其誅之大爵本愚蒙幸邀恩遇最深若唯諾受過反開罪於大君子故冒昧直陳尤可駭者以母不以爲子欲棄之而歸此層尤痛入骨髓天爵因家有孀妹本多病而出嫁甥女甫死家母數日悽慘以致合家警惶成病夫以合家染病而謂天爵之胡行使然何其不思之甚也在外四郡縣或以爲天爵在此或以爲在彼地方謠言誠無他意倘僉人羅織之以爲罪過天爵無立錫地矣數日屏息形神支離伏維夫子大人或賜細訪幸垂察焉

稟督憲陶

前 人

敬稟者接奉憲札以委員在於洪澤湖一帶先後拏獲強搶客船及良家婦女之馬八郭三銀等業經審明定擬將馬八郭三銀等正法維職道所屬之廬鳳潁六泗滁和等府州地方民風獷悍接壤東豫須設法稽查保甲使匪徒無從託足良善可以相安飭於所屬緊要之定遠等縣梅家市等集編查保甲等因並奉開單到道職道捧讀之下仰見宮保大人洞悉奸宄制其扼要戢暴安良之至意竊維馬郭二匪明正典刑聞河

### 續修東阿縣志

卷之一三 藝文上

八

濟南芙蓉街午夜書店印

口匪衆破膽離披黨與正在此時伏維大人德威張弛洞中機宜乘人心驚懼之時爲拔本塞源之計與陽明之掃除八寨合符同揆所謂大儒事業自與他人迥殊豈不然竊維憲札所開十八保俱著名要區爲曹毫回匪盤聚之地歷年於茲矣但各該保雖係盜賊淵藪而情勢不一惟擇其最要之地杜絕扼塞使彼無利可牟人心自散再約以保甲之法可以一出而令行禁止此數十保職道頗所熟悉其爲最要而爲裏口外口之咽喉合肥定遠私梟之總路無有過於明光集者其他背山臨水又多異地回民惟棍徒過湖而來爲必由之地自此而分爲數十路頭由是而洲溪大小從山再南至王回子岡楊家集則又一聚會之區明光爲洪澤無數賊船之去路而即定合無數惡夥牟利之來源此處一塞從洪澤搶鹽來者欲逕五河過臨淮知職道密邇鳳郡必不敢過也是明光一杜若網在綱彼無銷路搶鹽何爲杜塞之法似宜調一有膽力威望廉潔自愛之武弁而盱眙令於立法之始每月必至一次而職道或兩月親去一次一概俱不用地方供應夫鼠不穴於明堂官常往來焉有魍魎魍魎不潛蹤消阻之理



而各處如白龍場等集亦議定章程地方官以每月一次會赴其地爲令如職道在廬州任時親赴朱家巷白龍場等處無論捕獲與否一出而安靜數月此亦近效之可驗也如此則保甲可行亦可久且一縣所轄最悍之保不過數處以全副精神而用之於數處而仍不周到者則未之見也伏見大人不全行保甲爲既勞且擾而專使州縣專心一志於數保之中而合縣可以獲安者此慮慮之精當簡易也抑又有請者牌保既編必立連坐之法方有責成不徒文具如一家窩匪鄰佑知而不舉者及官緝捕之時連鄰屋一併拆毀如此不過一三家而人皆不與之同伍矣如此再責成鄉保庶不致有名無實再湖運要害之地無過明光而江運要害之地無過撮城撮城去店埠十數里爲諸私梟之總匯分行合肥之三河排河城北關三十里頭白龍場等處此地一控扼則諸梟皆絕矣夫搶犯梟犯稀少然後票鹽利民無窮又少出私梟之案不知凡幾似宜於所過關口定一稅例與糧石相彷彿既可以引票相符不致冒濫又裕國課而易整齊就中酌提一二分以爲緝捕之用而洪湖可以澄清於商無妨而與國課裨益甚

### 續修東阿縣志

卷之一三 藝文上

九

濟南芙蓉街午夜書店印

大鄙見是否可行伏維鈞裁

代度支部左丞陳宗燾等呈請周文忠公入鄉賢祠文

邑人 閻殿芝

臣某等爲公舉崇祀鄉賢事竊維忠臣孝子足爲桑梓光榮碩士通儒宜享聖賢俎豆今查有同鄉已故欽差大臣原任漕運總督贈尙書銜諡文忠周天爵係山東泰安府東阿縣人生于乾隆四十年卒于咸豐三年已故員秉性剛方賦才聰敏清廉持已瞻略過人髫齡知孝父母立品惟重倫常晨昏則定省無缺有扇枕溫席之風色養則婉愉時形盡悅志承歡之道家雖貧窶甘旨必供于高堂力縱艱苦服勤無倦于夙夜持蓋獻禦寇之計祖父曾歎其奇得錢酌卵翼之恩乳母亦稱其孝幼小亦多善行父老傳爲美談及乎稍長伯仲不起猜嫌情深羨被手足善爲調護樹活田荆兄道克敦親心益順其勤學也燃香照讀負耒橫經本良知爲宗旨取徑于陽明象山擇正學爲依歸希蹤于伊川鹿洞始作秀才即抱希文之志繼捷禮部益著祖述之鞭待選十年教讀八載遊其門者多發甲第薰其德者悉屬善良而且內教宗族子弟胥受其裁成外



恤鄉閭寡亦蒙其德惠當其蒞官宰百里則民戴二天守一麾則化臻三異觀察盧鳳裁浮費於淮關陳臬安徽平冤獄於宿土由是陝右開藩未歷任而旋總漕政河南秉節將下車而晉督鄂城從事粵東宜文宜武防填江北克愼克勤復拜漕督之恩命兼攝河道之關防三旬而漫口合龍一夜而軍船飛渡既陳情而奏請終制遂抱疾而引以歸田嗣文宗御極之初廷臣交薦聖主特知命盪寇于桂林驅此美醜復督師于皖外殄厥渠魁八旬元老指揮百萬軍中五夜羽書籌筆旌旗影裏俄而星隕營前魂歸天上嘉謚特頒崇秩載晉清風亮節允垂百世之典型崇德報功宜享千秋之禮祀職等緬懷曩哲企慕芳徽痛大雅之云遙蓋棺論定念老成于既沒報德宜崇爲此取具同鄉官結並繕事實清冊粘呈報遞伏乞大部查核辦理謹呈

告示

署阜陽縣告示

周天爵

照得爲政之道先正己而後正人正己之道非獨一身之路凡署中家丁以及胥役約

續修東阿縣志

卷之一三 藝文上

一〇

濟南芙蓉街午夜書店印

保人等皆能激發天良凡不義之財一言害人一言枉法受之若猛獸毒蛇或立見禍敗或報在兒孫天理必不能容王法在所必誅則政不期舉而自舉矣惟此輩人良莠混雜其不善者性若封豕長蛇只知吸人骨髓違計身後之禍平日善識本官意向本官志在嫉惡即以一二良民竄入惡黨雖被害之家到案洗削而錢已飽其慾橐矣再以無根之言指官撞騙而刁棍頑類與之結黨營私是本官雖欲救民反以病民雖欲懲惡反以長惡則不明之罪與不公等是近官之人更甚於賊匪棍徒之爲害也而官之甘受朦蔽以害億萬百姓其與自殺之者又相去有幾本縣到任以來書吏丁役痛懲久者亦復不少無如稔惡性成害不及身即爲得計是我一人雖竭盡心力亦不能照及無窮總不若民之受害者指實訐告不論是何色人但有指官詐財之實據指控本縣即以治匪類者治之亦人之痛快者也本縣自登仕版凡利害禍福無一在念常視此官一日息肩得少一日罪過總之州縣官處之難爾民知我不得已之苦心爾有口敢訴冤枉有心能知是非使我與良民疾苦一絲不隔即我之厚幸也特諭



書

上籍江陵使者少司寇邱公書

于慎行

行濫竽詞林閱有年歲江陵始末皆所目睹其殫精畢智勤勞於國家與其陰禍深機結怨於上下者皆能窺其大概未易更僕數也當其秉政之時舉朝爭頌其功而不敢知其過今者既敗舉朝爭索其過而不敢舉其功皆非情實也而連日廷中士夫見其處分過當亦甚惜之至於九卿一疏切中機宜關係國體又莫不傳誦欣服以爲義舉然主上憤結之日久矣又有積怨於海內其是非功過猝難別白且方此其時論亦未定也惟是籍沒一事責在使者竊有深慮爲老伯陳之主上所以籍江陵者一則憤馮璫之厚藏而欲求當於外一則考分宜之故事而欲合符於前故志在必行然以事理度之馮所取者皆中貴之積也大小監局二十四衙門以及門廠庫藏執掃除之役者何止千萬每有一缺即納金於保大者以萬計其次數千小乃數百予者不以爲賄以爲例也受者不以爲貪以爲例也如輸絲鬻爵而已自世廟西苑內豎積鉅萬者不知

續修東阿縣志

卷之一三 藝文上

一一

濟南芙蓉街午夜書店印

其數邇年以來其人率多老死每一人病甚其家奴輒走告保保即遣其名下內臣爲之護喪侍藥生則扃其堂室逐其弟姪禁其飲啖坐而待斃一舉而盡獻之保矣如此者又何止數十家其所得何貲量江陵安得有是此九卿疏中所謂比之馮保萬分不作者也乃若分宜父子日以鬻官爲事如列肆市門交手相易萬貨畢萃衆價俱陳積蓄鉅萬固其所耳江陵則不然其生平顯爲名高而陰爲厚實以法繩天下而間結其恩故其深交密戚則有賂路人則不敢債帥鉅卿以一當十者則有賂庶吏則不敢得其門而入者則有賂外望則不敢此其所入亦有限矣且此老以蓋世之功自豪固不肯顯爲洿鄙而以傳世之業官其子又不使濫有交遊其所通關竊借者不過苑登馮二三鼠輩而其父弟家居或以間隙有網羅如此而已此九卿疏中所謂不及世蕃十分之一者也况其蓆藁二年預爲道理即有所藏度已流散今直捕空投虛何以稱塞上命從而根究株連重受其累是江右之已事也使者胡以處之生行以爲臺省今疏本不可少業已寢无復及事老伯受命而往又不宜有言誠遣一使入說同差中貴置



馮璫勿談而以分宜江陵不同之狀爲中貴熟數之使其辭行而奏豫悟上心庶至彼中易於區處有以報命也又有所懇江陵太夫人在堂年八十老矣纍纍諸子皆佻儇書生不涉世事籍沒之役一簪不著身必至落魄流欄無所棲止望於事甯罪定國法已彰卹其孤嫠存其血食或爲之疏乞以聚廬之居或爲俯諭有司卹以立錐之地使生者不至爲樂卻之族死者不至爲若敖之鬼亦朝廷惟蓋之仁也然惟老伯高誼能行之悠悠世情他人何望哉生行叨塵館局嘗受江陵知遇已而偶有憤激得過知己竊不勝愧悚自屏於田野之間僅而獲免然當其得過之時亦曾與相知有言以爲今日阿附相公之人他時必且負義今乃坐視其敗不能吐一言半辭以酬前語私衷又愧之幸而老伯在事得以盡言冀萬分之一此上存朝廷之恩厚而下以爲使節之光也老伯其垂意

按邱公名樞官刑部侍郎奉使籍江陵時偕大璫某同往書中所謂使人入說中貴以分宜江陵不同之狀使其辭行而奏豫悟上心即指此璫言之寓書使臣密託中

### 續修東阿縣志

卷之一三 藝文上

一一一

濟南芙蓉街午夜書店印

貴卹其母老宥其子息所以爲江陵計者至矣年譜載此疏疏末綴一語曰書往邱公領之可見邱公得書後定有一番覺悟故邱公報命之後江陵得從末減皆此一書力也讀前疏知公持義也正讀此書知公鍾情也深公義私恩兩無遺憾公可謂有明一代之完人矣續補志中洵足增吾邑乘光而不朽之言亦庶幾俟百世而不惑也

答懷遠何治亭書

戊子

周天爵

接手書知足下仍處遠館僻在一隅館穀不敷所入良可浩歎不知天之玉成斯人全在此等地步於一切取與見得分明甯槁餓黃馘不爲非義事外緣旣絕然後讀書自有津津真味愚三十年甘苦飢寒困頓從不與富家往來居嘗曠觀人多怕餓死其實傷食死者甚多即同一死何苦舍我之餓而貪彼之傷乎此非排遣之方苟有所養自見得如此文章不工非有他故總由心有紛拏不下真功夫若積蘊深厚到得汨汨其來時候亦自揮灑如意况更有進於此者乎要在味人之所不味雖乖於人乃與天通



亦非好爲岸兀不過不同衆人之臭味耳若只取媚一時與草木之爭妍鬪巧花開花落杳然無有何異也足下須努力愚賦命蹇拙子弟多不才只須任命而已吾性情行事現今無可與言有可言者吾亟就正焉其如有百折不回者少耳有使人去吾爲足下少助薪水總望篤信好學爲第一事其他萬無旁鶩也

答懷遠宋炳南書

前人

黃瑤圃來接手書欣慰之至足見此時工夫知向內用此學不講雖功名富貴到手終未辨得人禽二字文成公學凡人皆有入手處即孟子以乍見提頓人心其功夫次第俱極切實人以頓悟目之失之遠矣近又得全集其講應試科舉最悉大意不外看書讀史虛心窮究理道總勿貪多以心上溯真得古人精神命脈養之既久文章焉有不佳者乎初無從事剽竊摹倣風氣致補苴罅漏比擬配貼如窮人請客無一不是借來的滿屋張狂其窶人一塊貧氣終不可掩客不來時便萎爾素爾繼之以嘔而已此風舉處皆然非口舌所能破其迷團惟在有志之士不逐頹波其行已梗概亦自此立下

續修東阿縣志

卷之一三 藝文上

一三三

濟南芙蓉街午夜書店印

地步科舉一道與正學何妨不過是讀書明理本分事耳然此須是恆久方有進益足下但持之以不悔而功不懈過四五年來必有另番光景無須預言之也但爲此學易犯輕訾古人慢看今人病痛切忌切忌

答吳雲麓書 己丑

前人

弟志在濟人又復嫉惡過嚴亦自家居時即見不逞之徒魚肉蒸民使人吞聲無告控之有司不但具文反爲訟累是以忘身忘家欲於水深火熱中爲斯民請命乃仇人既多亦知將來必被其傷今果有此乃蒙溫綸汪洋拂拭用人雖碎骨粉身何以報答高厚然弟生平一意孤行遇不合意人心既非之口難唯諾所以子子孤立一失步投井下石者有之安望他乎既荷厚恩又必不忍味良喪心虛沾聲聞冀圖遷轉然再如此十分認真將來所謂百姓安一家危矣古人云成敗利鈍非所逆觀刻下惟知懇懇苦苦咬得菜根不染能吏行徑庶對良友無愧但疏遠小臣名達天聽不爲福本實爲禍胎將來求爲農民老於牖下亦成難必之數矣



答孫康甫書 己丑

前人

四月朔接到三弟覆函備悉起居住勝有志春闈以吾弟困頓之久但博一第分發外任少遂利民濟物之心亦不汨沒豪傑一生志氣未知天之位置果何如也僕自任阜陽才拙智短遂日惟期心碎斯職於幽獨中清夜自勘過出無心者有之至於任意妄爲實不敢也此地民風本厚敝壞處亦是聞所未聞欲人說好所謂恩自己出怨將誰歸及被人彈劾方知任事之難余於除日方知此耗然亦自分一死盡出卷牘呈之使臣一事不諱方思去官有日且夕得釋重負不意有此遭際欲去未得三弟言五十餘歲人不宜過耗精神情願早離此地非深知我者安知此中甘苦僕在皖省中最爲蠢拙之員大憲用之以毒攻毒必不予以善地升調他處不過宿壽泗毫刁悍之區殊不知既欲安戢地方又無尺寸之柄誰有神施鬼沒手段如去年四境冬案稀少今則諸務紛沓豫匪四竄入境一日之案多於一季細思容一不才州縣甚沒要緊不知良民何辜生於此方現今急於送部引見以進步爲歸步不然欲長久於世難矣

### 續修東阿縣志

卷之一三 藝文上

一四

濟南芙蓉街午夜書店印

與劉次白書 辛卯

前人

五月望前赴留都謁見制軍次日見陸方伯因談及七哥上撫軍書渠讚歎之至並推吾兄文章人品政事皆爲江南之冠而弟一生知遇在上有礪堂先生在同年舊友有劉次白所謂附驥尾者不在斯乎弟於五月廿三日由江南起行赴皖一路舟行風阻陸行水阻已之困苦復何足言惟沿江七百里彌望汪洋哀民嗷嗷欲傾囊而無資又坐視而不忍昌黎謂如魚銜釣今見者乃知善爲名狀比六月七日到省初十日隨方伯無爲查災此數日晉見皆談救飢溺之法其最急無如救生船餅簾蘆蓆等項斯民蕩覆屋廬露棲巔嶺雨淋日炙婦女哭泣竟宵有聲更有慘者隻身踣踞破屋之巔風來搖搖落如蕩舟而四面茫茫死生須臾即不然一餓豈支長久覩此如死者我一人救千萬人情願葬魚腹中矣所以終日泣淚隱吞惟一日不得旅次不遇飲食方少慰藉所以救生船三項弟瑣瑣瀆之也現今大憲講求撫恤災賑弟於遵例之外又進言數項蓋被災者多以君養民則不足刻下皖省糶米不逾三升外縣亦如是其無糧可



知無糧雖欲平糶焉可得乎而皖中又缺兵米縱忍此民豈不虞兵革之變弟屢讀二憲急於熟食地方探買米糧三十萬石有米則糧價自平人心不至惶惑再一面奏聞商賈凡運米入境者免其關稅山東空運南艘厲禁私鹽縱裝雜糧尤慮民無錢也弟閱江南山岡羣木翳障天日若行令州縣其大木伐之售賣他省郡不堪材用即燒木炭而赴都會之所如此以通商惠工而民以木易錢而市有米餓殍必少此弟在家時伐木度荒以身試行者也至關稅俟民少蘇再復舊例國家何少數萬帑而置生民於死地乎此事在預圖若訑訑遲延則索之枯魚肆矣一有無懋遷自古已然今年六安一帶大熟難民扶老挾幼闖溢道途問之皆赴英六河南等處但所經行地方計災壤程途二三百里而餓民行乞一米一錢不可得日行不過二三十里是樂土未到而命已傾故有良家子女縊死路旁是州縣之造孽無能實在該死弟擬於所由逕途置流棲廬棚男女異處俾好義紳士爲之綱紀男女過者人給十五文凡散錢之處其賣飯者必多人得一盂飯即可半飽計舒相等處不過日費百千而流離經過時日不過一

### 續修東阿縣志

卷之二 藝文上

一五

濟南芙蓉街午夜書店印

月必漸稀少縱加倍科算費帑三萬金可救數千萬之人命再於六安等處勸諭股戶憫恤流民隨時約定章程最宜嚴禁者恐本地棍徒之奸淫難婦也一被水災壤圍埂皆破水鄉之圍係民生死所關民之凋敝如是豈能驟復爲今之計於今冬明春查明圍之鉅厚者請帑以工代賑可救目前之急又爲有秋地步若復拘泥恐喪小民元氣不止今年矣又饑年田地必賤民以田易命安問貴賤而有力股戶往往以此大富是小民之心頭肉爲彼之餌魚釣事所必有查山東災侵凡民賣買田畝男婦皆許回贖此不可預聞事後再行尤須防其改換年月以杜奸謀也此上數條虛上憲聞之恐未果施行弟人微言輕豈忍博利人之名而嘵嘵口舌爭之所望吾兄仁人君子受深知於制軍如言之倘或見探是億萬人皆吾生活之矣昔蘇長公任杭州自言生平救活約五百萬人男兒生在世間不可不有此素願也如慮不見聽或爲觀察言之若所論迂腐兄再熟思規畫添立良策務全千萬人之命方得切勿以謀出自弟若有名念有如白水臨楮涕泣不知所云伏維裁察秘密不必聲揚爲感



接奉甫書咀味再三而憂國憂民一片熱腸筆墨間不覺自然流露古之名臣居心固若此也惟連年頻遭大故白華之養竟不得伸此孝子終天之恨而知交如弟者聞之不能不於邑也此刻嫂夫人又得錮疾藥餌無效只好安心清養更無別法行間仍以名稱弟悚然難堪請謙冲之懷再爲受者想一地步則兩人神交夢魂無間矣弟於十月廿一日接見中丞一連三日每談必閣下人材之難中丞誠有不啻自口出者陸見時必進賢於君此亦中丞分內事不爲異也又屬務致書與兄出京後祈三兄命駕在山東途次一見中丞之爲皖省造福可謂備至也已三兄臨時撥冗一行可乎皖省日甚一日民不堪命總由江淮泛漲溝洫湮塞大病高堰復淤直制兩淮之命矣弟中夜愁思若運河於清江處所爲遞運之法仿照五年而詳立章程河北所需撥船先僱後造用旱脚不過里餘其費無多可以省山圩工項爲之如此五壩常開而兩淮數十州縣地全涸矣只一轉移間昔日大害者今成大利頃爲中丞言之冀其入告也而不甚

續修東阿縣志

卷之一 藝文上

一六

濟南芙蓉山午夜書店印

見採次見制軍再言之此事行與不行生民有數存焉但杞人之憂不能默默焉耳然舍此雖朝戮一人暮戮一人終爲揚湯止沸必有潰決時也現任事者同心甚少惟吾兄可以此言告而兄又有才德而無時位者不知天意位置爲時而生耶抑不爲時乎三哥幸自愛弟日夜冀其大用幸暇時多究水利諸書

辨

楊劉辨

于慎行

通鑑裴度討李師道請令田弘正自楊劉渡河直指鄆州至陽穀置營弘正奉命自楊劉渡河距鄆四十里築壘師道遣劉悟屯於陽穀夜半還兵天未明抵城下九域志陽穀在州西一百三十里者非也去州百三十里者乃今陽穀縣在西北楊劉在州正北不應楊劉渡河迂至西又轉而東且悟以三鼓還師安得未明即馳百三十里此陽穀乃今陽穀店在州北四十里即度所令置營地也又弘正奏敗師道兵於東阿注云東阿漢古縣唐屬鄆州九域志在州西北六十里與今舊縣相合而舊志載宋時始由阿



城遷於南谷審如所紀則唐時邑城方在故阿去州百里而遙矣然則南谷有城不至宋始遷可徵也

梁晉河上之師德勝楊劉各有南北二城跨河而守皆河津要地也晉人初據德勝爲梁人所敗東守楊劉王彥章段凝以十萬之師百道進攻迄不能拔而大河之險已入於晉矣德勝在濮州境內晉史云德勝口澶州地也澶州舊治頓丘天福中徙州跨德勝津已而又作浮梁於是爲澶州河橋矣楊劉在東阿北境可六十里黃河舊堤隱隱可見墟里人烟久成聚落而二城之迹則不可考矣夫合兩國之衆集百萬之師一旦化爲榛莽平蕪蒼茫無迹盛衰興亡皆如幻化亦足慨矣

摘筆歷

魯地爲古徐州辨

邑人王善澤

禹貢海岱及淮惟徐州蔡沈傳徐州之域東至海南至淮北至岱而西不言濟者岱之陽濟東爲徐岱之北濟東爲青言濟不足以辨故略之也大抵山東本齊魯地兼禹貢青兗徐三州之境岱北齊地半隸青州不具論岱南魯地實兼兗徐而西連於豫東連

### 續修東阿縣志

卷之一三 藝文上

一七

濟南芙蓉街午夜書店印

於青其隸於兗兼鄰於青者今泰安郡等處是也其隸於兗兼鄰於豫者今曹郡等處是也其隸於兗兼鄰於青與徐者今兗州郡等處是也杜少陵登兗州城樓詩平野入青徐猶班班可考也惟今沂州郡實古徐州地沂州歷唐虞夏殷皆稱徐州在周爲莒魯地秦屬琅琊郡漢爲東海郡又爲城陽國東漢曰琅琊國歷代互有沿革率不離乎琅琊者近是考之星野奎婁胃徐州自奎五度至胃六度曰降婁之次於辰在戌於律爲夾鐘斗建在卯今魯分野屬徐州合之州郡躔次東海郡入奎一度琅琊郡入奎六度城陽國入婁九度皆在沂州境內書所謂淮沂其乂則沂州爲古徐州地不從可識乎又按爾雅濟東曰徐州此蓋商制兼青州而言商無青故並青於徐也周禮正東曰青州此蓋周制兼徐州而言周無徐故並徐於青也要之魯地雖不域於徐而徐實爲魯地無疑徐州雖不域於沂而沂實屬徐州無疑禹貢必兼言淮者淮之源本出豫州境內至揚徐之間始大其氾濫爲患尤在於徐故淮之治於徐言之也沂州沂水所出今沂州沂水縣是也若夫岱之北濟之東皆齊地半隸青州今登州萊州青州諸郡其



大較矣而說者且曰山東據有青兗廓有徐冀則冀州又齊之接壤也好學深思之士可不徧觀而盡識也哉

銘

黃石公廟碑銘

宋咸平五年姚鉉知郟州軍

古者帝王平大難立大功以戡濟乎天下者必有佐命之臣歟而皆潛膺玄感密與神遇然後夷屯難而復秦甯矣伯禹之平水土授金簡之符焉則堯德大而萬邦又呂尙之專征伐進玉璜之瑞焉則周邦造而獨夫戮子房之籌帷幄得黃石之密焉則漢室興而天下定疇是三者實異代而同體乎初子房之居下邳遊于圯上老父墜履取而跪進孺子可教期而先至公乃遺書一編曰讀此即爲王者師後十三年見我於濟北穀城山下黃石者即我矣遂去不復見後子房遇高祖于留乃曰沛公殆天所授故遂屬焉則知君臣相遇天人合契雲龍風虎豈容易哉是則亡暴秦滅強楚王火德於四百年者而神告已形期運已兆矣當其天下雲擾四海波飛嗷嗷生民肝腦塗野惟高

續修東阿縣志

卷之一三 藝文上

一八

濟南芙蓉街午夜書店印

祖之經綸草昧惟子房之朝夕論思故出一奇畫一策則戰必勝攻必取而已矣至若趙高以疑兵懼韓信以眞王封絕棧道以固楚志還灞上以全漢德喜諸侯之皆附也則急追項籍患羣臣之互疑也則先封雍齒割地而二將至定計而四皓入然後垓下會而始滅楚矣羽翼成而始安劉矣酈食其謀立六國沮之以八難而後已奉春君請都長安喻之以一言而後定莫不機與事會謀與時合言形於未兆功成於指期非黃石之神素書之旨而幽贊冥契者孰能應變如此故高祖曰坐籌帷幄決勝千里之外者吾不如張子房皆人傑也吁陳勝致繪於魚腹吳廣篝火以狐鳴給衆兆亂以爲興王之徵項梁殺太守於越項羽弑義帝於郴戕仁賊義以爲定霸之始雖復三秦之險固三齊之強盛燕趙之兵衆韓魏之地廣張耳陳餘之雄辨田榮臧荼之陰謀而曆數有歸則遞爲俘虜就戮辱之不暇又安能並驅於中原者哉推此而論之蓋成敗興亡天意已定但假之事而驅除爾厥後秦項既平而英布彭越韓信陳豨繼爲叛逆卒至夷滅此又惑之甚者歟於戲公之德可謂至矣千古之下清風無極當秦文公時童子



化爲雉鳴於陳倉以爲得雄者王得雌者霸文公遂以寶鷄祠焉漢因之而歷朝皆親祀之豈有吉王者之符授佐命之書不顯耿光垂世無窮而史冊不載其嚴祀者乎漢雖隆盛斯爲闕典咸平庚子歲河決王陵作新城鉉奉詔典是邦而公之祠實居東阿之穀城屬河流濛漫延于宇下榱梁摧壞祭饗無所乃遷建於高爽之地而宏大其規制焉遂成斯文以碑之噫豈獨敘漢之興紀公之靈述子房之英特也蓋欲使奮威武稱雄傑者聞之畏天命而固樸忠矣亦太史氏之職也銘曰

秦虐元元海內咸冤羣雄起兵逐鹿中原漢興赫赫天下歸德神母告祥斬蛇豐澤伊昔佐命時惟子房高談天人洞究興亡決勝千里經營四方誅秦滅項其謀孔臧圮橋授書穀城黃石子房弗遇安出奇策高祖弗納安誅殘賊炎漢其昌惟公之力清濟悠悠蒼然古丘周覽遺跡盤桓暮秋刻石于詞以永神休

重修儒學落成記銘 康熙二十二年

文華殿馮溥 北海人

嘗謂文運興而國運斯隆士習端而風化斯茂未有文運不興士習不端而可言國運

### 續修東阿縣志

卷之一三 藝文上

一九

濟南芙蓉街午夜書店印

言風化者也古之王者建國居民學校爲先所以維國運培風化治登邦隆莫要於此今昭代聿興天下統一偃武修文崇尚學校內而胄監外而郡邑皆尊崇孔子之廟庭而學宮附焉廟以報其禮學以施其教聖道大彰炳如星日極天地之覆載莫不家諭而戶曉之於戲盛哉自生民以來道德之高厚者莫盛於孔子其祭享之寵重者亦莫盛於孔子蓋二帝三王之道被於一時孔子之道垂於萬世誠所謂出類拔萃賢於堯舜遠矣穀城爲兗州名邑舊建文廟儒學歲久傾圮幾無完楹前之爲邑宰者當軍興旁午雖有修繕終屬缺略識者憾焉茲邑侯徐公以三韓之名世家將相繼承衣德有本來蒞茲邑甫下車他務未遑先詢風化以學校爲風化之本釋奠之初顧瞻祠宇樸陋榱桷頽朽且講肄之所不足以容周旋其何以開文運而端士習哉乃慨然捐俸以爲重新之舉爰卜吉期命工擇木運石陶甃即以學博姜君郝君分董其事姜君果以侯心爲心捐俸助修仍勸輸紳衿有差各無難色至於竹頭木屑以及工廩開支井井有條郝君之力居多人心既懌如子來之趨事焉先舉大成殿五楹易朽以堅易舊以



新金粉輝煌壯觀奪目次爲東西兩廡各七楹南爲戟門三楹門之前爲泮池廣深二丈四尺池之東西爲名宦鄉賢二祠各三楹又南爲櫺星門三楹殿之西偏爲明倫堂五楹向來棟宇折裂視爲巖牆莫敢措足乃撤其舊址重建鼎新彩飾煥然鳥革翬飛較昔大爲改觀堂之前爲明德新民二齋兵燹之餘僅存其址亦相繼而起殿之東偏爲啓聖祠三楹殿之後爲文昌閣三楹前之廢者營治之前之備者葺補之極其修繕以圖久遠大異往昔樸陋之規矣斯役也經始於庚申之春落成於壬戌之冬學博姜君以癸卯經魁振鐸茲邑與余有年家之誼屬余爲文紀侯之蹟余方平章軍國延訪風化冀得實狀爲朝廷奏得人之效不意穀城竟得之徐侯即此一事已識爲政之大體其他之宜民宜人者概可知矣今而後穀城士子遊於庠者朝而誦暮而課從此而正心修身齊家治國平天下不裕如哉此所謂文運興而國運愈隆也倘多士有激以夸修自勵不負國家教養之意謁謁吉士將與周才媲美矣此所謂士習端而風化愈茂也余不敢文其辭因質言其事俾勒諸石以彰侯之美云侯名徐天時三韓人署教

### 續修東阿縣志

卷之一三 藝文上

一一〇

濟南芙蓉街午夜書店印

諭舉人姜銘鼎膠西人訓導郝毓秀德州人縣丞馬元翰陝西涇陽人典史周應昌江南淮安人均有分理之勞例得並書既紀其事復爲之銘銘曰

有新宣廟翼翼言言用敦祀典木本水源有美徐侯修廢補墜厥衷維虔神明可對肅肅廟庭煌煌威儀祀饗不忒絃歌以時濟濟多士入室升堂靡不有敏企望宮牆東山峩峩西河湯湯維茲穀城山高水長國運昌隆風化光霽天子萬年永永弗替

記

天平觀碑記 元皇慶元年

嶺州路道判詹維高

柯亭者即天平郡之屬邑也其地膏腴民物繁夥水陸兩地崇儒重道者衆琳宮玄館在在有之邑之東南相去一舍許有山曰龍頭有泉曰白雁一泓澄湛四時不涸父老相傳漢王征楚道經其東見白雁驚起王曰其地有泉令士卒往視之果然故泉得名也今道之左有漢王廟馬跑泉在焉曩歲魯國武惠嚴公聞其地山水奇秀偕玄通惠和真人范尊師聯轡而遊土人指其東曰此山盤踞如臥牛之狀南望峭山勢若拱



挹西則虛曠曰孟棚之川有昔名將之台烈女之塚北列平翠蔚然者龍首山也武惠公四顧山川相繆徘徊久之稱以仙境師曰善哉公之言可以爲棲隱修真之地時侍行者尊師之門人守一大師匡志純也默識師之說後告行台千戶穆公欲購其地卜築觀宇闡玄風公知志純介行清高博通玄學儒者之書亦頗涉獵聞有志於斯深以爲喜慨然立券施地一區永爲一方祝釐祈福之所志純率其徒張志古范志元張道素等能以節儉勤苦芟除荆榛平治基址結菴以居日積月累經營數年謀爲改觀創建殿堂凡鄉閭樂善之家聞風企敬運材植資力之助者不可勝數穆公又爲公德之主有所未逮力出私帑願成其美中創正殿三楹以奉玄元道祖之像靈官有堂武安王有祠齋廚雲館靡所不具糾功於戊申之夏告成於是歲之秋丹雘彩繪悉以畢工始請額於范尊師蒙以天平扁其觀蓋取其郡名之也志純羽化超然大師張道素嗣主其觀開山創始勤績亦多道素尋順世嗣知觀事冲妙大師權本縣威儀楊道易仁慈溫雅與衆和同節食撙衣略蓄積視觀之當務皆撤舊而新之益隘而廣者飾以金

### 續修東阿縣志

卷之一三 藝文上

一一一

濟南芙蓉街午夜書店印

碧輪奐美哉又置粟田疏圃若干畝以贍道流焚修祝頌之心夙夜匪懈能宏其教以成前人之所未成遐邇聞之莫不稱美道易猶不以已爲有功汲汲然恐淹沒諸老師開創之勤績於是介上清萬壽宮提點崇仁通義希玄大師彭居惠前東平路道錄頤真中和寂照大師孫居忘上清萬壽宮貞素通玄大師盛居昌等請鄙文以誌諸石於時亦旅食范尊師之賓館義不可辭嘗聞道也者不可須臾離也開闢天地生育萬物視之不見其形聽之不聞其聲以一氣爲體無形爲用得之者昌失之者亡嗟夫終身汨汨於名利聲色者不知日用爲道之本一旦耗散其天真及形貌神失茫然無所措其手足良可憫也是以聖人示宮觀之製法像之設道德陰符之旨黃庭大洞之篇垂教設像炳若日星有能聆其道者視富貴如浮雲棄功名若草芥王公不能屈其膝生死不能易其性遯世避穀笑傲烟霞練氣凝神延年却老至於持法佩籙積行累功戒律精嚴祈禳醮祭消水旱之災厲理星宿之差躔役使雷霆呼吸風雨神遊物外名播寰中或拔宅以飛昇或蛻形而尸解真仙異士代不乏人推其土苴之餘鑿以無爲之



治可以潤及國家天下整濟黔黎此老氏之言垂訓之意也若觀之嗣其後者雲子霞孫源深流遠盡能以道義之心爲心焚頌報國爲謹修葺增廣爲功欲綿香火永久誠可保也縱前羽化諸師逍遙乎紫府清都聞其嗣能若是莫不手舞而足蹈之故系之以銘

海上三山高插天蓬萊方丈瀛洲連弱水萬里人莫前羣仙颺御常迴旋柯亭龍山山之巔蒼松翠柏生雲烟白雁驚起知有泉漢王神劍非偶然武惠惠和二公賢來遊車馬何駢闐四顧環視皆山川指點此地堪修仙偉哉守一公行全穆公同居香火緣門開衆妙玄又玄創立琳宇遠市塵功成厭世竟脫蟬繩縶縶雲初傳冲妙寺觀心乾乾一新堂殿金碧鮮種蔬有圃藝有田瓊函玉笈藏真詮永鎮天地同綿綿晨昏鶴侶竟蹠躑仙樂細奏非笙絃爐香仰祝聖壽延河清海晏億萬年

### 南天觀記

邑人李謙

阿東南行四十里巍然一峯矗立雲表曰雲翠山山陰由扈峪南向盤石蹬而上三里

## 續修東阿縣志

卷之一三 藝文上

一一一

濟南芙蓉街午夜書店印

許始即夷路稍磔折而西得其門以入是謂天觀其南二山曰大髻小髻北倚一山如臥屏然土人名邱子屏詳無可考其東則大嶸山狼水出其下西北流經穀城合西流泉真奇絕地也歲戊申道者牛志淳郭志僊嘗依邑人孫友以居友見其氣質古澹志節堅苦乃指雲翠以因相攸卜築規甫定周志方趙志古繼至疏鑿墾闢身服勞苦無虛日至誠感孚人爭效力功遂成矣予惟隱士入山惟恐不深蓋所以厭囂塵遠聲利懼外物吾挽也矧方外士離塵絕欲非煙霞泉迴出物表者不可留雲翠固阿之勝地而天觀又雲翠之勝爾居者盍思所以自勵云

### 重修阿井記

明工部 許彬 甯陽 尚書

堯之東阿陽穀縣界古阿城內舊有井一泓闊圍如車輪名曰阿井泉水清冽甘美鄰境汲以燻膠供國用者歲以爲常先是井泉傾圯泉源涸澀堯州守郭鑑率州屬僦工甃石及泉復亭其上其北建亭三楹爲官僚往來棲息之所繚以週垣闢以門徑經始於九月之望落成於十月之朔太守具其事授予屬爲之記考之於古井者清也謂泉



之清冽山之精氣所發也爾雅謂改邑不改井井以不變爲德若辨吐之橘井陸羽之  
茶井葛洪之丹井皆是已李白云古甃冷蒼苔寒泉湛明月杜甫云月英池塘雲作頂  
亂石崢嶸俗無井蓋井見重於世而致詞人之詠歌也如是况茲井自古及今清冽不  
變制良劑以延年上供國用而下利民生豈淺鮮哉是宜記之以告於東魯俾勿褻焉

### 重修顯惠廟記

明春坊  
庶子張天瑞 清平

弘治癸丑春河決張秋阻漕道壞民田於時九重宵旰抱瓠子之憂遣重臣築塞之工  
成而更張秋名曰安平仍賜祠祠河神祠名顯惠適當決口地故沮淤而雜以薪樵居  
無何土悉龜坼祠幾圯越八年庚申冬吾同年韓君廷器實來斬重新之具疏上聞報  
曰可明年辛酉春乃檄東昌府倅王珣等先後尸屨鳩之役凡土之疏惡者地之污萊  
者與堙塤之頽圯者悉步杵而寸斲之凡實地南北四十八丈東西三十丈有畸蓋撤  
黃陵岡守堤繇二百人填廟後河身五十餘丈而加袤焉先是東廡有祠祠熒惑西廡  
有祠祠子姆良無謂至是祠熒惑於東街別爲殿三楹革名錫胤祠以祠子姆又爲楹

### 續修東阿縣志

卷之一三 藝文上

一一三

濟南芙蓉街午夜書店印

東向三藏儀仗西向三藏祭器鐘鼓樓各一列左右以相向廟初惟一門來謁者行墀  
道上幾於褻於是鑿兩堦而門焉又爲東西廡以祀河神之凡當祀者像二十倣東坡  
徐州黃樓之遺意瀕河之厓聚土爲山命曰戊己蓋有厭勝之意環植松柏楸榆數百  
本祠成羣如翼如輪焉奐焉禱禳者駿奔而至神亦屑焉若見其景光是役也鼻工於  
辛酉之春落成於壬戌之冬其經營勞徠秋毫皆廷器力也君名鼎家世陝西慶陽合  
水人成化辛丑成進士歷舉左司諫通政參議尙寶卿至今通政爲人抗節敢言忠公  
端謹古稱寵辱不驚者蓋庶幾云

### 新建永濟橋記

明嘉靖三十四年

邑人劉 隅

爲政以節民財惜民力爲本然有興建至急且重不獲已者君子於斯欲求兼遂誠難  
矣吾邑有狼溪河經城之中每夏秋暴漲兩岸隔阻難行治在河東而輿地庶居河  
之西者五分之四學校驛傳咸寓於西每水發公私百務皆廢則橋之作可謂重且急  
矣弘治間蒲州秦君爲尹始創石橋三空功稱巨偉民歌頌之然不三十年輒壞於洪



水蓋南仰羣山北湍奔赴水流益洶而橋空狹小不容下注水與石撞而橋不支矣自後繼者無能復建遂因故址補苴措架苟以通行旋即傾塌迄今舊址盡圯無復可因官民憂咨慨歎莫如之何嘉靖癸丑董君來尹吾邑下車即以橋爲念時方水興未遑也然與鄉大夫士耆老諮詢周度圖建永久之規無日不動次年頗豐稷流亡復業乃亟營之聞水峽巨壑深淵乃以木爲一空橋迭相爲式計用棗木圍三四尺以上者數百餘株丈板礮石灰鐵之類共需銀穀數百兩石念公帑匱乏又不欲科罰正供乃自書勸諭之詞于籍遍諭境內銀穀不限多寡願出者聽不願出者不强又自率僚佐爲之倡翕然景從並勸諸司出納督工往復申詳撫按守量派丁夫三百名以供舂鑄曳運木石工始於甲寅九月丁未丁夫集于乙卯二月初旬橋成即遣散丁夫不荒農務其西岸汲道門坊備焉橋之中脊高五丈有奇長十二丈闊一丈五尺狀如車輪之半徑跨兩岸其中間空闊水至即平流無阻滯橋之上護以石板其兩旁又護以石網凡用網木二十二行以丈尺計若干板石方石以丈尺計若干又松板二百丈其餘

### 續修東阿縣志

卷之一三 藝文上

一四

濟南芙蓉街午夜書店印

纖細皆備可謂費大工鉅無事艱難而集事矣然財出於樂輸力借於暫役萬口勸導民不知擾君侯節惜之心興建之力不以兼遂矣乎董君善作者也善繼尤難後之良尹加意護視凡一石之泐漬一木之朽虛堤岸水道之損動兩衢流潦之衝囑謹修囑之無忽則斯橋也雖數百年何慮焉隅邑人也旣感侯之善政又願斯橋之永久無窮故記其大略刻之堅珉以示後人橋曰永濟新之云侯名錦此直東明人廉潔律已誠信待人邑民甚愛之觀斯舉可知其餘

#### 班鳩店新建玉皇廟碑記

明平陽通判 李東生 邑人

玉皇廟記記玉皇廟新建之所由來予謝政久矣程公率一人謁予叩首再拜而跪之予曰噫此道家者流也胡爲乎來也其人曰小道志厭塵囂每欲修真養性苦無棲遲之所乃於殿西南坤位相其便宜擇地一段北襟延嶺南引危山東鄰汶流西連鳳岫誠風氣最幽僻之區也自嘉靖庚戌苦心勸化竭力經營迄今戊午合後先歲月而計之約九禩而功始完敢請文於公也何如予曰有是哉子之力也我其驗之於是攜酒



與役偕程公而造焉曰嗚呼美哉宮也蓋伐石於山以爲棟宇以代木植何其堅也砌石於壁以爲垣墉以代版築之壤何其固也陶於河濱斬木於林樾之內以供炊以備磚瓦以免墜茨之陋何其華也塑像於中金碧奪目使香火之供也有依丹竈之煨煉也有地羽化而翱翔也有期何其立志之深且遠也程公曰然道士再拜而謝或曰程公爲誰名惠天佑其字予葭莘之親也道士爲誰演清其法名于其姓也是爲記

尼僧口口道增墓塔記

丘文學

蓋聞金河證果果淨而緣空寶地祈真真成而色滅用能隨機誘口雖異術而同歸汲引協方復殊源而共本無相示相廣開及便之門飛身現身兢託宣游之軌龍宮妙典驚岳微言莫不資十方以救焚弘四禪而拯溺盪激天之苦浪陰之以慈雲蔕蔽日之重昏承之以法矩其有至誠選感大孝潛德陟層圯而憶琳宮履寒泉而思彼岸者是蓋天真靈慧佛性圓明東阿王氏女自髫年就慕岑寂祓除塵慮禮師求道茹苦啣辛結勝果於閻浮冥塗欲其解脫證衆生於兜率法岑仰以皈依施竭劬勞爰尋究竟長

續修東阿縣志

卷之一三 藝文上

一一五

濟南芙蓉街午夜書店印

漂羽海永樹丹田悟火宅之無常識化城之有兆隋珠自潔瑩之以圓流梁木本奇沐之以靈雨貞心愈于郡桂勁節擬于和璧恩洽五宗行高十室聲延海岱譽浹三齊乃于嘉靖四十二年圓寂于正寢朗朗智燈不落黑風之鬼國瑩瑩靜樹思攀湛露之禪枝生滅惟一色空無二弟廣口味蘭室以餐哀踐芝房而下泣瞻露草而長號仰風樹以永歎艤六度之仙舟轉三乘之芳躅于是卜兆于邑黃山之側復建石塔一座以崇勝業泰嶽東駕忍樹涵風虎窟西臨慈雲吐潤佳氣葱鬱而北游靈光飄渺而南映竟拂石而長存歷恆沙而不朽爰成偈語用祝蓮臺偈曰 緬尋妙典詳觀梵文七識馳驚五湖羣分高懸法鏡瑩此重氛覺花承露忍葉低雲敬飭金繩於茲妙境圓滿周備臥襲雲整葉秀菴園花開蓮井心力俱罄玄高自永

新建柯亭書院記

明萬曆二年

平陰人何海晏

榆林白公初令阿見其民瘠而教弛則憮然曰是其責在長吏矣乃繩亥剔蠹人曰弊釐矣公曰未也民未綏乃導利蠲害人曰民康矣公曰未也民未乂乃植軌崇行已而



其民蘇嗣圖淑士者語諸師儒曰郡邑之有學校者程業甄才需其用也其有書院者登峻錄杰爲之倡也書院在阿獨闕吾欲營之何如僉曰闕館則地顯萃賢則業精懿典也盍成諸公遂相地得於城中東北隅地曠景幽遂下令經營乃易地以拓基鳩徒以僦功庀材以給用遂能以董成是舉也財罔帑費役匪妨農士頌其義民勸其功甫三閱月而工竣析而觀之書院南向重門周垣內前堂三楹肅會也後堂五楹習業也堂東若西各翼室五楹後堂亦然聚徒也後堂東南廚室四楹供爨也區其先門曰柯亭書院紀古跡也遠而望之南拱鐘峯北枕香阜狼泉東注虎窟西踞翠嶂四合碧溪中貫蓋天作者鳩其靈人謀者協其勝而掄才脩業者恢如煥如有專所矣會東阿博士暨諸庠彥及吾同年趙子以記我屬余惟東阿有書院自白公始洩地靈而炳人文者在是乎在是乎繫阿士居茲將焉學唯是學孔子哉夫孟子產鄒鄰魯乃鯁鯁曰願學孔子諸士胤孟之後而惜所學非夫也且魯以誕聖聲振天下諸士魯產爲孔子鄉人罔攸範其道亦非夫也故蘄諸士學之也夫書院盛於宋而白鹿以朱子顯我皇明

### 續修東阿縣志

卷之一三 藝文上

一一六

濟南芙蓉街午夜書店印

書院縶布而以理學爲天下宗者惟四子薛文清書院在晉陳白沙書院在粵湛甘泉書院在維揚王陽明書院在楚越皆道術所繇出而儷白鹿云文清從祀孔廟陽明追諡文成而白沙甘泉薦者亦屢屢第四子之學各攜其所心得宗者固林林矣而詆者亦嚙嚙騰多口余竊跡其學術折諸聖文清或曰隘矣然師經訓而希聖軌者不可易也白沙或曰虛矣然燭理樞而宗自然者不可少也甘泉或曰襲矣然體天理而祛忘助者不可改也陽明或曰禪矣然致良知而刪支蔓者不可廢也蓋四子綜其長均出於道固孳孳景孔子者詆之者豈曰洞囑其淵祕直駭其從言之異路耳狹哉狹哉夫孔子何學也經訓非不師而博約則不跛理奧非不燭而敬信則不斲天理非不體而時中則不倚良知非不致而脩講則不厭蓋合內外徹上下一性定而萬化貫云聖道其源乎四子其委乎沂委可以窮源委與源豈二乎學孔子者尙弘所執哉夫孔子聖於盡性希孔子準於盡吾性子思曰君子尊德性而道問學實合一語也蓋理無二而功並進道之固所以尊之歟世儒歧其語而二之故經者失則內支者失則外支者失



則上泥者失則下此朱陸之辯所以迄今紛然競也學孔子者尙善厥功哉或曰希聖之學蓋是乎曰聖人之學自一而通於萬其道簡學者之學自萬而反於一其功詳乃若執行正倫程約炳如則有朱子白鹿書院訓規在誠昭揭之惕惕相服習也即賢愚胥益焉若夫畔聖言者蓋也歧終始者畫也絢外飾者僞也競功譽者利也有一於此匪直悖於孔子者即白公淑士之心不其負諸不其惡諸噫居斯地者尙勸之哉

新建石橋碑記

明萬曆甲寅

東蒙公 彙

君子之政有非常之功者必有非常之舉夫樹功以宜人而驟舉以動衆損益之相較不容以間然而世之有所締創者其志又未能以盡符也蓋其中必有餘不足之患人歧而域之何也人情宿名之心有餘致果之志不足汨于名則其衷多紆曲而不暢款于果則其外多濡苒而少決故不有非常之舉而欲臻晏如之成若澤與陸楫力倍而勢阻矣昔子產濟溱洧之車王尊頓河濱之駕豈不稱惠澤勇烈哉若以語於大人德施之普永賴之仁猶有遺議焉夫張弛日變也緩急時有也且必齋而取諸獨危而盡

### 續修東阿縣志

卷之一三 藝文上

一一七

濟南文藝街午夜書店印

諸已心思既竭力任不繼則難矣人之取適誰不資我事之當建何不在我如功惡其不出於身跡惡其不馱於世望者積而應者窮則又難矣况於遽廬視官秦越視民前者委後而姑待後者視前而習常又奚足語於久大可傳之業哉魯之北境東阿者兩畿午道也邑居濟汶之會狼溪劃城而中分之兩浹之民如居半袂秋霖積盛山泉四集則澆澌不可渡徒涉厲深而病行旅狎至而阻舊有橋稍通往來積久且敝萬曆壬子遇漲盡傾歲餘無任脩者民艱益甚癸丑郟李侯至見之閔然召邑士庶而謀之曰闌崗之間爲阱弗治若庶務何衆曰唯唯侯下車即爲一邑設長利誠便第所規者大將無難必合力必廣儲必請臺檄爲重乃可即功侯曰否否以濟民者勞民吾不忍時誦而耗公帑吾不敢吾實尹茲土而工是煩又所不欲吾業思之熟矣必得其植乃可爲民望必圖其費可省公需必身先且勞可無慢期乃詣紫薇舍人于君而告之曰聞先文定之出入此行也不忘茲舉君盍爲植以光烈考之緒于君受教即先衆往遠近望而赴者如鶩矣復召耆老曹吏之精勤者課直授規曰計料幾何工幾何予取予



求不爾斬也浮食愒日則爾實尸之侯乃減冗濫緩交接至損闕日之資以爲助間則躬自精勵暴衣露蓋星出晦晏而後獨已闔境安堵若不知有役者會府臺司亦爲造請徵發之擾凡四月功竣悉易木以石合三甃爲一完壯堅密中亘數十武水流益闊而平秋潦洶涌萬衆從枕席上過可謂有殊功而無過舉者矣蓋侯以實心運堅志視民隱如身圖不求赫弈之名而亦不爲遷延之役故費膏而工速有以也于是家戶頌祝商旅懽呼相與勒石紀之以垂不朽于君謂不佞右史之隸也告而命之銘銘曰濟瀆浩浩東國之紀伏流支分出魚山址貫壩而東其激如矢架木爲梁頻興頻圯賢侯來牧丕績響臻訟庭置水飯甑生塵顧茲病涉痛瘼在身濟川之略宜民宜人乃告冠練乃集耆艾徵發無煩役藉不再助順樂成于征于邁五月奏功百世攸賴襟帶午道關鑰嚴城地靈增委河北效禎飛雁排雲長虹配月華國駟車交輪錯轍戶頌家尸商歌旅悅惟侯之政歲積日新三方治德十載如仁敷明簡在觀光利賓爲霖作礪由豫亨屯與梁之功洪源瀝澤遺愛彌長垂統維則標識中州焜燿方國琬琰勒崇慶流

### 續修東阿縣志

卷之一三 藝文上

一一八

濟南芙蓉街午夜書店印

罔極

創建關王廟碑記 明萬曆甲寅

邑人 喬學詩

關王廟者何所以祀漢將軍雲長也何以祀漢將軍雲長也以其功在天下後世而人不能忘也祭義曰法施於民則祀之以死勤事則祀之以勞定國則祀之能禦大災能捍大患則祀之非此族也不在祀典方雲長起桓靈之季爲漢名將與張翼德刺白馬盟以扶漢祚當是時曹瞞憑城於君側袁紹擅師於闔外石頭橫據仲謀樹樓舡之幟峨眉半落劉璋酣卜夜之筵所在寇盜蜂起荆襄梁益間雲湧沙飛慮亡不帝制而天子自爲者孰肯吹卯金之焰堅鶴鶴之義如雲長也哉雲長生於蒲坂困於許洛卒於下沛皆天也非人之所能爲也然其丹心素節圓映千古香魄雖沉忠魂如在猶能揮義旗以倒叛逆之戈馳騰夢以寢浮游之兵歲大旱則降時雨國病瘟則除迷雲無論學士大夫王侯將相莫不興高山之仰而景芳躅之如生即愚夫愚婦走卒頑童試語之以雲長之烈烈有不縮頸垂頭頌彌陀而躬尸祝者哉則其功在天下天下人不能



忘在後世後世人不能忘在人心人心不能忘也昔羊祜之治襄陽致人墮岷山之淚韓愈之治潮州一境免鯨人之泣然猶曰功在一時耳如我雲長者法施於民者也以死勤事者也以勞定國者也能禦大災能捍大患者也廟而祀之誰曰不宜東阿亦王土也其西偏當孔道行李之往來日不乏人至於重繭之蹄傷吻疲力而望飲鬼憩者無靈蠢一也廟側爲鑿井置槽焉以見鄉民供給鬼神之餘不忘小物之仁云爾

新建敬一閣記

明萬曆九年

于慎行

黎陽朱公以萬曆丁丑來宰東阿既越四載政成惠覃百務俱舉猶睠然念學宮之圯敝圖維鼎新迺於辛巳之春請於學使蹇口改建明倫堂序於文廟之右方弈弈燿燿宏以麗矣敬一箴亭僻在西偏棟宇庠陋弗稱厥觀乃遂博士諸生語曰令尹奉命爲邑師帥惟興學右文載在憲典矧先皇之寶訓藏諸湫隘而弗亟圖何以俾我臣民瞻仰無斃請從大夫士受筴於堂之故基易亭爲閣以永有祇奉亦以示學宮之有形勝而光賁人文博士諸生成曰幸甚君侯之嘉睨也乃經營焉問材胡庀則索諸林藪益

續修東阿縣志

卷之一三 藝文上

一一九

濟南芙蓉街午夜書店印

以梵宇之閣問費胡權則取諸贖穀之餘問工胡鳩則徵諸臺園之閒益以追胥蓋閱一月而告成事矣閣之制其寬三楹其高二成下爲臺階上爲飛觀複棟連甍丹楹朱廊仰奉聖謨旁列經史廟庭前峙堂齋右翊臨眺四野羣山嵯峽龍翔鳥口大川交流盤紆如帶煙雲溶瀉紫翠萬端蓋不惟膠庠之盛概抑亦國邑之奇標矣工竣博士楊君輩以君侯之命來告邑有母亟之役賴諸大夫士贊之成執事實在于門請紀厥庸以志永久敬拜博士之辱行不佞幸以經術備職禁近蓋數墨筆操牘以對揚聖代之鴻功大烈竊嘗以爲世皇建極敷教接千聖之統歷數四紀湛恩翔洽溥海夷晏蓋自三代而降不可數幾而其道樞化本惟在敬一諸箴萬世臣民享貽燕之澤即遐陬絕徼有繹思矣况齊魯之間哉夫古今邅隆之治莫過成周而其實本諸文王之德今讀其詩所謂緝熙敬止於穆不已者蓋修之淵微不顯而其德教所甄俾成人小子咸有德造登而在列用能疏附後先弼成王業至於子孫數世猶享其遺以昌厥後故稱凡周之士不顯亦世聖學之關於文化若是其炳炳也我世皇敬一心法與文德之純先



後一揆士之佩服漸摩已非一日其時人文丕奔僑又彙征若駕八駿而遊四極煌煌平烈矣逮我穆考施及聖上代光紹明聲教四浹閭儒傾彥奮炎揚輝所在賦賦庶幾哉周士之不顯矣非陶鑄孕育厥有淵源何以臻斯盛哉顧今文明日熾波流茅靡纓綏之倫執經遊談非不稱說古昔及核厥實不中其聲遇合而仕量鑿正柄尙容爲工甚者汨溺聲利擊發以趨時而純白淪矣聖訓之謂何以是地在齊魯之間士而生觀昌明首口日月之光仰流承風瞿然顧化其惟我世皇之箴訓是行即進而謨謀廟朝匡翊化樞亦惟我世皇之箴訓施於有政用致成周太和之治是在吾邑多士相與勗之以無負賢大夫與教之盛心厥亦休哉是舉也以尊奎章則皇極敷以興人文則士風振以察地勢口則向背協一物而三善具焉非公之才且賢其烏從謂之若乃襄謀贊議則縣丞高尚志主簿張德懋觀成受事則教諭□□□□□□□□古憲于鵬翰而董工效勤則典史吳天科陰陽訓術秦焚省祭官宮一元於法咸書

邑侯南禺張公去思碑記

明萬曆三十五年

于慎行

### 續修東阿縣志

卷之一三 藝文上

三〇

濟南美善街午夜書店印

皇帝臨馭三十有五年邑侯張公徵入爲司諫邑氓踴躍徬徨若嬰兒之失慈母而弗可攀留也迺卜城闈隙地鼎建生祠肖厥貌而俎豆之輸錢穀者供春饌者運斧斤者施丹堊者董徒役者雲蒸雨集不旬日而竣役父老諸生則皆踵門來謁請爲記石蓋侯以穎年制科蒞茲藐邑六年所矣諦觀其政大都主於愷悌休養而綜理周密威愛咸克又世所罕覩者至於名法精練發摘奸伏洞徹纖毫則其餘緒也舉其尤較著者以邑之當道驛傳罷累廐馬幾空括民馬以代之侯爲增其馬價而不役富民馬遂如額遞送之卒以役煩亡匿至募遊民以充侯輒預爲借給毋令稱貸而卒額亦復賦役遵條鞭法躬自審定猾胥股栗無敢飛詭法聽訟神明片語立遣鈞金束矢月報之餘所羨無幾矣時有山谷之嘯剽其渠魁餘孽星散境內肅然精勤多心計一切繕修倉宇學舍門廡費省工速落成而上不知權稅之擾請于大吏定其稅額代以羨金民無與焉往邑令日用薪水諸費取給行戶賓客宴飲什器取諸市民又有坐馬行廚虛設員役糜費不經侯至悉力革之出則屏去鹵簿單車二騶循行阡陌不知其長吏也



值歲天癘輒令醫工和藥按症而全活之三監河工夫役千人諭慰周至工常爲諸縣最而夫無一人亡督河徵蘇萬餘觔刻期報完侯以額外不忍取之民間曲爲設處事集而民不知也五年以來邑民大小安堵廬者鮮車怒馬襍衣甘食以娛歲月即貧無立錫亦相勸緒石爲灰誅茅乘屋自營生計無敢偷惰以嬉蓋侯之政成而邑富且庶幾於知方矣部使監司每歲上計朝堂必以侯爲第一以是受知明主召而列之近從宜士民之戀而尸祝之與漢時陳留張遷爲穀城令有遺愛於民去而爲之立石頌其功德今其碑在東平學宮亦名蹟也侯之聲價卓偉即兩漢循良之傳何可多得而其鄉里姓氏適有符於前代如此則今之片石亦豈能流傳千載如陳留之頌石與聊書其歲月以俟觀風者采焉侯諱鳳彩別號南禺舉萬曆辛丑進士河南儀封人是爲記

福果禪林記

于慎行

東阿城北四十里銅城鎮有居士沈源者高年有行人也力田居積奉佛而喜施日求利濟之方而行之塗之飢渴無不備也道殣旅櫨無不掩也四方之琳宮梵宇津梁塗

續修東阿縣志

卷之一三 藝文上

三二

濟南美善街午夜書店印

軌無不修也一歲之入食其二三施其八九期不餘財於室行年八十行益敦弗怠聲聞魯衛間矣萬曆丙申乃於城之北郭市地一區剏建法林爲堂四楹石鐫三大士像侍者六尊後爲禪堂四楹屑香爲佛前翼二室室各四楹左奉伽藍右奉地藏又前鐘樓又前爲門旁爲雲水之寮列以廊廡環以周廬其外規爲林苑畝之三十植柏與棗株之四百又旁爲屍陀之林以葬死而無兆者焉費可千金皆出己貲不假覓化而碧甃雕楹丹青煥爛居然化成祇苑之勝矣居人遊客瞻拜咨嗟咸曰勤哉居士夙植德本廣種福田人天之報無量無邊居士逡巡曰非敢然也自念生於末法不逢佛日長於田間不悟佛語今也以涓滴之滲挹法海之波而欲寄望無生素償後有其不然乎繫予爲之有故身丁聖世安享太平年且百矣上之不能修茅授綬以敵王愾下之不能傾貲輸挽以佐大農惟是盡力於蓬蒿之隴日食其租稅之餘以承蝸擊壤而嬉何福消之常恐重其罪護戾於天故今爲是宇也以朝夕頂禮焚修邀覺皇之法力望闕廷而祝釐若麥丘華封之老然何後福之敢冀予聞而嘉之夫佛氏之教雖在棄俗斷



緣以助真脩而與國王父母之恩不忘報祝蓋亦吾儒忠孝之旨而名義殊爾居士高年布素非嘗食升斗之祿而興建佛宇且夕焚祝以祈聖壽而報國恩可以愧世之簪纓鼎食而忘其國憂者與菩提達摩以人天小果爲有漏之因鑒師亦謂檀施修建止名福德不名功德正謂世俗蚩氓捨目前之貲冀他生之報以有爲爲之爾居士以田間之老能捨其身財建立以宏大願而惟以祝誦爲緣何功與德如之而云有漏乎哉故詳紀其規制使僧徒守之母俾宗人子弟圮即居士之壽與名且與佛法並遠甯不爲薄俗一勸與

儀堂記 康熙年

邑令李祥

予祖先明萬曆丁未進士蒞茲邑創業垂橋造爲永遠之計民無病涉一時之舉無疆之績士民愛戴至今猶懷甘棠之化焉予雖不得親覩其容猶得與聞其澤余之家世業於儒因兵火流離幾幾曠業墮厥家聲偃蹇數載一經幸捷兩榜復叨清恩載治茲邑意者前人之餘澤未泯或後人之繼述乎予於是伏而思曰堂宇雖頽古蹟猶存所

### 續修東阿縣志

卷之一三 藝文上

一一一

濟南芙蓉街午夜書店印

當修而葺焉仍而舊焉因捐俸作資不數月而堂宇煥然此亦予不已之苦心第恐黎民有怨聲乃細察其情不勝簪鼓子來之意予亦登堂而無愧矣予補前人之未及而景象如故予見目前之災黎而晏寢不甯倘上天或鑒予心將竭誠捐糜與士民興利除害共覩太平庶不負前人栽培之意並不負 皇朝委任之恩因紀之石以垂不朽云

東阿尋西楚霸王墓記

陽湖洪亮吉

予以屠維之歲始夏之月夜抵東阿舊縣與舍弟及長白繆君尋西楚霸王之墓維時暑日傾谷炎風滿山元扃既臻雙壠兀立尋碑讀之云有李將軍從王死實附葬焉嗟乎史遷不紀其名班氏並遺其說獨使田橫之客揚義魄於東潮彭越之臣振哀聲於西日予實恨焉且夫世之謂大王者徒以淮陰歸漢范增去楚生有簡賢之名虞兮一歌駿馬再歎死惟玩好之戀以此短大王耳詎知一士鬪鬪剖心生前孤忠英英納肝身後如生之面入九地而不灰已裂之背伴重瞳而不暝炎漢國士或攜藏弓之冤楚



邦遺臣獨高埋烏之誼大王之愛士至矣將軍之報主忠矣是知三戶崛起得死士而能然一人從亡較與王而烈矣天之亡也人何恨焉於是索茲村酒敬奠英魂昭臣主之大綱破古今之殊說可知元松濯濯不偃漢家之大風庶幾清隴陰陰猶尙秦時之明月是爲記

洪範池碑記 乾隆二十九年

邑令李汝榛

俗吏不宜說山水說山水便成癡話年來登臨一澗一泓之間都期期不成一語蓋有鑒於斯故令長於太華山陰廬距黃涓涓數咫尺岳色河聲左右與耳目遇聽涉不少佳趣邇則竅塞而腫澁矣卯歲移宰阿邑公隙閱志知城之東南隅嶮山稱奇而所云洪範池湧其溪思滌俗態馳山無足艷泉漾於一畝凸中湛渟紺碧如玻璃色沁人心脾乃址基穢難置趾西偏葺茅屋爲童子誦讀所以偈仄縉流三四輩駿無能者爰呼泉傍之士耆俾供嘉理均怡然如命繚之以垣別構書室三楹增置小亭於其西雜植竹卉松柳告令囑焉且僉指岩畔石乞令言其事鐫之令曰是殆欲疥此一片穀城石也

### 續修東阿縣志

卷之一三 藝文上

二二二

濟南芙蓉街午夜書店印

固爭之夫令爲諸生時嘗陟華嶺眺詠於二十八潭之側振衣雁嶺濯纓蓮洋意氣差強兀坐家園二岑峯嶽九曲冲瀾舉收諸几硯前興亦不淺迨一行作吏無復故我觀茲之山圍列障而泉流噴珠怦怦有動機忘爲風塵道上客則今此修治匪爲泉標勝而爲令醫俗也然令不俗而令癡矣試質之於士耆其然與否

重修文廟碑記 乾隆五十年

邑令鄭奇樹

邑有頓宮猶國之有璧雍也崇爾墉奐爾室俎豆犧牲靈爽憑之豈徒飭物儀肅觀瞻云爾哉人材盛衰文運隆替胥基於此穀城當南北之衝嵐翠四圍水泉百脈而尼父宮牆居狼溪河水之右形勢尤爲得地以故沐其澤者名賢碩儒代不乏人余承命蒞茲土甫下車祇謁杏壇見敗垣欹壁不能成禮大懼人材放佚無以彰聖天子作人之化爰謀諸學博王梁二君知前任王邑候曾捐金若干欲圖新未果余乃亟爲首倡一時都人士好義者咸相感出資於是公舉教諭王君南金董其成鳩材僦功弗辭勞勩廣袤有制階級有等黝堊丹雘交輝動采作始乾隆四十七年十一月落成五十年十



月蓋自有明化治以來二百餘年舊迹咸與維新焉乃進諸生而誡之曰三代之學者諸文可見矣降此而百家曲學別戶分門轉相授受歷漢唐宋諸儒相與闡明切究排異端闢邪說孔氏之學遂爲萬世宗故深者能自得其性命而飄流餘燄之發於文詞者亦充實光輝而非後世之所能及夫廢而不舉者有司之責也啓其運而不成其材者儒林之羞也茲者棟宇有值儒效蝟興觀禮器者謹矩度聆絲竹者陶性情嚴利義之辨敦務本之學無惑邪說無蹈崎行其處也爲里黨之坊其出也爲國家之瑞所謂修詞立誠以成一家言者亦當爲載道而非虛車則斯舉也雖叢爾山城而修明德以薦馨香神其吐之乎况今聖天子御極之五十年辟雍告成特舉臨雍盛典菁莪雅化直軼成周諸生近聖人之居其亦有仰宮牆之維奐而奮然興者乎宰是邑者將拭目俟之而樂觀其後矣

文昌閣記

嘉慶三年

邑令張晉

事固有莫之爲而爲亦有莫之致而致者此其中蓋有天地之氣數存焉故陰陽代嬗

### 續修東阿縣志

卷之一三 藝文上

三四

濟南芙蓉街午夜書店印

之理明則續之以晦物類感應之機敗必繼之以成相推相衍是豈人力所能預必哉壬子春予宰斯土修築城垣大工特舉晝夜靡甯因見城之西隅文昌閣建立於斯四壁蕭然傾圮久矣余因之惻然並聞翰院後裔高年隱士房君名信者亦同一惻然蓋緣工費浩繁余清貧守素力不能捐廉以成善舉而房君一介單寒亦不能解囊以光祠廈是好善原有同心而爲善苦無全力余與房君傷之舉邑之衿民善士亦無不傷之酸心槁目其若之何越三年乙丑余奉攝秦邑歷武定諸邑至丁巳夏仍守茲土人民無恙也風景猶存也而斯閣之凋零頽落以及棟析榱崩莫不依然如故也神遭雨雪屋飽冰霜誰爲宰焉者竟令神靈於頽垣破閣中鬱鬱久居哉子昌劉君寒士也少年孤苦貧如原子挾其不受命之才貨殖經營億能屢中暮年待選州佐家計少豐聞余與房君交相感戚遂振臂直呼曰挾泰山超北海誠不能也爲長者折枝是不爲耳昌賴神靈呵護少讀經書至今衣食少裕多藏亦無益也古人云留詩書於子孫後人未必能讀置田地於子孫後人未必能守不若積陰德於子孫冥冥中或式憑之遂出



其厚貲千金繕修斯閣所餘者仍捐葺道路橋梁即敦請房君並品行兼優之士清室張君董司其事子昌命長子清泰次子請甯且夕經理不匝月而大工告成其間觀感而興助者邑商山西候補鹽運司運同洪洞縣衿耆劉克昌者本縣國學生李君名平者亦各解貲以成善舉邑中諸君子亦欣欣樂從焉嗟乎莫爲之前雖美弗彰莫爲之後雖盛弗傳予與房君起好善之心而即有善人以應之一善人倡之於先衆善人繼之於後書曰與人爲善又曰善與人同登斯閣也回思當日屋宇摧殘一經修葺閣殿重新幸斯文于未墜瞻神像之尊嚴是日率諸寅好及閭邑衿民拜謁之餘笙歌疊奏酒醴雜陳興酣耳熱不禁其喜洋洋者爾抑又聞之積善之家必有餘慶劉君以寒士不吝重貲建此奎閣其二子皆醇謹端誠諸孫亦靈明穎秀予冀其科第連綿以昭善報此固一事之偶然亦千秋嘉話也後之來者相觀而樂於爲善也亦同人所厚望也夫

新建忠義祠碑記 同治三年

邑令 吳樹聲

### 續修東阿縣志

卷之一 藝文七

三五

濟南芙蓉街午夜書店印

邑爲漢穀城地子房報韓椎秦皇博浪沙中事雖不就義薄蒼穹填星降精授素書三卷於圯上實邑之黃石也厥神旣靈其鍾毓可知矣余自咸豐庚申歲承茲土乏閭山脈川源東聯云亭西挹河濟磅礴鬱積人情風俗率厚重敦龐以急公好義相勗時歲饑捻匪縱橫河南北鄰境民桀驚不馴者亦乘間竊發邑當孔道兵弁絡繹無暇日支應煩猥日作無米炊車牛人夫不可勝給而邑之父老子弟襄劬勞無憚色余自維才拙性迂無德致此蓋風土古樸人識忠義由來爾也辛酉歲捻匪蟻至附闈閭者咸助余爲城守宵書巡警鄉團各操擾勦力敵兇寇互相格鬪凡半載城僅無恙而閭左捐軀殉者甚衆余愧莫爲閭邑障歷勘慘怛甚核其數得八百餘人上乞大府奏得 卹典建祠特捐廉購地一區作堂三楹製木如綽楔總書忠義姓名以祀春秋以慰泉壤嗚呼忠義本天性矧地鍾英靈俗沿肫篤生長圯上老人之鄉者耶即其見義必赴奮不顧身可知稟賦之厚非由勉強者矣或曰數有莫逃也力有不支也復之以嬰鋒刃安知其非不得已也一罹兵燹概附忠義雖善善從長將餒鬼與殺魄同科古人死而



不弔之謂何也不知死生亦大矣自非義烈填膺不忍棄其老弱以苟且偷生則望風作鳥獸散規避之術豈其少哉此以見小人之好議論不樂成人之善其存心苛刻曾不足與言忠義之大也

東阿知縣周君祠堂碑記

光緒八年

邑令沈葆瓊

咸豐之初粵寇倡亂羣盜蠡起嘯聚蔓延幾遍天下憑藉天威次第剪除以抵又安而其間攻城奪地文官武將以及紳耆義士冒鋒鏑蹈水火而死者不可勝計朝廷既予以優卹復詔於死事服官之地建祠致祭以昭忠節恩至渥也前令尹周君毓南以同治五年知縣事有惠政次年粵寇遺黨賴汝洸糾合捻匪自楚豫竄東境君奉檄督團協防運河駐東平境之戴家廟五月十一日夜賊衆搶渡河牆失守君率團勇千人迎擊天明至三里莊賊蟻附君猝中洋銃以死團長庠生劉鴻賓勇丁費麟同沒於陣祝禧傷臂乘間逸出賊退尋君屍禮識其處遂昇以歸巡撫丁公奏聞奉旨優卹賜喪葬銀三百五十兩贈知府給雲騎尉世職襲次完時給予恩騎尉世襲罔替是年九月東

### 續修東阿縣志

卷之一三 藝文上

二六

濟南芙蓉街午夜書店印

阿紳民呈請捐資建立專祠又經丁公入奏得俞旨時以軍務倥偬未及修建葆瓊承乏茲邑乃於城之西偏就忠義祠遺址並購祠後地以益之建正堂三楹祀君配六楹左祀隨君陣亡團長八人團丁百十有七人右祀舊祠歷年陣亡殉難士民千三百七十有八人又於正堂之東北隅建屋一楹爲致祭時聚集之所經始於七年十月落成於八年正月共捐廉九百緡以竣其事爰爲之記俾東阿士民得遂其愛戴瞻仰之忱而後之覽者亦以作其忠義之氣焉

籌捐穀城書院經費碑記

光緒十九年

王善澤 邑人

吾邑穀城書院創自道光三十年邑侯汪君蘭甫時規模粗具一切經費均無所出邑人憾焉至同治五年邑侯吳君鼎堂復置地若干畝鹽稅若干緡計一款所入僅足供繕完備黜聖而於山長脩脯友肄業生童膏獎諸需仍缺如也迨今邑侯胡君星舫下車伊始即以整頓書院爲急務先捐銀二百兩爲一邑倡按月課士手定甲乙優給膏獎以示鼓勵嘉惠士林誠非淺鮮特樹人非旦夕之謀而捐廉亦非長久之計爰集衆



紳籌畫經費僉謂接畝出資便光緒十五年冬請於大府張勤果公得所請遂遵示照辦每畝約出京錢二十文時連年河水爲患民生不聊是以輸納未甚踴躍十七年胡君又檄署邳邑人偃偃若有所失此事幾廢十八年胡君回任士民咸額首稱慶所謂如望慈父母如望歲焉者不是過矣胡君乃招集衆紳曉以大義衆紳無不願效臂指各村首事亦皆奉命恐後歲杪計集京錢已萬有餘緡先發典生息藉充山長修脯及肄業生童膏火甚盛舉也又吾邑向無酒稅胡君復勸諭酒家每池各出京錢十緡歸入書院並檢殷實商戶於按畝出資外量力捐助又滑口瀕河地方有淤漲地畝數頃與鄰境交涉胡君復請委查勘行將次第告成焉是吾邑穀城書院汪君創之吳君繼之胡君實委曲而成就之也由是經費漸充規模亦漸擴爲延名師宿儒講學其中俾諸生童咸得朝漸夕摩交資進業務求爲有體有用之學今日之純儒既他日之純臣庶不負我邑侯格外栽培殷勤教誨之至意也夫是爲記

節母林太淑人懿行碑記

高紹和

續修東阿縣志

卷之一三 藝文上

三七


濟南芙蓉街午夜書店印

易曰積善之家必有余慶孔聖發此義於坤卦豈無意哉蓋坤道承乾乾之善坤代之乾之慶坤終之設坤失厥道乾元雖知大始亦斬焉中絕而無以善其後故易家人之辭曰利女貞其在詩曰釐爾女士從以子孫其理通其義一也節母林太淑人邑人太學生林公衍德之女清通議大夫子明張公之室通議公早世太淑人以節終無子以三支之男士達爲之嗣其長孫陸軍上校懷瑜宣統辛亥謀豎貞珉彰先徽而徵文于余叩其實則曰我張氏二支之弗絕由我曾祖妣孫太夫人立其基而我祖妣實克成之初祖妣年十九歸我張氏敬戒無違恪盡婦職事我曾祖妣能得堂上歡人尤難之蓋曾祖妣固抱望祭之慟而我祖則由長房承其統者也洎我祖入邑庠後因攻讀患病數年不起我祖妣朝夕侍奉左右無倦容族鄰益道其賢無何黃鵠分飛白楊增慟椎心無告矢志不渝撫我先父恩勤拮据卒有室家立門戶予小子得效力戎行薄有軍功迄今昆季同室孫曾繞膝皆我祖妣之餘慶也節略粗具敢以文請余昔讀李令伯陳情表至烏烏私情等語輒爲隕涕及覽歸震川書祖母事預卜其後必興又未嘗



不臨文景慕想見其人况乎柏舟再賦嗣徽無男彌闕陷於所天育襁褓如已出因之  
慈竹難老孫枝挺秀如此而令其沈鬱終古豈扶持雅道之夙志乎因是慨想乎爲善  
獲報之說有可必有不可必夫世有外宣義問而中情巨測或多所覬覦者天弗予獨  
節婦守義前無所仿於古旁未嘗取諸鄰後不復計繼嗣之成立乃一往情深確行其  
松筠不改之志且其所履者極人生之至苦精金以鍛煉而發其光寒梅經冰雪而香  
益烈物有然何至人而獨異以此知古所云積善專以中心之誠否爲減增心誠則善  
雖少而亦多故孀婦畢世之冷淚足抵慈善家數世之熱腸今觀太淑人以矢節昌後  
益信聖人慶善之語昭示於天壤間桑滄可變此理不可移也用特書之以應上校公  
之請并爲巾幗中守志者勸







東阿縣志

署 何思源



140.247

4

部三4





續修

東阿縣志

二十六年徵集之書

王占一敬書

民國二十三年十二

月濟南午夜書店印



續修東阿縣志卷之十四

藝文志下

二十六年徵集之書

序

讀史漫錄序

謝肇淛

蓋不佞閱讀史漫錄而歎文定公志業之未竟也史者上下數千年間紙上一陳迹耳其中理亂興衰之絲天時人事之變與夫山川扼塞紀綱法度之具日異而歲不同世之讀史者下之以佐佔畢次之以騁浮靡又其上者漱芳咀潤成一家言如是止矣未有能挈其要領而會通其變溯源窮流而綜覈其名實恍若身處而目遇之如文定公者也蓋嘗論之唐虞邈矣三代質文之變若四時遞運以大聖人之制作而其究也猶不免於倣漢唐宋之政則魯衛之間也英君哲輔協勛之而不足而壬人宵小獨敗之而有餘故治少而亂多也君子少而小人多也其執居然也我國家監於往代而損益之其治宜與天壤無極而承平日久朽蠹萌生始猶震隣漸且剝膚矣故當其盛也漢

續修東阿縣志

卷之一四 藝文下

一

濟南芙蓉街午夜書店印

之文章節義唐之詩賦宋之理學無所不兼而恐其倣也黨錮宦官之禍亦將無所不有文定公憂之也上下數千年間理亂興衰之絲未嘗不詳哉其言之也天命之去留人品之淑慝與夫疆場情形制度沿革未嘗不反覆道之也鑒之遠計之深一篇之中三致意焉欲得一畢智力而裁成輔相之冀上之一悟俗之一改也天不憖遺蒲輪未安而華簣遽易悲夫遂使宿昔挈領溯源若身處而目遇者不獲見之行事而竟爲紙上之陳迹也豈天未欲平治天下而徒以公不朽之言俟之後世耶嚮不佞行部時嘗獲侍公穀城園中杯酒間譚古今事懸河不絕退而心醉焉於今十五年矣讀其書想見其爲人蓋不勝西州之痛也吾友郭孝廉既編次是錄以授梓而公子中翰君復求不佞言爲序嗟夫不佞何能贊公之一詞但恐後之學者未能察公之志而與其佔畢浮靡成一家言者同聲而共賞之也

秦母尹太夫人壽序

雍正三年

邑令何一蜚

皇帝繼體御極之三年蒲月端陽後一日秦母尹太君設帨之辰時年八十餘二也竟



郡之屬邑鄰於阿者若濟東上巡良邑榆山諸君子偕阿邑之紳士冠蓋相望於道仰太君闕範登堂執爵製錦以祝其壽索余一言以書諸屏端余思欲揚人之善者必丐文於公卿而後可誇耀於當世必丐文於才士而後其人附其文以垂之不朽余自揣風塵俗吏既無赫赫高位不足以增人之榮又愧謏陋擗鄙無黃鍾大呂之音俾斯文不刊於百世蛙鳴蚓響之言何足以榮太君而光秦氏之寵於萬一也哉阿之陶城魏氏三君子與余有屢世年譜之誼進而請曰公言殊不然殆非秦氏意秦氏之子若孫不欲假文於當世之公卿與夫名人才士者謂夫雷同習見之語縱極鋪張揚厲不過松柏崗陵之祝芳蘭馥桂之頌美四德嘉三從不核其實不紀其真其祝太君者皆可祝他人者也又何貴焉公令阿秦氏之子若孫公知之悉太君之母儀公聞之詳惟公之言信而可據久而可傳則所以祝太君者宜莫公若也余應之曰唯唯太君姓尹氏敬邱翁之配明經汝楷之母也敬邱翁少補弟子員試輒高第再補邑增廣生學使者兩舉優行獨惜其牡丹之染胭脂不屑不得志於有司而困老場屋中然其年雖邁而

續修東阿縣志

卷之一四 藝文下

二

濟南芙蓉街午夜書店印

其學不倦諸生中咸推祭酒焉敬邱翁元配張太君舉子汝梅甫數齡而張太君已遨遊於瑤池翠水間矣先是敬邱翁念秦氏之族繁衍而我終鮮兄弟其何以綿瓜瓞聞尹氏女慧而淑乃求聘焉太君歸敬邱翁姊事張太君張太君妹禮之妬忌不生而式好無尤張太君弗祿敬邱翁繼配趙太君而太君與趙兩相愛敬如張時趙以太君德而且才悉以家政委而已撫汝梅太君蘋蘩中饋勞自親操脫簪珥挽鹿車衣粗食糲節儉自持以身率家人天性嚴肅笑語不苟臧獲婢使望而惴惴焉不敢忘玩以自逸蓋敬邱家計雖稍盈後此而豐亨豫大皆太君佐助之力也又時勸敬邱翁出餘貲以濟人困迄今宗族鄉黨感敬邱翁者亦復感太君焉則是相夫子以理其家政者太君之才爲之相夫子以樂其施與者太君之德爲之執謂巾幗中無丈夫哉太君所出之子印汝楷字肅公以明經貢天府學優而行端恂恂自下不飾智不任術以孝友著於鄉閭間其得於庭訓者固多得於太君之慈訓者亦復不少也太君年將大耋矣子肅公亦行年六十餘太君環顧其子戲舞於庭前諸孫玉立於階下其快心當何如哉然



則余之所祝太君者不過撫其實而序之俾掌女史者編之形管以繼鍾郝陶柳之後則太君之母儀或者藉余言以垂於不朽是未可知也若夫松柏崗陵之祝芳蘭馥桂之頌世之所祝太君者皆是也余何贅焉

苦羊山志自敘 順治十八年

邑人李濠

山以苦名者何以巒峯層疊有苦蓋形也以苦名又以羊名者何以上有臥羊峯也人顧稱苦不稱羊者省文也苦羊志者志苦羊之所以爲苦羊也客曰苦羊非郡邑比志何爲乎余曰志郡邑則守土者之責志苦羊則余之志余之責也志寰輿者略於郡邑志郡邑者略於聚落乃有地籍一隅足擅郡邑之貌備寰輿之探者吾苦羊是也苦羊名鄉也岱宗盤迴幾三千里西來之脈至苦羊而止故又名駐岱山濟汶諸水互相環繞山水會而靈氣呈故其間多經文緯武之儒異材絕智之士自是有忠孝焉有仙釋焉事業文章之大他鄉莫能先焉實爲寰輿郡邑所關何可以地非郡邑而弗志也深懼善行不傳勝跡湮沒因不辭謏劣漫爲創始始於圖考終於祥瑞爲類凡十有三

### 續修東阿縣志

卷之一四 藝文下

三

濟南芙蓉街午夜書店印

舉山川之秀麗綸綵之輝煌與夫懿行遐軌星土風氣悉載於篇言近荒唐者必正之雖有所傳聞弗取焉如馬頰河瓠子溝是也賢有泯沒者雖邑乘不載必闡焉如鍾離之奇孝石佛之禪師等是也志成則苦羊之所以爲苦羊歷歷現前矣倘 朝廷命修史馳一轡軒問阿邑之名山勝概何許高踪異行何人文章事業民風上俗何似可執是以對焉昔趙簡子欲成璇室下令國中無應者有拙工張某成其室或謂簡子曰規制異而雕鏤拙請讓之簡子曰厥初事事無一應者幸而成功促而讓之何歟吾將飾以金玉以壯其觀也夫余固苦羊之拙工也飾金玉而潤色者尙有望於後之賢達

周文忠公尺牘序

應寶時

周天爵字敬修東阿人嘉慶辛未進士歷官安徽巡撫卒諡文忠是編同治戊辰蘇松太道署刊永康應寶時序云同治丁卯秋皖人黃瑤圃以手鈔先生尺牘跡余受而讀之覺其愛民之忱出於血性直如高壑懸流剽疾奔決隨地肆溢而不可遏也其論江



淮捻患至今如桴鼓之應也其於平生師友交遊風義之重又如見三代遺民渾渾噩噩絕無雕飾洵足以挽澆漓而風薄俗也又云先生雖篤信姚江然讀其致河治亭書謂文成之學擇其言之篤實者從之其說太容易高妙者亦自不可從數語知其於道體辨別正極嚴明其後

文宗眷顧日隆時事亦日劇當年布置山鄉末學無所見聞惟得讀是編輒肅然見先生猛鷲之氣悉從性分內之慈祥愷悌蘊結而生蓋其爲政未必盡可法而其用心之仁愛抑亦爲牧令者人人所宜勗矣苟皆能手先生一編爲臨民時照膽洗心之具則蒼黎蒙澤庸有艾乎爰並其雜作數首爲之校刊閱三月畢以原本歸諸瑤圃而序之又金安瀾跋云公與湯海秋侍御交最深以道義經濟相砥礪故往復書札獨多據本書卷下與盧陽王生育泉書亦論良知之學謂雖不能推至入聖賢治亭書凡相發明又答湯海秋書勸其肆力於陽明之書又書中謂天下之壞先從人材壞起又謂當今大弊取吏嚴而實縱牧民寬而實苛云云皆痛切不易之論

### 重刊守城要覽序

周天爵

兵法云善守者不知所以攻善攻者不知所以守夫不知所以攻守者不過多方誤之

## 續修東阿縣志

卷之一四 藝文下

### 四

濟南芙蓉街午夜書店印

耳欲其不誤惟在能識敵情而敵莫知我之所向遂若動於九天上下百萬之衆盡入彀中其真別有神工鬼斧播弄其間哉李臨淮太原之戰以四十里荒城而當十萬之師岳武穆以甫至之軍而挫兀朮百萬之寇非必我勇而賊怯也技不窮於應猝算多勝於事前是故我逸而彼常勞彼驕而我愈怒皆揣敵之情知兵之忌惟因險而形敵即因形而制勝者也夫有城而不能守者有矣未有無城而能守者也恃城而守則志難憑城以戰則守易城之高下形也因形設備則在乎人所備既豫則民志定然後我心不致張皇四顧而出奇用間之謀可施而又遠斥候以均勞逸清郊野以絕剽虜揣敵之欲速欲久而我爲虛實應之之法則勝常在我矣雖然兵不可以預料兵法皆筌蹄也得其人則術以神不得其人適以自斃而要之未有不討論於先而能應變於後者吾鄉前輩宋公少時讀書清河寺遇異人授以兵法既達當明季塗炭之日身經百戰出其設施有驗之方或出於古或以意裁緝爲守城要覽一書夫兵可百年不用不可一日無備我國家承平百餘年矣深仁厚澤汪濊澍濡之南海者若東西家焉而武



備未嘗一日或弛亦揆文奮武聖人保民自然之理也天爵不揣固陋謹刊是書聊附芻蕘之義守土者政務之暇略涉是編或亦衛民之術一助云爾

送朱尙齋刺史序

周天爵

天下之休戚係於州縣爲大吏者莫不欲得州縣之利弊而乘除之然而求之不以其道往往操切之而愈紛毋以州縣之職非親蒞是官其中疾徐甘苦不可以臆度得之者與然而州縣之利弊不外乎民也真知民情之欲惡而州縣之賢不肖可得而論知州縣之賢不肖乃可以爲太府蓋有賢於爲婦始能爲姑者矣未有不知爲婦而能爲姑者也作吏何異於是天爵今年秋視事符離始得晤前任尙齋朱公履任宣城凡五年其地滋僞善訟爲通省難治之區而公獨得士民心道光三年江水大漲公出沒波濤中衝風凍雨破浪揚帆以急億萬家命人感其德咸輸貲助粥活飢民至十萬金其名舊熟於耳也彼日一見知爲誠篤君子其實與名果不虛也然未知公之善古文詞及得藏稿乃爲深於騷史古詩逸折生動直迫舉蘇州其險勁過之乃知治術固有自

續修東阿縣志

卷之一四 藝文下

五

濟南芙蓉街午夜書店印

也夫公以世家名儒無幾微貴胄之氣見於顏面獨能體閭閻之疾苦而噢咻之所治皆刁悍之俗乃不鄙其民而亦變其梟鸞之氣與公應答如響公之善於作牧者已如此矣今將爲大府也其馭一郡之州縣即以求民瘼者以求州縣之利弊如扁之見垣一方人也審矣則凡州縣之欲治者其望賢太守之來與宣城符離之民有異情乎夫以公之得民而知其能馭吏以君之能馭吏即亦知君之功名未有底也今公之將有行也願以斯民之愛公者而爲攄之庶望行旌再蒞皖上乎哉於是乎序

讀史漫錄序

道光二十年

周天爵

讀史漫錄吾鄉前輩前明諡文定于公經世之書也先生以絕世之才種學績古又鍊之以閱世之識衷之以至是之理而出之以力維國是之心而成是書其立身出處皆不與所言刺謬所謂悉裁於義者也考一生退隱日多有史摘筆塵等篇予未之見也今覽此卷紬繹不能釋手讀葉文忠公序見兩先生相與之至深至謂借鑒千秋旁鏡當代其識高持衡審先生衷藏一語道盡所謂神交者也夫讀史非難而能好學深思



識其時之難易始能論其世即其所爲知其用心瑕瑜始能論其人斯孟子所謂尙友也然而不諳當時之務不足以論古不悉得先生之機亦不能諳當世之務尤必休休有容其才與識而得所附麗焉夫知此則知公誕降篤生非一世之人無疑矣先生當明中葉萬曆之年上下否隔外君子而內小人之時也其君傲惰於上其女寵日蠱於內其羣奄播惡於四方而真人方發祥崛起於東土在廷諸臣乃意見爾我爭門戶尙不虞陰雨之窘也獨文定公識微見遠江陵相之奪情也則不願一日同立於朝其敗也侍郎邱繼往籍其家則勸之以全大臣簪履之誼其審事理居心如此及萬曆十八年疏請早建東宮天子震怒不爲憚昌言再進放歸田里迨三十五年廷推首公堅辭不允而後應命時已有疾遺疏親大臣錄遺逸補言官而竟去世矣夫公三黜三起而不易其學而甯淪於默畝而不悔者何也蓋不忍言者君非改過之君內則國本已危肘腋之患近在目前外則西伯勘黎噬臍之禍又兆異日此時欲言不悟欲默不能不得已而著書於唐肅宗父子之間感懷鄴侯於德宗流離之際服膺宣公至補天浴日

### 續修東阿縣志

卷之一四 藝文下

### 六

濟南芙蓉街午夜書店印

若汾陽臨淮宋之武穆忠武其規畫大計皆能心識其意其他備寫君子小人情狀宦豎裁抑之方略與夫國家安危所係之機倪其心之所欲爲者一寓於書誠南軒所謂曉事者與而史但稱其智典制詞學與馮琦爲北方一時冠何其淺也蓋所蘊厚則不欲其美外見其志大則不欲以一事成名蓋觀葉文忠當國惻約納無人謂天不憖遺仰屋歎惜至今思之令人歎歎未幾而明社果墟是書之板大吏索而藏之於櫝以故見之者鮮間有讀書亦未必知其志之所存予感此有懷焉復爲之序嗚呼前之視昔猶後之視今天下事古人所不經見者多矣安得起憂世之人如先生者而問之

#### 周文忠公文集序

張寅

天生人人得天一氣爲之也氣有清濁即運有盛衰古之剛烈不挫矯強一生不屑爲唯唯諾諾者亦得清風之偏而非遭極盛之運則不能垂名竹帛好德考終今迺於周文忠公見之公山左世胄著爲文多淵懿古茂才足以經文緯武力足以去莠鋤奸朝廷知之悉而任之專恩遇之隆亦近今罕匹跡其起家牧令觀察廬鳳總權漕政晉遷



兩湖而除惡務盡嫉惡如仇無一事不可告天無一言不可告人往往廉悍近酷剛決致憤幾致不克終任朝廷又未嘗不諒之而復任之故晚遇尤厚迄今江淮荆楚間民畏其威者以爲包孝肅復生感其德者以爲鄭國僑復出吾知公與古君子後先輝映必有傳之不朽者矣公爲汝南後自古厚重少文如勃讀書除害如處光風霽月如茂叔類皆重禮義崇道學持人之危扶人之顛而言坊行表教人以正公承其澤案無累牘政無疑獄任功任過任勞任怨使人人爲良民母爲良吏母爲貪吏其識慮宏遠逆知人心日變有不可一日姑息者觀其言知其行矣雖落落數言不足以盡英偉剛毅之全累而讀其文皆血性語頑可廉懦可立絕無近今澳泯跣跣習也書竣而歸之黃君瑤圖以誌不衰時咸豐十一年二月清明前三日

擬山左金石續志序

王善澤

集金石之文者始於歐曾至趙而博至洪而專矣其餘朱長文婁機陳思鄭樵都穆楊慎輩之所纂輯或有錄無文或僅論書法其能抉摘微旨足資考據者蓋不多見焉近

### 續修東阿縣志

卷之一四 藝文下

七

濟南芙蓉街午夜書店印

世岷山顧氏秀水朱氏號稱專家惜于宋元以後闕焉弗備亦未學完書也山左爲文獻之邦據禹貢青兗徐三州之域在周爲齊魯地歷漢魏六朝唐宋元明代爲名郡其金石之留貽不埋沒於荒烟野草者固自不乏而或年湮代遠致等杞宋之無徵雲散風流不啻人琴之俱邈亦事之無如何者此金石續志之作所由不得已也夫由今日而上溯元明遠矣由元明而上溯唐宋又遠矣由唐宋而上溯漢魏六朝與夫夏殷周秦則尤遠矣其寥落僅存者或十無一二焉或百無一二焉或十無四五焉或百無四五焉然而物莫不聚於所好而其出也或有時故銀編宛委神禹發之劍埋豐城張華掘之字青石赤韓愈歌之黃絹幼婦楊修解之而况泰山梁父帝王封禪之所先也洙泗杏壇天下文章之所萃也無隸穆陵表海之雄風在焉龜蒙鳧繹元公之教澤存焉其所以刻劃金石宣揚盛德者何可勝道而顧聽其散軼任其銷沈伊誰之責乎且夫鼎沈泗水胡爲至漢世而始出鼓鐻岐陽胡爲至唐代而始顯可知物之興廢有數人之遇不遇亦有數特恐遇焉而不能識識焉而不能好好焉而不能聚則金匱石室之



藏亦終無由發其光耳今則於前志之外重加蒐輯考證其得失辨別其真贋校正其訛謬增補其闕略庶幾沈沙折戟猶磨洗而認前朝斷碣殘碑且殷勤而尋古寺勒之彝鼎者皆得與日月爭光垂諸貞珉者永使與河山並壽則斯志之作誠足以上接既往下開將來矣是爲序

勅授武略騎尉振華王公壽序

前人

從來壽之必得必得於數乎亦必得之於理而已松柏偃蹇空山經霜久而枝葉彌茂其節堅也君子優游樹下閱世深而神明不衰其性定也古來應多福而享遐齡莫大於舜其次莫如文王然耄期之歲月猶是底豫之春秋帝夢之感通何非德仁之積累理有固然無足異者今於勅授武略騎尉振華公而確然知其難老之錫有自來矣公先世自其曾王父封侯公以雍正壬子武舉聯捷進士歷任廣東守備江西黃岡營都司嗣後甲第聯縣子孫昌熾公王父國藩公中乾隆己卯亞元公父家棟公以嘉慶戊午武舉任台莊營守備重赴鷹揚宴年踰九表叠荷恩綸誠異數也家棟公丈夫子五

續修東阿縣志

卷之一四 藝文下

八

濟南芙蓉街午夜書店印

長西山公武庠次厚齋公武庠早卒三慶華公中道光甲辰武舉揀選一等歸東昌營千總五健齋公中咸豐乙卯武舉公其第四子也公生而岐嶷幼讀書能見大義弱冠習騎射兼攻鉛鉛識者爭以國士推之由武生中咸豐壬子武舉自雍正壬子至此十餘科子孫父子科第前後相望善哉非修德之報何以至此公揀選一等以千總用時家棟公年高致仕未忍遠離依依膝下不復爲宦遊計而聞望所歸實基於此矣公天性孝友祇父恭兄歷久彌篤家庭之間怡怡如也而又廉潔自持正直是好凡修橋修路諸大工率皆攘臂稱首又好爲人排難解紛抑強扶弱有古魯仲連風見親戚故舊貧不能自給者救之無倦色亦無德容里黨間遂依之若長城然不遇盤根錯節亦不足以別利器也當咸豐辛酉年間南匪竄入東境時邑侯吳公奉撫憲譚札諭催辦團務乃以公爲總團首防禦吾山一帶使南匪不得渡河公實與有力焉吳公常赴吾山驗團爲鄉衆所困幾不獲免公慷慨曉以大義並護送吳公回城衆始解後西賊讎起公率衆團在姜樓防堵會大雨西賊突至有勸公戰者公曰吾鄉民素不知兵可以



守不可以戰官堅壁清野以觀其變勿急與交鋒也是年六月六日李源之役公猶子武生春桂率衆爭先死焉衆團繼之遂獲全勝賊自是不敢復犯又孰非公忠義之氣有以鼓舞而作興歟太平之後阿邑文風不振又約余協力創修書院捐錢輸資竭蹶者數十年不辨勞苦余贈壽屏幾聯合村之人感其德題其匾曰清德永耀公之爲人概可知矣若夫輯頌禱之浮詞據神仙之妄語是貢諛也非紀實也吾則何敢

旌表節孝郭母劉孺人七秩榮壽序

前 人

蓋聞南嶽夫人玉軸履登真之籙西池王母瓊扉敝介壽之筵玫瑰之碾杆千尋星應字女翡翠之窗櫺十扇月許稱妃况夫萬年風動合號冬青五福堂開彌徵春暖康彊逢吉借金石以同堅保佑自天與松竹而並茂則惟旌表節孝郭母劉孺人尤足誌焉孺人係處士諱連岐公之德配同邑國學生諱謙公之女也髫齡賦菊已羣奉爲女宗蚤歲錦椒本無煩於姆教泊乎及笄之年乃上束薪之頌方其初歸連岐公也鴻樓修儀鹿車對挽卹其絡緯焦勞洮柳之餘問彼有無黽勉膠鹽之側方冀雞鳴戒旦永慶

### 續修東阿縣志

卷之一四 藝文下

九

濟南芙蓉街午夜書店印

將翔而將翔馬柱調絃不憂變宮與變徵也已乃偕者未卜於百年永訣竟成於三載摩笄一慟則道路銜悲截髮長號則肝腸並裂真有誓不獨生而志甘同死者第念堂上尚有雙親膝下並無弱息遽爾捐軀益滋抱痛孺人乃強自撐持總理家政既克儉而克勤亦有典而有則問安視膳舅姑既得其懽心推食解衣里黨咸迎其善氣凡茲淑德莫罄名言然而尤有難者孺人無子以夫弟連泰子爲嗣教以義方俾之成立斷機垂訓上可媲美於三遷畫荻觀型下可流芳於百代始也養遂烏私既以婦功而代子職繼也丸和熊膽更以慈母而兼嚴師爰於光緒十二年奉 旨旌表因額其門曰海枯石爛於戲盛矣侯其緯而今值孺人古稀之歲適逢設悅之辰鄰夫人行年九十神明不衰孟嘗君食客三千衣冠畢會或進三山芝草或獻九節菖蒲或斟鄩縣菊泉之水洗爵偕來或採葛洪丹井之砂承筐均至余雖未獲酌兕躋堂庶歌步霓裳之韻竊願雕蟲奉伎載筆揚彤管之輝昔日庭陪趨鯉既樂爲陶侃之賓他年門慶登龍宜進拜周瑜之母是敘



種蘭小草詩序

前人

嘗謂詩者情之所寄其情至者其詩必工而情有因境生者有即景生者因境生者賴詩以傳之即景生者亦藉詩以達之故讀其詩而其所處之境與所遇之景儼然如在目前焉然以有不因境生不即景生者其端有二曰思曰緣思之所通而境與景可以意造焉緣之所結而境與景又若適逢焉故思不深者其情必淺而緣之慳者其思亦不靈今予與陳子斐卿可謂有緣矣陳子主禹州書院講席近十年今來秉沂州鐸暫駐旌琅琊書院東齋朝夕過從時以詩相唱和甚相得也旋出其所著種蘭小草見示並索予爲序以誌緣感予素不工詩間有酬應之作率皆鄙俚不堪入目而陳子之詩則於渾灑流轉中仍具有纏綿悽惻往復不盡之致蓋其思深故其情至其情至故其詩工而其所處之境與所遇其景又足以激發其志氣疏瀹其性靈一旦託諸吟詠或如急管繁絃或如銅琶鐵板山川草木不足供其指揮也月露風雲不足恣其驅遣也嬉笑怒罵不足抒其憤懣也慷慨悲歌不足鳴其抑鬱也其曲彌高其和彌寡有急

續修東阿縣志

卷之一四 藝文下

一〇

濟南芙蓉街午夜書店印

索解人不可得者而獨與予一見如故即娓娓談詩不稍倦豈非有緣乎陳子贈予詩云一盤苜蓿知官味十載賓朋悟夙緣予和云蓮幕談經懷舊侶芹宮把袂結新緣予與陳子夙緣乎抑新緣乎質之陳子當必曰夙緣緣也新緣亦緣也即以一唱一和結一段翰墨緣焉可矣則謂之有夙緣也亦宜

補刊讀史漫錄序 光緒二十一年

邑人 陳宗燾

乙未冬告假旋里吾邑穀城書院適有補刊讀史漫錄之議是書前明于文定公所隨筆筭記也故曰漫錄公著作甚富若史摘筆塵經筵講章春曹奏議穀城山館詩文集目錄載在志乘其後裔絕少存板板存者祇有讀史漫錄然原板刊於明萬曆己酉距今三百年風霜兵燹多所殘缺嗣將尙存板片度置於穀城書院邑宰張公同監院諸人議檢殘缺者補刻之計鈔板共七十一頁字二萬二千有奇工竣屬序於余余自維學識謏陋不能窺公萬一何足以序公是書且前此序是書者多矣晉安謝公則謂上下數千年間理亂興衰之故詳哉言之天命去留人心淑慝與夫疆場情形制度沿革



反覆道之雲間黃公則謂上自混元初闢下迄餘氛閭位悉網羅而袞斧之凜然萬世  
著龜公之相業亦備福唐葉文忠公則謂論世超持衡審殫元會之變綜得失之林別  
善敗如列眉燭忠佞如觀火軍國機宜華夷阨塞莫不備舉吾邑周文忠公則謂備寫  
君子小人情狀宦豎裁抑之方略與夫國家安危所係之機倪心之所欲爲者一寓於  
書歷觀諸公之序其服膺推許如此其至也余即勉再爲序又何以加於諸公之序雖  
然著書者制行之表也行不逮其書識者病之文定生平大節在難進易退衡以書中  
所論古人進退之宜實足當之而無愧余之景行而嚮往也久矣更幸是書有先得我  
心者竊願略舉一二與天下共質之也嘗謂讀書貴明理不明理則病迂窒窮經貴致  
用不致用則病空疏而公之論文章也曰出於行義則爲有德之言出於政事則爲有  
用之言如發理而理不明論事而事不徹枝葉之辭將焉用之味公是言殊覺余言之  
非謬也余又謂時事之墮壞不在國勢之不富不強而在人心之不廉不恥欲振國勢  
必先作人心欲致富強必先興廉恥而公之論漢唐盛衰也曰善理身者不恃疾病之

續修東阿縣志

卷之一四 藝文下

一一

濟南芙蓉街午夜書店印

可除而恃元氣之無損善理國者不恃疆圉之無警而恃紀綱之不弛味公是言殊覺  
余言之非膚也自古運會承平民物熙洽文學搢紳之士率以華藻擊輓自矜爾雅與  
雍容小子後生承其流風每轉相祖述一旦試以天下事如執方枘納圓鑿齟齬不能  
入否則端居束手翫時愒日苟且偷旦夕之安其尤甚者又或貪日前錙銖之利忘異  
日邱山之禍甘舉身家性命以相殉旁觀者即代爲汗顏而彼固悍然無所顧於  
中而忤於外也豈非不明理致用與寡廉鮮恥之故哉持是意以讀是書撫歷朝成敗  
之跡究千古治忽之原必有觀其會通可以措諸當代者見賢人君子審慎於辭受取  
予之際僉壬宵小輒轉於利害禍福之交必有力決從違用以自勵而借以自愧者夫  
然後知公之隨筆劄記皆經世之文非無爲而作並可知前之序是書者其服膺推許  
誠有以見乎其大而非逾量溢美之詞也使第資撫拾供稗販視是書所引證祇陳迹  
也可視是書所論斷祇空談也可不特非余序是書之意亦豈吾邑書院補刻是書之  
意哉余蓋有望於善讀是書者



穀城殷氏族譜序

前人

自宗法不行而小加大少凌長親屬等於行路同室竟至操戈議禮之君子觀風俗日衰所由以復宗法爲汲汲也顧世爵世祿古制久湮異居同財勢難行於今日竊謂不  
必有復宗法之名而宗法遺意已寓乎其中者惟修譜一事蓋嘗於殷氏族譜見之殷  
爲東阿望族有明中葉擢高科爲顯官者載在志乘膠庠之彥成均之士先後如林立  
至富甲一鄉爲同族庇蔭者亦累世不絕觀其族譜分支分派有圖有傳即不必遠溯  
發祥之初而自明迄今五六百年譜修四次宗派日益繁族姓日益衆信可謂子子孫  
孫似續無極也已要其所以久而弗替則恃家法以維繫之譜載凡例各條如謹祭祀  
重慶弔恤貧苦固皆尊祖敬宗收族之禮而各莊立一族長更撫一有德者輔之事無  
大小悉聽裁處古人宗法遺意已變通而隱行其間宜其保世滋大爲吾邑世族冠冕  
也歟抑又聞之修譜必先定譜法往者衡陽彭剛直公合淝李文忠公捐資修譜俱屬  
桐城方存之爲考定譜法存之謂二公曰譜以紀實當以近而可信者爲宗其得姓受

續修東阿縣志

卷之一四 藝文下

一一一

濟南芙蓉街午夜書店印

氏之祖以及歷代名人則但考其淵源而不可以入譜恐其非吾祖而隣於誣也二公  
以爲然於是皆斷以始遷之祖爲一世祖今穀城殷氏族譜以始遷東阿之單爾公爲  
一世祖自一世祖而上詳考淵源別爲一冊又敘述其所自來體例亦稱詳慎現屆五  
次修譜願質諸世之議宗法而講譜學者

跋

于文定公年譜跋

邢侗

我先生實鍾嶽靈星采應夢而生天挺靈異少而凝重敏慧絕倫即舞象之年去炎甘  
寂業已具大人度矣踰冠都翰林器業爲一時冠冕即海內自負才雋各睥睨不相下  
見先生不覺僂而弱其傍先生遜謝弗當也不甯惟是名宰翰林前輩咸謂先生海  
涵泰峙我輩所不及經筵敷奏莫非沃主德而抑邪萌即主上亦謂于先生朗朗超著  
一字朕所會心此豈咄嗟偶合者先生徘徊進退不欲與時賢競進人先而我獨後勞  
勳深而斂然不自明焉桃李不言下乃成蹊信乎其不虛也初不附江陵明目倡彈事



卒之江陵敗而百方營救所上邱司寇書傳之四遠即東轍西鑠之域無不忠信伏焉至心所如往天日爲昭何言人事哉正位禮曹封事數十上無非爲麗明妙善計且屢駁正王國非干請主上稍示厭之已氏冷齒相加中常侍欲甘心數矣先生乃奉身退更一紀餘而東宮册立先生廢其身而行其志何病哉頃主上耿耿心目不忘耆舊從闕寂中授先生魁柄若以太平望師臣一切無能撓沮主上英斷固如此哉大僚推轂所不足憑也豈天未欲治平先生一朝告謝君臣魚水顧不得大行其志耶據所亟承恩卹前後無倫主上不勝云亡之悼易名文定允矣稱情其所爲官其子孫者猶未艾也遺護如制所遣治兆乃九列大臣此從前元公所不敢望王公擢去復遣京卿不旋踵先死蒙被隆天重地蔑以加矣先生心小而膽決邁萬夫人不得而親疏事惟視理理所不可責育莫奪平生所重在倫彝已事彰彰可考孝爲百行首先生之於太公太夫人終身孺慕言必汎淵曰行嘽焉祿養有死不自甯誰無父母執此證九原真無愧色也哉羣從族屬居諸爲生活爲婚嫁爲死喪孤則收失職則振跳而逸爲保全地先

### 續修東阿縣志

卷之一四 藝文下

一三二

濟南芙蓉街午夜書店印

生之衷良苦矣沾沾門故率導周行而响洙無爛容先生周歷詞曹無財不有所歸即萬鍾鑑百甯勝此真心白意乎先生凡三在告有難於對人言者官不負人總之人不負官爲難能耳我稽人迅人巧我拙遲速哀序可以觀世道焉先生所亟在三而隆師敦友皇皇若不及譜灼然具矣四十年老詞臣登位八座門無行馬僮不曳帛馬不食粟廳事僅僅視太祝許若夫犯而不校顏氏何專美焉先生文章命世渾厚不斷居然謨典再覲進講之書明白婉至程氏折柳之答覺傷峻耳詩醞釀初盛間七子之儔及吳下阿蒙退舍矣先生與馮用韞宗伯談經濟無所不服膺然不無介然其任而媒絳灌讎與公孝與談文章韻語則鮮不合者曰得失寸心搔首問青天耳每謂侗女文章一夜郎王眈眈自命碑版志傳漢季魏初乎侗一念先生言哀腸若抽鍾期已矣小子何質成焉先生完明全節衾影無慙然不爲弔奇炫異事彼夫託爲大言而寄蹤人外任荒唐而廢耳目之近先生謂非倫常庸行不與爲徒矣先生恆爽然於造物之生息若曰岷陵泛源沃焦消海盈洞瀾灼理有固然涵涵平大惡課訾而祛面背今世無此



也先生垂入對爲何言諸言事臣吾當以死諍闕官探權吾當以赤誠回照蜀洛憤典吾當以平等引至公元元臨命吾當以圖畫情形奏言出口而躬不逮果蒼生之無祿耶世侈大臣輒云皋夔伊傅何懼其阿有如躋先生於韓富范歐列何渠分同異乎要之人地如此以成事論非九品中正衡也且史局春官諸奏英英露爽何者非韓范富歐業乎其又何疑焉何奉先生杖履淺而言之若靖節門人昇舉事先生視何則馬南郡之於鄭康成不翅是過焉矣何迎匱路許敢妄爲傳父視多天地鬼神實式鑒之比長君緯以先生行履謬屬何何懼貽譏弗勝幸先生枕史在可據也枕史勝冠以前備述童年家塾臺邱習肄師友之詳指次家難屢空狀所差慰者韶年一第而已勝冠以後登仕路膺華貫蓋于未完原本闕

文載道者也文不足載道謂之虛車史傳信者也史不能闕文難稱信史今修志而採取藝文衡文之識作史之例兼具斯善矣前已摘錄于公年譜中疏書二種共三藝譜卷未綴跋語一則其門人臨邑邢太僕何作也惜抄冊紙破卷頁終而文未盡

### 續修東阿縣志

卷之一四 藝文下

一四

濟南芙蓉街午夜書店印

閱者憾焉細玩之要言已足少者直緒論耳且以邢公之文載于公之事無虛車之謂矣即殘編斷簡甯肯棄置故錄之以附夏五郭公之例云

周文忠公手蹟書後

莘城孫葆田

周文忠公奏稿二家書十五紙公孫世臣所收存光緒壬寅秋命工裝潢於大梁將以垂示世世子孫公遺命不欲以文章傳故歷任封圻奏議皆未刊行此二稿一爲公巡撫廣西時陳當日賊情不在速戰而在固守其欲以靜待動以逸待勞深得孫吳遺意實與向忠武所見相同而以李公之少添兵力即催出戰爲不合兵機厥後賊果逸出蹂躪天下議者但歸咎於大軍合圍缺隅一役惡知公已有先見之明哉一爲奏參提鎮堵禦失宜尾追不力則於向忠武亦無恕辭而其敘象州失利則以官兵不知審敵最爲可惜而猶欲諸將立功自贖以觀後效則公爲國愛才之心益見矣兩疏皆在咸豐元年四五月間未幾遂奉召來京諭云周某秉性忠直年近八旬久居瘴癘之鄉朕心時深眷注於虛公之所以得此於上者豈偶然哉至家書謂禁煙一疏在今時能



力挽頽波者亦惟吾與黃樹齋先生兩人耳則此書當在道光二十年而此後已有閩粵遊民擾亂江西之廷寄公故斷其爲外夷縱使漢姦潛來招誘又直陳破賊之法於家書言之則公官漕運總督時也其一敘行路艱難末云廣東賊匪甚於廣西吾恐賊平後復向廣東捕賊當即奉 命赴粵時書其二書皆公漕督任內所寄一云奉侍老親得一日歡心即是一日之福一云 聖人遠見萬里則公忠孝之心尤昭然若揭而其論鴉片煙禁謂處平民以遠軍自官及幕友家丁書吏兵役皆死罪可謂痛乎其言之

傳

徐節婦傳

昌樂進士陳文然

蓋聞巴婦懷情揚輝彤史梁媛高行著美瑤編姬號曰貞當代特旌其義誅夫爲惠門人莫易其詞自古維昭于今罕見東阿城北小街子王母徐孀人尤足誌焉孀人幼嫻內則長習禮義性本幽閒奚待班昭之戒生而貞靜無煩裴顧之箴迨夫年甫及笄禮

續修東阿縣志

卷之一四 藝文下

一五

濟南芙蓉街午夜書店印

成合香琴瑟靜好鳳凰和鳴上事庭幃履綦之儀不忒敬承祭祀蘋蘩之薦彌馨方期百年偕老同歌戒旦之章詎料二豎罹災幾化望夫之石悵鸞鏡之孤明慨烏衣之早謝風摧桂樹痛失所天雪灑麻衣哀偏動地嗟乎青蕉抽盡生意難回碧血啼殘春風誰喚第念堂上尙有老親膝下並無弱息腸幾斷於九迴責難塞於一死乃撫猶子承荔承茫爲已子庶幾箕裘弗墜上得延一線之傳堂構克承下得衍三遷之緒嗚呼慟哉亦足傷矣况親族沐其仁風里黨迎其善氣或周卹乎貧窮咸資河潤亦寬容夫臧獲共仰雲慈宜乎同人稱頌采入輜軒大史疏陳褒榮綽楔頌旌揚之典表貞孝之風偉矣其難卓哉足式嗣子亦皆恪遵母訓熊丸之教誨彌彰能讀父書燕翼之貽謀自遠王氏之興固未艾也僕雖未獲登陶侃之堂竊願拜周瑜之母謹製蕪詞聊抒葵向是爲序

河南候補知府王公蘭居傳

光緒戊戌補林 朱名焯 平陰

公諱善澤字蘭居世籍東阿幼席家學嗜讀書敦篤有至性和藹其容沉毅其氣研學



經義純粹以精而無幾微遂聲華鶯榮利意識者許爲有道君子遊庠食餼後貢拔萃科朝試優等授縣令呈改教職頻年首荐一廬風雨意泊如也同治甲子以第六人舉於鄉房考王午橋明府繪喬柯毓秀圖用張其門一時名卿墨客題詠爛然同輩胥豔稱之嗣舉南宮策部郎保升知府所至上臺刮目綽有政聲於人所歆羨不置者公輒澹焉若忘以故中間請假歸里歷主平陰陽穀東阿東平岱麓瑯琊各講席所至一以湖州教授爲宗經義之外兼及治事訓致學有實用人有真品文藝之精美猶其末焉者也所著詩古文詞有家法書本顏清臣兼摩子瞻之壘墨筆蘭竹生動蕭散多塵外思遺著多有愈久愈貴非門下士之私言也炤嘗請業至公里第見夫琴書靜雅花石清邃欣欣皆含道意繼與詰嗣玉如冰如松如益如遊則亦兢兢不敢失尺寸白駒之詩云在彼空谷生芻一束其人如玉入公之門識公之德宜感歎流連而三復不置也贊曰錢塘吳穀人前輩以名翰林爲國子祭酒內廷供奉無役不與位望清華寵眷隆渥駸駸且大用矣夷考其出處進退假歸無慮三數次且久居揚州梅花書院藉修羊

### 續修東阿縣志

卷之一四 藝文下

一六

濟南芙蓉街午夜書店印

之資以代菽水公豈聞風而起歟何風流文采之與進退出處無一不肖耶

度支部左丞陳公麓寶傳

前人

秦嶽清淑之氣蜿蜒而西阨於河以故阿境山水多奇峭鍾毓篤生則于文定周文忠其人也繼而起者厥爲陳公諱宗燾麓寶其字居邑北青苔鋪弱冠有聲出在平崔紹庭先生之門文無聲悅習郟城張先生又驚主講平陰書院公以舊師謁焉炤年尙幼未知嚮慕第聞談者嘖嘖稱羨而已迨光緒庚寅計偕入都斯時公已於己卯庚辰聯捷成進士供職戶部管北檔房受知翁大司農倚若左右手入署必先散署必後天下財政所匯簿書填委鈎考詳審如度器物平秩而後即安間以餘暇晤鄉人之上公車者譚說文藝考正書法誘掖後進娓娓不倦或招之酒座歡飲觀劇而歸和易如此至於度支大政利弊所關犯顏抗諍詞不盡不止又何其強毅也中東之役國債山積翁公引與籌議不加賦不增稅易賠爲償借列強之款以賠日本籌全國之款分年六十以償債國咨商疆吏酌提丁漕平餘以資彌補無累小民各省按時分匯上海道轉交



掣收後報部存案一轉移間化有事爲無事同列好事者類多齟齬遂萌退志假歸未久翁公累函促出山至庚子歲仁和相國掌戶部聯軍犯京師兩宮西幸朝堂一空公則日出都門一步非死所也及奉召赴行在隨轡歸有詢及在都情形者公又曰不害怕非人情也遇難無怯語免難無矜容蓋所養者深矣仁和相國奏對謂天下財政在陳部郎一人胸中是以連丁內外艱未及服闋敦迫還京不收缺不食俸要政備諮詢一考察日本財政一查核各省大清銀行終制升授左丞國變後以餘資萬圓捐入財政學堂送眷還籍自入嶗山習靜逸民之高致遂與海山相輝映矣

贊曰公服用儉素類寒儒惟好聚書每日夕退食必紆車海王村遊諸書肆遇所好者載以歸不必精槧善本第用之適日日市之爲數已夥每歸里所輦運者皆是物也炤居京苦無書常詣借讀偶爲所無數日復晤則日向欲觀者今購得矣此雖公之一端亦可見名臣碩儒其宏獎風流者深情固無限也

周節母湯太恭人傳

癸卯舉人 高紹和 邑人

續修東阿縣志

卷之一四 藝文下

一七

濟南芙蓉山午夜書店印

湯氏湖南益陽縣人戶部四川司郎中湯鵬女知縣候補江蘇同知晉階授奉政大夫周光斗繼室贈初封宜人後以子雲晉道員封太恭人先是文忠公與郎中公交最篤同寓宿州因申之以婚姻後奉政公久宦不遂卒之日旅况蕭然太恭人念家田數頃歸可無虞衣食然宿俗獷悍且居鄉不便於子之讀乃攜家就兄道員小秋公於江甯小秋公篤手足之誼視孤甥加愛憐朝饗夕殮內外同堂母子相依爲命者多歷年所太恭人愛子情篤無微不至然慮其荒於戲而漸染遊靡之習稍有蕩軼必不寬假察讀書勤惰尤嚴每自塾歸必令挾書問今日所讀者幾何試誦無差乃已否則訶責交集雲嘗見中表兄弟衣服麗都羨之有言太恭人怫然曰吾聞之汝父汝祖成進士後入京候選徒步千里至京以易賣卜於寓得錢五十以自資泊歷建節鉞燕居終無改大布之衣汝不思刻厲攻苦以上繩祖武而豔浮靡之習乎雲由是守節儉終其身太恭人性嚴毅意有不合必聲色加之雖母家諸子弟不肯假借綽有父風焉然遇事可否立斷不少遲疑尤能持大體雲嘗患嗽疾幾殆矣延醫爲齊有麻黃三錢小秋公難



之太恭人曰不藥亦死冀有萬分一耳服之竟痊無何小秋公拜備兵雲南臨安開廣之命治事需人欲雲往以道遠未有以言太恭人命雲勿憚遠行藉以答甥氏教養之恩且以自奮於功名之路乃赴滇未幾其舅母以不勝瘴癘病而思返江甯雲送歸至甯已十月矣太恭人見之喜曰汝能萬里送汝舅母平安歸來雖誤秋試我固不恨其深明大義雖士君子無以過也泊雲通籍後自京官改知縣抵任太恭人諭曰好自爲之闔以外之事莫語諸內我惟含飴弄孫耳春秋六十有七染時疾卒會典因夫受封守節者不旌表所以教士大夫之家守禮明讓也緣是未嘗請於朝然雲服官數十年晚歲卒完大節其得力於母教允爲世家之光云

### 墓表

我疆孟先生墓表

明御史姚恩仁  
撰李人

學士大夫談聖賢之學者皆曰齊魯復有孟子蓋謂我疆先生云先生諱秋字子成號我疆世爲山東茌平人徙居安平鎮先生生而奇穎有大志少從里師授毛詩至桑間

## 續修東阿縣志

卷之一四 藝文下

一八

濟南芙蓉街午夜書店印

濮上乘書不竟學聞邑先輩宏山張公爲陽明家言執弟子禮問業發憤下帷即家徒壁立晏如也安成鄒公善督學山東得先生大奇之曰孟生固自超也弁諸生首庚午舉順天辛未成進士得昌黎令昌黎故邊邑苦駟傳徭役糧馬不支公一切爲民更始父老胥相慶曰仁哉吾侯其古之循良暇則進諸生講良知學自以月俸館穀不費官帑錢士亦颯颯奮起邊繳猶鄒魯然諸台荐以十數上僅遷大理評事去之日父老子弟泣留遮道至有鹿銜先生裾亦有戀戀不忍釋者署廷尉兩載以平允稱贈父如其官母封孺人已卯轉職方領山海關事時關政久弛妙簡才望者以往奏給特救蓋異數也先生至則嚴議察裁供應竟爲忌者所中尋外補衆論譁然先生無愠色迺乞休歸道經昌黎昌黎士庶迎之境莫不欷歔泣數行下歸而卜築第村門著書有終焉之志賢士大夫道安平者式廬詣謁干旌相望或依依數日不能去甲申以直指黃公薦起刑部主事尋升員外郎丙戌遷尙寶丞諸搢紳先生以一聞警咳爲快己丑升本司少卿浹旬而卒嗚呼傷哉先生篤學好行苦節清修以名儒起家以廉吏終本之所由



來豈淺鮮矣所著有二明一脈明儒經翼諸書行於世先生以五日生後贈評事以五日卒故終身於是日廢讌集乃孺子慕也事其兄友愛篤至雖老且貴若不敢雁行進者享年六十五卒之日不及殮傷哉貧也不佞觀風齊魯得先生遺行文諸麗牲之石表之曰明儒宗我疆先生之墓

六品銜振遠殷公暨配郭安人墓

陳宗燾

余旋里之明年殷君含章造門拜手而言曰自先人棄養今已浹歲惟是墓碑未建時用惴惴與子謬稱相知倘肯辱賜以文使昭來茲豈惟台小子是感先人實嘉賴之余辭不獲命爰就所述誌梗概焉六品銜振遠殷公諱允鐸世居阿邑舊城家本望族自少習詩書夙聞義訓及長敦孝友不怠父性嚴稍不如意輒壯聲譴訶公先意承志常能得其歡心兄弟三人公居長父母有不悅於他人往往責備長子公負罪引咎柔聲下氣至歡愉如初乃已與弟同居怡怡毫無間言因食指繁析箸後朝夕過從觴豆相招友愛至老彌篤居鄉排難解紛拯災恤患視人之緩急如利害之切於身不爲籌畫

續修東阿縣志

卷之一四 藝文下

一九

濟南芙蓉街午夜書店印

萬全不止其勢不能萬全者亦必勉盡心力而後安蓋謀事之忠素如此當成豐辛酉紅匪猖獗公聯絡十數村爲魚山團盡心運籌始能保衛一方因此得獎六品銜配郭安人邑恩貢郭景伊之女幼婉婉嫻姆教長來嬪相夫子順事舅姑尤虔姑多病慮無以事祖姑巨細委之安人祖姑適病疽呻吟牀蓐年餘不能起安人侍湯藥供甘旨謹護持時洗濯瑣屑靡不躬親間或他人代之祖姑彌覺不適祖姑嘗謂姑曰汝久病難顧我我不意享孫婦之孝如此無何祖姑歿姑病益篤安人一以事祖姑者事姑姑非安人在側亦多不稱意也母家中落安人分紡績之餘歲時餽遺繼屬母不知貧母病革安人已將附身衣衾等物預爲購製當時親友在旁同聲太息至有感激泣下者後里黨褒其行實援例以孝歸請旌識者咸謂不愧云哲嗣含章公余少年同學友也汲汲以闡揚先德爲務其不墜家聲可知余故爲表彰一二以答其意而系之銘銘曰善積名彰德厚流光生不食報後乃永昌河水之旁香山之陽此碑簪時水遠山長

貞惠先生鄭公墓表

舉人高紹和 邑人



世伯敏齋鄭公鄉諡貞惠先生吾阿邑西偏一方之山斗也幼敦敏負大志不幸早孤又值黃河北徙縣境當其衝繼以髮捻亂家無甯處由是儒業中輟然公性嗜讀書奔播之際倉皇中嘗手不釋卷尤篤好觀史故能深明應世大略平生嘗自方呂正惠蓋有味乎其小事大事一言也光緒十一年以公舉爲本村村長頻年水患居民甚困又縣境當南北孔道多徭役公任事即節浮費請減遠差災區賴以復蘇十四年河臣張公飭築格堤以護漕渠承辦委員以受賄故屢遷堤址漸偪本莊公確知堤可以賄移第念營私非君子事乃具稟圖赴省懇張公復勘自公去而旋反五日內莊北已開工蓋衆委怒公上訴兼恐事機中變也後數日莊北工止堤竟移諸父老額手相慶謂非公不畏疆禦正氣動官府不至是是舉也有乾九二之德焉十九年創修臨黃河民堰事連壽陽平阿四境地勢不同議久稽自公出會辦而衆心一大工用成蓋鄉望素孚故也二十一年官爲蓄水濟運故借五里白洋等村窪田屯水大爲民害公稟請東撫李公就決堤放水處建石閘以時啓閉李公允之是後運道民田兩有裨益二十七年

### 續修東阿縣志

卷之一四 藝文下

一一〇

濟南芙蓉街午夜書店印

歲荒多盜行團防法公奉縣諭辦五里等十一村合團邑令李公知公清慎君子也命總理之公事事認真而防務以肅李公去任親書德被閭閻匾額褒美之蓋盛舉也公辦公二十年廉正信於上下四鄉被德咸願奉匾以伸感情公堅辭弗領其不務榮名類如此公以宣統元年十一月二十日卒距生於道光十八年十二月二十二日享壽七十有一余與公長子統三子天章交最久而公之遇余亦於衆晚輩中情獨厚以余知公之深今表公之墓僅舉處困而能成已應衰世而於物有濟者記之若夫孝慈之篤庸行之謹久爲人稱慕而則效者茲不具述云

#### 剛毅先生鄭公墓表

邑令方家永

先生諱天統字子卿敏齋鄭公之長子也清優廩生賦性篤實剛介生平最慕司馬溫公之爲人卒而鄉人諡之曰剛毅先生平居以淡泊自持不慕榮利雖列膠庠食廩餼非其好也其教人以躬行實踐爲宗旨不汲汲於詞章科舉之學與人交惟察其品性絕不計及勢位苟品性端方雖布衣必敬憚之不然即萬乘公相恆鄙夷爲不足道嘗



訓子曰吾欲子以善養不欲爾以祿養也其志操之堅定如此此其所以爲剛毅歟其處家庭也不惟於定省溫清之常不敢稍忽而視無形聽無聲先意承志務得親之歡心而後快以故家人子弟莫不爭效其所爲敏齋在日即屢以謹慎許之其母張孺人素多病服侍尤謹深夜微不豫即蹴衾而起問所欲言而敬進之按摩抑搔待熟寐乃止盛暑則移榻爽塏扇枕驅蚊每至祁寒其母恆坐臥室中不能出戶則侍讀三國演義等小說以消遣其抑鬱惟母性嚴厲家人偶有小失輒震怒苛責即先生亦或不免然起敬起孝愉色婉容終未或須臾稍改其常度也其處鄉里也以卹老弱周貧乏爲首務不侮鰥寡不畏強禦少年橫逆者即勸令自新怙惡不悛者則加以懲創故鄉人相戒不敢爲非彼梗頑之薰其德而善良者今率得有安樂之家庭里中偶有爭端必先造其家請先生判曲直四鄉亦然故終先生之世鄉里罕有起訴者其鄉地勢窪下頻年黃水爲災先生聚鄉人議曰吾鄉可於豐稔之時捐穀備歉於是先捐若干以爲倡迨凶年則分給貧乏力能償者收而儲之老弱失養者概不取償蓋欲仿朱子社倉故

### 續修東阿縣志

卷之一四 藝文下

一一一

濟南美善街午夜書店印

事行之數年已著成效惜人多憚煩事遂中輟其辦公益也遇有公款視家財尤爲撙節事無大小均不肯妄費一錢用途如何必榜之通衢俾衆週知如先生者即後人之好模範也惜天不假年壽僅五十有七而終民國七年桐城方公家永來宰阿邑先生之行狀因得備觀遂爲之銘曰矯矯先生不飾邊幅無道卷懷銳意克復英年求學不志於穀恂恂鄉黨孝親睦族誠以接物德容淵穆莊以持已得力慎獨吁嗟先生兮浩浩其天祖塋之旁兮蔚蔚其阡西枕碧流兮東臨桑田此皆先生所浴詠而手植蓋以利其嗣於萬年

#### 行狀

#### 先大父文忠公行狀

翰林周雲邑人

先大父文忠公之病歿王市集軍次也時爲咸豐三年九月十五日先二日以皖撫李中丞嘉端奏賊據安慶請調援兵奉 諭撥兵由桐懷一路擇要進剿當力疾覆陳所帶官兵二千名除派往廬州派在永亳一帶剿匪留守固鎮者赴穎祇帶兵二百名難



再撥派因通籌皖省大局不在增兵增餉而在將兵之得人遂論前之不守巢湖裕溪口致無爲州運漕鎮漕米十六萬石爲賊運往江甯及務守集賢關不守安慶廬江可避賊而不可攻賊之失策既拜章病加劇集行營將領語以殺賊報國屬軍事於知府張清元遺疏入奉 上諭前任漕運總督兵部侍郎銜周天爵由知縣擢任封圻退歸田里朕御極後知其人秉性忠直勇敢有爲特命前赴廣西督辦軍務嗣奉旨來京疊次召對議論極樸實其心地品行迥超流俗本年特加兵部侍郎銜旋補授安徽巡撫辭職後復督帶兵勇將擒首陸遐齡等擒獲並將餘黨殲除辦事甚屬認真見在皖省土匪未靖方資剿捕遽聞溘逝軫惜殊深周天爵著追贈尙書銜照尙書例賜卹並著加賜諡文忠無庸俟內閣照例擬請歷任一切處分悉予開復應得卹典該衙門察例具奏以示朕篤念耆臣逾格褒榮至意欽此病時嘗語世父諸人曰我歷官十五任享祿三十年天恩高厚未能圖報無政事可述無動勞可紀亡之日不可求時賢作誌傳美詞欺世若違吾命是不以我爲有知也其時邵陽魏先生源方隨軍世父諸人遵前

### 續修東阿縣志

卷之一四 藝文下

一一一

濟南芙蓉街午夜書店印

命固未敢有以請至今逾八十年矣適邑中修志徵及吾家孫雲爰稽之金匱石室之信而足據者書伐閱行義以告如狀吾周氏先居孟家海繼遷竇家營其地皆領於東阿故世爲山東東阿縣人焉我五世祖諱楚玉於公爲曾祖高祖諱近仁於公爲祖曾祖諱廷選是爲公考皆以官總督時 誥贈榮祿大夫五世祖妣氏王王韓高祖妣氏李皆 贈一品夫人 誥封一品太夫人曾祖妣氏李實生公兄弟二人而公居長公字敬修號檀菴中式嘉慶丁卯本省鄉試舉人辛未成進士以知縣歸部銓選授安徽懷遠縣知縣調阜陽遷宿州知州廬州府知府廬鳳道由廬鳳道授江西按察使調安徽遷陝西布政使自道光甲申選懷遠中間按察江西未及至以至丙申擢藩陝西十有三年始去安徽而在皖北者十一年懷遠患鹽梟土棍之縱橫舜耕山炭窰實爲淵藪躬往獲其魁置之法榜其徒數十人之名戒以自新改則已不悛披籍時懲之遂戡境內晏然邑瀕淮夏秋漲溢於西南鄉者寬至三四十里長倍之勸修郭陂塘築龍王壩捐廉以爲之倡開稻田至萬頃害祛而利大著暇則歷鄉校擇其子弟之秀



者聚而教之於書院告以窮理盡性之學必本於孝弟忠信道不遠人聖賢不絕人以可至不二年士競尚於躬行而以詞華爲末事焉阜陽俗視懷遠加獷無賴之徒挾白刃以爲豪結黨連羣以自恣睚眦殺人莫敢誰何所謂戈刀手也得則無赦不半載而積俗一革民有夜不閉戶路不拾遺之稱言官乃以非刑斃命至七百餘人相劾宣宗成皇帝震怒命兩江總督查辦蔣制府攸銘委查知言者之過甚其詞而輿情之深治以愛民如子疾惡若仇覆奏仍請照例交部議處奉 硃批此等不避嫌怨之員最爲難得毋庸議處著送部引見由是荷前席之咨詢期之大受矣在宿州二年民有欲言至庭逕陳不俟牒訴若家人然故閭閻之隱無不達宿爲南北孔道陸轉賦調車出自民胥吏因緣爲奸坐以破家者纍纍公首捐廉紳富相勸競輸發典生息差至以平直顧募刊石示禁永免額車之徭廬鳳道裁符離蚌埠小關以便行旅懷遠壽州之交鹽臬曰郝起昌者奉 密旨交兩江總督查辦陶制府澍以屬公公覆曰起昌誠懷壽間桀魁名雖章無發其惡者其儕數百皆壯健欲得之必臨以兵罪既不著不

### 續修東阿縣志

卷之一四 藝文下

一三三

濟南芙蓉街午夜書店印

合殲夷迫之必抗拒抗拒則將淨其根株如是且波及良懦不如許以不死諭令自投因散其徒黨各爲之所事在綏靖地方而已制府避公言謂可便宜行乃手書遣使諭之起昌始謂行名捕已也集衆以俟使至讀諭乃大哭謂其衆曰我等有命了周大人非欺人者也遂自縛來投因請戍起昌於西邊籍其黨咨請壽春鎮分隸各營充伍舉積年之隱患不試弓矢不震閭閻一旦而渙之公之爲治視其宜而爲之張弛如是故陶公以爲深達政體也自安徽赴陝西行抵潼關奉署理漕運總督之 命時則十七年五月也糧船水手桀驁悍恣自淮抵通以械鬪殺傷聞者歲且百餘起起或數十人或數百人又有假水手之名跟幫乘而劫掠者沿河居民苦之十五年朱總漕爲弼議定章程奏明至奉 嚴旨期儆奸邪而肅漕政公既陞見後邇至韓莊受事念人情非有大不得已者何至憤不顧身遂出示曉諭水手果有難解之仇准控訴爲伸理敢私行報復者一律正法復示諭沿河居民水手已按名點給腰牌不得去堤一步有不遵即行扭稟凡無腰牌而事劫掠者盜賊耳任格殺不逾月而河道肅清村民安堵矣次



年督運北上至臨清河水淺直隸總督琦善以無剝船奏請截漕於臨清倉公不可堅持必進用挨排混江龍法節節疏濟至九月全漕抵通尙早於往年數日入觀遂荷實授督漕二年整飭漕務之餘兼訓練弁兵技藝漕兵向以脆弱稱至是乃號精壯於是湖廣林制府則徐以欽差大臣赴廣東查辦海口事件乃 命公自總漕往署在署任奉巡撫河南總督閩浙之 命以福建瘴癘之鄉親老不便迎養上陳調授湖廣督湖廣二年念江而遼闊盜賊出沒漢口鎮水陸交湊椎埋之所窟穴上游襄陽左右川楚教匪餘孽未絕首以是二者爲務於察吏則舉賢除竊於經武則明恥教戰日日求之不倦事有宜爲身以先之必不諉過於人吏或不職雖憑藉勢要亦所不貸有以第綜大綱爲勸者則曰是有德者所爲也吾無德蒙 天恩簡擢至此冀多盡一分心減一分罪耳常荷 褒諭曰天下督撫若能皆似汝之不避嫌怨盡心國事何患良不安而暴不除吁朕不能多得其人實堪憤恨也感激殊知見惡務去遂有孔廣義稟計之事公自以違例用刑請先革任得 旨俟吳其濬等審明定案後再降諭旨迨欽差具奏

### 續修東阿縣志

卷之一四 藝文下

一一四

濟南芙蓉街午夜書店印

乃遣成伊犁廣義者大治縣知縣雖由不具名揭帖列款告言而委查皆實匿名文書例不得究揭款非虛亦法難容隱會撫以聞欽差乃先以濫刑滋擾爲詞繼而奏稟計情節人因謂公宜辨且舉往劾荊宜施道之由以證深文之批引萬城大隄荊郡保障所繫荊宜施道陶某請帑十萬加高加厚允之報竣履勘則隄上旣無覆蓋之土隄下又無取土之坑猶待其自滿諭以趕緊培修俟宜昌閱兵後復驗及再勘而隄上隄下依然如故乃加參劾奉 旨革職著賠陶與吳姻戚也公曰升遷降罰莫非君恩南北東西皆是王事惟自不戒慎將不應辦之事而辦以取罪戾貽老母憂堪痛恨耳有何辨自湖北行抵河南之許州奉河南巡撫牛中丞鑑行知奉 旨釋戍赴廣東軍營時則二十一年三月廣東軍事方亟允靖逆將軍奕山之請也至二十二年六月 賞四品頂戴以知府發往江蘇赴清江浦防堵初公之自請革任也尙奉嫉惡過嚴原應若是之 諭及欽差續奏廣義稟計各情則有前已革職遣戍無庸再議之 諭故轉瞬賜環任用至清江浦和議已成而糧船先因長汝梗塞不能挽渡水手腐聚於江北爭



執口糧路費爲詞 朝廷慮之乃加公二品銜署理漕運總督水手聞公之來則不復  
囂且自奮請從軍公令安靖渡江俟召再集於是十萬之衆帖然而去捻首馬宗禹等  
出沒於蘇皖豫三省毗連之地奉 命捕之桃工漫口總河麟慶獲咎去又兼署河篆  
先是在鄂將行慈親李太夫人年且九十慮驚高年則詭詞以告調督兩廣地瘴甚閩  
請先回宿州寄寓既奉改發廣東之 命因請牛中丞代奏取道安徽省親後赴粵行  
抵杞縣而聞太夫人病終清江浦之計搶地痛哭絕而復蘇復請奏報丁憂荷 賞假  
百日穿孝然以獲譴之身假期至促匍匐奔喪不及營葬而行自是赴粵赴蘇兼攝漕  
河皆以金革未訖國家多事未敢言避至是漕船歸次馬宗禹就獲桃工合龍乃奏請  
葬親終制因葬李太夫人於宿州之閔賢鄉在宿八年至庚戌十一月奉署理廣西巡  
撫之 命是年 文宗顯皇帝御極後召公六月入京迭對進言大要以至誠仁愛  
爲本求賢育才爲先 聖意欲留在京辦事而陳年老力衰難任長職短差則不敢辭  
乃許還宿在家奏事而粵西羣盜猖獗鄭中丞祖琛以罪罷 命欽差大臣前雲貴總

### 續修東阿縣志

卷之一四 藝文下

一三五

濟南芙蓉街午夜書店印

督林制府則徐署廣西巡撫無何林大臣歿於潮州途次遂 命前兩江總督李制府  
星沅爲欽差大臣公署巡撫會同勦賊咸豐元年正月抵桂林乃奏曰夫惟疆吏賞罰  
混淆多次戕官之案無不匿報獲賊又多方護惜自生疑畏改重情施以薄懲減擬軍  
流以致逃回愈熾賊膽愈張兵弁少知奮勇者束縛至急而責以馳驟有把總責賊四  
十棍而獲遺罪者以是賊益張兵愈怯被害之民控搶劫姦淫如訴諸木偶而銜冤號  
泣之聲各散諸風雨盜賊習知官府之不彼與也益從而讎脅之民不任其苦知官府  
之不足恃也亦遂靡然而從賊盜賊益無所畏而劫殺日頻百姓益無所恃而從賊日  
衆賊氣焰正熾又皆踞水陸之上游其最兇無如大黃江一股爲尙地會之首逆韋元  
蚡等自道光十三年謀爲不軌稔惡於今蔓延南甯太平數千里皆占踞險阻爲扼吭  
拊背之勢又善於抄伏於羊腸險徑人馬單行衝中截後伏兵四起其拒戰之法先以  
火罐亂我隊伍繼之以藤牌堵牆而進再以竹鍼刺我之鈍刀短矛而以大礮施諸短  
兵之中我所恃惟有大小火器均因膽怯遠放不能得力蓋我兵全無護身之具惟以



赤身搏戰而彼既多藤牌又木石架支人馬藏躲則雖兵多勢衆在在難勝者也設一蹶不復川楚之禍必將再見於今而國事危矣至是 上始知粵西釀禍原委與賊勢未可輕視因 命已革巡撫鄭祖琛毋庸仍留軍營即令回籍迨三月賊自焚牛排嶺竄據東鄉三里墟又奏曰賊無食鹽烟硝欲拚命速戰潰圍北上見在賊情章政洪秀泉馮雲山楊秀清胡以沈曾三彥頭目數十人而洪秀泉馮雲山爲之最其營皆散處戰亦散布即敗不至大創皆猾賊之尤者此時兵力不足宜專理坐戰之法力有餘則連營偪進總以大圍收城小圍步步逼緊使之步步縮歸其至計要在軀諸羅濠洞聚殲之若猝然擊之縱獲勝仗必有竄逸逆匪見在暗中四面分竄恐成流賊之勢是一戰之功小致賊四出之罪大也而主兵者不暇通籌全局第求速戰故有會請特簡總統將軍來粵督辦之奏賽相國銜命出京視師矣李大臣既歿公雖奉專辦軍務及暫署欽差大臣之 命終以兵力太單兼之鎮將不和賊遂自武宣流入象州於是奪總督銜回省暫署巡撫又念公年近八旬久居瘴癘之鄉命卸撫篆後即行來京到京迭

## 續修東阿縣志

卷之一四 藝文下

一一六

濟南芙蓉街午夜書店印

蒙 召見旋因南河豐北漫口 諭赴工查勘仍前在家奏事因以察勘大概情形入告敘述工次辦法不合之狀兼請撫恤饑民改錢賑爲粥賑酌截南漕以作賑需雖鈔發原奏令籌而任事之人不盡從也至次年桃汛既臨甫放引河兩次走占終於展緩霜降後補築至壬子十二月武昌被陷蘇皖皆震 命公協辦安徽團練防勦事宜初指在小孤山設防復加兵部侍郎銜會同安徽巡撫辦理軍務公方以正陽關居淮河之中爲廬鳳必爭之地奏請擇要防堵而安慶已陷即 命署理安徽巡撫旋實授安慶既失自江以北與黃河南北號爲羣捻結股者每股或千餘人或數百人所在梗阻乃捕獲捻首牛文禮梟示以懾其餘則徐州黃河以南人心稍定又飭員弁分路勦捕申明團練章程俾紳民得以協力殺賊毋虞文網羣捻始有所懼道路漸通當是時好亂樂禍之徒若燥薪之趨火勢固岌岌不可終日微一拘牽濡緩則熾騰而燎原矣既奉撫皖之 命因統籌全局形勢防勦機宜兼辭新授奏曰逆匪竄入長江連破楚皖省城直犯江甯如入無人之境其故賊踞上游水陸並進蔽江而下我兵以下游當之



無不立破此形勢之一誤也論戰之法陸路用車馬水路用舟楫洞庭長江上下木簞船隻俱爲賊有聚泊漢口多時匪徒號稱數十萬持滿而發而我兵總計不過數萬即使聚集一處全力迎擊已難制勝乃自黃州以下至金陵沿江千餘里西隘數十處更無木簞戰艦但以陸路弁兵分守各要隘或千餘名或數百名零星散布如同兒戲一旦大隊賊來如風掃葉此機宜之一誤也臣竊觀我朝自用兵以來未有味形勢失機宜如今日一誤再誤之甚者見在賊犯江甯絕我運道阻我鹽關一切糧米課銀盡資盜糧京師倉儲庫項官俸兵糧仰食江南者十之八九儻江省再失賊必畫江而守以彼強富之徒犯我空虛之境賊勢分竄南北靡定不可不統籌全局豫爲防勦之計亟請特簡親信重臣統帶大兵由中路進取一面檄調廣東水師義勇前來兩路夾攻會剿一面團練由江皖豫四省連疆勁勇保護黃河各隘口遏賊北竄之路臣與呂賢基等統帶兵勇左右其間以滅逆醜而彰天威惟安徽巡撫任重事繁日不暇給加以收集散兵安撫人心在在均關緊要臣年衰朽承辦江北防剿事宜吏治兵機勢難兼

### 續修東阿縣志

卷之一四 藝文下

一一七

濟南芙蓉街午夜書店印

領應請 旨簡派明幹大員獨任其事俾臣得專責成所有團練事宜臣已遵 旨行知四省附近連疆各地方官認真辦理乃 命仍以兵部侍郎銜辦理江北防剿事務金陵又陷羣捻益張而以陸選齡爲最至領有粵匪旗幟記在定遠一帶聚衆遙相應應公所部惟截留曹州兵二百兗州兵二百加以新收張鳳山義勇數百而已躬率而往不及二十日選齡授首黨羽亦殲除殆盡因奏曰臣於二月二十五日統率遊擊劉玉豹等帶領兵勇千餘名向定遠之荒僻橋進剿道出懷遠先後斬獲捻首五十四名三月初二日始到定邑北鑰橋距荒僻橋四十五里探悉賊匪於朱家灣張橋等處裹脅飢民共有四千餘人沿街焚擄初四日該匪輦賊而歸賊巢俱在李家岡左家店戴家店三處距荒僻橋尙在十五六里當札壽州知州金光筭等分三路進攻賊衆突出迎距兵勇槍礮齊施殲賊甚衆賊向左家店逃竄忽有伏賊三百餘人奮迅來援兵勇與之相持臣揮令各隊齊進殺賊五六十人將左家店賊巢焚燬燒死之賊無數時已黃昏官軍即在戴家岡駐紮初五日夜賊敗奔莊木橋經金光筭督率練勇生擒陸



雙齡陸繼恩等十餘人賊蹤西竄臣至莊木橋與金光筋晤商布置於初九日折回鑰橋探報捻首陸遐齡父子等十餘人俱在壽州甘羅廟藏匿當派守備信長慶帶兵前往會同金光筋及定遠縣知縣郭師泰等合力搜捕該逆等轉戰十餘里力竭受傷悉行就縛當將陸遐齡及其子陸聚奎陸連元凌遲處死其餘逆目李邦落等十二人一併梟示犯事地方以快人心於是荷辦理安速之 褒及珍物之 賜在事出力人員遷擢有差尋而揚州之匪竄陷滁鳳由懷遠西趨蒙亳公由皖援豫即先函致河南巡撫陸中丞應毅屬其固守歸德牽制數日俟帶兵趕到必可夾擊殲除詎意陸中丞宋集一戰軍潰歸德遂陷公方馳抵永城即聞賊已分二股一走劉家口一趨汴梁劉家口距徐州三百餘里黃河一水可通西南蕭揚兩縣亦陸路處處可以分竄自堯濟以南惟徐州爲中路鎖鑰因馳抵碭山黃河南岸專守中路即奉 旨扼守徐州妥爲布置遂由碭折回徐州會同宗室侍郎奔經以扼要設防情形奏明而潁郡捻匪競起最多者無如亳蒙及阜陽之西南鄉在徐布防既定即躬赴潁郡進剿復探聞揚州之賊

### 續修東阿縣志

卷之一四 藝文下

一一八

濟南芙蓉街午夜書店印

困極思竄則皖疆是其要道固鎮逼近洪湖南北衝衢實爲徐宿門戶是以駐守固鎮當援豫之行以年且八旬之身日夜馳驅衣不解帶者二十日身不安席者八日遂患脾瀉之疾至駐固鎮益甚然自返徐之後方且檄飭官紳協力剿捕疊報斬獲多級至九月初旬扶病赴潁抵王市集而病日增王市集者爲阜陽蒙城亳州界連之地陳學曾紀黑壯等糾聚黨與至四千餘人因駐軍分布剿捕之方不數日遂不起矣年七十有九公爲學宗姚江致良知良能之說窮究性命之理必根於誠必止於敬而必主於無欺自居鄉里以速服官自牧令以迄於兼圻持節未嘗或渝此志志之遂與不遂則世運之否泰繫之而力之所可及者終求其必達不逆計一己之進退不曲徇一時之愛憎蓋嘗先天下之憂而憂也粵西之役初至即慮踵川楚終見於永安之竄距公去軍纔數月耳皖北之役集千餘倉卒之兵治麻沸揭竿之盜非恩威夙積乎人心宿徐一有動搖則北顧之憂且大誅陸遐齡輩猶效之易見者也公推誠以與人執法以懲惡能得侗儻非常之士而必不容貪冒無顧忌之人張忠武國樑之始自歸也一時疑



之者衆公知其忠勇足任保護備至終拄危局東南半壁倚若長城賊舉人紆青公以其有膽略特疏舉之因率練勇剿賊馳驅於皖之南北者二年至特旨予以通判補用而辭以願赴會試不敢驟邀官職賊既戰殞桐城張亦戰殞丹陽廬州府知府胡元煒聲名狼籍公具疏嚴劾期置之重典始而皖撫不肯會銜繼復以辦理團練得力請予暫緩究辦至廬州之失胡元煒所招練勇先逃身復從賊此皆著在世之見聞者凡漢大臣不由翰林出身與官不至大學士例不得諡文二百餘年惟公一人而已謹狀先妣事略

壬辰翰林周雲

先妣姓湯氏湖南益陽縣人外王父海秋公諱鵬道光時嘗官山東道監察御史勇言事以劾工部尙書宗室載銓叱辱郎中嵩曜爲家裏人部議處分輕請再交宗人府量加議處在奉旨處分兩月之後爲不合回原衙門行走然直聲震當時官終戶部四川司郎中天下之士固無不讀海秋詩文與浮邱子者海秋公歿於京師既而兵事亟外王母羅太夫人舉家至安徽之宿州卜居以先大父文忠公方僑寓在宿外王父在日

### 續修東阿縣志

卷之一四 藝文下

一一九

濟南芙蓉街午夜書店印

與先大父交至篤也於是申以婚姻吾姑母歸吾三舅慎臺公諱信昭吾前母孫恭人既歿而吾母歸府君爲繼室同治癸酉府君歿於蘇州孫恭人生吾伯兄銘盤仲兄銘帶叔兄銘几叔兄爲吾叔父諱光鄂公後吾母生伯姊仲姊雲與幼弟及第仲姊先亡時則諸兄居宿伯姊與雲及幼弟在側而雲始九歲府君久官不遂旅況蕭然母念家有薄田數頃歸可無虞衣食然宿俗曠悍且居鄉不便於子之讀吾四舅小秋公諱壽銘者方以道員候補江甯江甯蘇之都會也挈子女依兄居衣食則艱而使於子之讀乃發書告喪小秋公果遣使來迓既至江甯小秋公篤手足之誼視孤甥加愛憐雲從師受讀不別事脩脯之敬數口得一椽以庇身無賃廡之資朝饔夕飧內外同堂而食無薪米之瑣瑣然不數年幼弟先亡伯姊又以暴疾卒伯兄居家浸尋盡喪先人之產吾母心既屢傷而況日窘相依爲命者惟雲愛之極至於寒暖飢飽必撫摩而詢問之日三四有疾病恆徹夜吁嗟不能眠然慮其荒於嬉而漸染子弟遨靡之習稍有蕩軼必不寬假察讀書勤惰尤嚴每自塾歸必令挾書問今日所讀者幾何試爲吾誦誦無



差乃已否則訶責交集雲讀周禮最苦其重疊窒口故不患且之入塾受書而深懼夕之無以覆誦也嘗見中表兄弟衣服麗都羨之有言母怫然曰吾聞之汝父汝祖成進士後入京候選徒步千里至京以易賣卜於寓日得錢五十以自資泊歷建節鉞燕居終無改大布之衣汝不思刻厲攻苦以上繩祖武而豔浮靡之習乎母性嚴毅意有不合必以聲色加之雖中表諸兄弟不稍假借蓋得吾外王父之風焉然遇事可否立斷不少遲疑尤能持大體雲嘗患嗽疾旦夕不絕聲者數月殆矣延醫爲齊有麻黃三錢小秋公躬自來視曰妹今惟此一兒病若此豈可投此猛藥母曰兄慮誠然然妹意不藥亦坐視其死冀有萬分一耳舅乃太息而去服之竟痊雲之婦江夏陳氏舊姻也婦翁方居官直隸既以力乏不克迎娶母乃挈雲就婚於保定其年吾季父小修公諱光淮卒於江甯耗達母曰吾不惡其往者之略不省視我母子也當攜汝往臨其喪耳及至甯則季父之櫬已歸居無何小秋公拜備兵雲南臨安開廣之命其缺爲新設之海關道治事需人欲雲往以路遠未有以言母乃命雲曰汝宜侍汝舅往勿憚遠行汝

### 續修東阿縣志

卷之一四 藝文下

二一〇

濟南芙蓉街午夜書店印

婦自其母家可居汝此行藉以答汝舅教養之恩且可自奮於功名之路母徒爲贅壻也雲乃赴滇至戎子吾舅母以不勝瘴癘病而思返江甯小秋公命雲送歸至甯已十月矣母見之喜曰汝乃能萬里送汝舅母平安歸來雖誤秋試我固不恨雲既通籍以急謀祿養自京曹改官知縣抵任每諭曰好自爲之聞以外之事莫語諸內我惟含飴弄孫耳雲自念薄有所立固賴舅氏之扶植然跬步之視察晨夕之淬厲約之以矩矱繩檢之嚴絕之聲色狗馬之好實惟吾母之曉音堵口雲得奉承之而弗敢失墜也府君姓周氏諱光斗字星垣以知縣候補江蘇同治乙丑一署句容縣事光緒丁未雲以道員分發湖北北試用自京引見返汴七日而吾母遽以染時疾卒時則四月初五日與府君之喪先後同日也嗚乎痛哉距生於道光辛丑九月二十二日春秋六十有七即以是年卜葬於宿州閔賢鄉之新阡時吾伯兄仲兄皆已前卒伯兄有子二人曰葆慶曰葆盛雲子一人曰蠡雲始名銘恩爲舅氏避易爲鴻恩復易今名光緒己丑恩科中式順天鄉試舉人壬辰成進士選翰林院庶吉士散館改刑部主事遵例以進士



截取知縣分發河南歷宜陽郟城固始長葛內黃臨漳永城縣知縣分發湖北試用道雲官知縣時府君昔已以同知升階例得授奉政大夫前母孫與吾母皆得贈封宜人迨雲晉道員乃得援四品贈府君中憲大夫前母孫贈恭人吾母封太恭人會典因夫受封守節者不旌表故惲子居曰 本朝之制命婦不得以節旌門所以教士大夫之家守禮明讓也雲緣是未嘗請於 朝今際邑中修志之日一息尙存不敢使母氏之聖善遂湮沒而不傳也啜泣陳述以俟闡揚焉

贊

張良遇黃石公贊

庚 信

張良取履跽授無辭兵書一卷長者三期昔稱韓相今爲帝師穀城黃石還歸舊祠 泰安府志

杜游戎捍患贊 并序

王善澤 邑人

己丑十一月日由平陰曉發至湖溪渡口見懸崖崩墜亂石嵯峨水流湍激唇亡齒露

### 續修東阿縣志

卷之一四 藝文下

三二一

濟南芙蓉街午夜書店印

殆哉岌岌隄之未壞者僅一綫耳而卒能維持補救得保無虞詢之士人僉曰微杜游戎則河北一帶浸成澤國矣夫以億萬生民之命繫於一隄之安危而一隄之安危爭於一刻之存沒杜游戎獨慨然以一身任之而又摧折之以烈風暴雨掀翻之以巨浪驚濤雖有賁育之勇儀秦之智計將安施杜游戎乃虔誠拜禱至再至三有死之心無生之路無何天鑒其誠風止雨收蛟龍避舍水波不興億萬生民始安堵無恐是杜游戎一身固億萬生民所託命也功不在禹下游戎有焉榆山仙侶朱君爲作捍患記略並捍患行詠歌其事既已膾炙人口矣予曾勉賦七律二首跋其後今來渡口愴然有感山高水長伊人宛在復爲斯贊以代碑銘贊曰

已丑之秋七月既望大雨時行河水驟漲勢若崩雲形如疊嶂風雷助威莫之敢抗惟我杜公心誠氣壯計較不生忠信是仗一拜再拜彼蒼亦諒豈不揚帆鯨不鼓浪驅鱷斬蛟同茲膽量俄焉風迴淪漪蕩漾億萬生靈得保無恙卓哉杜公一方保障志矢堅貞心甘退讓水誠有神此言非妄見者魂驚談者神王我來渡口倍增悵悵危崖千尋



驚濤萬狀向非杜公魚腹盡葬杜公之功此歌彼唱杜公之德沒世難忘今日游戎他年大將刻劃英姿麒麟閣上

歌

古槐歌

王善澤

榆山學宮有古槐一株在明倫堂前何代所植無可考亦漢柏唐槐之亞也每至其處輒低回不能去欲留題者數矣今來東原時復耿耿暇日走筆爲此凡三百二十二言命曰古槐歌郵寄榆山舊雨聊覆醬瓿云爾歌曰

君不見至聖先師手植檜米芾一贊人稱最又不見端木夫子手植楷老幹如鐵未有害榆山學宮有古槐嶽崑磊落呈狡獪枝葉半死復半生樹老心空倍有情熊彪顧盼魚起伏奇形怪狀難爲名藏穿抱穴烏剝啄豎節山連橫水蹙風吼時作霹靂聲觀者驚心又駭目其下擁腫上杈枒鶴盤遠勢龍攫擊更疑奎宿右手持筆左執斗赤髮鬢鬢亂如麻中有一枝葉扶疏如花術藥驪抱珠乃是天地生機有未盡留此一點作根

續修東阿縣志

卷之一四 藝文下

二二二

濟南芙蓉街午夜書店印

株吾謂此槐何幸生學舍不樵不採春復夏呵護但覺有鬼神栽培那知賴雨化我來雲門已二年時偕執友話前緣此樹往往著靈異不與凡卉共爭妍錦水橋邊關廟側有槐橫亘橋南北對此合稱二難並鬱葱能壯乾坤色少陵謫仙安在哉執筆欲題復徘徊愧無謝眺驚人句石上幾番掃綠苔今來東原閒獨步北望雲門隔烟霧平生愛讀古槐行不數子山枯樹賦戲拈秃筆爲此歌才薄將奈古槐何

世傳聖墓楷樹係子貢所植未知確否按說文楷木也孔子冢蓋樹之淮南子草木訓亦言楷木生孔子冢上是否子貢所樹姑俟參考

戊子二月花朝識於東平龍山書院

虬杖歌

與朱仙侶九兄連句

前人

氣短神疲筋力衰登高十步九徘徊人方笑我老無力山中捉得虬龍回虬龍蟠曲澗谷久一朝竟落野人手野人身世太昂藏萬緣皆空惟耽酒酒後耳熱仰天歎問天無言空騷首從此不患路崎嶇峻嶺崇岡任奔走噫噓雲自白山自青功名富貴赴渺溟止則操卮動挈榼但願長醉不願醒區區虬杖可無用壯心未已時復奮袂掀髯



拂青萍

詩

東阿舊縣

薩天錫

高樹日亭午輕飛燕子風一身千里外孤館萬山中作客辭家久逢人問歲豐村村桑  
柘柳羸馬厭西東

泰安府志

狼溪橋

邑人劉約

誰鑿岷崙補地維五丁天遣自神奇石鯨吸海魚龍恐玉螭插空星斗疑駟馬柱頭元  
有志蹇驢雪裏最宜詩柳陰徙倚闌干外目送清波入鳳池

狼溪橋二首

河東秦昂

狼溪無路接坤維采石爲梁亦自奇萬里他年憐我別百花何處使人疑成功尙憶東  
坡帶傳世還堪老杜詩領袖阿城千萬載清流一派出天池

石梁橫截此狼溪幾度憑欄興不迷水口魚歸滄海近洞門虹繞碧天低風波自信回

續修東阿縣志

卷之一四 藝文下

一三三

濟南芙蓉街午夜書店印

瀾力塵世人驚跨海鯨從此柯亭添故事愧無佳句一留題

春日虎窟山北寺題壁

邑人劉田

九十春光日日風乾坤誰不怨天工登臨遲我渾閑事赤地愁看萬姓窮

秋眺

李直

角巾藜杖出山城野闊天空秋色輕風捲浪花濺石白雨滋嵐氣映池青溪邊獨坐人  
留影嶺畔長吟谷送聲興盡幾回翹首望懸崖欹樹暮雲平

遊隆興寺

李序

背郭隆興寺重來日欲昏樓高留夕照塔古膩苔痕石室佛燈暗松窗貝葉存空門解  
三昧好向坐中論

黃石公祠

邑人劉筌

圯上曾留濟北名漢家帝業物華更山河依舊人如夢愁聽祠前暮雨聲

陳思王墓

前人



千載豪華詞賦才孤墳寥落碧山隈雀臺人去空啼鳥魚浦秋深月自來  
三歸臺 前人

遺址荒涼玉砌傾空傳管子相齊名可憐芳草年年綠長使王孫恨未平  
掛劍臺 前人

季子荒臺古墓傍當年一諾重干將丹心化作臺邊草不似人間炎與涼  
項王塚 前人

清水泠泠抱一丘水聲猶帶項王愁英雄莫問興亡事大物如今不姓劉  
送西庚禪師還廣陵二首 前人

金焦福地舊參禪大曆詩名江左傳逆旅相逢說半偈飛花如雨散諸天  
濟陰秋色染人裾送客南歸佛胤廬楊子江頭一片月澄澄應自印真如  
靈岩寺 李直

岱岳峯西繚繞山千岩絕壁隱青蓮蒼松蔭蔽丹崖日白鶴衝開碧落煙鐸語鳥鳴風

### 續修東阿縣志

卷之一四 藝文下

三四

濟南芙蓉街午夜書店印

滿座竹陰塔影月平川塵襟愛向靈泉滌廣樂遙聞下九天

謁黃石公祠

歷觀山人 張邦教

穀城山下祠黃石香火千年迹尙遺一卷昔聞開漢業數行今喜見唐碑鼠穿敗牖鹿  
連榻鶯轉高枝日滿墀頽礎自橫蒼蘚合欲憑孤詠薦江籬

題虎窟書舍二首

前人

書屋何年構清幽氣結塵地偏心自靜室邇道逕親山月光藤几溪風動葛巾致身須  
努力不愧寓中人

深洞談玄衆棲遲歲月皆書燈分佛幌齋粉伴中齋綠野供閒眺青山愜好懷偶同林  
下語欣覩發新芝

東堯一帶觸目荒涼忽過阿環山疊嶂城市皆有起色喜而成賦

晉陽武全文

到處愁人眼平蕪鞠野蒿突來山凸起抱合雉懸牢石挺拳三略橋飛跨六鼇城頭窺



列宦百里望蕭騷

穀城山黃石

前人

山高砌石首珊瑚看石山頭石拔山草色青青松子赤白雲飛去鳥飛還  
黃留四壁石參天濟北滄桑歷漢年卻憶穀城山下老錯教姓字向人傳

歸臺黃石皆在東阿城外今觀內政素書其旨正同然則公豈天人乎哉天為漢  
放生留侯為留侯放生公公非天人蓋天意也

南充張鑑

黃石空山無四鄰歸臺寂寞起城闌長疑圯上傳書日猶是當年相國身自古風雲同  
有待何時豪傑定無人青編未悟真消息漫羨留侯事業神

楚霸王墓

一劍亡秦力拔山重瞳千載孰能攀秋風蕉鹿行人憾漢寢於今草一班

重九同房甲山遊魚山弔陳思王墓

姚體備

沈流西岸蓼花燠仙梵冷冷出白雲詞託美人餘一賦才如天下也三分野棠秋雨諸

### 續修東阿縣志

卷之一四 藝文下

三五

濟南芙蓉街午夜書店印

王淚寒豆山前幾尺墳知命不留華屋感詩壇弈葉誦清芬

詠喬柯毓秀圖 為王善澤作

清苑人王蔭昌 字五喬

靈椿有蔭丹桂有枝椿何盤盤桂何猗猗蔭育既足芳馨以滋善儲良材毋負明時

同治甲子王善澤以第六人舉於鄉房考王五橋繪喬柯秀圖用張其門一時名卿

墨客題詠爛然同輩胥豔稱之

前題 并序

山東巡撫閻敬銘 山西

古稱為吏者長子孫侈為當時美談蓋漢世郡縣吏多起家為三公者是以吏頗重  
唐張元素嘗為刑部令吏既貴每恥言之孫伏伽亦嘗為大理寺史衆中自道不少  
隱時人以此高伏伽自茲以降科舉日重吏道日輕亦足以規世會也余嘉王叟之  
能成其子非世俗之悶悶於榮利者與之以詩

拔地豫章木杲原俯全傾龍門有高桐百尺孤崢嶸蒼然獨秀儘奇絕駢枝傍幹難為  
榮我披喬柯圖下有秀幹何軒渠翼然欲上凌清虛靈機美陰故絕殊眼明見此碧扶



疏干霄他日思其初

前題

童華

瑞彩日瞳矐堂前官燭紅一鳴得佳話千佛待成功食葉聲猶健簪花格亦工未嘗驚  
寵辱所養幾人同關居代父書榜首書即已名及竟書全榜甚為整暇亦足以觀度矣選士從三殿除書領一城果教成政績  
亦不負科名捧檄心非喜傳經業倍清畫圖憑記取楨幹兆敷榮

前題

朱琛

豫章挺奇秀貴有凌霄志大匠爭搜采舊學益密邃出處好自謀能取在能棄賢哉王  
孝廉早年膺拔萃作貢試於廷百里才可寄歸來請庭訓謂弗苟榮利願足首宿盤懼  
負繭絲治劍氣與珠光菁英終莫祕績學體親心青雲更自致果登賢能書魁名占不  
次維時先大夫適來典秋試高唱首君名歎賞座傾四親題姓字榮棘闈傳盛事佳語  
譜丹青喬柯蔭嘉植具此卓犖姿烏能量其至我生愧不材先志未克繼風木感徒深  
箕裘業恐墜撫此盈尺圖喟然為翹企

### 續修東阿縣志

卷之一四 藝文下

三六

濟南芙蓉街午夜書店印

前題

潘錫恩

澗松方抽條即抱凌雲勢巖竹甫解籜已具干霄意物性且有然况乃士立志王生信  
翹秀綺歲登拔萃念不在溫飽牛刀肯小試芒刃善藏用披雲斫丹桂阿翁尙吏隱令  
子先拔幟振筆自題名棘闈誇盛事人情多浮慕汲汲惟近利少讀十年書未諳天下  
計倉卒立功名有識猶歎喟聞茲恬退風其亦少知愧王生植幹資所志在清貴木天  
翔步遊朵殿纂筆侍雨露深滋培風霜飽磨厲春華即秋實體用本一致彼蒼賦羣倫  
因材使得地度量何相越惟人自位置敢云桃李門五橋為余順天丁酉拔萃所得士願保松筠契棟梁  
任有時勉哉成偉器

前題

王之翰

喬柯密蔭正敷榮玉樹森森繞砌生定識槐庭培植厚百年大器棟梁成射策金門異  
等誇明經才望動京華閒官偏愛青氈業不羨河陽一縣花鳳唳堂中皓月臨兩行官  
燭漏聲沈榜頭姓字親題就不負焚香薦士心已從蕊榜露英姿翹秀程材奮聖時佗



日移根溫樹近杏園採取最高枝

前題

匡源

天門萼萼喧畫鼓鯤鵬幻化挾風雨藥榜親標第一名喬柯豔說無雙譜科名盛事出東阿烏衣門巷照前古不矜三尺譜蕭曹獨抱一經重齊魯嶄然頭角已殊衆仕路行看策華廡豈知花縣阜財絃不抵蟾宮修月斧萬卷重尋食蔗甘十年不負斷齏苦鎖院給事秋風天老鳳鵠雛來接武一見朵雲驚筆妙閣公雅望已心許子也才高父識高巍科今歲重期汝須臾高唱榜頭名入耳泥金勝鵲語一時喜色動羣公點首朱衣同起舞五橋司馬亦好事寫入丹青誇盛舉我聞南昌有佳吏親見孫枝角貔虎掀髯一笑失尖奴走馬催詩煩大府事見隨園詩話彭公家屏案詩蔣心餘先生又聞東萊遇鄭公氣作長虹快一吐五色目迷勝老坡三條燭盡豪承矩乾隆甲子鄭公維嵩知文登縣事分校時語及文風公右文登殊甚衆不然之及東萊解元果呂公瑤也衆乃大服何似君家淡墨濡毫飛自握千均努偶然苜蓿寄微官終遣藜花香老圃珠樹才名繼子安大魁聲望軼公序靈椿會見八千歲少年還是當三五他時管領到蓬山長此喬

續修東阿縣志

卷之一四 藝文下

三七

濟南芙蓉街午夜書店印

柯濃蔭普

附喬柯毓秀圖跋語二則

翰林 崔穆之 在平人

其一

余表弟蘭居學博嘗問業於家紹庭兄歲壬戌以選拔科北上與廷試即館余齋時余方分纂館書肆力讎校每退值對繁聚話稔其俊才績學高軼時趨蘭居亦輒以文事相推若以余爲知言者兼有講切磋之誼試竣蘭居得高標與大令選諸君子僉爲蘭居賀蘭居曰煩劇之任非所素優况夙承嚴命有不可以輕進廢本業者遂改廣文職固恬退之風抑稟承之素已會甲子東省秋闈榜發旬餘日得蘭居捷音都下競傳其書榜事播爲美譚詰之信余固喜蘭居之有志竟成得遂其孝思者至而尤歎天之玉汝於成者作合良非偶也迨蘭居秉鐸臨邑振興儒術日以敦本厲行數大端爲諸生勸文藝之末尙其餘事彼士士人爭愛慕之今春以公車赴禮闈出喬柯毓秀圖見示屬以不敏之詞跋其後閱之則五橋司馬所作尺幅之間宛然



沆瀣噫五橋以先世清芬洊歷通貴而證以蘭居所淵源者無不如繩斯從如轍斯合他日捷南宮步西清蜚聲直上黼黻隆盛當必有移孝作忠者五橋聞之更復何如蓋五橋亦與余爲姻戚好竊以五橋所望於蘭居者爲五橋頌而益以蘭居所受於五橋者爲蘭居勉也是爲跋

其二

進士崔承之在平人

喬柯毓秀圖王五橋司馬爲王生善澤作也生東阿人字曰蘭居余於己未賦歸里居授徒即負笈來其人有深沈度其詩文楷法類皆樸實蓋學焉而得性之所近也辛酉登選拔科壬戌朝考入都於其行謂之曰若非百里才脫與邑令選當改教職爲進學地則唯唯曰已稟庭訓矣旣而果竟踐焉甲子領鄉薦自書榜五橋爲作圖顏曰喬柯毓秀亦科場佳話也余惟世之真秀未有不蘊於樸實者如徒慕榮利逐聲華服時衣冠作蘊藉語習氣漸深入而不返甚且片長急試躁進干時自矜當代之通才已非克家之令子一旦身履通顯又安望能自樹立善全晚節耶蘭居其庶

### 續修東阿縣志

卷之一四 藝文下

二二八

濟南芙蓉街午夜書店印

免於此矣勉乎哉士苟抗志希古微特科名官階無關榮落即文章政治抑猶其末惟敦品礪行肆力本原之地乃爲根柢學耳勉乎哉果克終葆其樸實則所謂真秀也夫而亦不負司馬此圖矣余忝一日長爰綴書各題跋後爲蘭居勵兼爲同學諸子勵

王母池聽泉

王善澤

滾滾浪花瀲嵐光襯有無鳴琴三疊遠清磬一聲孤樹老龍俱化山深鳥自呼詠歸宜緩緩明月滿前途

黑龍潭觀瀑

前人

霹靂起層巔銀河落九天直疑渴驥赴驚起老龍眠噴薄珠千顆碎訇石一拳潭深不見底恐與海波連

白鶴泉訪道

前人

白鶴飄然去在山泉尙清道人能得道名地始留名富貴三更夢神仙一局枰歸來如



有約明話前盟

普照寺看松

前人

六朝松尙在對此最怡神別有一天地恨無八散人雲深師採藥花發我尋春如與石堂遇欣然悟夙因

層雲館觀優

前人

一曲霓裳奏蹁躑出月宮衣冠原假借巾幗亦英雄拔幟風流隊抽身羅綺叢逢場聊作戲翠翠又紅紅

一天門聯步

前人

千盤初起處作勢已峻嶒到此人皆仰方知天可升舉頭紅日近插脚白雲蒸一覽羣峯小俄焉絕頂凌

斗母宮參佛

前人

千手兼千眼來參佛一籠散花原是女得道豈皆男色向空中悟遊從方外探黃庭經

續修東阿縣志

卷之一四 藝文下

三九

濟南芙蓉街午夜書店印

可讀何處問瞿曇

暴經峪觀經

前人

一片暴經峪蒼茫繞衆山紀年疑漢魏結體備歐顏隻字人爭寶千秋石不頑題崖今已徧流水聽潺湲

萬丈崖尋碑

前人

萬丈勢嵯峨登封仰止戈銘功昭日月大筆走蛟龍石裂苔應補雲深字不磨千秋人膾炙風雨任摩挲

三陽觀攬勝

前人

萬壑樹參天憑欄繞樹巔遙分千里色俯瞰百重泉雉堞炊烟返鱗塹冢畫連絃歌十萬戶雅化仰前賢

紅木橋待月

前人

亂峯迴繞處略約一橋橫浪蹙魚鱗細石嵌雁齒平坐看雲萬變時對月三更相遇不



相識羣山互送迎

迴馬嶺振衣

前人

青雲期直上豪氣未全除嶺縱號迴馬人還比貫魚隨身幾兩屐代步一肩輿能進不能退清風已滿裾

對松亭賞奇

前人

佳氣鬱蒼蒼排空翠蓋張中天開一線兩壁湧千章盤曲龍疑戰攫拏鶴欲翔紅塵飛不到風月任相羊

南天門遠眺

前人

天門一縱目芥蒂不存胸襟帶連吳會彈丸狹魯封空空消衆慮點點笑羣峯俯視渾無際微聞下界鐘

日觀峯曉望

前人

一朵赤霞蒸熹微日漸升未成丹九轉已破浪千層火齊三分耀金波萬點徵扶桑看

### 續修東阿縣志

卷之一四 藝文下

四〇

濟南芙蓉街午夜書店印

咫尺瞬息快飛騰

養雲亭高歌

前人

盪胸吟未已到此暫盤桓一握天如笠三分地似丸星辰恍可摘俯仰孰云寬便欲乘風去鈞天聽廣寒

仙人橋題詞

前人

仙人太狡獪鞭石竟成橋飲澗虹雙落籟雲路一條下臨疑無地上出即重霄惟有清風過常將明月邀

捨身臺題詞

前人

守身君子重無故肯捐軀徒死原無益輕生何太愚縱祈神默佑難保事非誣惟守臨深戒猶能全髮膚

孔子小天下處題詞

前人

山東有三大德望實兼之不勝望洋歎彌深仰止思高墜原莫並涯涘孰能窺登岱與



觀海斯文全在茲

秦始皇無字碑題詞

前人

篆刻分明在此碑何獨無休疑函是玉有類積藏珠愧乏成功告終鮮聖德敷誰攜椽筆補風雨認模糊

清明偕友遊山至白鶴泉而迴

前人

近來詩思太醜醜鐵硯塵封筆不毛昨日上山無一字但餘豪氣比烟高

十月初六遊函子峪

前人

木葉蕭蕭捲地飛小春天氣冷猶微傲霜我愛巖花豔帶月人隨山鳥歸菊酒言歡尋舊約桃源散步趁斜暉南薰泉畔飄然去贏得餘香尙滿衣

詠畫竹二首

前人

新竹三竿又兩竿墨花灑處陡生寒七賢六逸今何在好與此君結古歡  
千戶家封指渭川萬竿烟雨映淪漣生來便有凌霄勢穿破白雲綠滿天

### 續修東阿縣志

卷之一四 藝文下

### 四一

濟南芙蓉街午夜書店印

輓張勤果公曜四首

前人

天下安危係此身卅年戎馬淨無塵姓名合繪麒麟閣勳業何慚社稷臣百戰劬勞堪報國半生憔悴止爲民而今左相曾侯外又見中興第一人

高牙大纛本非榮但願含生各遂生圖繪流亡常滿目局開賑撫倍關情死猶弗惜錢何愛海不揚波河亦清爲頌禹功明德遠美哉萬里有長城

愛民共說視如傷愛士那知情更長廣廈千間寒可庇高風三握勢先忘浣花應許來嚴武彈鋏何妨客孟嘗悵望窮途一灑淚阮生猶自泣斜陽

蓋世勳名孰與儔生平壯志未全酬先憂後樂范文正盡瘁鞠躬漢武侯火熱水深皆已責山頽木壞使人愁褒功賴有天恩渥留得芳名萬古流

送陳農部宗媯赴長安詩六首并序

李步沆金鄉人

庚子秋七月拳匪釀亂京師陸沈以戕德使之故聲言屠城居民逃竄一空士大夫亦皆去國晝則鎗炮橫飛持械榕索夜則烽燧射目衆聲沸騰謠言百出



頃刻數驚變態靡常禍機莫測雖強毅有守者未免色然駭矣農部在松樹胡  
同原寓安處如恆昕夕過從談笑無異平日非志貞於素焉能如是其不去可  
及也其從容不可及也十一月初奉調赴陝置酒話別情動乎中不能自己飛  
毫端灑率成五律六章用誌患難同嬰之誼並祈攜示長安同鄉隨扈諸君子  
聊紓異地之塵係焉

妖氣迷四塞寇虜逼京華  
驚烽火轟天走礮車  
見危期授命報國久忘家  
雷雨棲真性蕭然靜不譁

慷慨談忠憤匡居抵掌時  
肝腸爭鐵石神色變旌旗  
有視生輸死無心險化夷  
達人安義命不為儒夫嗤

橫流能駐足故宅卜無遷  
京師既陷有勸公遷移避亂者公婉謝之撥悶醞三斗  
居人有得紹興酒者各以賤值購一巨罇互相贈酬消閒

史一編同看盟心甘淡泊  
鍾不可得自春稻米為食水鹹苦幾不可飲怡如也矢志本貞堅  
亂股時厭聽浮言輒從公問話風鶴正多

警前途穩着鞭

### 續修東阿縣志

卷之一四 藝文下

四二

濟南芙蓉街午夜書店印

早歲通朝籍公庚辰進士榜下簽分戶部清聲冠版曹辦公節省銀及外官冰炭敬一概不取度支新匱絀  
別倍賢勞碩


畫資樞府公赴陝係王中堂藥石奏調時艱重輓漕料應籌大局不貴察秋毫

旋騰催短晷冒冷賦長征豈不辭艱苦緣茲答聖明鬱紆穿疊嶂曠奧豁幽情  
驛路梅花發藏寒好締盟

百二秦關峙英靈氣獨鍾遙知心契在論沈君關秋農部歎訝足音登海國  
方滋蠢丸泥未可

封時謂西安天險可憑將來定在彼建都余決共必無此事與公之見相同鑿回春色轉首荷聖恩濃







續修東阿縣志卷之十五

祥異志

天文五行志言祥異者綦詳上之陰陽消長之機下之人事感召之理和致祥乖致異有固然也讀洪範庶徵之篇休徵則曰時若咎徵則曰恆若釋孔子春秋之旨日食星隕並書有麥無禾兼載天人之應詎不捷於影響耶前志述祥異事三百餘條起於漢高帝三年止於本朝道光八年凡夫日星雨雹山川草木饑穰災寢之所由靡不備載茲復採遺編搜往籍擇其關於阿邑而可徵實者九十餘條聊爲前志之續則凡可察天時占人事者胥視此矣志祥異

祥異

宋太祖乾德四年秋九月東阿須城縣蝗不爲災是歲諸路豐稔

宋仁宗皇祐元年春二月彗星出虛晨見東方西南指歷紫微至婁

神宗熙甯元年春三月詔河北轉運預計置賑濟飢民秋八月須城東阿二縣地震詔

續修東阿縣志

卷之一五 祥異

濟南芙蓉街午夜書店印

京東路存卹河北流民河北復大震

南宋高宗紹興八年秋七月彗出東方冬十一月太白與填星合於虛

紹興十年太白與填星合於危是歲金人叛盟

紹興十六年彗星見西南危宿與熒惑與太白合於氏

孝宗隆興六年春三月熒惑與太白合於危

光宗紹熙五年冬十二月太白與填星合於危

甯宗慶元五年冬十二月太白與填星合於危

理宗淳祐十年太白與歲星合於危

景定四年夏六月益都東平諸路蝗蒙古減今年田租

度宗咸淳元年益都東平旱蝗二年又蝗

三年以東平等路蠶災免民戶絲料是歲山東諸路蝗冬十二月蒙古以諸路大水免民田租



二十五年東平路須城東阿等六縣蝗  
元成宗貞元元年秋七月東平路大水

大德二年春二月歲星熒惑太白聚於危

五年冬十月有流星自北起沒於危宿

武宗至大元年春二月東平等處大飢遣山東宣慰王佐同廉訪司賑之夏五月東平  
東昌等處蝻

順帝至正五年春東平路東阿陽穀須城三縣飢賑之

七年春三月東阿陽穀平陰三縣地震河水動搖

十九年夏須城東阿陽穀三縣益都臨淄二縣濰膠博興三州縣皆蝗

二十一年夏五月東平路雨雹害稼

二十二年春二月彗星見於危夏四月長星見在虛危之間

二十五年夏五月須城東阿平陰三縣河決小流口達於清河

### 續修東阿縣志

卷之一五 祥異

一一

濟南芙蓉街午夜書店印

二十六年春二月黃河北徙自曹濮等州下及濟甯皆被其害

明宣宗宣德八年春山東旱遣使賑卹夏四月復賑山東饑免稅糧

九年秋七月遣官督捕山東蝗冬十月發臨清倉賑飢民孝宗弘治六年春二月擢江

浙布政使劉大夏爲右副都御史治張秋決河四月山東旱飢是年以水災免鹽課

成化四十七年旱

五十一年大風自申至亥乃止

五十三年大旱

五十四年大稔

莊烈帝崇禎十五年山東賊陷張秋

清世祖順治七年河決荊隆口潰張秋堤入大清河漂溺東兗濟三年屬沿河州縣

聖祖康熙三年六月兗州府大旱飛蝗蔽天墜地如蟻螂冬十月彗星見

四年夏四月濟南兗州東昌青州四府大旱飢



十六年合譽星見又卿雲見

五十一年濟南六府各進雙穗嘉禾

世宗雍正元年秋七月壽張等縣大水截留漕糧備賑

五年秋七月太白經天

六十年春正月朔日食望月食詔以天象示儆亟思修省所有慶典毋庸舉行

仁宗嘉慶四年夏四月朔日月合璧五星聯珠

八年秋九月東阿衡家樓河溢由大名入山東境荷澤等九州縣水截漕賑之

宣宗道光二十三年夏四月彗星見

二十六年東平東阿大水賑貧民一月口糧

三十年正月朔日有食之

文宗咸豐五年饑夏六月河南銅瓦廂黃河溢由東明直注荷澤分流至張秋鎮穿運歸大清河入海山東各州縣多被水秋七月截留漕糧五萬石備賑

### 續修東阿縣志

卷之一五 祥異

三

濟南芙蓉街午夜書店印

九年東阿東平等縣被水賑濟災民二次

穆宗同治二年大飢人相食

八年冬十二月以今歲雨澤愆期月食再見直隸山東等處歉收詔加修省

十一年冬十二月乙未日重輪抱珥五色翌日如之

十三年五月彗星見

德宗光緒四年秋八月濮州范縣壽張東阿等縣水分別

七年夏五月彗星見

十二年夏五月未雲而雷自西北走東南聲聞千里

十三年夏六月直隸開州河溢濮范壽等七縣被水截漕賑濟秋八月河南鄭州河決山東黃河斷流

十四年十二月鄭工合龍黃河入山東境仍由大清河入海

十五年春饑人相食



二十四年春正月朔日有食之夏六月大堤決於香山王家廟子

二十六年庚子秋七月太白經天

二十九年六月大雨山河皆溢東平東阿皆被水患

三十二年夏四月大風雨雹大如瓜南鄉麥無穫樹皮打脫人多凍死

三十四年冬十一月頒登極詔以明年爲宣統元年攝政王監國預備立憲

宣統元年彗星二俱見於西南方夏蟲食禾稼

三年六月朔日色如血照地無光秋七月太白經天八月武昌起義冬十二月  
今上皇帝遜位下詔共和



續修東阿縣志卷之十六

雜記

雜記者無體例之可合無義類之可並者也或其事瑣屑而足示勸懲或其事俶詭而可爲警戒則以之信今而傳後亦儒者所樂道矣前志列雜記一門無譎異之談鮮附會之事獨於釋道之流方伎之輩不足以當人物之選而附載於此誠以玄虛寂滅逞能鬪巧之技不足以標正軌也此次續修異聞瑣事寥寥不多見僅以若干首備茲一格若方伎列於叢談以前仍前志例也續雜記

方伎

李守業字世昌由庠生捐例貢豆山莊人性好醫術得異人祕授精痘疹科患者求治着手奏效一日偶遇小兒年方七歲守業謂其父曰此兒毒深不預治難療兒父求治開方購藥十數斤鍋煮去滓濾汁貯缸中置兒子內上覆被外煨火令兒飢食渴飲三日夜藥透毒解痘出大如榴子月餘始痊咸服其神類如此者不勝枚舉至今人猶稱

續修東阿縣志

卷之十六 雜記

述不置

秦國治邑庠生銅城人精通醫學尤善手法擇義(即接骨法)唯事救濟而不以術行著有瘡藥方本教授門徒非品行心術端方正直者不取得其傳者有秦兆燧周茂桐周慶南遇有跌撲傷損一經著手無不立痊皆抱救世主意從不藉茲謀利近百年來銅城附近無因傷殘廢之人皆國治手澤所遺迄今傳頌不置

高德安字靜齋高家莊人幼嗜讀及長專於醫針灸奇門之術靡不精通平生正直不賣藥不愛財膏丹茶飯盡行施捨行之五十餘年慈善之心未嘗稍衰無論貧富有求必應馳名聊陽阿在之間人以法妙如神稱之洵無愧也

宋希堯字景唐鄉飲大賓世居南市村後行醫東關遂家焉賦性溫厚居心慈祥生平無疾言遽色精岐黃家計因而殷實姪孫輩多貧困無以度日希堯皆爲置田產經紀其家又鄰里有當伊田園者輒憐其窘催令回贖人以無錢辭則使之零星償直不許家人催討其恤孤憐貧輕財好施多類此年七十五歲而卒



王道南字鳳揚奎文閣典籍家非豐裕而心存慈祥業岐黃而尤精外科無論貧富親疏有求必應雖吮疽有所不辭不惟樂爲於生前尤願不替於身後臨終遺囑長子保箱敬承父志非好善樂施婆心一片者能如是乎鄉人德之爰議鄉誄曰惠廉先生張岱陽字宗五城北耿家集人光緒乙亥恩貢精岐黃術求醫藥者著手成春其妻雷氏出自名門篤信好學涉獵羣書于癩疹諸科尤精岱陽之岐黃事業深得內助之力劉鳳城字雲甫幼業儒長精岐黃術病脈證治一見即毫髮不爽四方人士賴以全活者甚衆邑令周衍恩目爲脈理上選胡建樞賞其用方之奇驗侯診視者日不暇給而絕不牟利殆良醫也

于家樸字實甫德藩公之孫也家道素寒事親至孝性恬淡不喜仕進志存濟世遂致力岐黃深得醫術之奧不務名利酬者却之尤好公益見義勇爲一方皆感德焉候選州同加五品銜

張永立張家莊人性純孝好施予少習醫術精於針砭有轉死回生之力遐邇戴德咸

## 續修東阿縣志

卷之一六 雜記

二

濟南芙蓉街午夜書店印

稱頌之

叢談

趙得和明洪武二十五年自青州府樂安縣遷於東阿城西北二十五里許相其形勢廣闊築室於茲歷數十年而家儲萬石號稱巨富適直正統八年荒歉頗仍出豆穀七千五百石交縣官賑濟一州五縣貧民有司以聞勅旌義民後復輸白麻二千石以供上用勅封戶部員外郎奉旨建廣糧門一座賜御製旌言勅石永示褒獎

聖旨勅山東兗州府東阿縣趙得和國家施仁養民爲先爾能出豆穀七千五百石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜派差役四年尙允蹈忠厚表勵鄉俗用副朝廷褒嘉之意欽哉故勅

于子臥病兩月五火內燔腎腸焦灼呻吟宛轉不知夜旦禱祠醫藥雜然並陳而不能起也如夢如寤若有所遭幅巾方袍匪仙匪釋自稱無念道人呼予而箴之曰子奚不悟乎子之病非禱祠之所能謝非禱祠之所能瘞在子所念爾子之病非飲食之所能



傷陰陽之所能我得之性情不調而念滋紛也內之喜怒失時外之愛憎爲累也欲發而制於理欲忘而牽於念故子之心搖搖焉如懸旌炎炎焉如沸鼎君火一作而五臟若焚矣子不亟自治者將索子於池魚之腹不亦憐哉子誠欲已子之病則曷調其性情寡其思慮盍然游於六氣之和陶然適於無町之宇幾可生乎如是纒纒可數百言凡十許日夜寐則與語于子冷然霍有悟也病起而載諸牘

道人曰子之性與人異大事看得明小事看不明大事丟得下小事丟不下大事擔得起小事擔不起大事放得過小事放不過何其舛也夫天下之大事常少而小事常多則子之縈繫者必多而脫洒者必少矣不病何爲

道人曰人之畏子以子慮之深澹然而應之則無畏矣人之怨子以子責之厚倘然而與之則遠怨矣人之狎子以子發之輕凝然而守之則無敢狎矣人之瀆子以子許之易確然而持之則無敢瀆矣

道人曰子之所欲於人微示之而使其自悟也不能悟而子愠愠而其人不知也子病

### 續修東阿縣志

卷之一六 雜記

三

濟南芙蓉街午夜書店印

矣子有所怒於人微風之而欲其自悔也不能悔而子愠愠而其人不知也子病矣彼人方且晏然甘寢而子憮然自廢豈不左哉

道人曰夫怨人而使人知之也則彼必備矣怨人而使人無知也則彼何傷矣彰怨者多防匿怨者自戕莫如不怨道人曰夫德易忘而怨難銷也肉骨之恩崇朝反目睚眦之恨終身刻肌故君子重樹怨

道人曰人之於子也一綫之情如拔子之於人也萬斛之力如傾斯不誠厚道乎哉然以之損名以之傷身無乃過矣

道人曰凡吾有患爲吾有身孰有之哉及無吾身吾無有患孰無之哉夫身無之者有之也

道人曰夫賢爲愚使而愚者不覺也乃使賢者傷焉貴而賤役而賤者不覺也乃使貴者傷焉故賢母爲愚使貴母爲賤役幾無事矣

道人曰閑事莫管閑氣莫生閑話莫說閑書莫讀



道人曰視親如疎則親可常保也視急如緩則急可屢謀也

道人曰人有德於子願子毋忘之也人有怨於子願子忘之也子有德於人願子忘之也子有怨於人願子毋忘之也

道人曰於人無所甚親故不可得而疎無所甚疎故不可得而親斯世之軌也

道人曰夫制念莫如止止念莫如忘忘念之念念也忘念之念念也莫如忘忘故佛經以無念爲正受

道人曰夫望而許者不足以爲德逆而距者適足以爲怨故求而審之可許而許之許之德也求而審之可距而距之無怨也其恕乎

道人曰凡人無故而合者必無故而離合而知其必離也有爲而來者必有爲而去來而知其必去也

道人曰爾能居室如寄使僕如假起處如在塗飲食如受乞即無病矣

道人曰夫擬之而後言則寡尤也議之而後行則寡悔也擬議本於存心心存則不妄

### 續修東阿縣志

卷之一六 雜記

四

濟南芙蓉街午夜書店印

故慎字從心從真 摘筆塵

右夢語一則于文定公之寓言也與道人設爲問答要皆因文見道之言公之一生存心養性求歉戒欺之旨胥見乎此雖古儒先格言語錄不是過也亟登之以餉來者勿以游戲文觀之則幸甚

嘗聞里中長老傳數十年前里俗以鼈爲裙着長衣下令其蓬蓬張起以爲美觀即無鼈裙至係竹圈襯之殊爲可笑及讀王莽傳莽好以鼈毛裝楮衣中令其張起乃知古亦有之隆慶初年見朝鮮入貢使者自帶以下擁腫如甕蒲伏而行想亦有鼈衣在下比數年來直窄衣下短如中國服不張起矣 摘筆塵

師尙書達年十餘歲時嘗五更起詣學舍過溪溪上有人爲二鬼所持將入水二鬼見公來詫曰師尙書至矣忽投水去其人得免

蔡億舊城莊人生於明季剛直不避權貴雖不學而識略超衆且有千鈞膂力時流匪挨家屠掠聞億名滅迹遠遁罔莊賴以安輯莊內有玄帝閣石階過峻神像石成重約



千餘觔莊衆多人舁弗能上僂挾而登階走若飛後鄉人爲之肖像祀於玄帝側  
苦陰五里焦家村有孫氏者名可教幼遇一黃冠鬚眉不異人而胸懷奇異變化多端  
授可教以符呪可教得之能穿壁而過透窗而出雜衆人中而人莫見其形行赤日中  
而人不覩其影一時士大夫爭交接之皆呼爲孫仙人

順治十三年隨地出天花羊肚蘑菇此物北方從古未見而天花有一本十斤者李濠  
曰今而知其氣之復而物之先見也天道之復動而難止自是而產英俊彥真儒名卿  
蓋有望焉嘗得字說而通之一之變也豎之而爲一左之而爲一右之而爲一之類  
至於一而窮人之變也左之而爲一右之而爲一折之而爲一再折之而爲一丁人之類  
至於一而窮夫物至窮則無可進步矣在象爲玄曾在勢爲衰止君子不樂居也君子  
之心莫危於大而莫樂於復吾里今日正處爲一爲一之數也則其進豈有艾焉苦辛志

子路讀書閣北麓有三尺花石紋類竹形邑庠生劉會英爲之記

按魏土地志云穀城產文石今考產於城北黃山者黃地黑紋酷肖樹形或成株或成

### 續修東阿縣志

卷之一六 雜記

五

濟南芙蓉街午夜書店印

行有幹無葉天然生成畫工不如可作照碑以供賞玩見者莫不稱奇產於城南鐮山  
冠山等處者紋類竹葉其色或黃或紫或白或黑短長錯雜五色圈環有葉無枝備極  
天然之妙土人取之琢爲棹橙几案等器華美玩好賞心悅目亦奇產也

永濟橋居兩城之間其先疊石爲柱架板爲梁夏秋大雨山水暴發往往傾圮不便萬  
曆甲寅李公時馥來尹茲邑見橋梁損壞欲成一時之功興萬年之利詣商文定公子  
于緯共成此舉于是捐巨資購美料招集民夫約三空爲一五越月而功成南北望之  
陡如峭壁橫如臥虹堅牢坦平行人稱慶誠盛舉也不料數年後橋脊東偏大石垂下  
兩方墜懸三四寸見者驚心聞者束手共嘆莫可奈何乃於道光二十五年八月未見  
整理石忽平復確有灰跡新痕人皆驚異嘖嘖傳聞以爲魯班有靈百工因勒石爲記  
嗚呼言雖無稽而事已奇矣

竹夫人者孤竹君之苗裔也自夷齊首陽高饑國人立其中子爲孤竹後累數葉有傍  
支孫善擊刺以武功封千戶侯侯子姓蕃衍有居會稽者有居涓川者淇澳者惟居涓



川者世襲侯封無或替夫人侯所出也幼聰慧秀外慧中雖巾幗有丈夫風嘗從侯游  
湘沅間聞湘妃善鼓瑟悅之自是每出入必以瑟隨有莫不靜好之致長適涼州刺史  
麾下消暑灣主人子虛先生先生善學柳下惠者也夫人亦廉靜寡慾相與安之雖伉  
儷甚篤終無他意夫人素甘澹泊卸鉛華不御性未嘗不委婉而肌膚常若冰雪時當  
盛暑酒後耳熱歌呼嗚嗚汗方淋漓下然試臥夫人側覺清風習習生兩腋間不啻搖  
六角扇飲七椀冰也世以此羣推爲涼國夫人其素所樹立使然也心尤空洞若無物  
有婢樵青煎茶嘗汚之不怒也桃根桃葉抱衾綯而薦枕席者夫人皆容納之無纖毫  
妬嫉念然坐是亦稍見疏矣秋節至而恩情絕班婕妤好所以抱團扇之恨也夫人當之  
則無怨言無愠色愈時雖復見用而落落者終不改此度世以此益重之夫人少遇異  
人飲以上池之水因得辟穀術不食人間烟火故雖年老色衰常綽約若處子云夫人  
兄弟行皆荀班有習禪寂者別號玉版禪師有子居管城與毛穎善善書畫以此遊公  
卿間無虛日有孫曰龍騰達直上其亮節高風殆將與侯爭烈矣

續修東阿縣志

卷之一六 雜記

六

濟南芙蓉街午夜書店印

異史氏曰夫人同時有梅花公主者下嫁孤山林處士爲妻有子曰鶴常依膝下公主  
性能耐寒與冬宜夫人性能生寒與夏宜二女雖不同居而志頗相得高季迪詩雪滿  
山中高士臥月明林下美人來爲公主詠也杜少陵詩天寒翠袖薄日暮倚修竹爲夫  
人詠也後惟七松處士嘗往來於兩家稱莫逆云 王善譯著

有人焉何鄉何里何姓氏俱不誌可誌者其貌目深而眉長粗如豕鬣鼻則鷹而斜於  
左啄則鵝而偏於右其唇得不角不牙之氣如兩山之川然其耳則一低一昂一鉅一  
細面色如數十年居爨下者家號素豐成童時父母以室授花燭之夜妻窺之走而避  
以故數十日無居室之歡而彼不知其由揚揚自若也鮮其衣美其冠慶弔往來躬親  
而不辭足至之所環而視而如堵五尺之童不敢正視窺之則惴惴有懼色而彼仍揚  
揚自若也一旦欲遠遊以水潔其面取衣尤鮮冠之尤美者服之呼僕執綏馳騁於通  
都大邑間忽見光明四映塵埃如洗問其僕此何所也僕對日照像館也下車欣然就  
之驚而走且號曰吾見鬼物矣僕攬其袂曰無之俟其氣稍平復邀而視之乃已之形



也於是赧然若自以爲不成人者誓歸家杜門不出觀若人之慚有易以子都之姣者其不遠秦楚之路可知矣人之號爲學士者一日之間口過身過與心過千態萬狀擢髮難數一若人之形也縱情任意苦於不自知一若人之揚揚也苟自知其過則悄然如不終日一若人之慚誓不出門之心也然則有過而不改者不知耳知之而不真耳身之難檢也果何以知之有日記焉凡所謂口過身過心過者一一書之隨時自惕即照像館也學者有照像館吾善其改過不吝志在古人也因爲之記云 關殿芝著

舊城莊西有關帝廟相傳明初河決城沒三皇廟西數百武有杞生焉雜以叢草牧豎刈之隔宿生如故羣以爲下有重寶掘地視之無他物惟杞根盤結其中出而審睇直其首兩臂岳峙坦腹盜背下體勢若跨虎儼然一關帝肖像也里之人聚而參觀僉曰是雖木偶然不假雕刻具有英雄象此天生神物也蓋廟祀之是後里人禱雨輒霑甘露光緒三年里人邑增生殷允符撰靈蹟碑文以誌其異

邑城隍廟祝郭萬澂於光緒某年三月十八夜半聞啓戶聲披衣視之闔不見人駭異

### 續修東阿縣志

卷之一六 雜記

七

濟南芙蓉街午夜書店印

者久之越七日適有商河廩生李璧投刺當言伊父李鳳輝生前舉人仕金鄉教諭在任無疾而終於本月十九曉起視案上一柬上書李鳳輝於是夜子刻接東阿城隍象特來省視廟祝爲之豁然璧日在神側朝夕灌奠半月回籍旋又赴濰縣購辦神之冠履袍帶費錢三百餘緡躬送東阿依依數日始去

城東陶家峪莊有一孤子姓滕名八兩幼失怙恃又乏宗族且無立錫地陶永傑之妻周氏佛心人也憐而收養之無何八兩死又爲買棺以葬厥後周氏夢寐中見八兩立面前問日子非八兩耶曰是日子死矣胡爲乎來曰我受老人恩厚恨無以報言次貌戰慄若惡寒狀周曰爾可向南廐就煖八兩乃去周亦醒心異之黎明起南廐工人報牛生犢周心知其八兩也因呼犢曰八兩未幾而犢矣力負千鈞而性極馴十餘年耕地駕車不准工人施鞭策牛死周命埋之工人曰主何愛一牛不令奴食半斤肉耶周曰半斤肉即八兩肉也安忍食之竟施幃蓋之恩茲事雖荒唐然於修報之理有合故誌之爲疾視斯民之死而不救者勸